

15T
14260


INVENTARIO N. _____




10

Figure 1. The effect of the concentration of the inhibitor on the rate of polymerization of α -methylstyrene in the presence of SnCl_4 at 25°C .

Copyright Clearance Center





SCIPIONIS
GENTILIS

IVRISCOS.

DE

Coniurationibus

Libri Duo.

Ad Christianis.

HENRICVM IIII

Francorum Regem.

Cum INDICE locupletissimo.



HANOVIAE,


Typis Wechelianis, apud Claudium

Marnium, & hæredes Joan. Aubrii.

M. DCII.

2

CHRISTIANISSIMO
HENRICO III.
FRANCORVM ET
NAVARRÆ REGI.

 T voluntate mea, REX, & præstantium hominum, Maiestati tuæ deditissimorum, cōsilio adductus, librum hūc meum de Coniurationibus, tuo inscriptum nomini, ad te mitto. Argumentum ipsum palam vocabat ad Reges: nominatim ad te Regem, non solum maximum, sed virtute & rebus gestis omnium clarissimum. Hæc, non alia, ratio instituti mei fuit. Nec veritus sum, si hunc librum tibi dicarem, ne vel scholastici hominis atque ignoti despiceres literariū munus, vel tractatione offendereris eius rei, quæ vna timenda summæ fortunæ. Nā illud non est clementiæ tuæ, qua nulla in te virtus admirabilior est aut gratior, neque hoc roboris & fortitudinis, qua vincis omnes. Deorum immortalium simillimi essent Principes, si nullis eiusmodi, aut non maioribus, quam priuati, curis occupationibusque attinerentur: vt sapiēti illi Liuiæ

suæ Augustus dicebat, Cinnæ appetitus
insidiis. Commode se hic atque ultro ob-
tulit, de eloquenti, Augusti mentio. Neq;
enim vel maior quisquam princeps ab ho-
minibus natis, imperiisque conditis fuit:
nec cum quo dignius comparari in Repu-
blica cōstituenda possis; sic, inquam, com-
parari, ut ubique tamen clementia tua e-
mineat, aut fortitudo. Adolescētiā eius
statim excepere bella ciuilia populi Rom.
Tu in castris ciuilibus natus atque educa-
tus es: nec ullum vnquam tempus à belli-
cis cogitationibus & laboribus vacuum
tibi fuit, etiam puero. Illum paternę legio-
nes contra audaciam, & furorem M. An-
tonii protexerunt. Te contra innumera-
biles Antonios virtus tua inuictum præsti-
tit, & bonorū summa cōsensio: commen-
datusque ad homines non magis gloria
rerum gestarum eras, quam magnitudine
periculorum. Sæpe ille victor, & maximis
præliis fuit: quis negat? sed victor tantum:
quod est felicitatis. Prælio Mutinensi, pri-
mo fugit, altero castra seruauit; Philippē-
si, castris amicorum monitu egressus, loco
à Bruto pulsus est; Siculo maritimo nec a-
ciem ipsam rectis oculis aspicere hostium
ausus

ausus, coelum suspiciens iacuit in naui. Tu
in agmine, in acie semper, optimi impera-
toris pariter, ac strenui militis munia exse-
cutus es: clarissimasque victorias tuas non
copiarum numerus, vel hostilium, vel tua-
rum, sed rei militaris scientia, atque animi
tui magnitudo fecit. Intactum utrique à
vulneribus, inter tot domi forisque peri-
cula, corpus: sed ille ne vulnerari posset,
cavit: tu factis, & manu meruisti. Vna in re
nollem comparari possetis. Verumtamen
vterque, & Augustus patris Dictatoris, &
tu propinqui Regis ad imperium venistis,
gravi casu. Et manum quidem salutarem
Reipublice vterque adtulistis, eamque la-
bentem, tu quidem fere collapsam (Gallia,
te appello) in sua sede iterum collocauistis,
pace fouistis, legibus recreastis, atq; orna-
stis. Sed in his rebus efficiendis, quanta,
Deus bone, inter te, illumque dissimilitu-
do! Nullius tibi ciuis sanguis, nisi in acie,
fusus. At ille quã crudelis in victoria! Neq;
nunc proscriptionem imputo; qua nihil
vnquam in vlla barbaria crudelius est ad-
missum: fuerit sane illa Antonii solius, fue-
rit Lepidi, fuerit temporum. Tam multos,
tam egregios ciues, bello victos ac suppli-

ces, seque partim excusantes, partim misericordiā eius implorantes, quibus verbis, imo quo verbo omnes repulit? Moriendū est, inquit. Vt factis, sic dictis tuis debetur æternitas. Quæ enim tam muta, tā ingrata posteritas metuenda est, quæ etiam dicta responsaque tua, cum in omni genere argutissima & sapiētissima, tum in hoc misericordiæ, & pietatis præclarissima, non cōmemoret, ac dignis laudibus prosequatur? Vere igitur tu parens, tu imperii Gallici nouus creator dicēris, aliquanto etiam iustius, quam vel idem ille Augustus Romani, vel Camillus. Vnicum modo votū Gallis tuis superest, vt hæc dona propria sint, saltem vt quam maxime diuturna. Ac prope est, vt se nūc eius voti compotes factos sentiant, felicissimo DELPHINI tui exitu, publico Christiani orbis gaudio, publica que spe summum ad fastigium geniti. Vel hac sola re, vt cæteræ pares essent, decantatam illam, ac prouerbiis etiam & adclamationib. populi Romani nobilem Augusti felicitatem omnē superauiſti. Ille enim inimici sui filio herede decessit; tu filio tuo, iam nunc ad inimicorum tuorum terrorem crescenti, Galliarum omne regnum,

gnum, florentissimasque opes (utinam ferro! etenim communis salutis, atque adeo totius Europæ quietis interest) quandoque relinques, ac trades. Vince, & vale, fortissime Principum. Altorphii, in prouincia Norici. Kal. Martiis 1602.

MAIEST. TUA

deuotissimus

SCIPIO GENTILIS.

X

4

ORATIO, SIVE PRECES,
QVAS IMP. CONSTANTINVS
AVG. milites suos docebat Roma-
na lingua.

Ex Eusebio lib. II. Vita eius.

Σ Ε' μόνον οἶδα μὲν θεόν, σὲ βασιλέα γνω-
ρίζομαι, σὲ βοηθὸν αἰσυχάλουμεθα,
πῶς δ' αὖ σὺ τὰς νίκας ἡγάμεθα, ὅθεν σὺ κρείττους
τῶν ἐχθρῶν κατέστημεν, τοιῦτ' ἔτι ὑποαρξαι-
των ἀγαθῶν χάριν γνωρίζομαι, σὲ καὶ τὴ μελ-
λόντων ἐλπίζομαι, σὺ πρῶτος ἰκέται γνόμε-
θα, τὸν ἡμέτερον βασιλέα Κωνσταντῖνον, παῖ-
δάς τε αὐτοῦ θεοφιεῖς, ὅτι μήκιστον ἡμῶν βίον
σῶον καὶ νικητικὴν φυλάττεας πόλινιώμεθα.

PSAL-

PSALMI XXVII.

PARAPHRASIS,

Scripta à Scip. Gentili.

NOx licet horrifico circum se velet amictu,
 Atque die medio nimborum palla serenum
 Subtrahat atra polum: tenebris mihi lumen in altis
 Omnipotens praeit ipse pater, cunctisque periculis
 Offert se comitem, nostra custodia vitae.
 Quem nā igitur demens paucā? aut cur degener ultra
 Terror, & infirmam quatiant fera praelia mentem?
 Cum caput insidiis, & opertis impia bellis
 Turba meum peteret coniurataeque cohortes
 Undique contraheret, deuotaque pectora letho;
 Concidit, atque suis deprensa in cassibus haesit.
 Huc adeant, & castra locent, fulgentia signis,
 Meque unum properent ingenti claudere vallo,
 Excussaue micent tormentis omnibus hastae:
 Impavidus contra stabo, vultusque feroces
 Adspiciam, & solido florentes are cateruas.
 Tanta fides cœli est. neque enim me lucidus ensis
 Hac audere meus, non lethifer impulit arcus.
 Unum semper ego optavi precibusque petini,
 Vnum opto, liceat templi mihi limine sancto
 Versari, liceat, vita dum perfruor aura,
 Purpureos agitare dies, ubi numine praesens
 Ipse suo, ardentique implet Deus omnia luce,
 Hic ego perpetuo, curâ semota, metumque,
 Otia latus agam: hic patris armipotentis amicum
 Suspiciam, decus, & cœli super ardua tollam.
 Hic mihi parta salus. armis cum facta procella
 Ingruet, intendentque atro se turbine nubes;

Non ego vel siluas, vel densis obsita dumis
Antra petam, nec me latebroſi in formice ſaxi
Includam, ſummiue erepam in montis acumen.
Ara Dei latebrasque mihi præſtabit, & arcem.
Iamque adeò, iam pulchra Dei mihi templa canent;
Cor micat, & diras innuat, inſultare phalanges,
Inſeſta circum qua me cinxere corona.
Iam niueis inuectus equis, & curribus aureis,
Armorum domino, lati pro luce triumphi,
Victor agam meritas æterno carmine grates:
Tympanaque raucisque frement, cum cornibus ara,
Magnificòque ſolum lauet hoſtia multa cruore.
Tu modo ſancte parens ne differ, nèue ſuperbo
Hoſte premente meas durus contemne querelas:
Sed miſerere, precor, ſed vocem ſupplicis audi.
Si mens agra tui ſolo tabeſcit amore
Luminis, ex imo ſi te mandante profundo,
Ad tua, noſtra ſalus, feſſi procurrimus ora:
Si tua inſſa ſequor, vultus pater optime redde,
Redde tuum mihi dulce inbar; neu deſpice, qui ſo
Ipſe tibi famulum vonit, propriumque dicauit.
Tu rebus ſpes una meis, caſusque per omnes
Præſidium tu ſemper eras. ne deſere, quaſo,
Nunc inopem, ne me irato pater abijce vultu.
Quid loquor? inſeſtus quamuis me ſancibus hoſtia
Urgeat, & dulci genitor cum matre relinquat,
At pelagi terraq; opifex, rectorque liquentis
Ætheris, excipiet, gremioque fovebit amico.
Adſpiciat, frendatque furor, dum maxima ab ipſo
Ore Dei præcepta bibo, dum te duce ſanctas
Carpo vias, vacuasque dolis & ſentibus hirtis.
Undique perfidia telis premor, undique ſictis
Criminibus pugnax, & felle excocta peruſto

Lingua

Lingua mea furit exitio, cadémquæ minatur.
Tu mihi perfidiam, tu sanas disijce fraudes:
Nec permitte feri vitam me ducere nutu
Hostis, & ingenijs pœnarum horrescere diris.
Sape metu, atque oneri potui succumbere tanto;
Auxilij nisi certa tui fiducia mentem
Erigat, adfulgénsque boni color aureus aui
Dulcia compositis promittat gaudia bellis.
Ergo age. sustentâque animum, rebûsque secundis
Te serua: veniet, veniet Deus, & feret alto
Acer opem; horrorémque tuis, irámque fugámque
Hostibus immittet. validis tu viribus ausus,
Præmia felici capies florentia vita.

EPOS CVNRADI RIT-
TERSHVSII IN COLLEGÆ ET
Comp.sui coniunctis. SCIPIONIS
GENTILIS IC. libros de
Coniurationibus.

NIL adeo sanctum est, quod opum furiosa cupida
Insinuans se animis nō conspurcare sit ausa.
Rebus in humanis nil tam inuiolabile, sacrum
Sanctūmq; est usquam, quod non temerare cupirit
Ambitio, subtile malum, occultissima pestis,
Secretum virus, genitrix liuoris amari,
Mater hypocriseos, vitis omnis fons & origo,
Consultrixque doli, rectorum tinea morum,
Excacans oculos animi: medicina cui ipsa
Languorem generat, dant pharmaca semina morbis.

Splendida maiestas soliorum, qua nihil orbe
In toto augustum magis exstat, nonne vides ut
Crebrò sollicitata, enersaque pestibus istis
Strata solo iacuit? dum coniuratio scaua
Regibus imminuit, telo ingulūmq; petiuit,
Crudelēsque sacro incestauit sanguine dextras.
At mihi quis finem spectet, quem fecerit vsque
Coniurata cohors, num felix extitit ille?
Haud finit hoc, regum qui sceptrā verenda sacrauit,
Et vetuit violare, sacro quos vnguine tinxit,
ReCTORēsque dedit populis solioque locauit.
Nonne Deus regum violatorum extitit ultor?
Non coniuratos viuos ad tartara trusit?

Exemplis pleni annales, sacrique profanique
Et quævis etas. Nostrā hānc quoq; si quæ futura est,
Posteritas olim non audiet absque stupore,

Non

*Non leget, atatem, tam monstrorum usque feracem.
Tot sicas regum cervicibus intentatas
Audiat absque horrore aliquis? nec ut inde pauorem
Visceribus tremulum penitus trahat, atque medullis?
Nemo adeo lapis est, duroue ex robore factus,
Cui non percellant tam facta nefantia pectus.*

*Hac meus illustri tractata volumine, luci
SCIPIO dum donat, sacratorum inclyta regum
Sceptra facit debere sibi, dum regia iura
Afferit, Et nullo solum violabile pacto:
SCIPIO, cuius amor tantus mihi pectore feruet,
Occulto iuuenis quantum astuat igne puella.*

Altorfii v. Martii. M.DCII.

N O B I L I S S I M O, A T Q V E
CLARISSIMO VIRO D. SCIPIONI
GENTILI IC. eximio: amico
meo, & collegæ charissi-
mo S. D.

SI iurata fides constanti fœdera nexu
Firmat: quis magna ad rerum molimina reges
Coniurare vetet? Quæ tanta potentia tantam
Quæ vim subuertat? firmo sine fœdere quisnam
Hoc regum possit? Num hæc coniuratio non est?
Quæ coniuratos iurato robore vincit.
Hæc præclara boni est species. Constantia quid sit:
Et quid sit Lenitas, quis nesciat? illæne virtus
Est ob id: hæc quod sit vitium? Fœdusne, fidesue
In vitio est? Fœdus vitiat mala causa, fidemquæ.
In Christum fatui temerè, Christique fideles
Conspirant populi ac proceres: quos vindicæ dextrâ,
Ferreæ virgæ Deû truculento conteret ictu.
At quæ causa mala est? anceps quo iudice tandem
Res decernetur? merito quæ pœna manebit
Supplicio victos, aut quæ virtute vel astu
Coniuratorum quis vim fraudesue retundet?
Aut docta occultas quam solertia mentis
Insidias reteget? sileam modo cetera quæ nec
Mens nobis ignara doli: nec lingua, manûsue
Suggerat, aut facili possit describere versu.
Hoc tibi tractandum clarissime Scipio soli
Conueniebat opus: quo non vel acutior ullus
Ingenio viguit, linguæue disertior alter.
Qui tantum reliquos caput exeris ante pœtâs:
Quantum inter salices effertur quercus, & alnos.

NICOLAUS TAVRELLVS Physices,
& Medicinæ professor.

IN

In Tractatum
SCIPIONIS GENTILIS
IC. CLARISSIMI, & ANTECES-
soris primarii in Acad.
Norica.

NON ego iam ulterius rebar pomœria IURIS
Extendi ullius posse operâ artificis:
*At quanto contracta magis spacia ante videntur,
Ingenuo tantum jam arte patente tuo,*
SCIPIO, qui cauisse reo, secuisse ne lites
Vix dignum Consô duxeris officium,
Publica consilijs ni porro commoda firmet,
Pendeat à quo vno cuncta ubique salus.
Hinc occulta quod Imperijs consponsio pestis
furata, haud raro parturit exitium;
Injcis huc Legum frenos, vinculisque coërces
Juris, ne serpat libera grande malum.
Matte hoc in Themis officio! quo maxima maior
Nunc eius facies & veneranda mage est.

Michael Virdungus.

LIBRORVM DE CONIV-
RATIONIBVS ARGVMENTA.

Libro Primo continetur:

SCIPIONIS GENTILIS Commentarius ad
leg. Quisquis. C. ad leg. Iuliam Maiestatis.

Libro Secundo, infra scripta:

LIVIAE AVGVSTI Oratio, ex Dione.

VOLCATII GALLICANI Cassius.

IOH. CHRYSOSTOMI Concio in Eutropium.

NIC. MACCHIAVELLI Disputatio, ad Liuium.

SCIP. AMMIRATI Disputatio, ad Tacitum.

ANT. CONTII Index Coniurationum.

SCIP. GENTILIS

ORATIO pro C. Caesare.

ORATIO De maledictis in Principem.

NOTÆ ad priora scripta.

Impp.

i

Impp. A R C A D I V S
& H O N O R I V S
Augusti

E V T Y C H I A N O P R A E F E -
C T O P R A E T .

I. QVISQVIS CVM MILITIBVS, VEL
PRIVATIS, VEL BARBARIS SCELE-
STAM INIERIT FACTIONEM, AVT FA-
CTIONIS IPSIVS SVSCEPERIT SACRA-
MENTVM, VEL DEDERIT,

II. DE NECE ETIAM VIRORVM
ILLVSTRIVM, QVI CONSILIIS, ET CON-
SISTORIO NOSTRO INTERSVNT, SE-
NATORVM ETIAM (NAM ET IPSI
PARS CORPORIS NOSTRI SVNT) VEL
CVIVSLIBET POSTREMO, QVI NOBIS
MILITAT, COGITAVERIT: (EADEM E-
NIM SEVERITATE VOLVNTATEM SCE-
LERIS, QVA EFFECTVM PVNIRI IV-
RA VOLVERVNT) IPSE QVIDEM, VT-
POTE MAIESTATIS REVS, GLADIO FE-
RIATVR, BONIS EIVS OMNIBVS FISCO
NOSTRO ADDICTIS.

A

L. Quisquis

III. FILII VERO EIVS, QUIBUS VITAM IMPERATORIA SPECIALITER LENITATE CONCEDIMVS (PATERNO ENIM DEBERENT PERIRE SUPPLICIO, IN QUIBUS PATERNI, HOC EST, HEREDITARII CRIMINIS EXEMPLA METVNTVR) A MATERNA VEL AVITA, OMNIUM ETIAM PROXIMORVM HEREDITATE AC SVCCESIONE HABEANTVR ALIENI, TESTAMENTIS EXTRA-NEORVM NIHIL CAPIANT: SINT PERPETVO EGENTES ET PAUPERES: INFAMIA EOS PATERNA SEMPER COMITE-
TVR: AD NVLLOS PRORSVS HONORES, AD NVLLA SACRAMENTA PERVENIANT: SINT POSTREMO TALES, VT HIS PERPETVA EGESTATE SORDENTIBVS, SIT ET MORS SOLATIVM, ET VITA SUPPLICIVM.

IIII. DENIQUE IVBEMVS ETIAM EOS NOTABILES ESSE SINE VENIA, QUI PRO TALIBVS VNQVAM APVD NOS INTERVENIRE TENTAVERINT.

V. AD FILIAS SANE EORVM, QVOTLIBET NUMERO FVERINT, FALCIDIAM TANTVM EX BONIS MATRIS, SIVE TESTATA, SIVE INTESTATA DECESSERIT, VOLVMS PERVENIRE, VT

HABE-

HABEANT MEDIOCREM POTIVS FILIÆ ALIMONIAM, QVAM INTEGRVM EMO- LVMENTVM, AC NOMEN HEREDIS. MITIOR ENIM CIRCA EAS DEBET ESSE SENTENTIA, QVAS PRO INFIR- MITATE SEXVS MINVS AVSVRAS ESSE CONFIDIMVS.

VI. EMANCIPATIONES QVOQVE, QVÆ A PRÆDICTIS SIVE IN FILIOS, POST LEGEM DVNTAXAT LATAM, SI- VE IN FILIAS FVERINT COLLATÆ, NON VALEANT.

VII. DOTES, DONATIONES, QVA- RVMLIBET POSTREMO RERV ALIE- NATIONES, QVAS EX EO TEMPORE QVALIBET FRAVDE, VEL IVRE FA- CTAS ESSE CONSTITERIT, QVO PRI- MVM MEMORATI DE INEVNDA FA- CTIONE, AC SOCIETATE COGITAVE- RINT, NVLLIVS STATVIMVS ESSE MO- MENTI.

VIII. VXORES SANE PRÆDICTO- RVN RECUPERATA DOTE, SI IN EA CONDITIONE FVERINT, VT QVÆ A VIRIS TITVLO DONATIONIS ACCEPE- RVNT, FILIIS DEBEANT RESERVARE: TEMPORE QVO VSVSERVCTVS ABSV- MITVR, OMNIA EA FIſCO NOSTRO SE

RELICTVRAS ESSE COGNOScant, QVÆ
 IUXTA LEGEM FILIIS DEBEBANTVR: ET
 FALCIDIA EX HIS ETIAM REBVS FI-
 LIABVS TANTVM, NON ETIAM FILIIS
 DEPVATA VIDEATVR.

IX. ID QVOD DE PRÆDICTIS, EO-
 RVMQVE FILIIS CAVIMVS, ETIAM DE
 SATELLITIBVS CONSCIIS, AC MINI-
 STRIS, FILIISQVE EORVM SIMILI SEN-
 TENTIA CENSEMVS.

X. SANÈ SIQVIS EX HIS IN EXOR-
 DIO INITÆ FACTIONIS, STUDIO VE-
 RÆ LAVDIS ADCENSVS, INITAM PRO-
 DIDERIT FACTIONEM, ET PRÆMIO
 ET HONORE A NOBIS DONABITVR. IS
 VERO, QVI VSVS FVERIT FACTIONE,
 SI VEL SERO (INCOGNITA TAMEN AD-
 HVC) CONSILIORVM ARCANA PATE-
 FECERIT, ABSOLVTIONE TANTVM AC
 VENIA DIGNVS HABEBITVR.

Dat. Prid. Non. Septemb. Ancyra, Cæ-
 sario, & Attico Coss. CCCXCVII.

SCIP.

SCIP. GENTI-

LIS IVRISCONS.

Commentarius

Ad superiorem Constitutionem.

ARGUMENTVM.



RIMEN lēſę Maiestatis, siue, vt veteres loquebātur, imminutę summum & maximū esse, inter omnes conuenit. Sed eius criminis cum varia sint genera, omnium grauissimum atque atrocissimum genus est Perduellio. Id Vlpianus ita definit, cum quis hostili animo, aduersus Rempublicam vel Principem animatus est l. ult. D. ad Leg. Iul. maiest. Ad hoc genus pertinet proprie hęc constitutio. Est enim de Cōiurationibus, vt omnia eius verba demonstrant, quam rem summum ipsius Perduellionis caput, maximeq; horribile cōstat esse: cum ad interitum Reipublicę rectā feratur. Hoc igitur crimē hęc constitutio vindicat vel prima, vel accuratissime omnium. neque enim vllam antea legem extitisse memini, quę ita specialiter de hoc solo genere, atque ita diligenter cauerit. Sciam Principis vitam atq; incolumitatem hęc constitutio tuetur, tum eorum, quos membra ac partes sui corporis Principes appellant, consiliariorum

& Senatorum, postremo cuiuslibet, qui ipsis militat. In quo maxime noua & seuera mihi videtur. Pœnarum etiam magna acerbitas, præsertim quæ filiis perduellium iniunguntur, imo & sociorum & consociorum. Quare nec inuidia olim hæc Constitutio, nec reprehensione nuper caruit. Nam, ut alios taceam, ita eam est Ant. Contiusectatus libro primo Lectionum cap. v. i. ut non dubitaret ipsum Iustinianum, vel codicis eius compositores reprehendere, quod & sanctissimas quasdam constitutiones in illa collectione prætermiserint, & quasdam contra in eam retulerint iniquissimas, atque harum posteriorum exempla adfert L. si quis maior. C. de Transact. & hanc L. Quisquis. C. ad Leg. Iul. maieft. quæ ambæ sunt eorundem Principum constitutiones, Arcadii, inquâ, & Honorii. Prætermissarum vnam profert Imp. Antonini (opinor) Pii, de adulterio & mariti moribus, quæ extat Diui Augustini libro secundo ad Pol-
 lentium. Sed meminisse debebat, eius constitutionis sententiam, imo & ipsa verba, ea præsertim, ob quæ tantopere laudatur, referri ab Vlpiano in l. si vxor. i. §. i. index. D. ad L. Iul. de adulter. Quod ad leges illas duas in Codicem relatas attinet, non video, cur seueritas legum reprehendi debeat, vbi maxime seueritate opus: neque solum vbi id apparet, ut in hoc grauissimo crimine, sed etiam vbi ignoratur nec intelligitur. Recte enim illud ab eodem Vlpiano dicitur, Durum est: sed ita lex scripta est l. prospexit. D. Qui & à quibus manum. Subest enim ratio legibus, quamuis non appareat vel reddi à nobis possit, quomodo Thomas Aquinas interpretatur, quod Iulianus scribit in l. non omnium.

omnium. D. de Legib. Nec minus recte & erudite D. Chrysostomus Homilia xvi. Antiochensium: Lex est regia: qui tulit ipsam, & ipsius rationem nouit. Nisi fuisset vtile, non prohibuisset (Deus.) Reges ferunt leges, nec omnes semper vtiliter: homines enim sunt, nec sicut Deus, vtile possunt inuenire. verumtamen paremus: siue uxores ducamus, siue seruos emere debeamus, siue domos, siue agros, siue quodlibet aliud facere, non ex propria facimus hæc sententia, sed quomodo-cunque iusserint illi. nec vt res nostræ pro nostra sententia disponantur, penitus domini sumus: sed illorum ubique sententiis seruiamus, & si quid præterquam quod illis videtur, facimus, inualidum & inutile redditur. quæ postrema verba sapiunt sententiam l. non dubium. §. 1. C. de legib. Cæterum hæc excusatione in iis, quas Contius notat, legibus nihil opus. Nam legis, si quis maior. evidens ratio est: iura omnia humana & diuina violat qui transactionem à se iureiurando sancitam rescindere conatur, eo acrius & pluribus pœnis coercendus fuit; præsertim cum Reipub. intet sit, lites transactione finitas non resuscitari. De hac L. Quisquis, opponemus Contio populare tuum, Cuiacium Aurelianum, qui nihil in ea lege constitui dicit, quod non antea etiâ obtinuerit: tamen si non plane id mihi persuadeat. Vt sit, non est vlla huius legis acerbitas tanta, quam non & facinoris magnitudo superet, & aliarum gentium de eadem re leges eleuent ac minuant, etiam inter Christianos. Comprobata certe omnium consensu hæc constitutio est, in quibusdam etiam, vt in perduellis pœna exasperata. Denique in ius

Canonicum relata est ac velut consecrata. caus. vi. quæst. i. & Distinct. de pœnit. i. etiam nobilissimæ illi Caroli Quarti Imperatoris constitutioni, quam Auream bullam vocant, tota inserta est. Causam vero eius scribendæ Arcadio & Honorio præbuerunt plurimæ atque graues coniurationes quæ in ipsos eruperunt pueros, & parum, etiam cum viri essent sapientes aut fortes: vnde contemptus ipsorum, & inuadendi imperii libido. Earum coniurationū præcipui authores fuerunt primum illa duo mancipia, ac verissima portenta, Ruffinus & Eutropius, deinde nobilissimi & potentissimi homines & Gothici seu Vandalici fere sanguinis, Heraclianus, Gaines, Gildo, Stilico. Qui omnes oppressi meritis facinorum suorum pœnas luerunt. extantque in Codice Theodosiano de iis lata priuilegia post mortem atque pœnam, Tit. De Calumniatoribus, & Titulo de bonis proscriptorum. De Eugenio qui Valentinianum occidit tyrannidemq; occupauit, postea præliq; ab Imp. Theodosio magis precū vi quam armis superatus est, & ante pedes eius supplex obtruncatus septimo Arcad. 111. & Honor. 11. conf. præter alios, Socrates lib. v. Histor. Eccles. cap. xxv. commemorat.

Ait Lex; Quisquis.

HOc articulo satis admoneri interpretes nostri poterant, ne quenquam exceptum velent. De quibusdam tamen non improbabiler dubitatur, an hac constitutione teneantur, veluti de Vasallo, de non subdito, de clerico, de legato. Qui plane peregrinus est nec vlllo modo subditus

Prin-

Principi, in cuius ditione versatur, non committit vere crimē læsæ maiestatis, si ipse nihil in Principem moliatur, aut cum aliis coniuret, quanuis coniurare alios sciat: neque enim tenetur coniurationem detegere, vt existimo. Sic Allobroges Romæ, nisi coniurassent, non eos nouis rebus infideles Horatius dixisset, quanquā non plane peregrini illi, & extra ditionem populi Romani. Denique sic sentio, in earum etiam ciuitatum ciues de perduellione quæri potuisse, quæ alias liberæ ea lege in societatem venerāt, Vt maiestatem populi Romani comiter conseruarent, quibus verbis intelligebatur is populus superior esse. I. non dubito. D. de captiu. & postlim. reu. vbi cum clientibus nostris comparantur huiusmodi ciuitates: imo & animaduerti in eos posse & solere damnatos, qui ex fœderatis ciuitatibus apud nos rei facti sint, adijcit illic Proculus. Quanto magis ciuitates hodie quæ liberæ nominantur, subiectæ tamen imperio sunt, hoc iure censi debent? Sed de his nec controuersia quidem esse vlla potest. Redeo ad eos qui plane non sunt subditi. Si ipsi coniurent, teneri hac cōstitutione, & in eos animaduerti certum est posse, quantum quidem Princeps, in quem coniuratum est, vel in corpora eorum, vel in bona potest. nam extra fines suæ ditionis quid possit? nisi impetret à principe, cui illi subditi. Postremo seruanda est nobis hac in re, quamuis imperiosa, Clementis V. Pontif. Max. constitutio. quæ sic definire generaliter mihi videtur, Neminem teneri læsæ maiestatis crimine, qui alij subditus sit, neque in eius, in quem deliquit, imperio domicilium certum & continuum

habeat, aut originem inde trahat. c. Pastoralis. Clement. de sentent. & reiudic. Nunc de Vafallo dicamus, de quo eadem Clementina scripta est in controuersia Henrici vi i. Imperatoris, & Roberti regis Siciliae, quem Imperator crimine laesae maiestatis damnauerat, eamque damnationem Pontifex rescindit cum ob alias plurimas causas, quas allegat, tum ea, quam dixi, ratione, quod Rex committere non potuerit crimen laesae maiestatis, quantumuis atrociam in Imperatorem designauisset, cum Imperatori subditus non esset, sed Ecclesiae ligius ac vassallus, & in regno Siciliae continuum domicilium haberet. Sane quod ad feuda, si quae ab Imperatore habebat, veluti comitatum Prouinciae, neque ego dubito, neque Clementens negat, quin priuari rex ab Imperatore potuerit, sed (vt ego existimo, dissentiente licet Bartolo in extrau. Qui sint rebelles in ver. Rebellando) non tam ob crimen maiestatis, quam ob crimen feloniam: quam solam in feudis aspicimus, multumque à maiestatis crimine differre, quiuis intelligit. Sed de bonis feudalibus postea suo loco. Non praetereunda mihi videtur insignis quaestio, quae nostro saeculo in coniuratione quadam aduersus Carolum v. Imp. facta adcidit, & de qua excellentissimos Iurisconsultos cum Roma, tum Mediolani clam cōsultos fuisse Guicciardinus lib. xvi. scribit, à Clemente vi i. Pontifice, & Duce Fr. Sfortia; An Marchio Piscariae qui erat homo & Baro regni Neapolitani, magis obligatus esset obedire, Caesarine, qui ob inuestituram ab Ecclesia acceptam habebat vtile eius regni dominium, an Pontifici, qui vtpote supremus dominus eiusdem re-

dem regni directū dominium habebat. Sed pro-
fecto (si verum amamus) Piscarius subditus Cæ-
sari erat non solum ob feudum, sed etiam ratione
originis, imo & feudi ipsius ratione, quod ipse à
Cæsare non à Pōtifice in regno habebat, directū
dominium habuit ipsum Cæsarem. Verissimum
enim puto, quod meministi me alicubi legisse, Re-
gem, qui feudi iure regnum habet, quod ad subdi-
tos suos vasallosque attinet directum dominium
habere, quod ad regni vniuersitatē vtile tantum.
Vasallum igitur, quatenus vasallus tantum, id est,
soliū feudi ratione, non committere crimen læ-
sæ maiestatis verius est, vt Oldrad⁹ olim respon-
dit Conf. xlii. Sed de vasallo satis. De clerico
sic breuiter, non solum moribus omnium popu-
lorum defendi incidere in crimen læsæ maiesta-
tis, eoq; à Principe, in quem deliquit, puniri non
obstante vllō conditionis vel fori priuilegio, sed
etiam iure & rationib. quas videre quemuis ma-
lim apud interpretē iuris Canonici clarissimum,
Præpositum in c. in primis, §. de persona, ex. de
Iudic. ubi late defendit hanc sententiā, licet eam
de iure falsam pleriq; adfirmēt, vt videre est cum
apud alios criminalium rerum scriptores, tum a-
pud Iul. Clarum lib. v. Sent. Recept. §. Maiesta-
tis, versic. 23. & versic. 27. vbi addit tamen, Prin-
cipes & Iudices sæculares id facientes excusari
forte posse per tex. in c. perpēdimus. De sentent.
excommun. aliaque à se in dicto versic. 23. tradi-
ta, de clerico, qui deposito habitu & tonsura im-
miscet se enormitatibus, vt loquuntur. Hæc sane
quæstio ante tantas opes Ecclesiæ, ridicula visa
fuisse etiam sub Christianis & piissimis Impera-

toribus tam Græcis, quam Francis atque Germanis. Nam exempli causa Imperator Ludouicus Pius in coniuratione, quam aduersus eum Lotharius filius cum compluribus Episcopis aliisque fecerat, cum alios episcopos omnes puniuit, tum Theodulphum Aurelianensem Præfulem victum in carcerem cuiusdam turris compegit, unde illum tandem liberauit non alia causa, quam ob cantilenam vnius versiculi: cum in solemnibus Paschæ processu illac Imperator præteriens Theodulphum audiuiſſet concinentem e carcere, Gloria, laus & honor tibi Christe redemptor. in quo versiculo quid probes tamen præter pietatem? mirum, ni Imperator beneficio suo Sullæ illam legem adiecerit, Ne in posterum versus faceret. Sed & Imp. Otho Fridericum Archiepiscopum Colonienſem & Rotardum episcopum Argentinensem ob eandem causam deposuit, & in claustra Fuldenſis monasterii Corbeieque coniecit. quod & multo minoribus de causis factitatum illis, & aliis tempeſtatibus ſcio, & ſine controuerſia fuiſſe. Sane ſi aliquis in vtrumque & Imperatorem & Pontificem deliquiſſet & crimine ſimul eccleſiaſtico, ac ciuili aliquo præuentioni locum eſſe etiam in clerico video, aut ſimul ab vtroque ſtatui, vt in Arnolſto illo Brixiſi, de quo ſic eleganter Guntherius lib. 111.

*Ligurini — nil iuris in hac re
Pontifici ſummo, modicum concedere Regi
ſuadebat populo. Sic leſa ſtultus utraq;
Maieſtate reum gen:ina ſe fecerat aula.
Vnde etiam taxadem (neg, enim reor eſſe ſilendum)
Iudicio Cleri, noſtro ſub Principe victus,*

Ad-

*Adpensusq, craci flammag, cremante solutus
In cineres, Tyberine tuas est sparsus in undas.*

Supereſt de Legato, ſi iſ in Principem, ad quem miſſus eſt, coniuret aut atrox aliquid moliatur, de quo altum ſilentium apud interpretes noſtros, ſatis linguatos in aliis, vt verbo Tertulliani vtar; quod ex immanibus eorum commentariis perſpicere promptum eſt, in quibus nec aurum Ennianum ſape quaſiueris. Sed hanc quaſtionem, cum de facto incidiſſet in Anglia, in perſona legati Hiſpanici, coram illuſtriſſimis regni proceribus cæteraque nobilitate differens dehniuit (niſi me amor fallit) optimis rationibus Albericus frater meus, eiſque in ſententiam itum eſt in illo incolumi dimittendo. Quam diſputationem coniecit paullo poſtea in librum i i. de Legationibus, unde petere ius eſt.

*Ait Lex, Cum militibus, vel
priuatis.*

MILITES priuatis hominibus opponi non infrequens eſt in iure noſtro: frequentius tamen paganis. Sed cur hiſ opponantur, à multis expoſitum eſt, non item, cur priuatis. quam cauſam ego profero ex eruditiffimi ſcriptoris Artemidori Duldiani lib. i i. *Overpoxe* *ἡ*, ſiue de Inſomniis: Nam qui militat (inquit) ex priuato vitam ſuam tranſmutat, & ad alias cōuerſationes tranſit, priori relictæ. & clariſſus Chryſoſtomus Antiochenarum lxxvi. Nam ſi militarem hanc vitam degentes omnibus abrennunciant, & quo Mars vocauerit, eo proficiſcuntur, & omnia cum ſedulitate ferunt: multo magis nos Chriſti milites; & reliqua. In iure Canonico milites etiam, vt hic,

Opponuntur priuatis. Sed priuati in nobiles atque ignobiles distinguuntur. c. quia contra. 24. quaest. 1. Ex quo factum puto, ut in Aurea Bulla Carolina loco vocabuli, Barbaris, scriptum sit, plebeiis etiam, in hac constitutione nostra. Sed & milites postea ita distincti ut alii nobiles, alii plebei vel urbici nominarentur. Qua de re grauiter conqueritur non vno loco Albertus Krantzius; praecipue vero lib. 111. Metropoleos cap. xi. ubi eos increpat atque irridet, qui Ministeriales & Feudalmii tantum dici deberent, eo ambitionis & arrogantiae venisse, ut soli, contemptis urbicis, milites vel milites appellari, imo & Nobiles velint, cum primus gradus Nobilitatis sit in Baronibus. Mirum est, quam saepe de hoc excandescat optimus & eruditissimus senex. quid faceret si hoc saeculo nostro viueret? In quo tamen, quod mireris seruatur recta illa nominum & dignitatum adhuc ratio apud Anglosaxones. neque enim Nobilis apud illos quisquam, nisi Baro vel Comes. Sicut nec Honoratos vel Honoris vocabulo alios ullos appellant. quem morem à Romanis mansisse existimo, apud quos, Honorati, certa dignitatis nota. Vnde iidem inter Illustres referuntur, nec solum Honorati, sed & Honorarii iure Romano, de quibus legendi sunt Wolff. Latzius lib. xii. de Repub. Rom. cap. 111. & Iacob. Cuiac. ad l. 11. Ut dignit. ordo seruet. lib. xii. C. Ego illud moneo, in hac constitutione priuatos intelligendos esse omnes, qui milites non sunt, quantaui dignitate praediti sint, vel magistratu. quomodo Quirites olim oppositi militibus, ut ex illo nobilissimo C. Caesaris, & Imp. Seueri facto cognoscimus, qui
fedi-

seditiones grauissimas militum suorum compres-
serunt, Quirites appellando. Nec absurdum cui-
quam videatur, Magistratus etiam priuatorum
appellatione comprehendi: respectu enim Prin-
cipis, de cuius salute hic agitur, omnes priuati
sunt. Sicut priuati ludi eadem ratione dicuntur
etiam à magistratibus maximis facti. quod noto
lib. II. de Iurisdickt.

Ait Lex, vel Barbaris.

POST constitutionem Diui Antonini, barba-
ri dici cœpere ii solū, qui in orbe Romano nō
essent: qui enim erant, ii ciues Romani erant. l. in
orbe, D. de stat. hominum. Vnde eum Rutilius
orbem ex vrbe fecisse. Nec minus præclare D. Hi-
eronymus in Esaïam cap. xx. Ante aduentū Chri-
sti vnaquæq; gens suum habebat regem: & de a-
lia ad aliam nullus ire poterat nationem. In Ro-
mano autem Imperio vnū facta sunt omnia. quā-
uis nō ad constitutionem illam forte respexit, sed
ad imperii vnus coniunctionem, quæ diuisa col-
legit imperia, vt Plinius ait. Eadem igitur gens,
quamuis moribus & ritibus & existimatione Ro-
manorum barbara, tamen quæ Romanis parebat,
ab altera quæ libera erat, sic distingui cœpit. Clau-
dianus in consul. Mallii Theodori:

O quoties doluit Khenus, qua barbarus ibat,

Quod ie non geminus frueretur indicer ipis.

E contrario etiam exulta gentes, etiamque Ro-
mano more & cultu viuētes, ob eandem causam
tamen barbaræ appellatur. Agathias lib. III. Hu-
ius vero temporis Colchi nauigāt, & ex mercatu-
ra quæstum faciunt: suntq; de reliquo nequaquā
barbari, neque ita viuunt: sed ad ciuile ac legale

viuēdi genus ex consuetudine cum Romanis sunt
 traducti. Vnde & Lazos Romanorum auxiliares
 esse; eorumque regi Tzathæ insignia regni à Iu-
 stiniano Imp. tradita tanquam regi à se electo scri-
 bit, ex quo intelligere possis, velut Vassallum eum
 fuisse Iustiniani, & tamen barbarum, quia nō sub-
 ditus. Maxime autem de Tzanis populis imperio
 Romano adiectis eum gloriatum esse lib. v. scri-
 bit, testibus eius Nouellis allegatis, quæ sunt No-
 uell. i. & Nou. xxvi i r. vbi & Laziū nostrum
 appellat. Credo, quod non totam eam Colcho-
 rum regionem formulæ Romanæ fecerat, sed par-
 tem duntaxat. Vixisse autem barbaros subiectos
 imperio Romano etiā legibus Romanis non du-
 bito; quamuis quædam propter simplicitatem eis
 remitterentur, vt Iulianus Antecessor notat in il-
 lustrium barbarorum nuptiis, vt sine dotalibus in-
 strumentis eas facere possint. Nou. cxvii. Huius-
 modi prouincias populi Romani possumus impe-
 rii illius, siue Italiæ barbarias appellare; quomodo
 Tertullianus Græciæ barbarias dicit, Macedoni-
 am, Illyricum Pontum, & vicinas alias regiones
 Græciæ deputatas intelligens, in libro de corona
 militis: quæ erant maxime barbaræ. Vnde factū,
 ne mores ciuium corrumperentur, vt vnus nomi-
 ne omnium ab Epidamno mitteretur ad vicinos
 Illyrios barbaros negotiandi causa, ex eo *πρωτης*
 dictus, teste Plutarcho in Quæstionibus Græcis.
 Authores autem huius constitutionis non alios
 temere barbaros intelligere videntur, quam Go-
 thos, Vandalos; aliasque similes nationes, quos
 Stilico in primis & Rufinus, & Gaines, & quis
 non illo tempore coniuratorum? excitauerunt in
 impe-

imperii Rom. prouincias, Tyrannidis sibi parandæ causa. Claudianus eleganter lib. 1. in Rufinum:

———— *impius ille*

Proditor imperii, coniuratusque Getarum.

Plurimos eorum summis dignitatibus ac magistratibus apud Romanos postremis temporibus ornatos & præpositos fuisse, constat. reperio & Bacurium quemdam Iberorum regem Domesticorum comitatem fuisse, in lib. 1. Ecclesiastica Historiæ à Rufino scriptæ: ut in vita Hilarionis monachi, cuius D. Hieronymus, siue quis alius autor, Candidatum Constantii Imperatoris Fratriscum fuisse. quæ gens inter Saxones & Alemanos (inquit) non tam lata quam valida, apud Historicos Germania, nunc vero Francia vocatur. Quod eo libentius noto, quia, *Nunc*, inquit. unde refellitur puerilis error Paulli Æmilii, grauissimi alioquin historici, q̃ initio statim historiæ suæ Francicę scribit, Ciceronē in epistolis ad Atticum meminisse Francorum, de quo errore Æmilii, eiusque causa alibi expono in libro de Antiquis Italicæ linguis, ubi recēseo, quæ nationes olim lingua Latina vulgo usæ fuerint. eo enim ille locus Hieronymi facit, cum ait, Videres de ore barbaro, & qui Francam tantum & Latinam linguam noverat, Syra ad purum verbum resonare.

*Ait Lex, Sceleſtam inierit
factionem.*

SCLESTAM dicunt Imperatores, non solum ad notandam magnitudinem facinoris: sed et-

B

iam quia factio in bonam quoq; partem sumi cōsuevit, sæpius tamen in malam. Sallustius Iugurtha: Metum à scelere suo ad ignauia vestram trāf-rulere: quos omnes eadem cupere, eadem odisse, eadē metuere in vnum coegit. Sed hæc inter bonos amicitia, inter malos factio est. Idem alibi nō distinxit, & amicitiam solam nominauit: ex quo, vt solet, D. Hieronymus ad Demetriadem capit. v 111. Sæcularis quoq; sententia est, inquit, Eadem velle, & eadē nolle, ea demum firma amicitia est. Corrigēdus nobis insignis locus optimi oratoris Calui in Varinium, in lib. Iulii Seueriani de Rhetoricis præceptis, vbi de Affectibus agit: *Hominem nostre ciuitatis audacissimum, de factione diuitem, sordidum, maledicum, adcusato*, primum reponebam. adcusabo: nunc malo, adcusatorem. vt hoc quoq; inter probra Varinii ponat, sicut Cicero sæpe in Bruti cuiusdam, quem ob eam causam dedecus familię lunię vocat, quod adcusationes factitaret, non Reipub. & glorię studio, vt optimi & nobilissimi quique, sed animi vitio: turpissimum autem esse, Adcusatorem dici. Hæc autem verba ad cōiurationem aduersus Principem, & hic & infra in hac constitutione sæpius, referri manifestum est. Q. Curtius lib. 111. suspicionem initi scelesti consilii præbuit.

Ait Lex, Aut factionis ipsius suscepit sacramentum, vel dederit.

INTERPRETATIO hæc mihi videtur proxime positorum verborum: vt intelligeremus tā esse

esse in culpa & tam dici factionem scelestam iniisse eum, qui alio authore coniuravit, quam qui author coniurationis fuit, ex quo etiam nomen mutuari cōiurationes solent, puta Catilinaria, Pisoniana, & quam Poljtianus descripsit, Pactiana. Sacramenti in re tam scelerata more multorum vſurpant, vt in re fœda Perronius amicitia sacramentum dixit. Sed vt sacramentum & religio rei honesta, puta militia, vnde hoc nomen tractum, nullo scelere solui dicitur, Læuii lib. 11. Sic sacramēto scelus nullum adstringi certissimū est, cum neque sacramentum tale sit. Claudianus in Rufinum lib. 1.

— *Sociat perituro fœdere dextas.*

Omnino legendum, periuro fœdere. Quapropter recte adolescens ille Nicomachus apud Q. Curtium lib. v. 1. negat se amatori Dymno fidem obligauisse de parricidio; hoc est, vt coniurationem in Alexandrum regem ab illo inſitam occultaret: simileque exemplum Samonæ spadonis commemorat Zonaras libro 111. Annalium in Leone philosopho Imperatore. Dignus vterque, & ille, qui pudicus esset; & hic, qui spadō non esset, vt ut alias malus atq; intestabilis fuerit. Quoniam iurisiurando in tantis facinoribus nulla vis, nulla religio, ideo atrocioribus sacramentis fidem vincire multi conati sunt, vt Catilina, qui patriam humani sanguinis plenam circumtulit Salustio, vel fama teste, vt filii Bruti, & Aquilii. Plutarc. in Poplicol. ὅρκον ὁ μὲν σπῆλαι μίαν ἐδῶξε πᾶσι, & δεινὸν, ἀνθρώπου σφαγγίτης, ὅτι ἀποτίσσει τὰς αἵμας, & τὰ ἀνδράχων διγύνται. Idē in vita Ciceronis, mactati hominis gustatā carnē in coniuratione Catilinæ, scribit: de patera tacet.

CAPVT II.

De nece etiam virorum illustrium, qui consilio & consistorio nostro intersunt: Senatorum etiam (nam & ipsi pars corporis nostri sunt, vel cuiuslibet postremo, qui nobis militat, cogitauerit, eadem enim seueritate voluntatem sceleris, quae effectum puniri iura voluerunt) ipse quidem, utpote maiestatis reus gladio feriatur bonis eius omnib. fisco nostro addictis.

Hoc caput ideo à superiori distinxi, quod nō modo diuersa, sed & quaedam valde noua in eo continerentur. Fuerit sane olim etiā maiestatis crimen magistratu pop. Ro. occiso, etiam Senatore nec occiso solum sed violato, imo non exhibito ei honore, qui debebatur, ut Cicero in quadam Verrina de Mamertinis queritur: at certe id in cōsiliariis & adfessoribus, & aliis quibuslibet principi militantibus nunquam, quod sciam, obtinuit. Deniq; arbitrium est, quomodo ista distinguas, nec ad rem quicquam, non nihil ad lucem interest. Olim magnæ saepe fraudes in hac capitum confusione admitti potuerunt, multis & diuersis rebus simul coniunctis, & veluti per Sátyram rogatis, quod ne fieret etiam legibus cauere oportebat. Quam callide Clodius in quodam capite legis multa popularia admiscuerat, ne tolli posset quod in perniciem intenderat M. Tullii? qui eam ob causam illud capi etiam tangi prohibuit, in epistolis ad Atticum.

*At Lex, De nece etiam virorum illustrium,
qui consiliis & consistorio nostra
interfunt.*

ET particula ista, Etiam, satis indicat, prius dicta ad Principis personam referenda esse, quod Adcursius recte vidit; & sequens illa αἰτιολογία, Nā & ipsi pars corporis nostri sunt, mihi probat. Ideo autem se ipsi non nominant, vel quia per excellentiam coniurationes intelliguntur in Principem factæ, vel ominis detestandi causa, ut in l. i x. C. de bon. proscr. iidem Impp. Si quis posthac stilum (Quod absit) proscriptionis exceperit. Nunc de consiliariis Principis videamus: hos enim solos virorum illustrium nomine hic intelligi, sequentia verba declarant. Consiliarios autem omnes non solum qui de Repub. vniuersa in consilium adhibentur, sed etiam qui in cognitionibus & iudiciis Principi adsunt. Ad omnes æque pertinet & consilii nomen, & consistorii. Sicut hodie apud Turcas Diuanum locus publici concilii est & iuris dicendi, quod cum ex aliis, tum ex Busbequii eruditissimis illis epistolis discimus. Recetiores Græci apud Mart. Crusium, Διβάση βασιλικὸν βῆμα, exponunt: quomodo alii Consistorium, vel ὑψηλὸν βῆμα, ut in l. ult. C. qui mil. poss. vbi Comitem consistorianum interpretatur Cuiacius eum qui habere dicitur πρὸς αἰτίαν τῶ κομῆτος τῷ ὑψηλῷ βήματι. Sūt autem huiusmodi Comites nō personæ illustres, sed post illustres, id est, spectabiles, neq; adfident, ut Consilarii, vel de rebus deliberāt vllis, aut cōsulantur. de quibus est Tit. x. lib. x i i. Codic. vbi spectabilibus Proconsulibus æquantur: prope ut

mihiperuadeam hos etiam verbis huiusconsti-
tutionis,comprehendi,cum consistorio intersint.
Aliorum, quorumcunque magistratuum consi-
liarii & adseſſores non sunt in hoc numero habē-
di.nec consistorii nomen de iis vsurpatur,quam-
uis vice sacra iudicent, & Tribunal Cæsaris ap-
pelletur,vt in actis Apostolorum. nec Præfectos
prætorio excipio,vnde in l.lecta.D.de reb.cred.in
auditorio.Æmilii Papiniani præf.præt.Quod nec
de Consule possis dicere,sedita vt Celsus,cum es-
set in concilio Duceni Veri consulis.l pater meus.
D. de Leg.2. Caterum quod in Principis consi-
liarios crimen læsæ maiestatis committatur,eam
rationem vulgo reddunt, quia per eorum latus
tranquillitas Principis turbetur. Rectius dicerēt,
quia cum pars corporis Principis sint, etiam ma-
iestatis participes esse videantur. Diuus Chryso-
stomus in epistola vel parænesi ad Theodorum
lapsus. Quando Regem (malo, Imperatorem)
videmus frequēti satellitio palatium adequitantem,
eos qui illi proximi coherant sermonis,con-
siliique & maiestatis eius participes, fœlices iudi-
camus, nosq; miseros. quibus verbis Chryso-
stomi egregie cōfirmatur sententia Salyceti,qui non
committi crimen hoc læsæ maiestatis dicit, nisi in
iis consiliariis & magistratibus,qui Principis late-
ri adstant,siue circa eius latus versantur,non et-
iam in iis, qui magistratus à populo Ro. vel Prin-
cipe in prouincias missi sunt, cum illi non possint
proprie dici interesse consiliis & cōsistorio prin-
cipis, & inepte Menochius interesse, exponit, id
est, residere, cumque etiam residere apud prin-
cipem dici, qui eius nomine in prouinciam cum
impe-

imperio missus est, consil. xcix. vbi contra Rolandum à Valle acriter disputat de coniuratione illa Ioh. Aloysii Fl. sci, qui Ianneffinū Doriam classis Caroli v. præfectū interfecit, in patria Genuæ. Tamen si quod ad bona feudalia attinet, quæ Fliscus ab imperio habebat, verissime respondeat, ea ob id delictum à Flisco amissa, nec adgnatis eius sed fisco deberi. Plerique tamen contra Salycetū sentiunt, moti, cum aliis quibusdam rationibus, tum imprimis verbis huius legis, qui nobis militat, de quibus illic dicam.

Ait Lex, Senatorum etiam (nam & ipsi pars corporis nostri sunt.)

INTELLIGIT Senatores vtriusque Romæ, & veteris, & nouæ. atque ita non modo ad Senatū Romanum missas eas constitutiones legimus, quæ Orationes Principum dicuntur, sed & ad Constantinopolitanum, vti indicat l. vn. C. de cad. toll. in qua & Patrum conscriptorum nomen iistribuitur. Imo si Annæ Comnenæ Alexii Imperatoris filię eruditissimæ credas, translata imperii sede Byzantium, etiam omnis Senatus prærogatiua adeoque pontificatus ipsius dignitas veteri Romæ erepta, & illuc translata existimari deberet. Cuius verba non possum mihi temperare quin hic adscribam ex iisdem Turcogæciæ scriptoribus: Καὶ ταῦτα τῷ πρῶτῳ ἀρχιερεὶς; ἔταξα παραγγέλλων τῷ οἴκῳ μένης ἀπάσης: ὡς περ οἱ Λατῖνοι λέγουσι περὶ τούτων. ἔστι γὰρ ἡ τῷ πρῶτῳ ἀλαζονείας αὐτῶν, μεταπιπίνωντων γὰρ τῶν σκλητῶν οὐκ εἶδεν ἐνθάδε εἰς τὴν μητέρα βασιλίδα πολιν: ἡ δὲ ἡ συνήθεια, ἡ δὲ ὅλης βασιλικῆς τάξις: μεταπίπινει

Ἡ δὲ θρόνον ἀρχεαπὴν ταῖς καὶ δίδωσιν οἱ αὐτοὶ βασιλεῖς τῇ πρεσβείᾳ τῷ θρόνῳ τῆ Κωνσταντίνου πόλεως, Εὐμάριστα ἢ καρχηδόνι (αἱ χαλκηδόνι) σιμόδος εἰς πλεονεξίαν προπύλιν τῆ Κωνσταντίνου πόλεως ἀναβιβασμένη: τὰς αὐτὰς οἰκουμένην διοικήσας ἀπ᾽ αὐτῶν ἐποίησεν, inuehitur in Hiltebrandum Papam, Henrici Imperatoris inimicum. Quod autem Senatores pars corporis Principis appellantur, verum est, si Principem nō vt caput Reipubl. sed vt Rempublicam ipsam, siue personam, quæ eius loco est, accipias, quo sensu C. Cæsar, qui primus Rempublicā occupauit atq; immutauit, aliquando dixisse fertur, Nihil esse amplius Rempublicam, vmbra modo corporis non corpus esse, quod & verū est, cum vnius formæ inductio aliteram perimat, præsertim cum ad eo sunt contrariæ, vt istæ duæ, popularis, inquam, status, & regius. Qua de re præclare in cōtrouersia Ducum Florentiæ & Ferrariæ disputat in quodam suo responso Tiber. Decianus. Alio ad spectu vel blandiendi causâ ipsi se Principes Senatus partem adpellant, cum in eo se ordine numerant, vt Iulianus in l. ius senatorum. C. de dignit. quod ibi sic explicant Græci Iurisconsulti: καλῶς εἶπεν βασιλέος συναεθμεῖα πῶς συγκαταπαισ, ἐπεὶ δὲ ὁ ὑπατεύειν ἀνέχεται. nam si consules sunt, etiam Senatores sint necesse est. Quid ni? cum & ciues sint, & appellentur: vt Panegyrico Plinii. Quare & illa appellatione Patres conscripti, Cæsarem quoque comprehendere verius est: neque aliter Hortalus ille locutus esset præsentem Tiberio. tametsi honoris causâ & vt princeps ac caput Senatus indicetur, vna expressum nomen Cæsaris reperiatur, & interdum quidem post Patres conscriptos. Vetus Iuuenalis in-

Interpres in Satyram 111. Crispus, inquit, municipis Visellensis tirocinio suo in Senatū ita cœpit, P. C. & tu Cæsar: propter quod simul oratione plenissime à Tiberio collaudatus, plurimas sponte causas apud C. V. egit pro qua re in Basilica Iulia eius statua posita est. vbi eruditiss. Pirhæus recte reponit, simulatione: nisi malimus, simulata oratione. Ita est, dissimulauit suo more offensam Tiberius, quod secundo loco nominatus esset, quamuis forte nec absurdum id, nec inusitatum videatur, vt ex inscriptione Brixienti, in cuius extremo est, EX S. C. ET EX AVCTORITATE CÆSARIS. tamen si auctoritas præcedere soleat, non sequi. Plinius lib. 1111. epist. x11. Cæsarem, deinde Cæsare authore, Senatū consuluit. Sed hæc libertatis & ciuilitatis simulastra sunt, vsurpata olim Principibus, de quo dico, lib. 1. De Imperio Principis.

Ait Lex, Vel cuius i'bet postremo qui nobis militat.

APAGE Harmenopuli interpretationē, quæ nobis etiam gregariū militē sacrosanctum facit. Nam ita vertit ὁ συκληπκὸν, ἢ στραπώτῳ ἢ ναφενύσας, κρίνω δὲ καὶ θωσιώσιος. Quosnam igitur hic militantes accipimus? Si verba & contextus huius cōstitutionis ferrent, de eo acciperem, qui militem quemuis hosti prodit, quem perduellionis teneri leges Duodecim Tabularū voluerunt, teste Martiano, in l. lex x11. D. ad L. Iul. maiest. Sed non ferunt, vt apparet. Ergo militantes Imperatori capiamus cum Adcurso, circa latus eius. In contra-

rium multi pugnant, & de omni pane magistratu maiori, licet in prouincia sit, hæc verba intelligūt, his præcipue argumentis, quantum perspicio. I. quia id in l. 1. D. ad L. Iul. maiest. expressum sit ibi, cuiusue opera dolo malo consilium initum erit, quo quis magistratus populi Rom. quive imperium potestatemue habet, occidatur. II. Quia maxime aduersus securitatem Reipub. vel Principis cōmittitur coniuratione in talem magistratum, vel rei bellicæ ducem. ergo maiestatis crimē erit d. l. 1. §. 1. III. Quia si tantum eos qui Principi adsunt, contineri his verbis intelligamus, absurda multa sequentur: veluti, quod prodens ciuitatem aliquam vel castrum imperii non teneatur maiestatis; quod absente Principe ne ipsius quidem consiliarii vel Senatores hac lege muniti erunt. Quod nō aliter, quam si in aula versentur, in eos crimen hoc admittatur. IIII. Quod nimis hæc verba, Cuiuslibet qui nobis militat, hac ratione restringentur, cum tamen sint generalia, & omnes officiales magistratusque Principis cōplectantur, omnem denique militiam Palatinam, siue cingulis donati sint, siue *ἀσπασί* sint, atq; incincti, quales Honorarii dicuntur, de quibus supra monuimus. V. Quibus & illud argumentum addatur, quod Senatores etiam nec Constantinopolis solum, sed etiā Romæ nominatim hæc constitutio comprehendat: est autem perridiculum in vno Senatore præsertim absente & Romano plus securitatis publicæ poni, quam in summo aliquo & præcipuo magistratu, cui totius forte Reipub. cura delegata est, atq; incumbit. Sed me hæc de sententiā mea non demouent: omnino enim

nim existimo, illa verba non de omnibus aulicis quamuis in dignitate constitutis, & circa latus Principis versantibus, vt Adcursius, Cynus, & Salycerus sentire videntur, intelligenda esse; sed de custodibus corporis, & cohorte prætoria, quæ proprie Cæsari militare dicitur, & cuius virtuti ac fidei vita & salus Principis innititur, præsertim eo tempore quo excubias agunt, & quando periculū aliquod metui possit, nam & Imp. Constantino Nicæ, vbi synodus habebatur, milites armatos excubasse nudatis gladiis ante vestibula palatii, tradit Eusebius de vita eius lib. 111. Præcipua charitate hi milites semper fuerunt Imperatoribus Romanis. hinc illa Cæsaris vox lib. 1. de bell. Gall. decimam legionem, cui semper maxime indulisseret, in cohortis Prætorix loco habiturum: hinc Alexandri, vno Cæsare minoris, cohors amicorum, in quam fratrem Darii recepit omni vetustæ charitatis honore seruato, ait Q. Curtius lib. v. 1. & hinc apud Socratem lib. 111. Eccles. histor. c. xxi. Callistus quidam memoratur, qui inter necessarios Iuliani Imperatoris militabat. Hinc milites iidem à Nerone nouo Augustanorū nomine ornati apud Corn. Tacitum. Hinc Carolus Magnus vna cum filiis, optimatibus, & amicis etiam Satellitum & custodū corporis turbam inuitare solitus ad balneas vt simul cum eo lauarentur, teste Eglinarto: conuenienter liberalitati & ciuilitati veterum Imperatorum Romanorum. Mitto præmia & prærogatiuas eorum. Quæ omnia singularem Imp. erga tales milites prætorianos charitatem, atque fiduciam demonstrant. Quod autem ad superiora argumenta pertinet,

omnibus vno verbo respondeo, hanc legem non ita scriptam esse, vt omnia maiestatis vel perduellionis capita complecteretur, aut si quæ ad maiestatis olim crimen perduellionisque pertinebant, ea abrogaret: sed illis omnibus in suo vigore manentibus, de hac perduellionis potissimum specie cauisse, quæ coniuratio dicitur & factio inita contra vitam Principis, vel eorum, quorum salute incolumitas & salus Principis continetur. Qua in constitutione, si quis diligentius eam consideret, multa reperiet noua, vel diligentius, quam antea sancita, inprimis quod ad consiliarios & Senatores adinet custodesque, vt dixi, corporis. Nam nec in Senatorem Romanum hoc crimen maiestatis olim admissum existimo ob solam cogitationem consiliumue de cæde eius; vt hæc lex cauet; sed ita si cædes secuta fuisset ob alium, quam Rom. Senatorem etiam secuta cæde, non hoc crimen maiestatis admittebatur, sed homicidii tantum. Seneca lib. v. cōtrouerf. x. Non ages mecum Reipubl. læsæ, si Athenientem Senatorem occidero, sed cædis. Illa vero distinctio, qua interpretes vulgo vti video, vt aliæ sint pœnæ coniurantis contra ipsam personam Principis, alię contra personam consiliariorum vel Senatorum, ineptissima mihi semper est visa; nam hæc lex plane nihil distinguit, imo apertissime easdem omnibus irrogat pœnas. Quare & si qui de nece Consiliarli cōiurauit, non solum capitis pœna bonorumq; publicatio, vt illi volunt, locum habebit, sed & illæ aliæ pœnæ, quæ maxime in §. sequenti, sanciuntur aduersus filios, item memoriæ post mortem rei damnatio. Fateor ob crimina maiestatis, quæ non
sunt

sint perduellionis, memoriam defuncti non dam-
nari. l. ult. D. ad L. Iul. maiest. Sed nego in hac
lege, quam interpretamur de vlla specie maiesta-
tis, quæ perduellio non sit, quicquam caueri. Et-
iam illud concedo spectandum maxime esse non
solum animum delinquentis, quod illi dicunt, id
est, vtrum priuato odio magistratum sit persecu-
tus, an Principis odio in eum coniurauerit: sed et-
iam an cædes eius aliquod præcipuum detrimen-
tum Principi attulerit. Hinc Agrippæ regis illa ra-
tio valere debet, cui cum concionanti Iudæi ob-
streperent, clamantes non se aduersus Romanos,
sed aduersus Florum, ob ea quæ pertulissent, bel-
lum gerere; ad ea Rex, Sed opera vestra, inquit,
talia sunt, qualia aduersus Romanos pugnâti-
um. Neque enim Cæsari vectigal dedistis, & Antoni-
anas porticus incēdistis, vt est apud Fl. Iosephum
lib. 1. 1. de Bello Iud. Et eadem plane ratione ac
moderatione cōuentus Cordubensis apud Hir-
tium lib. 1. de Bello Alexandrino: Legiones de-
precatur, ne hostili aduentu Cordubam diripe-
rent: nam se cōtra Cassium sentire cum omnibus
contra Cæsarem ne facere cogerentur, orare. Le-
gatus enim Cæsaris Cassius erat, & pro prætore
exercitū ab eo obtinuerat. Hic igitur parum pro-
derit dicere, non se Principis odio, sed priuatis in-
imicitiiis esse ad facinus faciendū impulsus. Po-
stremo quæri potest, vtrum ne aliquid hac in par-
te immutatum sit, vel aurea bulla Caroli 1. v. Im-
peratoris, vel constitutione extrauaganti, vt no-
minant, Hentici v. 1. 1. Qui sint rebelles. De bulla
Carolina prius respondebo. est quidem in ea ini-
tium huius legis quod ad personas attinet, totum

immuratum. nihil enim illic de consiliariis, vel Senatoribus, nedum aliis scriptum est, sed de Electoribus tantum, non etiam Principibus aliis: verum hoc nihil huic constitutioni derogat; suo enim instituto & rei, de qua tum agebatur, accommodarunt Carolus Imperiique ordines hanc legem: quemadmodum & Pontifices Romani eam ad suam personam suorumque inflexerunt, nec propterea quisquam dixerit in illis solis personis committi crimen perduellionis: quod si dixeris, nec in Cæsarem committi dixeris. Constitutio autem illa Imp. Henrici ita definit, Omnes illos esse rebelles & infideles nostri imperii, inquit, qui quomocunque publice vel occulte contra nostrum honorem & fidelitatem rebellionis opera faciunt, & contra nostri imperii securitatem aliquid machinantur: contra nos, seu officiales nostros in iis, quæ ad commissum eis officium pertinent, rebellando. Hæc Imperator. Quæ tantum pertinent ad infidelitatis & rebellionis, siue contumacia grauioris quædam facta, non ad summum crimen perduellionis, vel coniurationis in Principem consiliario sue eius. quod ex sanctione subiecta euidentissime apparet, in qua pœnam huiusmodi rebellibus pecuniariâ duntaxat multam irrogat, & illam solemnem atq; vtitatam, indignationis scilicet suæ, quæ ad capitis pœnam nihil pertinet, aliasque grauiissimas quas perduellibus hæc Arcadii & Honorii constitutio iniungit. Quod miror, interpretes nostros non animaduertisse, qui ineptissime ex illa Henrici v i i. constitutione hanc, si Diis placet, interpretandam putant.

Aut Lex, Cogitauerit.

HOc est, vt pluribus verbis in §. emancipationes, dicitur, de ineunda factione ac societate cogitauerit: neque nuda vel vnius cogitatio hic punitur, sed coniuratio, & participatio consiliorum, quomodo in hac ipsa re verbo est cogitandi vltus Q. Curtius lib. v. i. extremo: Qui vt praefectos regis circumstantes se vidit, Demetriũ, & semetipsum id facinus cogitasse confessus est. Suetonius in Cæsare: si qua cogitaretur grauius aduersus se, aut dicerentur. Nunc quod dixi, iterum dicendum est (neque enim satis hoc Interpretes nostri animaduertere,) de factionibus & coniurationibus tantũ scriptam esse hanc constitutionem. neque igitur ad alias species temere extendendum esse, veluti si quis solus cum nemine communicato consilio cogitauerit tale facinus aut etiam pronunciauerit: non erit, vt puto, huic legi locus. quod & Andreas Isernia sensisse videtur in c. quæ sint regalia, §. & bona amittentium, in vltibus feudor. melius, quam Matthæus de Afflictis, qui huic legi locum esse scribit etiam si quis iurauerit vel certo adfirmauerit se Principi mortem vel infigne damnum aliquod allaturũ: stulta hæc verba, & si lenius accipias, misericordia digna, quæ pœna, tanta præsertim & tam multiplici Augustus quidem Cassium quemdam Patauinũ, qui in conuiuio palam dixerat, sibi neque voluntatem neque animum confodiendi Augusti deesse, exilio tantum puniuit, vt refert Tranquillus: quam pœnam Thessalorum leges ob ciconiam

necatamirrogabant, sed sine ioco: eadem verba, quæ Cassius dixit, sed alio animo atque euentu reperio prolata fuisse à Magno quodam Suecia (si bene memini) Duce, qui aduersus regem suum atque cognatum coniurationem fecerat, cum enim ei Rex veniam dedisset, sed idētidem tamen quæreret, Tunc me insidiis obtruncare voluisti? quid inquit ille, rogitas? Nec animus, nec manus, nec gladius defuit, sed fortuna: quæ etiam te sola ab alto miserata seruauit, vt scribit Alb. Krantzius lib. vi. Danicæ c. xxxix. Eum Rex, meo iudicio, tanquam si iterum coniurasset, punire debuisset. Non prætermittā ex hoc verbo huius legis sumpsisse fratrem meum argumentum, quo probaret non posse in legatum regis de quo supra diximus, animaduerti: quia ius gentium, quo legati solo cēsentur, nō punit cogitata præsertim pœna corporali, quod infra demonstrabo. Illud ridiculum esset, admonere, quod hæc lex ait, De nece cōsiliariorum cogitare, ad eam inferendam vel per te, vel per alios, pertinere. Sed in Principe est, quod hic obseruamus; etiam de vita Principis inquirere præsertim per astrologos & mathematicos capitale esse: neque hoc solum, sed etiā de ea dubitare vel desperare, ꝑ crimine maiestatis habitum esse, si ea desperatio indicii esset aliquibus patefacta, veluti, si carmen in Principis mortem compositum, imo & filii Principis, vt apud Tacitum lib. i i i. Annal. C. Lutorii Prisci memorabile exemplum qui in carcere necatus Senat⁹ iudicio, ob carnē in morte Germanici publicatum, sed quod agro Druso composuerat, vt si is extinctus esset maiore præmio

mio vulgaretur. Asperum nimis hoc, scio, & magis à Tiberio quam à legibus videri possit: verumtamen & Alexander Magnus id ipsum pro maximo crimine maiestatis habuit, non ex ira vel ebrietate, sed tanquã recepto iure. Sic enim Q. Curtius lib. x. ait: Rex cognita causâ, pronũciauit, ab accusatoribus vñum & id maximum ctimen esse præteritum, Desperationẽ salutis suæ. nunquam enim talia ausuros, qui ipsum ex India sospitẽ aut optassent reuerti, aut credidissent reuersurũ. Nũquam hoc ita Alexander in iudicio pronunciaffet & causâ cognita, nisi lex Macedoniae fuisset, in qua caput de hac specie maiestatis, vt alia plena seueritatis ac prope immanitatis, quale erat illud de occidendis parentibus & propinquis omnibus eius, qui Regi insidias struxisset. quod caput sustulit Alexander, eodem Curtio & Arriano testibus: non item alia.

Ait Lex, Eadem enim seueritate voluntatem sceleris, qua effectũ puniri iura voluerunt.

IVRA intelligo & Ciuilia, & Romana. Ciuilia ideo, quia ius gentium nunquam punit voluntatem, imo nec consilium quidem atq; conatum pro facto. Sed neque delicta pecuniaria vnquam, nisi pecunia. Quare Theophilus Institutionum paraphrastes doctissimus, cõtra ius gentium esse, quod fures morte aut alia quam pecuniaria pœna multentur, significat illis verbis tit. 2. lib. 1. τὸ κλέπτεν εἰς χεῖματα πωρεῖσθαι, ἐπειδὴ τὸ βλάψαι ἡμᾶς οὐκ ἐν χεῖμασι, quasi par pari referre, & eadẽ mensura redhostire, id maxime iuri gentium con-

ueniat. Nec alia ratione possis Ambrosium interpretari aut tueri aduersus Iudæorū querelam, qui incensam sibi à Christianis basilicā restitui petebāt meritissimo vt videtur, ait. n. Ambrosius epistola x x i x. At certe si iure gentium agerem, dicerem quantas Basilicas Iudæi tēpore imperiū Iuliani incenderint. Romana vero ideo adieci: quia id Romanorum proprium institutū ac ritum esse aiunt, voluntatem pro scelere ducere ac punire: vt testatur Seruius in illum Virgilii locum lib. vi.

Ausi omnes immane nefas, ausoque potiri.

Et Rhodiorum legati in ipso senatu Romano id eis velut exprobrarunt, cum dicerent teste Liuiο, Neque moribus, neque legibus vllius ciuitatis ita comparatum esse, vt si quis vellet inimicum suum perire, si nihil fecit, quo id fiat, capitis damnetur. Quam rem pluribus verbis eorum patronus executus est in eodem Senatu Cato in ea oratione, quæ inscripta erat pro Rhodiensibus. Plura ad hanc rem pertinētia ex ea refert & elegantissima A. Gellius lib. vi i. Noct. Attic. cap. iiii. eaque ab adcusatione Tyronis, Ciceronis liberti, vindicat. Cæterum superior illa sententia duobus modis temperanda est: quantum quidem hæc comprehendere regula possunt: nam minutissimas sapientiæque inanisimas nostrorum distinctiones quis probet? in quibus sæpe nescias discernere, quæ sit regula, quæ exceptio. Videatur Salycetus ad l. is qui cum telo. C. ad L. Cornel. de sicar. & vulgo omnes ad l. si quis non dicam rapere. C. de episc. & cler. Primum igitur temperamentum est, vt locum non habeat ea sententia in nuda voluntate simplici; cogitatione, cuius merito dicitur nulla esse

esse pœna iure ciuili : l. cogitationis. D. de pœn.
Neq; enim Iurisconsulti probât illud Poetarum:

Et scelus intra se tacitum qui cogitat ullum

Facti crimen habet.

Item:

——— *Prima est hæc ultio quod se*

Iudice nemo nocens absolvitur ———

Nec Philosophorū tenues illas, & enucleatas voluntatum in rebus illicitis reprehensiones, & disputationes, vt Gellii verbis utar: nec Theologorum etiam sententias de peccato, & iure diuino, quo puniri aiūt etiam tacita & occulta cogitationum. ex quo sunt, exempli gr̃atia, illa Diui Hilarii Pictauiensium Episcopi in Psalm. LVIII. Viros autem sanguinum non solum admissa cades, sed etiam cogitata consumat. & in Psalm. LV. Nec sufficit non egisse aliquid impium, si mēte cogitatur impietas. Sed neque ipsi Theologi, vt existimo, hoc ita simpliciter intelligunt, vt quæuis cogitatio sceleris sit peccatum, quæuis etiam concupiscentia, sed ad sensus ad eam, & labefactatio animi. nam quis, oro, tam caudex, qui formosissima visa virgine non cōmoueat? Qua de re memini me aliquid legere apud eruditissimū Valesium Philippi Hispan. regis medicum in libro de sacra Philosophia & nunc in excerptis meis ex operibus D. Hieronymi illud reperio lib. VI. c. XYIII. comment. in Ezechielem: Deus igitur, inquit, primos & secundos stimulos cogitationum, quas Græci *μεταβολας* vocant, sine quibus nullus hominum esse potest, nequaquam punit: sed si cogitata quis facere decreuerit, aut ipsa quæ fecerit, noluerit corrigere pœnitētia. Hæc ille diuinitus. Ad Iuriscōsultos nostros redeo, veros harum rerum,

quæ in hac vita punienda sunt, æstimatores ac iudices. Igitur si cogitatio & voluntas actû aliquem externum adsumpserit, ita vt conatus ad facinus potius dici debeat, quam voluntas, id etiam iura ciuilia puniunt, quamuis non semper ordinaria pœna, quæ sceleris constituta est, sed plerumque mitiori aliqua, vt recte & magno consensu docēt iurisciuis interpretes, teste Iulio Claro libr. v. Recept. sentent. §. vlt. quæst. xc i i. & Iac. Menochio lib. i i. de Arbitrar. Iudic. Quæst. casu 360. Id quæ in potestate iudicis semper esse, non in necessitate dicebat Baldus, quod dictum perpetuo cordi tenendum Salycetus eodem loco ait, allegata l. aut facta. §. euentus. D. de pœn. Atque ita ad æquitatem illam iuris gentium, de qua supra demonstraui, quodammodo reditum est, quam etiam Cicero indicat in Verrin. i i i. vbi de Verre legato Dolabellæ, magnum scelus Lampfaci auso scribit: Cæterum, inquit, quoniam non perfecisset, quod conatus esset: & cætera. Alterum temperamentum est, quod hæc iuris ciuilis & huius legis, quam exponimus, sententia ferè locum habet in grauioribus delictis, & quæ naturali & ciuili iure damnantur, vt iidem Doctores magno consensu, & Cuiacius in Observationibus docet, non in leuioribus. Vtrumque temperamentum mihi videtur Paullus in illa nobili sententia esse complexus, de S. C. Liboniano agens; Si ei seruo, qui bona fide seruit, aliquid adscripsit; quod ad cogitationem animi nocens est, quia ei adscribit, quem suum putat: sed quoniam neque legatum neque hæreditas bonæ fidei possessori acquiritur, dicamus eum pœnæ eximendū esse.

esse. l. impuberem. §. 4. D. ad L. Cornel. de fals. vbi primum vides cogitationem animi dici, quę nuda non est, nec intra fines animi stetit, sed ad conatum factumque progressa est, ad legati, inquam, adscriptionem; licet effectus, id est, lucrum nō sit secutum, vetante iure legatum bonę fidei possessori quæri, quod ille tamē quæri sibi putabat. Nō censigitur esse merito ob id dicitur, nec tamē puniendus, quia & frustratus suo voto est, & deliquit in re leuiori & iure tantū ciuili, hoc est, S Cto Liboniano interdicta, neque interdicta propter se, quod aliqua turpitudine esset sibi legatum à testatore relictum adscribere, sed ad euitandas fraudes, ne quis etiam non relictum sibi adscriberet. Culpa igitur adest, in adscribente ei, quem suum putat: sed pœna non adest. & ita prudēter Romanus Stoicus, quales fuisse Iuriconsultos veteres plerosque accepimus. Seneca lib. 11. de Trāquill. animi cap. v 11. Omnia scelera, inquit, & ante effectum operis, quantum culpæ satis est, perfecta sunt. culpæ dixit, non pœnæ: quia sciebat non puniri iure ciuili. His ita explicatis intelligere debemus, neutrum horum temperamētorum in proposito nostro locum habere, ideoque recte Imperatores ea sententia, quam supra posuimus, vfos esse. Primum, quia facinus, de quo agimus, non solum est ex grauioribus aliquod, sed omniū grauiissimum & atrocissimum: deinde quia non nuda cogitatio hic punitur, sed ea quę ad decretum animi excessit, & ad externa quædam. Coniuratio enim per rerum naturam stare intra fines cogitationis non potest, cum requirat ad minimum duos. neque enim secum quisquam dici potest

coniurare, nisi vt in fabulis ille apud Plautum, qui suum cor, suum animum sibi consiliarium & denatum esse dicit. Illud propter grauitatem sceleris, propterque reipub. periculum ac pestē in hoc crimine præcipuum est fortasse, quod etiam prima tentamenta, ac colloquia pro crimine ipso & habenda sint, & punienda. Est enim hic, quod in nullo alio delicto, quantumuis maximo, facile reperias: præsertim si in P̄ncipis vitam, in qua salus omnium periclitatur, vel patriæ exitium, inita sit coniuratio. Id quale sit, ex Catonis malo, quam meis verbis intelligi. Sic enim ille summus vir in oratione, quam aduersus coniuratos Catilinaros in Senatu habuit, apud Salustium loquitur: Nam cætera maleficia tum persequare, vbi facta sunt. Hoc nisi prouideris, ne adcidat, vbi euenerit, iudicia frustra implores. Capta vrbe nihil sit reliqui victis. Quam pulcherrimam sententiam vel Catonem vel Salustium mutuatum esse, primi obseruauimus, ex oratione Lycurgi oratoris aduersus Leocratem quemdam prodicionis reum. Τῶν μὲν ἄλλων ἀδικημάτων, inquit, ἑστράς δ' εἰ τέ παρὰ τὰς πτωχείας. Προδοσίας δ' ὁ δῆμον καὶ ἀλύσιτος περιπράς. εἰ γὰρ ποιεῖται τῶν, τὸν χειρὸν, ὃν ὧ μέλλουσιν ἐκείνοι καὶ τὸ πατρίδας φθῶλον. περιπρίειν, οὐκ ὀτρύνει μὲν καὶ πάντα δίκῃ παρ' αἰσθῶν ἀδικοῦντων λαβεῖν. Credo hunc illum Lycurgum esse, de quo Cicero in Bruto scribit, Adcusationem factitauit, vt Athenis Lycurgus. Multas eiusdem sed latine redditas sententias reperias in libris veterum Rhetorum, inter quas & vnā obseruaui, quam itidem mihi Salustius imitatus videtur. eam sic Rutilius Lupus lib. 1. de Figuris senten. refert: Cuius omnes corporis partes ad nequitiam sunt appo-

appo-

appositiſſimæ: oculi ad petulantem laſciuiâ, manus ad rapinam, venter ad auuiditatē, virilis naturæ membra, quæ non poſſumus honeſte appellare, ad omne genus corruptelæ, pes ad fugam: proſus vt aut ex hoc vitia, aut ipſe ex vitiis ortus videatur. Quæ ſic Saluſtius in Declamatione in Ciceronē: Cuius nulla pars corporis à turpitudine vacat: lingua vana, manus rapaciſſimæ, gula immēſa, pedes fugaces: quæ honeſte nominari non poſſunt, inhoneſtiſſima. Sed vt ad ſententiam illam priorem Catonis redeam, hoc perduellionis crimen excipere A. Gellius debebat in illa ſua diſputatione aduerſus Tyronem, qua Catonem Cenſorium huius Prætorii auum defendit, vitæq; humanæ negotia non eſſe ſimilia pugnæ gladiatorię dicit, in qua hæc propoſita ſors eſt, aut occidere ſi occupauerit, aut occūbere, ſi ceſſauerit. Hic enim, vt diximus, præoccupandum ſemper eſt, ne poſtea nō ſit vlciſcendi facultas. Quæ ratio ſi cōſiderata fuſſet à nonnullis huius Conſtitutionis obtreſſatoribus, non ita temere in eam iniecti eſſent.

Ait Lex, Ipſe quidem, vtpote maiestatis reus gladio feriatur.


SÆPE miratus ſum tam ſimplex & nobile moris genus hac cōſtitutione parricidis iſtis irrogari, cum cætera videantur pleriſque ad acerbitem conquiſita. Nam (vt externa inſtituta, atque exempla raceam) Romæ iam ab initio vrbiſ pœnæ atrociores iniunctæ fuerunt. Metius quadrigis diſtractus, Manlius Capitolinus de ſaxo Tarpeio deiectus, Lentulus aliiſque ſceleris Catilinarij co-

mites laqueo in carcere strangulati, Seianus in Gemonias scalas præcipitatus; alii aliter, & quidem crudelissime (si quid tamen in hos potest crudele) perierunt. Constitutionibus etiam Imperii recentibus, magnâ partem à Carolo v. promulgatis, atrocissimæ sunt sancitæ huic facinori pœnæ, præsertim si Princeps vel Respub. in præsens aliquod salutis discrimen adducta sit, Sed omnes superat memorabile supplicium in eos statutum. qui de Alba Græca Turcis prodenda coiuerant, quod Ant. Bonfinius commemorat Decad. v. lib. 111. rerum Hungaricarum; simillimum ac geminum ei, quod de seruo Ciceronis domini sui proditore sumpsit, opinor, Attica, siue quæ alia mulier, Sed retinere Imp. Arcadius, & Honorius legitimam, & vsitatam pœnam, eoq; illa verba videtur adiecisse, utpote maiestatis reus. Quid ergo est, quod Imp. Constantinus Ducas apud Zonaram lib. 111. Annalium ait, *se τὸς ὀπιβουλὰς αὐτῆς μὴ ἄλλως κακῶς διαθεσθῆναι, εἰ μόνον ὡς ὠνητοῖς καχεῖσθαι αὐτοῖς, ὡς ἤν' νόμων αὐτοῖς πλεῖ ἐλευθερίαν ἀφιλομένων.* id est, se non aliter eos male tractaturum, quam ut pro mancipiis vteretur, quod iis leges libertatem adimerent. quod nostri Iuriscōsulti vno verbo dicunt, seruos pœnæ fieri. Hoc igitur Ducas volebat, remissâ capitis pœna, quam essent promeriti, ita ut ex seruis pœnæ, Cæsaris, hoc est, tuos, seruos efficeret. nam seruus pœnæ qui est, is Cæsaris seu fisci seruus esse nō potest. l. si in metallum in princ. D. de his quæ pro non script. Quoniam Zonaræ mētio facta est, videre apud eum passim licet sub Imperatoribus Græcis, excæcationem in usu fuisse in hoc maxime crimine. Quam pœnam & in

& in Annalibus Gallorum à Ludouici regis quodā domestico scriptis, duobus locis notauī. Idem author de coniuratione quadā in Carolum Magnum ita scribit: Authores vero coniurationis, vt rei læsæ maiestatis, partim gladio cæsi, partim patibulis suspēsi ob meditatū scelus tali morte multati sunt. In quibus verbis agnoscis verba ipsa huius constitutionis, simul & æquitatem; nam & illi ob meditatū scelus, vt hic sancitur, puniti sunt. De gladio lib. i i. de Iurisdictione. In aliis omnibus læsæ maiestatis leuioribus non mors, sed relegatio vel deportatio pœna est arg. l. eorum. D. de pœn. & l. Metrodorum, D. eo. iuncta l. cuius. D. ad L. Iul. maiest.

Ait Lex, Bonis eius omnibus fisco nostro addictis.

ET I A M S I filii adsint, vt mox sequitur. Abrogari igitur hac cōstitutione videtur l. eorum. D. ad L. Iul. maiest. in qua diserte scriptum est, bona liberis damnatorum conseruari ex decreto D. Seueri; & tum demum fisco vindicari, si nemo damnati liberorum existat. Nec refert, quod de liberto patre maiestatis damnato loquatur. nam si id in liberto valet, quanto magis valere debet in libero atque ingenuo? Imo ab his ad libertos ius productum illo Seueri decreto puto, cum de libertis dubitaretur. Argumentum habeo, quod Tacitus libro quarto Annalium de liberis C. Silii scribit, omnia bona paterna iis relicta, excepta quarta parte, quæ indici ex lege deberetur, præ ad clemētiā Principis & Senatus id referre malis, & ad M. Lepidi, qui id pro liberis cēsuerat, autho-



ritatem : vel quia repetundarum verum crimen Silii erat, quamvis quaestione maiestatis exercitum fuerit, vt supra Tacitus dixerat. eoque pertinet, quod de indicis quarta dicitur. Male cum alii, tum Alciatus in l. indicare. D. de Verb. sig. ad legem maiestatis refert. Sed quicquid sit, liberis damnatorum omni & tempore & iure in aliis criminibus relictas saltem partes, varie tamen, certum est, l. ult. D. de bon. damnat. l. ult. C. eod. Dio lib. LIX. & diligentissime exponit Cuiacius lib. VI. obseruat. XXI. donec Nouella Iustiniani liberis & cognatis vsque ad tertium gradum omnia relinqui iussit, nec publicari, nimirum ubi poenam olim publicatio tacite, & à lege sequebatur sine iudicis speciali pronuntiatione de iis facta, vt in deportatione, cuius ipsum per se nomen rerum omnium spoliatio est, vt eleganter ait l. vn. C. TH. De sentent. pass. Sed & Iustiniani illa Nouella excepit tamen nominatim crimen læsæ maiestatis. ex quo nihil nec liberis damnati relinquitur, ne dum aliis. Dico nihil : licet libertorum iura beneficio constitutionum concedi Cuiacius dicat. quod non puto verum, saltem post hanc constitutionem. Nam l. iura. iv. D. de iur. patron. quam in mente habuit, benignissime id rescriptum esse à Diuis Seuerus & Antonino ait. Quare cum hæc constitutio filiis perduellium adimat alia etiã, antea concessa, veluti partem aliquam bonorum, aut (si id in hoc crimine nunquam obtinuit) alia iura, puta, vt extraneis succedere possent, & ne essent plane infames atque intestabiles: multo magis iura patronatus eis adempta voluit, per quæ ad successionem aliquam filii damnatorum admitteretur,

tur, quod planissime verat hæc constitutio. Benignissime autē quod ait d. l. i. v. id apparet ex l. i. i. i. D. de interd. & releg. vbi Alfenus, qui sæculis ante Seuerum vixit, nec in minoribus criminibus, ex quibus scilicet ciuitas amitteretur, salua libertorum iura esse liberis punitorum ait. nec repugnat d. l. i. v. quia post Augusti tempora, cum Alfenus vixit, potuit id mutari, sic, vt Gordianus Imper. nec in dubium venire dicat, consuetū obsequium liberis damnatorū debere libertos paternos præstare. l. etiam. C. de obseq. patr. præst. In crimine igitur perduellionis, saltem post hanc l. quisquis. necius vllum libertorum relictum esse perduellis liberis existimare debemus, in eoq; & Cuiacium falli, & Contium dicendum est. Illa maior questio est, an bonorum publicatio in omni crimine maiestatis irrogetur, an in solo perduellionis genere. Et multi putant in hoc solo, id enim diserte prope modum tradit Vlpianus ad l. ult. D. ad Leg. Iul. Maiest. & Iustinianus in §. interdum Instit. de hered. quæ ab intest. defert. Sed contra Ant. Cōtius in d. Nouella Iustiniani *novella c. l. v.*, non perduellionem, vt Haloander, sed maiestatis crimen verti debuisse cum vetere interprete contendit, contra quem & Robertus Aurelianus stat, lib. ii. Recept. xx i. i. & Cuiacius, qui sic itidem vt Haloander interpretatur id verbi, vt apparet ex fine interpret. eius Nouel. cxxx i. v. Vt nul. Iudic. lic. Græcum verbum Impietatem sonat, quo modo olim id crimen in Principes vocabatur omne: non solum, quod in perduellionis causam eaderet. Dio in Tiberio lib. lv i. i. Iniurias aliorum impietate que in se (iam enim Impietatis nomen id generis

peccatis tribuebatur, multisque ob eam dies dicebatur) penitus dissimulabat. Suetonius in Domitiano: Impie locutus Palmularius. E contrario Pietas dicta, si quis bene animatus esset in Principem, eiusque iniurias vlcisceretur, vel quasuis verborum contumelias: nam & impietatis crimine tenebantur. Tacitus lib. 111. Annal. Id Tiberius solitis sibi ambagibus apud Senatum inculcavit, cum extolleret pietatem etiam modicas Principis iniurias acriter vlciscētium, deprecaretur, tam præcipites verborum pœnas. Suetonius in Augusto. Laudavit quidē pietatē tantopere pro se indignantium. Nolim itaque Robertum, καροσιόσιος nomine crimē solum significari dicere, quod aduersus Rempublicam perpetrātū sit, ex eo, quod οσιος, ut ait, publicum significet. Nam & priuatis, præsertim patribus communicantur hæc nomina Impietatis, & Maiestatis. Perduellionis autē nomen non facile quis reperiat alibi vsurpari quam in crimine in Rempubl. vel Principem Rom. admisso, cum quis hostili animo aduersus eos animatus est, ut loquitur Vlpianus in d. l. ult. & ex eo, opinor, veterum glossæ, in quibus, Perduelliones, οἱ κατὰ τὴν δῆμῳ τῆς Ῥωμαίων βουλευμένοι, ἢ κατὰ βασιλέων. De Horatio, qui perduellionis iudicatus ob interfectam sororem, alibi copiose exposui, in libro ad L. Portiam de suppliciis siue de libertate Romana. Eleganter D. Hieronymus in patre hoc verbum vsurpat, cum ait Abololonem contra patrem perduellionem præparauisse, in lib. 2. Reg. cap. 15. Sed id nō qua pater, sed qua Rex erat. Sed ad rem: argumentum Contii infirmissimum est ex Græco vocabulo ductum, præsertim cum non habeant

habeant Græci nomen, quo Perduellionem exprimant, sicuti nec quo simile Talionis, aliaque multa: vt docet in quadam epistola Iul. Scaliger, Ciceronem defendens. Sed neque contrariæ sententiæ authorum firmum est, quod ex d. §. Interdum. & d. l. vlt. ducunt. Nam Iustinianus & Vlpianus illic publicari bona dicunt in perduellionis causa non quia non & in aliis maiestatis criminibus publicentur: Sed quia in solo perduellione memoria damnetur & bona publicetur mortuo reo, quamuis nulla adulatione instituta decesserit, de hoc enim illi agunt. Deinde refellitur hæc sententia ex eo, quod in aliis causis maiestatis deportationis pœna irrogetur, quam sequitur tacite bonorum publicatio l. eorum. D. de pœn. Quid igitur dicendum? Vulgo duo capita legis Iulix maiestatis faciunt, Vnum summum, quod Perduellio dicitur, atque in eo omnes consentiunt. In altero ponendo & explicando mire variant. Sed forte rectius sit, tria capita vel potius tres gradus facere. Vnum, in quo contineantur ea, quæ pertinent ad causam perduellionis, in quo solo memoria post mortem damnatur. d. l. vlt. D. ad L. Iul. maiest. Alterum, in quo leuiora crimina siue facta collocari debent, quibus non Principis vel Reipub. salus ac tranquillitas petitur nec hostilitas vlla versatur, sed dignitas eius violatur, aut aliquid ei detrahitur, sed non hostili tamen animo. Quale est, si Principis statuæ iam consecratæ violentur, puta deiiciendo, vel conflando eas. l. 4. cum tribus seqq. D. eod. tit. nisi rebellionis vel seditionis causa id factum sit: vt Antiochiæ deiectis Imp. Theodosii imaginibus; id enim iure pro

summo maiestatis crimine habitum, & vindicatum in authores præcipuos fuit. Quæ de re multæ extant D. Chrysostomi in ea vrbe conciones habitæ. Tertium gradum horum criminum facio, cum quid sit vel dicitur, quod maiestatem Principis nullo modo imminuat, contemnique à sapientibus & bonis Principibus debet, vindicatum sæpe à malis, veluti quod quis prope statuum Imperatoris seruū ceciderit, vestem posuerit, vrinam fecerit, & similia plurima, apud Tacitum, Suetonium, Dionem, alios; præsertim si non animo contumeliæ inferendæ, sed vel errore fecerit, vel petulantia, vel stultitia. In his rebus diiudicandis maxime ante oculos haberi debet, quod est in cōstitutione Theodosii & filiorū Arcadii & Honorii, in l. vn. C. si quis imper. maledix. & apud Modestinum in l. famosi §. 3. D. ad L. lul. maiest. Hoc crimen à iudicibus non in occasionem ob principalis maiestatis venerationem habendum est, sed in veritate, & personam spectandam esse; & quæ sequuntur. In secundo illo gradu læsæ maiestatis locum habere bonorum publicationem verius est, d. l. nec eorum cum simil. D. de pæn. adeoque & ipsum cōtineri verbo *καταδικάζονται* in dicta Auth. bona. C. de bon. proscript.

Ait Lex, Omnibus bonis.

NON solum quæ habet, cum damnatur; supplicioque adficitur, sed etiam quæ habuit & alienauit, postquam hoc scelus cogitasset, imo & quæ habiturus fuisset, nisi deliquisset. De primo genere clara res: nisi quod incidit quæstio de bonis feudalibus, & ecclesiasticis, & si quæ similia habuit, de quibus commodius postea dicā ad ver-

ba illa, Fisco nostro. De secundo genere etiam suo loco exponam, id est, ad §. emancipationes. infra h. l. De tertio hic dicendum. Ac primum de spe vel iure successionis, quod habebat. Et amittere omne ius eum, certum est, nam si bona acquisita & sua perdit, multo magis acquirenda. arg. l. patre. D. de his qui sunt su. vel al. iur. & præterea si filii eius innocentes sunt plane incapaces, multo magis ipse. Sed de illo dubitatur, an hæc quoque bona, quæ spe & iure ad eum pertinuissent, fiscus vindicare possit, tanquam qui in locum rei successerit. Et verum est non posse, quia in fiscum non transeunt iura acquirendi, sed iura iam acquisita. l. 1. §. an bona. D. de iur. fisc. l. 111. C. ad l. Iul. de vi. Sicut nec in patrem vel in dominum l. is qui heres. D. de adquir. hered. l. cum proponas. C. de hered. instit. Deinde bona confiscantur hac lege, sed ius illud & spes acquirendi est extra bona. l. pretia rerum. D. ad L. Falcid. Ergo verum est, ab aliis fiscum excludi. primum à substituto rei, si quem habuit testamento datum. l. vn. §. in secundo. C. de cad. toll. l. ex facto. §. ex facto. D. ad SC. Trebell. ubi filii post deportationem patris suscepti non faciunt deficere conditionem illam, si sine liberis, nec prosunt patri: sed bona vindicantur fisco cum sua tamē causa, id est, cum onere fideicommissi relictī sub ea conditione. ex quo apparet substitutum suum fideicommissarium fisco potius esse. Si substitutum non habet, sed cohæredem vel collegatarium, etiam hi præferuntur fisco d. l. vn. de cad. toll. Neque refert, quod ad fiscum præsertim adtinet, utrum delata sit hæreditas iam incapaci, an vero capaci: & si incapaci, v-

trum ab initio testamenti incapax fuerit, an postea. Priori enim casu pro non scripto habetur, & vel substituto, vel coheredi vindicabitur, vel neutro extante, hereditas ab intestato succedentibus: aut si de legato agatur, penes eam remanebit, à quo id testator reliquit d.l.vn.§. in primo. Quod si post testamentum capax esse desiit, id quod relictum ei est, in causa caduci esse dicitur; & idem ius quod in priori casu, seruabitur ex eadem Iustini constitutione, nisi quod in priori casu onus, si quod adiectum hereditati vel legato erat, non transit ad eos, ad quos transire hereditatem & legatum diximus; sed ut illa, pro non scripto habetur: in posteriori casu transit omne onus cum ipsa re. Sin autem post mortem testatoris caperit esse incapax, hic, quod relictum est, proprie caducum adpellatur: sed neque hic quicquam fisco acquiritur ex dicta saepe constitutione. Nam fisco succedit indignis: eripit, inquam, hereditatem indignis: at is qui capere non potest, multum ab indigno distat. Indignus enim potest capere, & reuera capit, sed retinere non potest, quod cepit, extorquente fisco. Incapax autem qui est, is statim repellitur, & antequam capiat, quod & ipsum nomen incapacis satis indicat. Quare hereditas indigno delata non recte & proprie dici potest caduca, sed potius ereptitia, ut Vlpianus adpellat in Titulis Regularum. Ad hoc qui indignus est, is etiam haeres est, manetque haeres etiam post hereditatem sibi à fisco ereptam, saltem nomine. Cuius nominis ratione consequi quædā potest, quæ illius nominis sequela sunt. Lex factio. §. Iulius & ibi Baldus. D. de vulgar. & pupill. substit. In iis, quæ

quæ de indignis constituta sunt, nihil se immutauisse Iustinianus profiteretur; in §. quæ autem antiquis. d. l. vn. de cad. toll. Sed videamus, quid si hæreditatis delatæ tempore incapax primum est, an hoc saltem casu hæreditas fisco deferatur? quod nequaquam dicendum est: deferitur enim iisdem personis, quibus ante demonstrauius. Nam si incapax cæpit esse viuo testatore, quasi caduca hæreditas est, nec dum etiam deferri ei potuit: si mortuo testatore, caduca. Sed dices, quomodo post mortem testatoris incapaci facto potuit deferri hæreditas: cum hæreditas deferatur statim à morte testatoris, si pure relicta sit? Nam si sub conditione vel in diem certum relicta sit, ne deferatur quidem antequam conditio, vel dies extiterit. d. l. vn. §. sin autem aliquid sub condit. & l. delata. l. cedere. D. de verb. sig. cum simil. Igitur nec adiri, nec repudiari antea potest, adimus enim & repudiamus duntaxat delata l. is qui hæres. D. de acq. vel amit. hæ. Sed ponendum est, hæreditatem ei delatam esse, cum capax esset, sed priusquàm eam adiret, vel repudiaret, desiisse capere posse. Sed hoc casu proprie caduca hæreditas dicitur, cū id contigerit mortuo testatore, vbi quid iuris sit, supra docui. Quod si iam adiuerat hæreditatem, tunc quia ei acquisita est aditione, & eius propriū patrimonium facta est. l. si plures. §. cohæredi. D. de vulgar. & pupil. substit. idem seruabitur, quod in cæteris eius bonis, quæ fisco vindicantur. Quid si pendente adcusatione hæreditatem repudiavit? potest enim & adire interim & repudiare, cum integri sit status, vt & post sententiam posset pendente appellatione. l. filio. §. irritum. D. de

iniust. rup. irr. an si postea sequatur condemnatio, vel confirmatur sententia, poterit hæreditatem reuocare, tanquam in fraudem suam facta repudiatione? & verius puto, non reuocaturum: neque enim tenetur reus fisco acquirere, sed non diminueri in fraudem fisci, argu. Edicti fraudatorii. l. quod autem in pr. D. quæ in fraud. credit. Hoc edictum, inquit ibi Vlpianus, pertinet ad diminuentes patrimonium suum; non ad eos, qui id agunt, ne locupletentur. Nisi quis aliter statuendum putet in hoc crimine perduellionis, in quo initium inspicimus meditari sceleris h. l. §. emancipationes. & pen. & ult. C. eod. Sed hoc tamen ad bona acquisita pertinet & sua: nec vspiam reperio idem statui in bonis, quæ quis omisit acquirere, cum posset. Hæreditas etiam si repudiata non sit, tamen non est hæredis, nisi eam adeat, neque inter bona eius numerari potest: nec personam hæredis ante aditionem sed defuncti repræsentat. l. hæreditas. D. de acquir. rer. domin. nec publicatio bonorum trahitur ad futura. l. si tibi mandauero. §. is cui. D. Mand. multo minus ad ea, quæ amissa iam sunt, puta repudiatione. Amplius dicendum est, ne fideicommissum quidem purum adquiri fisco, si reo, cui relictum est, non sit facta ab hærede restitutio: quia sicut ante aditionem non acquiritur hæreditas, ita nec fideicommissum ante restitutionem §. restituta. Inst. de fideic. hæred. l. facta. in pr. D. ad S. C. Trebell. Imo etiam in iis casibus, in quibus receptum est, ut fideicommissi restitutio siue adquisitio fiat ipso iure, tamen ab hærede debet fideicommissarius possessionem rerum petere, ut notat Adcursius in l. 1. §. sed quotiens. in verb.

in verb. actiones. D. ad Trebell. gloss. in c. 2. de consuetud. Quare etiam fiscus, si ea bona per se occupasset, restituere teneretur, ut præclare docet Philippus Decius consil. 438. 445. 462. Quæ de hereditatibus, fideicommissis, substitutionibusq; diximus, eadem de omni iure conditionali, q; reus habet, dicenda sunt; sed in ultimis tantum voluntatibus, non in contractibus. nam eo qui contraxit, damnato, fiscus etiam in illud ius conditionale succedit, quia stipulationis ius ac spes ad heredes transmittitur. §. ex conditionali Inst. de verb. obl. ergo & fisco idem tribuendum, qui loco heredis est. atque hanc differetiam inter ultimas voluntates, & contractus communiter à Doctoribus adprobare, testatur Menochius cons. c. 1. quamvis contrarium sentire Thomam Grammaticum cōs. vii. criminali dicat, id est, idem ius esse in ultimis voluntatibus, quod diximus in contractibus. Ego nec in contractibus facile hoc ius recipiam: neq; moueor supra scripta ratione; quia fiscus licet in multis similis sit heredi, tamen non iure heredis succedit, sed quodam proprio, vel regalium, ut pulchre ait Zasius cons. xix. lib. ii. vel præminentiæ cuiusdam, ut alii loquuntur. Quæ de realibi copiosius disseruimus. Huc facit, quod ius conditionale est ius futurum: at publicatio bonorum non trahitur ad iura futura, imo nec ad bona futura, vel postea acquisita, ut supra dictum. atque ita putarem etiam in contractibus talibus nihil transire ad fiscum. licet non sit in iis hoc expeditum, ut in ultimis voluntatibus, ut notat Car. Molineus in consil. Decii cccxxv. num. 111. seque de eo dixisse in consuetud. Paris. ait, quæst. cx cviii.

Nunc de filiofamilias perduellionis reo, videamus. Et primum incidit quaestio de legitima, quae filio debetur, an ea fisco cedat? De iure civili loquor. nam extare quorundam Principum praesertim in Italia leges scio, quibus non solum legitima, sed etiam omnis successio nec patris solū, sed auarum etiam maternarum, item omnia fideicommissa, quae ad aliquem si crimen non admisisset, venire debuissent, fisco suo addicunt, non secus, ac si fiscus illa esset ipsa persona, ad quam haec pertinebant, nisi coniurasset. Iure civili autem ne legitima quidem debetur fisco: quia nullum ius in eam habet filius viuo patre, vt Bartolus docet recte in l. 1. §. si impuberi, per illum textum. D. de collation. & in l. fin. D. de lib. agnosc. l. fin. C. de pact. ideo si viuo patre filius damnatus sit, & post mortem patris adhuc viueret, non fisco, sed haeredibus legitimis ab intestato venientibus ea legitima deberetur, vt respondit Paulus Castrensis consil. 212. vol. 2. Nec obstat quod legitima ista dicatur natura ipsa, nedū iure civili filiis deberi. vt l. cum ratio. D. de bon. damnat. cum simil. quia intelligendum est, mortuo tandem patre, nō viuo. Deinceps de peculio cognoscamus. In quo duplex distinctio tenenda est, vna inter genera peculiorum: altera inter damnationem patris, & filii. Igitur si pater damnatus sit, bonis eius publicatis, non venit peculium castrense, vel quasi castrense: cum id totum sit filii & vsufructu & dominio, in eoque paterfamilias habeatur. l. 11. in fine. D. de Senatusconsulto. Macedon. imo nec damnato filio publicatur, sed patri conseruatur, vt postea docebo. De peculio profectitio dubitatur est

est enim id totum patris, vt castrense filii. l. fin. in pr. C. de bon. quæ lib. Idemque nominatim traditum est in l. 1. §. vtrum. D. de minorib. vbi peculium profectitium filio separari ex quadam cōstitutione Claudii dicitur: quod singulare est, neque alibi reperitur, vt Bartokus & Cuiacius mōnent. Scio illum §. loqui de bonis patris non ob delictum publicatis, sed ob debitum à fisco occupatis, puta si ex contractu pater, vel ex administratione debuit. Sed recte Guilelmus de Cuneo, multo magis in publicatione id valere debere dicit, cum eo casu fiscus certet de lucro, & ideo minus ei fauendum sit: in contractus autem & administrationis causa de damno vitando sagagat arg. l. vlt. C. de codicill. & l. vlt. §. licētia. C. de iur. deliber. Vnde & creditores constitutum est fisco in pœnis præferri. l. 1. C. pœn. fisc. cred. lib. x. l. quod placuit. D. de iur. fiscal. multo minus obstat l. 1. §. alienatio. D. Quando act. de pecul. ann. est, vbi fiscus succedens patri deportato dicitur teneri actione de peculio, vt quiuis alius hæres patris tenetur. Nam nihil impedit quo minus peculium sit penes filium, qui morte patris vel deportatione est sui iuris effect⁹, vt ibi dicitur: actione autē de peculio successor patris teneatur. l. 1. r. C. ad L. Iul. de vi. l. si quis posthac. §. sed in his. C. de bon. proscript. Quamuis filius hoc casu teneatur petēti fisco cauere de indemnitate, aut fiscus de peculio retinebit, vt in d. l. 1. subiicitur. Atq; hoc quidem expeditum est in aliis criminibus: In hoc vero perduellionis cōtra puto, omnino publicādum peculium profectitium. est enim vt dixi, patris: cuius omnia plane bona hæc con-

stitutio publicat. Deinde prohibet filios etiam ex materna hereditate & aliorum capere quicquam, iubet esse eos perpetuo pauperes, egentes, in sordibus, in solitudine tabescere, vitam eis pro supplicio esse. Nec refragatur illa ratio, quod patris poena filius sit effectus sui iuris, liberatusque patria potestate etiam si pater viuat puta deportatus. d. §. alienatio. & l. si. C. de sententiâ pass. l. deportatus. C. de bon. proscript. peculium autem quod filio à potestate liberato non est ademptum, concessum esse dicatur, l. siue, C. de donat. l. fin. C. de emancip. Respondeo, satis ipsam legem ademisse, in hoc crimine ut iam dictum. Et plus valet ademptio legis, quam ademptio patris. nam patre perduellionis damnato post mortem eius filius desinit suis hæres esse adeo ut nec iura sepulchrorum habeat, l. 1. §. interdum D. de su. & legit. quæ tamen iura non adimit ei ex hæredatio, etiam sepulchri hereditarii. l. vi. §. 1. D. de relig. & sumpt. fun. imo nec ius sui plane, ut alibi docuimus. Maior questio est de peculio aduentitio, in quo pater usufructum, filius dominium habet. Maior, inquam, non in aliis criminibus, sed in hoc de quo agimus, maiestatis. nam in aliis si peculium profectitium filio separatur, ut supra docui, quanto magis hoc separandum erit, vel potius non adimendum filio, cuius est? Sed de usufructu queritur, an in eo succedat fiscus, patri damnato? & siquidem pater supplicio est ultimo adfectus, morte eius sine dubio usufructus cum proprietate est consolidatus. neque in hoc à vulgari usufructu differt. Quod si pater adhuc viuat, puta deportatus, quidam usufructum siue commodum eius fisco adiudicant, do-

nec

nec pater naturali morte extinguatur, in qua sententia fuit Bartolus, per l. si postulauerit, in §. iubet, vbi notat. D. ad L. lul. de adulter. Vbi vsusfructus alieni serui, quem reus lege Iulia de adulteriis habuit, publicatur, siue, vt lex ait, perceptio vsusfructus ad publicū incipit pertinere. Sed responsio pater ex d. §. Ideo enim vsusfructus publicatur, vel proprietas, si hanc reus habuit, vt seruus sine vlllo metu verum dicat in quaestione, neque in ea obduret, si timeat aliqua ratione se aliquando in rei potestatem regressurum. Qui metus, & quæ ratio singularis est, neque vlllo modo ad commodari huic nostræ quaestioni potest. Citatur ab eo & l. Staius. §. fin. D. de iure fisci. vbi matre, quæ Felici rogata erat fideicommissum post mortem suam restituere, damnata, bonisque eius publicatis, fiscus in fideicommissio illo præfertur Felici interim, dum dies fideicommissi veniat: quia, inquit lex, posset Felix ipse prius mori, vel etiam mater alias res acquirere. cum qua l. consentit & l. cum pater. §. hæreditatem filius. D. de Legat. 2. Sed neque hoc argumentum vllius momenti est. Nam non vt fideicommissum pendet & in incerto est, propter diem eius, propter quem incertū, vtrum mater prius an Felix moriatur; sic etiam vsusfructus pendet damnato patre: imo statim cū proprietate consolidatur, vtpote extincta & finita patria potestate per deportationē, aliamue pœnam. Quapropter dicendum est, ad filium redire vsusfructum, penes quem est proprietas, non fisco adplicari. idque eo incunctantius in aduentitio dicendum est, quod & profectitium ipsum peculium, in quo filius nihil iuris habet, tamen filio

separatur publicatis patris bonis, vt supra demonstrauimus. Illa differētia est, quod in crimine perduellionis profectitium peculium ad fiscum pertinere docui: aduentitium neque in hoc crimine puto: quia nihil vsquam de eo videam cautum, vt si quid filius habeat, id ei eripiat, sed nequid ex paternis bonis consequatur, in quibus certe non est peculium aduentitium, sed nec vsusfructus eius, cum ad filiū ipso iure redierit, & dominio coniungatur, soluta patria potestate pœna patris. Nunc de filiofamilias capitis dānato cognoscendum est. An igitur peculium eius publicabitur? Et semel dicēdum est, nullum publicari. Primum de peculio profectio certa res: cum enim sit patris. l. fin. in princ. C. de bonis quæ liber. l. certum. C. famil. erisc., iniquissime ei ob delictum filii adimeretur, cum filio ob delictum patris non adimatur, excepto crimine perduellionis, vt supra docui. quid igitur an etiam hic excipiemus hoc crimen, vt publicetur hoc peculium damnato perduellionis filio? Nequaquam: neque enim est par ratio, nam ob delictum patris ideo publicatur, quia lex vetat quicquam consequi filium ex bonis paternis, in quibus sine dubio est hoc peculium. & vetandi ratio est multiplex ad puniendos filios, ob patris crimen, quæ nulla est ad patres puniendos ob delictum filii, vt infra explanabimus. Huc facit l. si filius. C. de bon. proscript. vbi nec castrense peculium publicari dicitur, quod tamen totum est filii, quanto minus igitur profectitium, quod totum est patris? Obseruaui tamen antiquissimis temporibus exemplum contrarium huic sententiæ nostræ, quod ita Plinius commemorat,

morat, in lib. xxxiv. Natur. histor. cap. i v. Romæ
 simulachrum ex ære factum Cereti primum re-
 perio ex peculio. Sp. Cassii, quem regnum adse-
 ctantem pater ipse interemit. Sed hoc moueri
 non debemus, cum exempla non faciant ius, mul-
 tisque de causis, illa præsertim Repub. veteri san-
 ctissimaque, vel Senatus populusque id iusserit,
 vel pater voluerit, facile ferens se peculio filii spo-
 liari, quem vita ipse spoliasset; imprimis ut monu-
 mentum extaret in illo simulachro & notati sce-
 leris, & publicæ libertatis conseruatæ, quæ ratio
 cum in aliis multis, tum in Ciceronis (quamuis in-
 nocentis) domo euertenda, Libertatisque in eius
 area, simulachro collocando valuit. Peculium et-
 iam castrense, ut dixi, non publicatur, sed conser-
 uatur patri, neque id solum quod pater in militiam
 eunti donauit, sed & id, quod filius ipse in castris
 adquisiuit d. l. si filius. Sed duo hic consideranda
 sunt. Vnum est, an hodie locus sit d. l. si filius. Al-
 terum, an si sit, excipi tamen ab ea debeat hoc cri-
 men perduellionis? Quod ad prius attinet, ratio,
 cur ita Imp. Alexander rescripserit, patri non esse
 peculium illud auferendum, non est tam misera-
 tio patris, quæ forte Claudium mouerat, ut patris
 bonis publicatis filio peculium profectitium se-
 parari iuberet, quam quia, licet filii familias plane
 sit peculium castrense: tamen vel ipsum nomē pe-
 culiū satis indicat, aliquid in eo iuris patri esse, sal-
 tem filio mortuo. nam eo mortuo intestato pater
 non iure hæreditatis id peculium capit, sed occu-
 pati iure peculii. l. i. D. de castrensi pecul. Et ratio
 est, quia filius non est usus priuilegio & iure suo,
 quod ex constitutionibus Principum habet, atque

ideo pater iure veteri in eo peculio utitur similitudine cuiusdam postliminii, ut ait l. pen. D. de cast. pecul. & eleganter Aduersus; cum filius non testatur, retro intelligitur peculium fuisse profectitium, non castrense ad d. l. penult. Sed hæc ratio hodie immutata est, cum filiusfam. in eo peculio etiam legitimum heredem habeat patrem vel filium suum, si quem habeat, ut not. in d. l. 11. & l. pater qui castrense. eod. tit. consentaneum videatur etiam ius illud immutari, ut scilicet hodie peculium castrense filii ob eius capitale delictum publicari debeat. Sed contrarium verius est, propter expressa verba d. l. si filius. nec obstat argumentum de ratione immutata. Cui responderi multis modis potest. Primum nego eam solam rationem Alexandro fuisse sic respondendi, quod pater iure peculii occuparet bona castrensia filii ab intestato mortui. Sed & patris, ut dixi, miseratio aliqua & patria maiestas, & iuris veteris ac communis ratio, quo iure, omnia filiorum pertinent ad patrem, nec privilegio militari, quo bona castrensia propria filiorum sunt facta, debet esse locus in filio capitis ob scelera tanta damnato. Deinde etiam si illa sola ratio fuisse crederetur, negare possem, quod & Cuiacius verbo tantum negat lib. 11. Definit. Papi- niani, illam hodie immutatam esse, id est, filium ab intestato habere legitimum heredem: cum Nouellæ Iustiniani quæ ad hoc allegantur, in primis Nou. cxvi 11. de hered. qui ab int. dif. ut & lex ult. C. eorū de success. non satis plane id affirmant. in castrensibus certe nihil video immutatum: in quibus testamentarium heredem, non legitimum habent. Non displicet tamen mihi distinctio illa

Saly-

Salyceti inter successores filii familias, quamvis perplexe admodum & obscure loquatur; sed clare à me dicetur. Nam si pater filio deportato ab intestato erat; ut tunc remaneat d. l. si filius, incorrecta. Ratio: quia potest pater recusare filio succedere ut hæres, (licet ab eo institutus sit) & occupare bona eius iure peculii; sic tamen ut peculii fini legata præstare teneatur, exemplo legitimi hæredis. l. pater qui castrense. §. 1. D. de cast. pecul. ergo & hodie hæc ei electio permittenda est, nam constitutum est, ut hæres ab intestato possit esse filio, ut videlicet quod in d. §. 1. non impedit delatio ex testamento, non impediat hodie delatio ab intestato. Hoc posito, sequitur, ut fiscus non possit bona filii deportati occupare, & præferri patri, qui alio iure quam hæredis ad ea bona venire possit: fiscus autem hæredi solum damnati præfertur, non aliis, qui alio iure nitantur. l. deportati. C. de d. tit. cum simil. Quod si filius istius damnati filii fam. supersit, quia filius excludit in successione patrem, eundemque avum suum; filiorum enim semper prima est causa. Auth. de hæred. ab intest. l. 1. & pass. D. de su. & leg. hæred. idcirco patri nullus est locus, neque ut hæredi, neque ut patri, id est, ut peculii iure ac nomine bona filii occupare possit. Solus igitur filius est, cui hæreditas paterna deferatur. Sed quia pater deportatus est, ideo filium excludit fiscus, cum deportatus non habeat hæredem d. l. deportati. & l. deportatorum. C. de pœn. Sed hoc non obstante pater fisco filioque præferendus est illa ratione: quia hæreditas non potest dici filio delata esse, priusquam pater eius naturaliter moriatur d. l. deportati, & ratio est, quia viventis nul-

la est hæreditas, nullus hæres. l. i. D. de hæred. vel act. vend. Ergo pater etiam non potest dici prius esse exclusus à nepote. vnde sequitur, vt nepote nihil ei obstante, ipse occupet bona filii iure peculii, vtpote cum d. l. si filius. patri tanquam debitū deferat hoc peculium ante mortem filii: mortuo autem eo pater vt suum retinebit, quoniam iam ante in bonis filii esse desiit; atque ita etiam hodie locus erit d. l. si filius, quamuis concedamus filiumfam. habere hodie ab intestato hæredem. Postremo vt & hoc concedatur non solum habere hodie filiumfam. in bonis castrensibus legitimū hæredem, sed etiam iuris quo Imp. Alexander in d. l. i. i. i. motus sit, rationem immutatā esse: non propterea & statim dicendum est, & ius ipsum abrogatum esse, vt bene Iacobus Buttrigarius dicebat in Auth. quas actiones, & ibi latissime Iason. C. de sacrosan. Eccles. Posito igitur quod verissimum iudico, etiam hodie d. l. si filius. i. i. i. locū esse: an ab eius regula excipiendum est crimen perduellionis, & si quod simile, puta conscitæ ob conscientiam sceleris mortis? Nam d. l. loquitur de filio deportato: ex lenioribus igitur criminibus, quam isto, de quo agimus. Et omnino dicendum est, in perduellionis crimine non esse dictæ constitutioni locum: tum quia de aliis loquitur, tum quia hoc crimen excipi ab omnium regula solet. l. ex iudiciorum. cum simil. D. de adulat. tum quia nō est ea ratio hic conseruandi patri peculii castrensis, quæ fuit peculii profectitii, quod pleno iurē est patris: cum illud pleno iure sit filii delinquentis: ideoque nulla fiat patri iniuria, si fisco vindicetur. De Aduentitio peculio videamus, & in aliis quidē cri-

criminibus, cum nec castrense peculium publicetur, quanto minus publicabitur aduentitium, in quo tantum ius habet, nimirum vsumfructum, & plenissimam administrationem? quæ ratio satis indicatur ab Imperatore in d. l. si filius. cum ait, Nec quod in castris acquisiuit, auferri patri debere: quasi dicat nedum alia peculia, vt Adcursius, Azo, & alii notarunt. Sed viuo patre nulla est quæstio propter vsumfructum eius & administrationem, quæ ipsi indignum sit propter delictum filii eripi, cum nec proprietatem, cuius est filius dominus, possit viuo patre alienare vlllo modo l. cum non solum. §. filius autem. D. de bonis quælibet. De proprietate, & ipso viuo patre queritur, & de pleno iure proprietatis, patre mortuo. Videntur enim fisco vindicanda esse, cum & proprietas sit filii non patris, & vsumfructus patre mortuo ad proprietatem redire soleat. Sed contrarium verius est. omnino quidem in proprietate viuo patre, cum eam filius alienare non possit, vt iam docui. ergo nec delinquendo potest ea patrem priuare, arg. Auth. e contra si filii. C. de repud. & iudic. de mor. subl. vbi filii fam. non possunt matrimonium distrahere inuito patre addita ratione, ne id vertat in læsionem parètum, qui dotem aut donationem ante nuptias obtulerint, aut susceperint soli. Sic igitur nec in pposito præiudicium debet vllum inferri patri, vt alienatione filii, ita & delicto. imo nec facto filii vlllo, quantum pio, puta ingressu religionis. neque enim privilegium etiam filiorum ad alienam iniuriam extendi debet, nedum patris. l. impuberi. D. de admittitur. Sed in contrarium facere videtur, quod con-

stitutum est, Minorem xxv. annis non posse alienare prædia, aliasque res immobiles: idem tamen delinquendo ea amittit. l. clarum. C. de auth. præf. Sed facilis responsio est. de patrefamilias ea lex loquitur, in quo non potest considerari iudicium vllum patris, sed ipsius tantum, cuius causa alienatione ei interdictum est Oratione Seueri, quod beneficium & quem fauorem Orationis amittit delinquendo, neque enim in delictis sed in contractibus ei succurri voluit, vt & Edictum Prætoris. l. auxilium. D. de minor. Patre autem postea mortuo, cum eius vsusfructus atque omne ius sit extinctum, videtur dicendum, peculium aduentitium pleno iure ad fiscum pertinere; præsertim si filius damnatus adhuc viuatur. Sed contrarium verius est, quia nec castræse peculium ad fiscum pertineret patre mortuo, vtpote patri legibus adiudicatum d. l. si filius. Et hæc quidem in aliis criminibus. Cæterum in crimine perduellionis etiam aduentitium peculium publicari verius est, saltem mortuo patre, quod ex supra dictis quiuis intelligit, & verbis huius legis illis, omnibus eius bonis. quæ verba raro in filiosfamilias cõuenire possent, nisi hoc peculium quod eius est, publicari diceremus.

Ait Lex, fisco nostro.

NON igitur ærario, vt Antoninus iubebat. Sed quid si bona Ecclesiastica reus habuit? proculdubio nihil inde fiscus accipit. de quibus nec iudicare vllomodo quisquam potest, nisi Ecclesiasticus iudex. c. tuam. ext. de ordin. cognit. De Clerici bonis temporalibus quæritur? Et verum

rum est ea fisco Principis adiudicari, nō Ecclesiæ. quam etiam consuetudinem Galliæ, rebus iudicatis in ciuitate Aquensi confirmatam scribit Odradus, consil. 1 v. & consil. xv 1 1. mobilia tamen excipiuntur, quæ vindicet Ecclesiæ. Iura autem inter immobilia connumerantur. Sed tamen ius patronatus ecclesiæ alicuius dānato Laico, qui id habebat, verius est in fiscum non transire. quāuis in hæredem extraneum transeat, c. si plures, vbi not. Clement. de iure patronat. est enim ius spirituale, & Ecclesiæ, non vt iura patronatus libertorum l. 1. & ibi Bald. C. de bon. libert. Maior quæstio est de bonis feudalibus. Amitti quidem ea Vasallo constat: sed cui adiudicentur, Principi ne, in quem cōiurauit, an domino feudi, an agnatis Vasalli, mirifice interpretes nostri controuersantur. Et si quidem de bonis feudalibus agatur, quæ perduellis possidet ab ipso Principe, in quem coniurauit, dubitari non debet, quin illis recte à Principe priuetur, non solum si feudum nouum sit, sed etiam si paternum atque antiquum. Sed an cogatur Princeps alios de illa familia inuestire? ne hoc quidem, si ipsi Principi delatum atque apertū feudum est. Quod verius est, licet multi reclamant, qui adgnatis deferri dicunt, qui quarto gradu à Vasallo delinquente distant: nam intra illum gradum certum est, adgnatis non deferri c. 1. §. si vasallus. Si de feud. defunct. fuer. controu. & c. 1. Si vasall. feud. priu. idque propter rationem, quia vsque ad illum gradum censetur similitudo naturæ & sanguinis esse, propter quam domino feudi metuendi sint, vt in h. l. dicitur, de filiis. Sed dicti loci, etsi non aliam interpretationem aut re-

onfionem recipere, tamen intelligendi sunt
 de omni alia culpa, quam illa, quæ in personam &
 caput domini committitur: in hac enim verius o-
 mnino est & communius receptum, teste Zasio
 in epit. Feud. par. x. de amiff. feud. numer. 101.
 & probat plurimis aliis adlegatis Menochius d.
 confil. 99. num. 144. à domino retineri. Quan-
 to magis in crimine isto grauiffimo perduellionis
 dicendum est; cum de quauis culpa, qua domini
 persona offenditur, id receptum fit, & docet gl. in
 c. 1. §. denique. per illum tex. tit. quæ fuer. pri. in
 feud. amitt. c. 1. de eo, qui int. fratr. dom. c. impe-
 riale. §. illud. de prohib. alien. feu. Et ratio est o-
 ptima, quia in feudi datione & inueftitura prima
 inest tacite illa conditio, donec ipse, vel ab eo de-
 scendentes in fide permanferint, nec ingrati fue-
 rint. Tit. in quib. cauf. feud. amitt. versic. benefi-
 cium. Quare non obstat regula. sancimus. C. de
 pœn. Pœnas debere authores suos tenere. atque
 ita etiam notat Baldus, aliique verum esse & rece-
 ptum, in d. §. denique. & in d. c. 1. si vafall. priu.
 probatque nouiffime Paul. Parisius confil. xx 1.
 num. 11. & feqq. vol. 1. Quod si delinquens alia
 habet feuda non à Principe, in quem deliquit, sed
 ab alio: de illis certum est nihil ad Principem of-
 fensum pertinere, nec ab eo priuari vafallum pos-
 se, vt rite visus est Clemens v. iudicauiffe aduer-
 sus Henticum v 1 1 Imp. in cauffa Roberti regis
 Sicilia, quem Imper. non solū comitatu Prouin-
 cia, imperii feudo, sed etiam aliis priuare conatus
 erat, puta regno Sicilia, quod ab Ecclesia tenebat,
 vt supra docui, & consentiunt omnes. Quid si Va-
 fallus non solum ratione feudi, sed etiam ratione
 domici-

domicilii vel originis sit Principi, in quem deliquit, subditus, & feuda etiam ab alio habeat: an hæc quoq; ob perduellionem amittet, & offenso Principi adiudicabuntur? nequaquam: cum offensus Princeps nihil in ea iuris habeat, sed Dominus, à quo illa habentur, arg. d. Clement. pastoralis. dere iudic. Imo nec alia bona, licet nō feudalia, quæ perduellis in alterius Principis ditione habet, occupare Princeps offensus potest d. Clement. in illis verbis quæ sub eo nullatenus aut ab eo sunt: nisi à Principe, in cuius territorio sita sunt, impetret. Imo plus dico, etiamsi dominus feudi sit subditus Principis, in quem coniuratum est, tamen feudum ad dominum redire, vel adgnatos vasalli potius, quam Principis fisco vindicari. cur enim dominus suo iure, id est, dominio feudi priuetur, nulla ratio est. Postremo sciendum est etiam illa bona perduellis publicari, quæ possedit cum essent forte aliena. nemo enim vllō prætextu sibi debet ea vindicare, sed intra cōstitutum tempus de iis fisco cōuenire, vt auctores huius legis, in causâ Ruffini perduellionis damnati, sanxerunt. l. serenitas. xiv. C. Th. de bon. proscript. multo magis quæ perduellis fuerunt, ab aliis possessa vel subtracta restitui fisco debent, vt iidem Principes de bonis Stiliconis alia constitutione præceperunt. l. xxi. qui. C. Th. eod. tit. De bonis pupilli quos tutor perduellis possedit, dubium non est, quin à fisco restitui pupillo debeant, vt ex quouis crimine confiscatis bonis. Exemplum egregium in Plutarchi libro de Amore fraterno, vbi refert Xenone quodam ob raptum mulieris damnato, bonisque eius in fisco Cæ-

laris redactis, Athenodoro fratri cui is tutor fuerat, suam partem restitutam fuisse: cumque tam insigni pietate fuisse, ut eam iterum cum fratre Xenone partiretur. Illa doctorum & morum nostrorum disciplina ac ratio de bonis rebellium vel proscriptorum prædæ cuius exponendis, in hoste fortassis magis probari debet, quam in subditis, qui magistratuum viatque imperio coerceri possunt: nisi tantæ eorum sint opes, quam ut Ciceronis illud in amicos Catilinos sufficiat. Quibus ego non modo si aciem exercitus nostri, sed Prætoris edictum ostēdero, concidēt. Orat. Catilinaria II.

Ait Lex, Addictis.

ATQUE ita quidem, ut nec petere ea cuiquam liceat impune, & si forte petentes ea impetrauerint, non valere impetrationem rescindi; rescriptum, quo ea concessa sunt, quasi extorta per impudentiam & importunitatem, sancit in hoc ipso crimine maiestatis, l. quisquis. C. de bon. petit. subl. sed quid est, quod ait, Qui contra legem id ausus fuerit sperare, quod non licet, reus violationis legis habeatur? Adcursius poenam extraordinariam intelligit, allegatque l. sanctio. D. de poen. Cuiacius poenam sacrilegii l. i. C. ut dign. ord. seru. l. xii. C. de erog. mil. ann. quibus addo Nouellam Theodosii Tit. xxxvii. de successione curial. in fine ubi violatorem eius legis statuit, ut sacrilegii reatus inuoluat, xx. librarum auri multa percipiat, ut d. l. xii. Existimare quis posset nullam talem poenam ea l. quisquis irrogari, sed pudorem tantum sugillari eius qui petiit, propter ademptionem impetratorum bonorum. nam ultra eos onerare in re præsertim olim legibus licita, ut restatur

tur Zonaras, non æquum videatur. Et satis magna pœna ista apud bonos, vt olim Lex Valeria de prouocatione, nihil vltra, quam Improbe factum adiecit. Quod satis validum vinculum legis appellat Liuius; sed addit, qui tum pudor hominum erat: libi. x. Imo & D. Marcus eandem pœnam cōstituit, multis post sæculis, quam lex Valeria, licet in re non, vt illa, graui. Sic enim Vlpianus refert: D. Marcus rescripsit, eum hæredem, qui prohibet funerari ab eo, quē testator elegit, **NON RECTE FACERE**: pœnam tamen in eum nō esse statutam. l. si quis. §. diuus. D. de relig. & sūmpt. fun. Adde huc, quæ Scipio Ammiratus lib. xx. Disp. v. in Tacitum de quibusdam Senatūs Rom. decretis grauitatis & moderationis eximia, obseruauit. Quibus merito adnumero Spartanorum illud, Qui, legatis nescio quibus inuerecundius se gerētibz, publice per Præcōnem edixerunt, Licere illis immodeste agere. Sanē post biennium, ex quo bona vacantia vel damnatorum fisco nuntiata vel addicta sunt, peti posse, Arcadius & Honorius rescripserunt in l. ne quis. xx i i. lib. x. C. TH. Tit. de petit. & vlt. dat. Quasi tum nō amplius aliena, sed iam plane fiscalia. Aliena enim videbātur peti quę nondum nuntiata fisco essent, vel non incorporata. de cuiusmodi bonis damnatorum intelligēdum Zonara locū quo Flau. Claudium prohibuisse ait ne aliena bona peterentur, ostendit eruditissimus P. Faber lib. i. Semestr. Quo loco plura ad hanc rem pertinentia ex bonis authoribus, & iure nostro adtulit. Vellem & illum insignem locū, quem apud Zosimum lib. v. legi, vbi de eodem Imp. Arcadio loquitur. Prout quisque opu-

lentus, inquit, moriebatur, eius facultates calumniantes nuntiabant, quasi nulli liberi vel cognati extarēt. Hinc rescripta Principis adferebantur, quibus Titii patrimoniū Sempronio dari iubebatur. Simul hæreditates iis dabantur, qui eas oblatiis precibus à Principe obtinuerant, adstantibus interim liberis, & parētes cum gemitu complorantibus. Siue hæc exacerbat nimis Zosimus, ut solet, religionis Christianæ odio: siue ita sunt, neq; abhorrent ab iis quæ de Arcadio scriptores alii tradunt, certum est tandem id emendasse, admonitionibus vel sororis Placidix, ut alia similia plena stuporis & inertia, vel bonorum consiliatorum: quod lex illa ab eo lata, quam supra commemorauimus, apertissime declarat. est sub Honorii quoque fratris nomine edita: quamuis enim imperium regionibus diuisissent, leges tamen atq; edicta, velut communia promulgabant.

CAPVT III.

Filii vero eius, quibus vitam Imperatoria specialiter lenitate concedimus (paterno enim deberent perire supplicio, in quibus paterni, hoc est, hæreditarii criminis exempla metuuntur) à materna, vel auita, omniū etiam proximorū hæreditate ac successione habeantur alieni: Testamentis etiam extraneorum nihil capiant: Sint perpetuo egentes & pauperes: Infamia eos paterna semper comitetur: Ad nullos prorsus honores, ad nulla sacramēta perueniāt:

Sint

*Sint postremo tales, ut his perpetua egestate
sordentibus sit & mors solatium, & vita sup-
plicium.*

IN hoc maxime capite acerbitas ver-
sari videtur & nouitas huius consti-
tutionis. Vulgo irrationabile odium
vocant. Sed de acerbitate supra in
initio dixi, & minuetur infra exposi-
tis rationibus. Nouum etiam nihil in tota hac cō-
stitutione se videre, doctissimi interpretes adfir-
mant, Cuiacius & alii quidam, quod durum est.
nam illa certe in hoc vno capite, & exaggerata de
infamia indelebili filiorum, de mendicitate, quam
subire coguntur, submoti ab omni prorsus succes-
sione, etiam extraneorum sic, ut nec alimenta sibi
legata capere possint, quæ tamen possunt depor-
tati, possunt etiam serui. l. in metallum. D. de his,
quæ pro nō script. Et quod omnium maxime no-
uum atque acerbum mihi videtur, fama multari
eos, qui pro iis deprecari vel hiscere audeāt. Nunc
singula expendamus.

Ait Lex, Filii.

SI N E vllo discrimine, ut videtur, vel naturæ,
vel gradus, vel sexus, vel iuris, vel dignitatis.
Naturæ vocabulo intelligo natiuitatem, ut non
solum suscepti post crimen filii comprehendan-
tur, sed & ante crimen. De illis dubitat nemo, ni-
si quod excipiendi tamen videantur postumi, qui
etiam excipiuntur ex constitutione Iustiniani de
exhæredatione liberorū, cum postumi in paren-
tes esse ingrati non potuerint: item quia postumi

pro natis esse habendi dicuntur, quoties de commodis eorum agitur. l. qui in utero. D. de stat. homin. At hoc ipsis in perniciem potius versurum sit, si hac lege tenerentur. & ita Doctores nostri argumentantur ineptissime quidam, quos ratio huius legis refutat, ut Conanus etiam docet libro x. Comm. cap. 1. in fine. Nam quæ ratio pœnæ valet in iam natos, eadem valet etiam in postumos, ut spoliati scilicet bonis atque fama minus in Principem audeant. Atque hæc sententia manifeste comprobatur l. ad beneficium. C. Th. Tit. xl. 11. de bon. proscript. ubi quod alia lege de servanda liberis parentum damnatorum successione constitutum fuerat, ad postumos ducitur, excepto tamen maiestatis reatu, si quis in utero fuerit, quo tempore pater reus est maiestatis. De iis qui ante concepti sunt, maior est dubitatio. putant enim multi, non teneri eos hac lege, ea potissimum ratione, quod ex sanguine adhuc puro concepti sint. Quod futile est, neque ita sanguinem hæc lex considerat paternum, sed exemplum atque imitationem. eaque ratio plus in ante natis valet, quam in postumis, qui patrem nunquam viderunt: quos tamen teneri hac lege manifestum est. Illud videtur amplius esse in post reatum conceptis, quod non faciant deficere conditionem fideicommissi, si sine liberis, ut copiose Socinus disputat consil. 275. Vol. 1. De gradu videamus, an omnes liberi in infinitum teneantur? & vulgaris sententia est, nepotes teneri, non pronepotes: opinor, quia non ultra tertiam generationem parentum mores propagentur. Sed cum dixi exemplum & imitationem hic spectari, & vlciscendi parietes suos cupiditatem,

cum

rum nomen ipsum familiæ sæpe homines excitat ad talia. Norum est quid de Cassio, quid de Bruto Cicero, alique authores scribant. Refelluntur etiam vulgares interpretes. l. quando x. C. de bon. proscript. Quæ in hoc crimine læsæ maiestatis, iuste, inquit, pœnam ad suos, etiam posteros transmitti. & similiter in l. substantiam. C. Th. eod. tit. eadem plane verba licet diuersis autoribus ponuntur. Posteros autem nemo filios tantum primi gradus accepit, nisi improbissimus Caligula, cuius impudentem calumniam etiam Suetonius notauit. Filiorum autem nomen, quo utitur hæc constitutio, valde etiam pro nepotibus facit ne teneantur; tamen si non insolens sit, & de nepotibus aliisque vltterioribus in iure nostro accipi, sicut liberorum appellatio. Qua dicunt in hac ipsa quaestione uti constitutionem quandam Imperatoris Frederici, ab ecclesia adprobatam, cuius argumentum à Cyno refertur. cum ea non appareat, ut ait Decianus, qui se putare ait nepotes non teneri hac lege: quod sit odiosa, & quod filiorum appellatio etiam in iis in quibus minus odium versatur, non comprehendat nepotes. De sexu quid dicimus? & constat filias à masculis separari, ut in §. ad filias, plenius dicetur, non ut plane immunes sint, sed ne tot pœnis subiiciantur. Iuris vocabulo multa intelliguntur. Primum itane adoptiui teneantur, ut naturales filii; deinde spurii vel nothi, ut legitimi: postremo exheredati vel emancipati, ut sui & in familia retenti? De adoptiuis video constare inter omnes, eos non puniri hac lege: cum neq; in his parentes puniantur, utpote sanguine disiectis, quam rationem infra pluribus explicabo, neque

exempla hæreditarii, vt hæc lex ait, criminis ita in iis metu possint. Spurios vero teneri verius est, si certum patrem habeant, puta ex concubina certa nati, qui proprie nothi & naturales. contra si non habent, qui proprie spurii appellantur. Sed licet habeant certum patrem nonnulli vulgo concepti siue ex meretrice, tamen non putem contineri, cū nulla sit in iis adfectio erga patres, nullusq; honoris aut vindictæ paternæ stimulus eos excitet, denique sua infamia timidi sint, nihilq; audeant: & satis alioquin legibus per se puniantur, cum infamia, vt dixi, tum in succedendi iure. De emancipatis ita statuunt, non teneri eos pœnis huius constitutionis, tum quia nō sint de familia patris, tum quia etiam ipsum nomen filiorum amittant. *L. Senatoris. 11. D. de senator. l. quin etiam. §. fin. D. de rit. nupt.* Aliis forte aliud iudicium est, cum omnes rationes præsertim à natura ductæ, quæ maxime & fere solæ hic considerantur, æque in emancipatis locum habeant, atq; in retentis in familia liberis. Quare & à Prætore vocatur ad successionem vt sui, ne quid dicam de Anastasii & Iustiniani nouis constitutionibus; & iure feudali nulla prorsus emancipationis ratio habetur, vt potest quod naturam & sanguinē solum spectet, non istos imaginarios iuris ciuilis actus. Vnde & adoptiui in feudis non succedunt, cum tamen sint de familia & nomine. *c. 1. §. adoptiuus. tit. xxvi. lib. 11. feud.* Sed huic sententiæ obstat §. emancipationes. infra h. l. vbi emancipationes post reatum factæ tanquā in fraudem legis irritæ esse iubentur: ergo ante reatum vel crimen factæ confirmantur. Quo argumento Decianus vtitur. Sed facilis mihi

hi videtur responsio: nam non ideo rata habentur emancipationes antea factæ, vt pœnis huius legis emancipati filii eximantur, sed ne siquid antea acquisiuerunt, id eis eripiat, tanquam patri acquisiuisent: Sed neq; peculium profectitium, quod ante habuerunt, neque si quid iis in emancipatione pater donauit, auferendum est. Alias pœnas huius legis puto & in eos locum habere, cum rationes, vt dixi, omnes locum habeant, & emancipatorum pariter ac suorum rationem haberi videam damnatis parētibus, l. deportato. C. Th. de bon. proscript. Neque id, quod de nomine filiorum & familia diximus, cum sit mere civilis fictio, tantum ponderis habere debet, vt rationes naturæ delect. Qua ratione multo magis exhereditati liberi essent ab hac lege excipiendi, quibus etiā nota exheredationis est iniuncta, vt non ultimos necem patris verisimile sit, cum emancipatio pro beneficio habeatur. Eleganter Lactantius lib. v. Instit. Et si filius eodem modo perditus atq; impius existimatur, qui patrem suum derelinquit, ne illi obsequatur, ob eamq; causam dignus putatur, qui sit exheres, & cuius nomen in perpetuum de familia deleatur: quanto magis, qui Deum deserit? Exhereditatos autem huius legis pœnis eximi, nemo, opinor, dixerit: tum quia exhereditatio non tollat ius patriæ potestatis, imo nec ius sui, vt alibi disputauimus: tum quia dānato patre ex hac præsertim maiestatis causâ nulla esse exhereditatio potest, cum testamentū si quod pater fecit etiam ante reatum, eius damnatione irritum fiat. l. si quis filio. §. irritum. D. de iniust. rupt. irr. & per consequens nec exhereditatio va-

lere possit, quantūvis rite & recte, id est, ex causa legitima facta, & vera. Quod autem supra dixi, emancipatione amitti filii & familiæ nomen, adiura patriæ potestatis, & successionem, & tutelarum referendum est propter quæ emancipatus extranei loco habetur. Nam si paternæ familiæ & nominis nō sit emancipatus, cuius tandem erit? an novum sibi adsciscet? Hinc est, quod si testator vetuerit fundum extra familiam suam alienari, familiæ appellatione emancipatos quoque demonstratos intelligi, Papinianus scribit in l. peto. §. ult. D. de legat. 1. l. filiusfam. §. sed et si cum duos. de legat. 1. Postremo nulla habetur in hac lege ratio dignitatis filiorum, quin & infamia notentur, & aliis pœnis hîc expressis, quæque infamiæ tacite comitari solent, subiiciantur. Excipiunt tamen clericos ante reatum patris ordinatos: nam postea ut infames repellerentur. atque ita sentire cum alios notant, cum Archidiaconū in c. si quis. vi. quæst. 1. Matthæū de Afflict. in c. 1. §. & bona committentium. nu. cxvi 11. Tit. quæ sint regal.

Sit Lex, quibus vitam imperatoria specialiter lenitate concedimus.

ORATORIE agunt, priusquam pœnas exponant, indulgentiam promentes. & scite, Imperatoria lenitate, quasi dicant non regio more. & tacite perstringere mihi videntur notissimā & vetustissimam legem regiā apud Macedonas, de qua Q. Curtius lib. vi 1. & alii. Sic Tacitus de Tiberio Imperatore, pubem eum ingenuam regio more polluisse, ait. & Salustius, de vita atque tergo regio.

regio more cōsulere. Et infinita sunt, quibus imperatoria dignitas à regia distinguitur, saltē specie. Hinc Iustinianus, nostrum esse propriū, subiectorum commodum imperialiter existimātes. l.vn. §. pen. C. de cad. toll. quam sententiam multis philosophorum sentētiis illustrat P. Faber lib. de iustit. & iur. Illud autem quod Imp. Arcadius & Honorius hīc adiiciunt, SPECIALITER, eo videtur pertinere; quia pauci & ii optimi tali lenitate vti fuerunt in liberos perduellium. Quare pro singulari id in Antonino Pio notant, Volcatius Gallicanus & Iul. Capitolinus, cum aiūt, eum non sēuissē in liberos & adfectus Cassii. Vel vnum exemplum Imp. Vespasiani, optimi alioquin Principis, in Peponilam liberosque Sabini, qui se Cæsarem in Gallia dixerat, quam crudele ac pene impium? non illa voce flexum ad misericordiam, Ego, Cæsar. hos in monumento peperī, aluique vt plures tibi supplices essemus, vt refert Dio libro LXIV. Potest hoc verbū & eo pertinere, quia hæc vitę condonatio absolutionis cuiusdam instar habet, cum promeriti mortem forent, vt statim significant, cum aiunt debuisse eos perire paterno supplicio. Porro in rebus capitalibus, maximeque tanto crimine speciali & nominatim expressa indulgentia opus est, ac venia. Quare in saluo conductu, vt vocant, quanuis generalibus verbis scripto, & clausulis specialibus & fortissimis (vt loquuntur) nunquam causa læsæ maiestatis intelligitur, nisi specialiter ipsa exprimatur, vtiq; hæc, quæ ad perduellionem, & conspirationem in caput Principis factam pertinet. Quare ratione vsus est Clemens vii. aduersus Cardinalem Pisanū,

qui Romam sub saluo conducto Pontificis amplissimo, fideq; Hispanici legati venerat, vt est apud Fr. Guicciardinum lib. xii. historiarum relatum.

Ait Lex, Paterno enim deberent perire supplicio, in quibus paterni, hoc est, hereditarii criminis exempla metuantur.

NON dicunt quia nocētes, & iam meriti : sed quia futuri, & iam metuēdi ; & idcirco præoccupandum. Qui autem sibi non timet, aut Deo fidit, is non punit, neque pro nocentibus habet : vt M. Antoninus, cui illud Horatii reperio pro symbolo fuisse vsurpatum, Dii me tuentur, Diis pietas mea curæ est, à qua fiducia & virtute animi illa Senatui scripsit : Quare filiis Auidii Cassii, & genero & vxori veniam dabit. Et quid dico veniam? cum illi nihil fecerint. Tamen si ipsi puniri videntur in pœna filiorum, vt præclare & ex ipsius naturæ causis ac generationis principis disputat quidam in libro Plutarchi de sera numinis vindicta : neque iniquum esse ait, si filii cum sint parentum, etiam habeant ea, quæ sunt illorum. addit tamen temperamentum, vt non pœna, sed medicina & custodia sceleratorum liberis adhiberi debeat. Quod de crimine isto perduellionis & prodicionis apud Græcos receptum, memini apud Æmylium Probum legere in vita Cimonis, Miltiadis filii : carceris scilicet pœnam & multam atque æstimationem pecuniarum irrogatam. Sed nulla ratio potentior est, quam metus ille, ne parentum exemplum imitentur, vt hæc lex iudicat :

&

& Ammianus Marcellinus libro xxviii. Intercepti, inquit, imperiali motu interiere omnes ad vnum, eorumque soboles parua etiam tum, ne ad parentum exempla subcrefceret, pari sorte deleta est. Tertullianus libro iv. Poetico:

Authores scelerum (facinus ne crefceret ultra)

Extinxit, sobolemque patrum peccata sequentem.

Quod si non hæc vis naturæ esset in filiis insita, tamen cupiditas vltionis eos excitare ad facinus sollet, vt præcipit sanguinātis versiculi sententia:

Νήπιος ὅς πατέρα κτείνει παῖδας ἀπολείπει.

Et Ori responsum plerisque generosis animis nescio quomodo hæret, qui ab Osiride interrogatus, quidnam pulcherrimum putaret, τῷ πατρί, inquit, ὅ τῇ μητρὶ πικρὴν κακὴς παῖδ' ὄσιν. vt est in libello eiusdē Philosophi de Iside & Osiride. Alia ratio liberos puniendi est ciuilis, sed & ipsa tamen à natura tracta, quam Cicero sic elegantissime expressit libro i. ad Brutum epist. xi i. vbi de filiis Lepidi hostis iudicati agit, contra deprecationes Bruti eorum auunculi: Nec vero me fugit, quam sit acerbum, parentum scelera filiorum pœnis luit, sed hoc præclare legibus comparatum est, vt caritas liberorum amiciores parentes reipubl. redderet. Aliaque in hanc sententiam & illa epistola, & alibi differit verissime. præsertim si nō pœna corporis aliqua filiis irrogetur, sed paupertatis tātum & sordium, ac solitudinis. Quæ pœna non potest in hoc atrocissimo crimine grauis videri, cum eadem sequatur liberos dānatis parentibus ex multo leuioribus delictis, veluti repetundarum. Atq; hæc ita sunt, si pater ob crimen damnatus fuerit. Quid dicendum si mater dānata sit? Hæc res nul-

lam filiis etiam masculis labem adfert, nullamq; pœnam: cum illa ratio hæreditarii sceleris, qua mouentur Impp. cesseret, quod hæreditarium interpretantur paternum. Cæterum publicatis bonis matris, nihil ex iis filii filiaq; cōsequi possunt; l. de bonis. C. de bon. proscript. vbi id iuris absolutissimi esse dicitur.

Ait Lex, A maternâ, vel auita omnium etiam proximorum hæreditate ac successionē habeantur alieni.

DE paternâ superuacuum erat dicere, cum ex antecedentibus satis constet, nihil eos ex bonis paternis, quæ omnia fisco addicuntur, consequi posse. At de matris & aui materni, vel auiæ, & aliorum bonis & successionē nisi hæc lex expressisset, & filios perduellis ab iis remouisset, contra existimarem ea regula quam ponit in aliis criminib. Alfenus in l. 1. 1. D. de interd. & releg. Eū qui ciuitatem amittit, nihil aliud iuris adimere liberis, nisi quod ab ipso peruenturū esset ad eos, si intestatus in ciuitatē moreretur: hoc est, hæreditatem eius, & libertos, & si quid aliud in hoc genere reperiri potest. Quæ vero non à patre, sed à genere, à ciuitate, à rerum natura tribuerentur, ea manere eis incolumia. itaque & fratres fratribus fore legitimos hæredes, & agnatorum tutelas & hæreditates habituros: non enim hæc patrem, sed maiores eis dedisse. hæc Alfenus. Quibus consequens est, vt multo magis capere & acquirere possint, quæ ex testamētis extraneorum eis delata essent, vel ipsi sua industria, vel aliunde parauissent. Excipiendum est hoc, vt dixi, crimen perduel-

perduellionis ex hac lege: quæ in hac parte valde est seuera, & vt arbitror, singularis ac noua, nec possum viris doctissimis adsentiri, qui & nihil noui, ex hac lege cõstitui dicunt, & per d.l. 11. quam modo recitauimus, restringendam esse h. l. quisquis, adnotauerunt, in eo quod de liberris scriptum est in l. 14. D. de iur. patron. non adimi liberis damnatorum iura libertorum, de quo supra exposui. Illud p̃otius videamus, cum hic prohibeantur filii omnino ex hæreditate & successione materna capere, vtrumne ad fiscum; an ad legitimos eorum hæredes ea bona deferantur. nam si hæc tanquam de incapacibus accipiamus, hæredes legitimi & ab intestato venientes ea vindicabunt; si tanquam de indignis, fiscus. nam & his cõuenit verbum, non capiendi: quia licet capiant, retinere non possunt, ac proinde nec capere videntur. l. aliud. D. de verb. signif. Et hanc posteriorem sententiam Cynus probat, sed inanibus argumentis ex hac lege sumptis. Vnum est ex §. filias. vbi permittitur filia succedere matri ex testam̃to in legitimam: quare si in residuo, inquit Cynus, succederent venientes ab intestato, iam decederet mater pro parte testata, & pro parte intestata, cõtra regulam l. ius nostrum. D. de regul. iur. Alterum est ex §. vxores; in quo scriptum est, ea quæ maritus vxori suæ donauerat, quæque liberis matre ad secundas nuptias transeunte conseruari debuerunt, post mortem matris fiscum auferre. Tertium est ex d. l. aliud. vt iam exposui. Sed verius est, filios istos plane pro incapacibus habendos, quod & verbum illud, non capiāt, bis hic inculcatum satis demonstrat, quod non potest pro-

prietate seruata sermonis latini capiētib. adcom-
modari, quamuis effectu iuris & interpretatione
qui cepit & non retinet, nec cepisse videatur. Ver-
ba autem legū, vbi nulla ratio impedit, iuxta pro-
prietatem interpretari debemus. Deinde mater
& propinqui hac ratione punirentur, quod mini-
me huic legi conuenit. Postremo non omnia quę
indignis eripiuntur, adiudicantur fisco vt in No-
uel. 1. Cuiac. notat. Atque hic legenda sunt, quę
supr. ad initium huius legis docui, in verbis omni-
bus bonis, maxime ex l. vn. C. de caduc. toll. Ne-
que obstant Cyni rationes. Nam ad primam re-
spondeo, nihil absurdi esse, aliquem, etiam qui mi-
les non sit, ex postfacto pro parte testatū, pro par-
te intestatum esse l. circa. D. de inoffic. test. Item,
cum quis lege prohibetur plus parte relinquere:
vt hic, d. §. & l. 1. & ibi Bartol. C. de sec. nupt.
Deinde non tam ex testamento matris filia capit,
quam beneficio huius legis. nam & ab intestato
tantundem ei concedit. Multo minus obstat ar-
gumentum secundum ductum ex §. vxores. nam
bona mariti illa sunt, & ad liberos eius pertinere
debuissent, si is crimē non commisisset. nihil mi-
rum igitur ea fisco vindicari, vt reliqua omnia.
Quę hic Salicetus distinguit, & de verbis, Capiāt,
& Habeātur alieni, philosophatur, nugę sunt. Nō
potuerūt Imperatores clarioribus verbis demon-
strare, eos nullo modo capere, quam istis, quibus
vsi sunt. Quod si fisco suo adplicari ea bona volu-
issent, quāuis durum & iniquū erat fortasse, vtiq;
hoc expressissent, sicut de bonis paternis expres-
serunt, & de rebus vxori donatis. Atque hæc ita
sunt in successionibus. Quod si mater, vel auia in-

ter viuos aliquid his donauisset coniuratorum liberis, id eis adimi nullo modo debet, neque exacerbandæ pœnæ sunt. Sin mortis caussa donaue- rit, quia ad vltimæ voluntatis instar redactæ sunt hæ donationes, irritas eas esse non dubito. atque ita rectissime Paul. Parisium respōdisse & alii no- tarunt, & ipse vidi.

*Ait Lex, Testamentis extraneorum ni-
hil capiant.*

CVM toties & testamenti & successionis hæ-reditatisque vocabula hic repetuntur, nun- quam autem vel donationibus vel de contracti- bus vel aliis rationibus, vnde homines parare ali- quid consueuerunt, latis argumenti est, filios per- duellium non priuari iure & facultate acquiren- di, & acquisitis fruendi. Nec impedimento sunt verba huius legis, quæ sequuntur, & filios istos iu- bent perpetuo pauperes atque egentes esse, item in perpetuis sordibus, ac solitudine versari mise- ros. Nam recte idem Parisius respondit, non ad fi- nalem ea causam, sed ad impulsuam pertinere. & ad eos acquirendi modos restringenda esse, de quibus lex specialiter cauit, id est vltimas volun- tates, & successiones mortuorum. Vt taceam nō facile talibus tanta calamitate adflictis esse, erige- re sese, atque emergere, cum quibus nemo se tu- to versari putet aut colloqui, ne dum vt cum iis contrahat, aut aliquid eis benefaciat. potius tan- quam sacris, & piacularibus hominibus de via quisque decedat, ne contaminetur, aut saltem a- liqua tangatur incommoda suspicione.

Ait Lex, Sint perpetuo egentes, & pauperes.

AT M. Antoninus in Oratione ad Senatum amissa de Cassii liberis, ita : Sint diuites, sint securi, sint vagi & liberi, & per omnium vbique populorum circumferant meæ, circumferant vestræ pietatis exemplum. Scilicet illam clementiã & lenitatem imperialem initio prætexuerunt, vt ad hæc acerbissima descenderent mollius. Vnde recte definitum est (verba ipsa sunt Ameriani lib. xxix.) Nullam esse crudeliorem sententiam ea quæ est, quum parcere videtur, asperior. Sed id impudent sibi parricidæ. Nobis Legislatio non displicet: in scriptura est, quod Grammaticus aliquis requirat, aut Rhetor. nam, pauperes, prius poni debuit, quam egêtes, cum hic sit ordo, Pauper, Egenus, Mendicus. Cicero Paradoxo ἐπὶ μὲν οὐκ ὁ σὸς πλεῖστος: Itaque istam paupertatem, vel egestatem, & mendicitatem tuam nunquam obscure tulisti. Ratio autem cur liberos perduellium egestate laborare velint, non ea sola est, vt puniantur cum ipsi, rum parentes eorum: sed illa imprimis ne vires habeant cōtra Principem aliquid machinandi, vt velle eos verisimile est ob parentum supplicium. Et sine hoc etiam subest illa Taciti ratio verissima, qua Sosibium dicit suasisse Claudio vt Valerium Asiaticum tolleret, Caueri vim atque opes Principibus infensas lib. xi.

Ait Lex, Infamia eos paterna semper comitetur.

OPERÆ pretium est, hoc loco cognoscere, quam

quàm multis generibus ea infamia inuri perdu-
ellibus consueuerit, iam mortuis. Primum est,
quod hæredem nullum habeant, nec testamen-
tarium, nec legitimū. quæ sane in aliis grauis no-
ta existimatur. Vnde origo seruos hæredes insti-
tuendi. Instit. de hæ. qual. & diff. Alterum ge-
nus est (quod primo loco commemorari debuit,
sed hic ordinem cur seruemus?) in sepulturâ, quæ
prohibentur, vel inhonestâ adficiuntur, puta in
loco infami & noxiorum, vel extra fines patriæ
proiiciuntur, vt apud Athenienses mos fuit. In
iure Canonico illa pœna est iis qui se interfece-
runt monachis, vt in sterquilinio sepeliantur: ea
vero Regū sepultura fuit apud Arabes, teste Stra-
bone lib. xvr. Tertium est Domus euersio, cuius
rei crebra & vulgata apud Romanos exempla, vt
putidum sit referre, vel adnotare authorum lo-
ca. Quartū, quod ita cum superiori genere Quin-
tilian⁹ memorat lib. iiii. c. viii. Et post mortē ad-
iecta quibusdam ignominia est, vt Melio, cuius
domus solo æquata, Marcoq; Manlio, cuius præ-
nomen è familia exemptum est. Manlii ignomi-
niæ etiam illud additum, ne quis patricius in arcē
vel Capitolio deinceps habitaret, teste Val. Max.
lib. viii. c. xv. Quintum simile huic, erasum è fa-
stis nomen, aliisue publicis monumentis, Quam
pœnam authores huius legis irrogauerunt priui-
legio lato Eutropio. l. omnes res. C. Th. de bon.
proscript. quam si conferas cum Claudiani libris
in eundem, multa verba & dicendi genera poeti-
ca similia inuenies. Inde factum, quod & in alijs
hanc pœnam passis notandū, vt anus vnus con-
sulis, id est collegæ, nomen habuerit Theodori,

vt scribit Suidas. Sextum eodem pertinet, id est titulorum & statuarum, & si quæ alia in hoc genere reperiuntur, abolitio atque euerfio. d. l. omnes. & res vbiq; obuia in Romana historia. Singulare est illud, quo Lampridius in Heliogabalo, Tyrannorū statuas luto oppleri consueuiffe, scribit. sed & recte tractas atq; in Gemonias proiectas nonnullorum constat, vt Pisonis apud Tacitum 111. Annal. vel solo adffictas, vt Domitiani, apud Suetonium. Eundem morem nominū & imaginum & omnium deniq; honorum alicuius abolendorum fuisse olim apud Athenienses, apparet ex rogatione ab iis de Philippo rege lata, quam recitat Liuius lib. x l. i. Pœna etiam fuit, si quis imagines tales damnatorum vel tyrannorū haberet, vt de Cassii imagine refert Tacitus, de Saturnini Cicero: de omnibus in genere sic Ambros. in Psal. xxxv 111. Si quis tyranni imagines habeat qui iam victus interiit, iure damnatur. Ex quibus intelligimus, quid sit, Memoriam alicuius damnari, quod sæpe in iure nostro de hoc crimine perduellionis legitur, item de iis qui sibi mortem consciuerūt, in quorum etiam cadauera pariter sæuiri consuevit. Quanquam, etiam si nihil eorum, quæ supra commemorauī, mortuo addiderit, tamen memoria eo ipso damnata intelligitur, si perduellionis damnatus sit, id quod & post mortē fieri potest, licet viuus ne postulatus quidem fuerit. l. pen. C. hoc tit. l. ex iudiciorum. D. de adcusat. Sic memoria Origenis post ducētos demum annos damnata fuit, opera Theophili Episcopi Alex. cum excommunicaretur, teste Socrate lib. v 11. Eccl. histor. c. xlv. & contra Io. Chryso-
stomi

lostomi post xxx. annos restituta, Proclo Episc. authore: corpore eius, quod Comanis sepultum esse dicebatur, Constantinopolim cum summis honoribus relato. Nam & restitui vel conseruari memoriam, ac bonam famam post mortem, visitatum olim fuit. Conseruata est Lucano poetæ à Nerone, qui eum supplicio adfecerat coniurationis reum; quod indicat vetus inscriptio Romæ: M. ANNÆO LUCANO CORDVBENSI, POETÆ BENEFICIO NERONIS CÆS. FAMA SERVATA. Pœnitentia & dolore sine dubio Nero id fecit, plane vt antea Darius Candemum Atheniensem hospitem & supplicem, quia libere de exercitu eius locutus erat, cum iugulari iussisset, statim pœnitentia correptus ac vera dixisse confessus, sepelire iussit, vt scribit Q. Curtius lib. iii. Restituta S.C. fuit M. Antonio Antio Pr. &c. CUIVS MEMORIA PER VIM OPPRESSI IN INTEGRVM SECUNDVM AMPLISSIMI ORDINIS CONSULTVM RESTITVTA EST. vt sunt verba inscripta sepulchro eius. Huc etiam pertinet illa Senatus adclamatio apud Lampridiũ in Commodò, Memorix innocentium seruentur, Honores innocentium restituas. Memorix damnatorum eiusque rei causam siue vtilitatem sic describit Corippus Afer, lib. iv. de Rebus Iustini minoris:

*Paucorum multis prosunt exempla malorum,
Quorum post mortē nostra monumēta perhorrent
Et damnant leges. Erit vnius vtile multis
Supplicium: cessantq; doli, dum pœna timetur.*

Atque hæc quidem de memoria hominis mortui publice dānata, vel conseruata, & restituta. Pri-

uatim etiã solet memoria mortui coli. interdum
etiã nisi quis eam colat, publice punitur: veluti
hæres, nisi iusta mortuo faciat, & lugeat per nouē
dies, vnde olim Nouendialia dicta. quem morem
probat etiã Imp. Iustinianus Nou. 115. & Nou.
133. Item nisi ea exequatur, quæ testator hono-
ris & memoriæ suæ causâ fieri iussit, vt in l. liber-
tis. §. vlt. D. de alim. leg. cum simil. Quale est e-
tiã, si pecuniam ciuitati legauit, vt ex eius redi-
tu atque vsuris ludi siue spectacula quotannis ce-
lebrarentur. l. legatum xvi. D. de vsufr. leg. in
qua lege Modestinus respōdit, si genus illud spe-
ctaculi non liceret in ea ciuitate agi, non tamen
eam pecuniam hæredum lucro cedere debere:
sed aduocatis primoribus ciuitatis atque hæredi-
bus dispiciendum esse, in quam rem conuerti de-
beat fideicommissum, vt memoria testatoris aliq
& licito genere celebretur. Quæ ideo libētius re-
cito, quod ea lege summus ille vir & doctissimus
Phil. Melanthon vsus fuerit, eamque ad commo-
dauit rectissime (vt eum citans Cuiacius loqui-
tur; tanta est vis virtutis & doctrinæ, vt etiã ab
inimicis laudetur) ad mores suæ patriæ, cum illa
certum genus celebrandæ memoriæ defunctorū
abrogasset eam pecuniā in aliam iustam causâ
conuertendam, veluti in institutionem iuuenum,
quo sic alio genere conseruetur memoria defun-
cti. Hæc Cuiacius noster in libro xi. Quæstio-
num Papiniani postumo, ad l. vlt. D. de his qui no-
tant. infam. vbi plurima eruditissime, & ex vete-
ribus scriptoribus, vt solet, de tota hac re celebrā-
dæ defunctorum memoriæ docet. Sed quod ad
institutum nostrū magis pertinet, interdum pro-
ditorum

ditorum & perduellium imagines conseruantur ad infamiam. Sicuti tradit Alfonsus à Carthagena de Iuliano Comite & Oppa Archiepiscopo, quorum conspiratione cum Arabibus Rodericus Hispaniæ rex, vltimus Gothorum appellatus, cecidit. Decet enim, inquit, sicut proborum virorum depinguntur imagines, vt ad memoriam nostram veniant laudandi, sic & sceleratorum, vt veniant execrandi. Sicut & Iudas in cœna Domini solet depingi.

Ait Lex, Ad nullos prorsus honores, ad nulla sacramenta perueniant.

NON solum id ad pœnam sancitur, sed ne aliquid moliri possint, & ne Rempubl. perturbent. Quæ ratio M. Tullium mouit, vt proscriptorum liberos, quorū causam non improbabat, à Republ. summouendos censeret, atq; idem oratione defenderit. Quos postea Rep. in vnus dominationem redacta, ideoq; tali periculo sublato, Cæsar & Augustus restituerūt, & ad honores admiserūt. Quintilianus libro xi. cap. i. Molienda est, inquit, in plerisque alio colore asperitas orationis, vt Cicero de proscriptorum liberis fecit: Quid enim crudelius, quam homines honestis parentibus ac maioribus natos, à Repub. summoueri? Itaq; durum id esse summus ille tractandorum animorum artifex cōfiteretur. Sed ita legibus Sultæ cohærere statum ciuitatis adfirmat, vt his solutis stare ipsa non possit. Adsecutus itaque est, vt aliquid eorum quoque causa videretur facere, contra quos diceret, & vulgatū olim in Ti-

berium, qui Rhodi per speciem secessus exulauerat, carmen:

— — — *regnabit sanguine multo,*

Ad regnum quisquis venit ab exilio.

Honorum nomine magistratus aliasque curationes publicas & dignitates hic intelligi, manifestum est. Sacramenta pertinent ad rem militarem. Ventantur ergo milites esse, utpote infames. Theophilus §. ult. Instit. de except. *ὅς ἐστιν ἐξ ἐκείνων* l. i v. §. ad tempus. D. de re milit. Sed tanquam serui pœnæ & supplicio addicti, dum viuunt, ut mox subiicitur. Notissimum autem est, seruos à militia repelli, ideoque Virgilius,

— — *quem serua Lycinnia furtim*

Extulerat, vetitisq; ad Troiam miserat armis.

de cuiusmodi seruis, qui nomē militiæ dederant, cōsuluit Imperatorem Traianum Plinius, ut lib. x. epistolarum videre est. Chrysostomus Homil. xx i. Antiochenâ: Exteriora militum, & corporis mensuram, & bonam carnis habitudinem exquirunt, ipsos in exercitum deligere debentes. Non autem hæc sola militaturum oportet habere, sed & libertatē: si quis enim sit seruus, reſicitur. Cælorum autem rex nihil tale requirit. Plurium autem numero Imp̃p. hic utitur, quia vnum sacramenti militaris genus, etiam quod à gregariis exigeretur, puta aliud in delectu dabatur apud consulem, de fide & obedientia strenuaq; opera Reipubl. nauanda, aliud in castris apud Tribunos, de furtis & simil. Beatus Sulpitius in vita B. Martini: Regis edictum, ut veteranorum filii ad militiam scriberentur: prodente patre, qui felicibus eius actibus inuidebat, cum esset annorum quindecim,

decim, raptus & catenatus sacramentis militari-
 implicatus est. Hanc eamdem pœnam tanquam
 reis læsæ maiestatis diuinæ Ethnicis irrogauisse
 Imp. Honorium reperio, apud Zosimum lib. v.
 lege lata, quæ in Aula cingulo vetaret eos vti, qui
 Christiani nō essent, sed eam postea propter Ge-
 neridum, qui cum potestate militibus tum Ro-
 mæ præerat, ab eo abrogatam fuisse, concessum-
 que vnicuique, vt opinionem suam retinens, &
 magistratu suo fungeretur, & militaret. Christia-
 nis etiā militia non semel lege interdictū in con-
 tumeliam, nemo paulo doctior ignorat. In hac
 quoq; re dissimilis authoribus huius constitutio-
 nis fuit M. Antoninus, teste Gallicano. Vixerunt
 igitur posteri Auidii Cassii securi; sed eos postea
 Commodus interfecit. Sed ne quis Antoninum
 nobis obiiciat, semel dico, in tam illustribus viris,
 qualis Cassius fuit, interdum conducere non vti
 seueritate, quam stulte & cum sua pernicie quis
 in omnes aut multos prætermittat. Et aliud sunt
 leges, aliud singularia exempla.

*Ait Lex, Sint postremo tales vt his per-
 petua egestate sordentibus, sit & mors
 solatium, & vita supplicium.*

INTELLEXIT hoc sæuus ille Tiberius, qui reo
 Lex vinculis roganti, vt supplicium ei maturaret,
 nondum se ei reconciliatum esse, respondit. Ad-
 eo verum est, quod C. Cæsar apud Salustium in
 oratione de coniuratis dixit, In luctu atque mise-
 riis mortem ærumnarum requiem, non cruciatū
 esse. Quam sententiam ex Sophoclis Antigona

mutuum eum putat elegantissimus Muretus,
lib. xix. Lection. Sic enim ille ait:

Ὅς τις γὰρ ἐν πολλοῖσιν, ὡς ἐγὼ, κακοῖς
Ζῇ, πῶς ὅτ' ἐχ' κατθανόν κέρδος φέρεται;

Hoc est, ut nos vertimus;

*Nam si quis in luctu atq; miseriis, uti ego,
Vivit, quid ille mortem hand lucro deperit?*

Hanc Cæsaris opinionem de morte reprehendit
ibidem Cato, quasi ludibrio haberet ea, quæ de
iudiciis & locis apud inferos memorantur; ab o-
mnibus scilicet & Romanis & Græcis barbarisq;
Chrysostomus Sermon. iv. de Fato: Quod si & il-
los sequi libet, ea admiserunt post hanc vitam cor-
rectiones, futuraq; in inferno iudicia, & adusa-
tiones, pœnas, præmia, suffragia & sententias, &
supra; veris doctrinis Ethnicos non restitisse, quâ-
vis alias delirauerint. In his recensendis Virgil. ut
fuit iuris civilis & Pontificii peritissimus etiã or-
dine iudiciorum exiis in inferno constituit. Sic en-
nim Servius in lib. vi. Æneid. ad illum versum:

*Tum demum horrisono stridentes cardine portas,
Mittuntur, inquit, post verbera ad æternum sup-
plicium. Et est secutus ordinem iuris antiquum.
Nam post habitam quæstionem, in Tullianum, ad
ultimum supplicium mittebantur. Sed hæc in li-
bro ad L. Porciam doceo. His ita expositis super-
est ut cognoscamus, num has liberorum pœnas
vel lex aliqua posterior abrogauerit, vel consue-
tudo sustulerit. Et adfertur eorundem Impera-
torum Arcadii & Honorii nova & posterior con-
stitutio, quæ extat in l. sancimus. C. de pœn. his
verbis conscripta. Sancimus ibi esse pœnam, ubi
& noxia est. Propinquos, notos, familiares, pro-
cul*

cyl à calumnia submouemus, quos reos sceleris societas non facit. Nec enim ad finitas vel amicitia nefarium crimen admittunt. Peccata igitur suos teneant auctores, nec ulterius progrediatur metus, quam reperiatur delictum. Hac constitutione Gul. Budæus putauit abrogari hanc legem. Sed hæc sententia, quæ ab Adcursio & aliis originem habuisse videtur, notantibus has duas leges quasi contrarias, ab omnibus reprehensa est, Duarenò, Roberto, Contio, Deciano, aliis. & responsio ad l. sancimus. duplex. Prima, quod loquatur de cognatis, & notis, & ad finibus ac familiaribus, in quibus nulla talis ad puniendum causa, qualis in filiis, adeo ut nec in fratribus germanis hæc pœnæ valeant, ut respondit Phil. Decius consul. LXIV. in coniuratione quadam aduersus Ducem Mediolani inita. Altera est, quod licet de filiis ea lex loqueretur, quod tamen concedendum non est, tamen hoc crimen perduellionis ab ea regula excipi oporteret, ut plurimis in legibus nominatim excipitur. Nam verissimum puto, quod ab interpretibus nostris, tanquam per manus traditur, legem generalem, quæ ius antiquum corrigat, non esse perducendam ad casus speciales, qui in veteri iure excipiebantur à regula, ut notat Adcursius & alii in l. sciendum. D. qui satisd. cog. Recte autem, & necessario Arcadius & Honorius de amicitia, ne crimini daretur, id sanxerunt: Quod id genus calumniæ frequentissimum esset, nec Romæ solum, sed & alibi. Quam multos mortales amicitia sola Seiani euertit! pluresq; illa ruina obruisset, nisi oratio M. Terentii plena spiritus frænum sæuitiæ iniecisset. cum qua velint studiosi conse-

rant paulisper Amyntæ in pari causâ orationem apud Q. Curtium lib. vi. i. in primis illa, quæ sunt huius propositi. Proinde, inquit, ad id reuertar, propter quod rei sumus. Amicitia quæ nobis cum Philota fuit, adeo nō eo inficias, vt expetisse quoque nos, magnosq; ex ea fructus percepisse confitear. & quæ sequuntur. Tacitus lib. vi. Annal. Fatebor & fuisse me Seiano amicum, & vt essem, expetisse, & postquam adeptus eram, lætatū. Sed satis est loca indicasse. cum voluprate, imo cū fructu ea conferet, cui hæc studia curæ. idq; eo magis, quod tantam similitudinem, & eandem velut indolem authorum & scriptorum non animaduertent diligenterissimi & eruditissimi Cornelii interpretes, si memini. De Consuetudine: vereor ne huius legis pœnæ magis exacerbata multiplicataq; sint, quam abolita aut mitigata, præsertim in coniuratos, & reos. Nam in filiis eorum potius eas mitigatas credidero, præsertim quod infamiam & intestabilitatem, vt sic loquar, attinet. Sublatas prorsus esse, Angelo, quamuis doctori illustri, nullus credo, si id sensit, vt putatur, in l. fallaciter. C. de abolition.

CAPVT IIII.

Iubemus etiam eos notabiles esse sine venia, qui pro talibus vnquam apud nos interuenire tentauerint.



D vero durissimum, & nescio an aliud æque in hac tota lege. Nam deprecari nō modo pro se ipso, sed & p aliis, semp liberū ac solutū fuit, præsertim pro innocentibus,

vt sunt certe isti coniuratorū filii. tanta vero pœna deprecantē, imo deprecari conantem quis vnquam adfecit? Simile tamen quiddam ausus impurus ille Tribunus pl. Clodius priuilegio in Ciceronem, cuius illud caput memoratur, Ne quis de eo ad Senatū referret, ne quis decerneret, ne disputaret, ne loqueretur, ne pedibus iret, ne scribendo adesset. Quare non existimo hanc partem legis, nisi ad terrorem scriptam esse, vt illa lex, in xii. Tabulis, de corpore debitoris dissecando, qua nemo vnquam vsus: vt scribit A. Gellius. Leuiiores tamen pœnas huiusmodi deprecatoribus sæpe interrogatas esse, non dubito: vt relegationis. qua pœna adfectus olim Artaxerxes Eunuch⁹ ab Artaxerxe rege, quod liberius pro Megalyzo perduelle apud eum esset, locut⁹, teste Ctesia libro Rerum Persicarum apud Photium. Vt vt sit, deprecari tamen licet populo, licet Ecclesiæ, licet, vt sæpe factū in hac ipsa Maiestatis causa legimus, religiosi hominibus ac monachis, etiam singulis, vt ab Eutychno lib. i. Histor. Ecclesiast. Socratis cap. x i i i. Sic Chrysostomus populum hortatur, vt secum ad Imperatorem huius legis auctorem pro Eutropio supplicatum eant. Sic idem in Homil. iiii. de incomprehensibili Dei natura aduersus Anomeos, ita factum refert interprete Theodoro Gaza: Decem ante hos annos, inquit, capti nonnulli sunt tyrānidem adfectantes, cuius rei vos etiam meminisse arbitror. Fuit inter eos quidam dignitate ac principatu (forte ἀρχὴν, id est, magistratu vel imperio) præditus, qui cum dānatus capite ad supplicium duceretur: populus motus misericordia vniuersus Prætorem adiit, & de-

precandi communi opera efficere potuit, vt reus ille venia nulla dignus, liberaretur ab ira Imperatoris. Quod si cum iram terreni Imperatoris velitis extinguere, vniuersi cum liberis, & vxoribus festinatis, & reliqua. De Monachis quod dixi, frequens fuit, illustre eius rei exemplum apud eundem scriptorem in caussa seditionis, & læsæ maiestatis, cum Antiochiæ Imp. optimi Theodosii imagines deiectæ essent, isq; eam rem, vt debuit, seuerè vindicandam existimaret. nam ex propinquis montibus cateruatim descēdisse monachos scribit ad eximendos reos, qui in ius, & ad supplicium ducerentur. Quod certè permittendū non est: eaq; de re authores huius legis alia satis seuerà lege cauerunt, ne fieret. l. addictos. xvi. C. TH. De pœn. ex qua mali huius magnitudo cognosci potest, præsertim ex illis verbis, Aut si tanta clericorum ac monachorū audacia est, vt bellum potius quam iudicium futurum esse existimetur, ad clementiam nostram commissā referantur. Deinde sancit pœnam in Episcopos, qui id nō prohibuerint, aut vindicauerint. Quanto magis qui instigant eos, vel hortantur ac laudant, vt Chrysostomus fecit? cuius vt ingenue quod sentio dicam, probare non possum nimiam illam ac penè truculentam libertatem, præsertim in Principes, quam passim in concionibus eius videas & historia Ecclesiastica scriptores non sine insectatione commemorāt. Qualia illa fuerūt in vxorem Imperatoris Arcadii! Mihi vero placet vehementer illa sentētia & admonitio Fl. Iosephi, quæ eadem (si recte memini) & Polibii est, colere officiis nō exasperare iurgiis oportet. potestātē, siue id quod

poten-


potentius est libro II. de bello Iudaico. Similiter Q. Curtius libro VIII. Obsequio mitigatur imperia. Sed redeo ad constitutionem nostram Dixi ad terrorem incutiendum hoc caput scriptum videri : fortasse etiam ut pudore negandi magnis præsertim & amicis hominibus sese exoluerent. Quæ etiam causa Cn. Pompeium mouit, ut in legibus suis iudiciariis interdiceret, Nequi reorum laudatores haberentur, aut deprecatores, quod eo modo multi præstantibus viris intercedentibus liberarentur, ut Dio libro XL. scribit. Memorabile est, quod de Imp. Suleimanno commemorat Gisel. Busbequius in epistolis, cum infensissimus esset Pialhio classis præfecto & victorẽ, ob celatum quemdam nobilem Christianum captiuum, (fuit Gasto Ducis Medinæ filius) in quo crimen læsæ maiestatis ille cõmiserat, ut intelligimus ex Verri- na Ciceronis de suppliciis : deprecantibus tãdem eunuch. principi, filioque Selimo, ut Pialhio parceret, egre cum esset ad sensus, illam nobilissimam & dignam Christiano homine vocem edidisse ait; Habeat is quidem à me tanti delicti veniam, & impunitatem: cæterum debitas pœnas post hanc vitam de eo sumat iustissimus scelerum vindex Deus. A deo (hoc meritũ epiphonema addit nobilissimus Giselinus) ei insedit, nullum malum facinus inultum relinqui debere. Quod autem Imperatores nostri addunt, Sine venia, eodem spectat, ad incutiendum metum, neque enim vel ipsi sibi, vel successoribus præscribere potuerunt, ne veniam concederent, si vellent. Eleganter & scite Tiberius Cæsar cum sibi statuas poni vetuisset, addidissetq; illam præscriptionem, Nisi ego

promittam: hanc ipsam quasi emendans, Atqui non promittā, subiecit. teste eodē Dione. Quod si hominibus deprecatorib. omnino vllis parcendum non existimarunt, ne illi quidem pſittaco peperciſſent, qui Leonem philosophum, insidiarum in patrem Basilium Imp. falso delatū, à summa calamitate liberauit: cum enim quodam loco apud Senatores in conuiuio esset Basilius, & pſittacus in corte suspensus, subinde ingeminaret illa verba, O L E O L E O, quæ imitatione cuiusdā calamitatem Leonis adſiduè deplorantis didicerat: commoti conuiuæ, & occasione deprecandi vſi, An non ista volucriſ, inquit, nos adcuſabit, Impetator, si cum ipsa Dominum suum appellet, nos tuæ maiestatis familiares, eius tamdiu carcere inclusi obliuiscamur? Mitigat⁹ his verbis Imp. cum filio statim in gratiam rediit, quem orbare oculis decreuerat. Adeo nulla promiseris & innocentibus deprecandi omittēda occasio est. Historiolam illam Annali tertio Zonaræ legi.

CAPVT V.

Ad filias sane eorū, quotlibet numero fuerint, Falcidiam tantum ex bonis matris, siue testata, siue intestata decesserit, volumus peruenire: ut habeant mediocrem potius filia alimoniam quam integrum emolumentum, ac nomen haredis. Mitior enim circa eas debet esse sententia, quas pro infirmitate sexus minus ausuras esse confidimus.

RIMVM illud sciendum est, etiā feminas in hoc crimen incidere posse, & teneri pœnis. quod Azo hîc in glosa adfirmat: cuius sententiam communiter adprobari scribit Ange. in §. interdum. Instit. de hæredit. quæ ab intest. defecerunt. quare nō dubitat Azo, omnia in matris coniuratione admittere, quæ de patris hîc cauta sunt. Neque obstant illa verba h. §. minus ausuras confidinius. nam de feminis filiabus coniuratorū hic sermo est, non de feminis quæ ipsæ coniurarint, quæ licet minus audeant; nos tamē de iis sic querimus, si ausæ fuerint. Quod & non raro accidit, vt si non solæ, cum viris saltem vel suis vel alienis consilia talia iniuerint, vt de Marcia honoratissima Ant. Caracallæ concubina legimus apud Herodianum, quæ cum & Electo Læto coniurauit in Principis necem, & perfecit primum veneno, deinde ferro per Narcissum. Illud adsentiri Azoni non possum, quod propter matris coniurationem non secus filios filiasque puniri dicit quam propter patris. neque enim eadem in matribus ratio est, imo contraria, vt puniri liberi nō debeant, quia hæreditarii criminis exempla, quæ ratio Imperatores maxime mouit, & sola ab iis allegantur, non possunt metui à matre. Leges enim nostræ sequuntur scita Stoicorum, qui generationis causam & filiorum vitia atque indolem patri soli tribuunt. l. lege xii. tabularum. in fin. princip. C. de legit. hæred. quam sententiam quoque intelligunt hic Impp. cum non contenti dicere, paterni criminis, addiderunt, hoc est, hæreditarij, vt hanc successionem, & naturalem quasi hære-



ditatem vitiorum paternorum indicant. Mater materiam tantum præstat. Hieronymus: Femina sexus fragilior, materia intelligitur c. 11. in Ezechielem, ubi dicit Sanctos non genuisse feminam, nisi perraro. At ne ipsæ mulieres factionem ineuntes pariter ac mares teneantur, nulla ratio est. neq; abhorrent verba legis, illud in primis quod initio positum est, Quisquis, nam ad sexum muliebrem significandum proprie valet. Quod multis veterum exemplis docet Marcellus Nonius. Cōfuse igitur & inepte cum alii, tum Tib. Decianus libr. vii. capite xli. Crimin. nunquam in dispositione h. l. quisquis. contineri feminas ait, nisi id cautum sit lege aliqua specialiter de feminis loquente, & rationem adfert illam petuulgatam Doctorum, quia hæc lex continet odium irrationabile, cum filium pro patre puniat, ideoq; extendi non debeat. Sed cur irrationabile? cum tot rationes & naturales & ciuiles huius rei sint tantique ponderis, ut supra explicauimus. Quod autem filiarum coniuratorum non æque, ut filii, puniantur, eius quoque differentiarum rationem optimam hæc lex adfert, quia propter infirmitatem sexus minus ausuras spes sit, punitis parentibus. infirmitas autem sexus illa, & ad corporis vires, & ad animi timorē, & ad consilii imbecillitatem referenda est. Coniuratio autē in Principis eadem ob magnitudinem sceleris, & peticula maximum robur harum rerum omnium desiderat, adeo, ut nec in mares quoscunque cadat. Eleganter Cicero de percussorib. Cæsaris loquens aduersus Antonium, si bene memini: Virū resilla quærebat, inquit. Cæsaris mentio reuocat mihi in memo-

riam

hiam Portiam Bruti, quæ carbonibus ardentibus voratis marito persuasit, capacem se & fidā tanti facinoris, ac secreti custodem futuram. Illud etiā, quod ex Aretino adferunt, Si quis rebellis vna cū suis declaretur, appellatione suorum non venire feminas; ex illā disciplinā Bartoli ductum, quod in rebus odiosis nunquam masculinum cōcipiat femininum in l. i. D. de verb. signif. mihi non improbat, nisi constet de animo & insigni odio decernentis, vt fere in talibus enenire decretis solet. Quis enim dixerit non contineri etiam feminas in illa populi Atheniensis rogatione aduersus Philippum Macedonū regem acerbissima, quam Liuius refert libro xli. in illis, inquam, verbis, Sacerdotes publicos quotiescunq; pro populo Atheniensi sociisq; & exercitibus & classib. eorum precarentur, toties detestari, atq; execrari Philippum, liberos eius, regnumq; terrestres, naualesq; copias, Macedonum genus omne, nomenq;. Nō tuto illuc filia aliqua Philippi iuisset, vt opinor.

Ait Lex, Falcidiam tantum ex bonis matris; siue testata, siue intestata decesserit, volumus peruenire.

DE patris bonis, vtpote omnibus iampridem hīco addictis, nihil cauendum fuit. Verumtamen de dote profectitia dubitari potest, vtrum salua ei remaneat damnato patre perduellionis? Marcus quidem Imperator, quem sæpe iam nomino, Cassii filias etiam argento, auro, gemmisq; frui iussit. Sed hoc singulare exemplum fuit, nec ius facit. Dotem profectitiam patris esse constat;

at benigne ac fauore matrimoniorum receptum est, vt esset & filia magis etiam, quam patris. Vnde & filie proprium patrimonium adpellatur in l. 111. §. ergo. D. de Minor. & in l. in eam. D. de religios. & sumpt. fun. Quare bonis patris publicatis dicendum est, non etiam publicari profectitiam dotem. quod expressum quoq; est in l. cum de in rem verso. D. de vsur. Imo si inter bona patris hæc dos erat, fiscum dicendum est restituere eam filia debere l. 11. C. solut. matrim. idq; ratio ipsa postulat, vt dicam infra ad §. dotes. At quod Baldus scribit in l. si patri. C. de dot. promiss. filias de bonis paternis esse dotandas, probare nullo modo possum: cum solam Falcidia ex maternis tantum bonis eis hac lege concedi videamus. Et manifeste refellitur hæc sententia verbis §. emancipationes. h. l. vbi dotes etiam à perduelle datas Impp. reuocari iubent: ergo & filia datas, & quidem magis quam extraneas datas. tamen enim extraneas nullo iure dos debeat ut filia, hæc constitutio tamen filios coniuratorum punit, non extraneos. At dos quæ semel filia iure recteq; data est, ea, vt docui, patrimonium filia est, adeo quidem, vt mortuo patre actio dotis sit solius filia licet à patre ex hæredata, non hæredum patris siue ii extranei sunt, siue sui. l. vn. §. videamus. & §. & hoc ex rei. C. de re. vx. act. Quare & bona patris vel domum ab ea retineri posse pro dote existimo, vel prohiberi, ne diruatur: cur enim non idem filia tribuamus, quod Bartolus tribuit creditoribus damnati perduellis in l. 1. §. seruus. D. ad S C. Syllan. Albericus & alii plures, vxori? quauis Cynus, vt & Iacob. de Arena contrarium de creditoribus sentiat in l.

in l. pignor. C. de pignor. act. Quos authores alii
sic conciliant, vt impedire non possint, fisco satisfacere
creditoribus parato : vt Tiberius scribit,
Quod & mihi placet. quid? quod & in minori cri-
mine læsæ maiestatis, id est, ob deiectas Principis
statuas domo paterna eiici filiæ possint? quod fa-
ctum ab Imp. Theodosio in Antiochenos, lego
apud Chrysostomum Homilia xiii. vbi & illud,
in omnium reorum foribus tabulas proscription-
nis cerni licuisse. Quod notandum ad historiam
Romanam. Falcidia, quam Imperatores hîc ad-
pellant, est portio legitima, id est, quarta eius por-
tionis, quam ab intestato filii filiæq; habet: vt du-
pondii etiam norunt. Sed an idem quod de ma-
tre hic statuitur, ad auum auiamq; maternā pro-
ducemus? Quod sane benignius est, cum & iis ab
intestato pariter ac matri succedant. Quod ea ra-
tio quoque confirmat, quia exceptis bonis pater-
nis, & quadam ex parte maternis, filiæ non sunt
intestabiles, sed capere ex omniū testamentis pos-
sunt, & legitimas successiones non amittūt. Dixi
supra ob crimen patris non publicari dotem pro-
fectitiam filiæ. Sed quid dicendum si filia deliquit
ipsa, an publicabitur? de eo ita ex Vlpia. rñdemus,
Quinque legibus damnatæ mulieri dos publica-
bitur, maiestatis, vis publicæ, parricidii, veneficii,
de sicariis. l. iiii. D. de bon. damnat. Sed ea lex
loquitur de matrefamilias, non de filiafam. vel de
dote profectitia, vt apparet in legibus sequenti-
bus, quæ de marito loquuntur, cui dos lucro ce-
dit damnata muliere, exceptis illis quinq; casibus.
Sed verius est, filiafam. damnata, eiusq; bonis pu-
blicatis dotem profectitiam patri separari, vt de

peculio profectitio supra diximus. est enim dos illa non filiarum solum, sed & patris, ad quem mortua vel damnata filia redit, sicut in filiam mortuo vel damnato patre. l. 2. §. 1. & seqq. D. solu. matrim. l. consensu. & Auth. e contra si filii. & ibi not. C. de repud.

At Lex, Vt habeant mediocrem potius filiarum alimoniam, quam integrum emolumentum ac nomen hæredis.

QUAMVIS filiabus nullam infamiam hac constitutione iniungi verissimum putè: est tamen aliqua nota, quæ illis hoc loco inuritur & quidem duplex. quod & alimonie nomine illam Falcidiam ex bonis maternis eas consequi velint, & sine nomine hæredis, non solum sine emolumento integro. Inest in alimonie verbo quidam rubor eorum, quibus alimenta dantur, quasi miseris, aut prodigis, arg. l. cum hi. D. de transact. Et magnum olim inter Anglos Gallosq; certamen, utrum ea summa pecunie, quam rex Galliarum pendebat Angliæ regi, pensio, ut Galli volebāt, an stipendium ut Angli contendebant, appellaretur, teste Phil. Cominço. Maior atq; expressior ignominia est in eo, quod hæredis nomine filias exui volunt, qui titulus est honestissimus, adeo, ut legitima filiis relicta alio, quam hæredum titulo, labare & ruere testamentum, nec paternum modo, sed & maternum, verissimè proditum sit, ex Nouella Iustiniani, ut cum de adpellat. c. xvi. §. aliud quoq; atq; ita his diebus in quadam opulenta hæreditate responsum est à Collegio nostro.

Quod

Quod autem Imperatores nomen filiarum in assignanda iis alimonia repetunt, non absurde aut superfluo factum est. Tacite enim significant, nisi sit unde vitam tolerant, futurum ut corpus corpore alant, id est, ad impudicitiam labantur. quod supplicium grauius morte mulieri honeste, & imprimis Christiane. Tertullianus Apologetici capit. ult. Nam & proxime, inquit, ad lenonem damnando Christianum, potius quam ad leonem, confessi estis labem pudicitiae apud nos atrocioris omni poena, & omni morte reputari. Postremo quaero, cur nomen haeredis honorificentius habeatur, quam aliud ullum, puta legatarii, fideicommissarii, donatarii? opinor, quia haeres defuncti personam repraesentat, imo idem cum ipso censetur. Nou. XLVI II. legatum est honos. l. nec adiecit. D. pro soc. unde honorati legatarii. l. I. D. de leg. I. Sed haereditas, summus honos. Cicero pro Quintio: Haeredem testamento reliquit hunc P. Quintium, ut ad quem summus moeror morte sua veniebat, ad eundem quoque summus honos perueniret. vel quia haeres idem significat, quod dominus, & vice versa. Unde aliquem dominum haereditatis suae instituere, est haeredem facere. l. his verbis. D. de haered. inst. Hieronymus, siue quis alius vitas SS. Patrum scripsit, in vita Eugenia, Omnium rerum mearum dominum instituiam te. Qui locus mire congruit cum d. l. his verbis. nec a quoquam, quod sciam, animaduersus est.

*Sit Lex, Mitior enim circa eas debet esse
sententia, quas pro infirmitate sexus mi-
nus ausuras esse confidimus.*

HÆc ininitas multiplex est, si attēdamus. Primum in eo quod vitæ earum parcitur, cum & filiorum parcatur. Multi tamen non pepercēre, ne in suo quidem sanguine, vt rex Galliarum Clotarius l. de quo ita scribit Ioh. Tilius libro 1. de Rebus Gallicis: Cranus cum in patrem (Clotarium) Velitatio Aquitaniæ duce, & Conabo Britāno adiutoribus rebellaret, captus in prælio, & ex mandato regis patris sui cum Lalta vxore, filiabusq; duabus igni est traditus. Sed nullum exemplum immanius, quam filiole Sciani apud Tacitum, Suetoniū, & alios. quæ à carnifice laqueum iuxta compressa fuit, quia virginem triumvirali supplicio adfici, inauditum ante eum diem esset: & quod indignitatē auget, Senatus ita iudicauit: si veteri Iuuenalis interpreti credimus, nō semper liquidæ apud me fidei. Sic enim ait in Satyr. x. Adeo vt filiam eius virginem iuberet Senatus à carnifice stuprari, & sic occidi, vt iure videretur occisa. Pari crudelitate & ludibrio iuris, Triumviri Reipub. Const. impuberem puerum necari iusserunt, sed indutū prius toga virili, vt Dio Cassius refert. Deinde filiabus famam conseruat hæc constitutio, dictura, si lædi vellet, vt in filiis tam prolixè inculcauit. Tertio, quod non prohibet, ne ex propinquorum & externorum testamētis, vel legitimis successionibus filiæ capiant, & maternorum bonorū partem iis aliquam attribuit, vt supra demonstrauimus. Postremo bonam spem se habere de filiabus ostendunt Imperatores, non secururas eas paterni vestigia sceleris. Ex quo sequitur, vt minus etiam exprobrari infamia paternæ iis debeat. Quod pariter & filiis masculis Aui-

dii Cassii Marcus cauerat, cum illis etiam in lite (verba sunt Vulcatii Gallicani) obiici fortunam propriam vetuisset domus, damnatis aliquibus ob iniuriam, quod in eos petulantes fuissent. De infirmitate sexus muliebris superuacuum adnotare: nisi quod Thomas Aquinas in Politica Aristotelis, ideo debilem ac dilutam rationem esse in mulieribus dicit, quia ob mollitiem temperamenti ratio non heret firmiter iis, de quibus deliberatur. Minus ausuras autem abscise dicunt, id est, tanti animi & sceleris facinus, ut ille Syracusanus apud Liuium in eadem re, Thrasonem esse consilii mentibus: nec nisi tam potenti ducem consilos rem tantam ausuros. & quidam apud Tacitum libro 1 v. Annalium. : Non enim se eadem Principis & res nouas vno socio cogitasse. Quanto minus igitur cogitabunt feminae? Hæc de filiabus coniuratorum. quid dicendum tamen, si ipsæ feminae coniurauerint, an ut mares puniri debent? Et hic quoque mitior videtur statuenda in eas poena, licet lex non dicat: idque ita etiam veteri doctore Oldrado visum est, consilio cccxc i. Non possum continere risum, cum lego Cynum hic adnotare, illam sententiam, minus audaces esse feminas, quam mares, fallere in actibus Venereis. Fuit Cynus non solum Iurisconsultus, sed poeta egregius, lusitque elegantissimis versibus sermone Ethrusco amores. Inde illa disciplina. Nam & Amor poeta est & Iurisconsultus, si Ouidio credimus, apud quem illa:

Dictatisque ab eo feci sponsalia verbis,

Consultoque fui iuris Amore uaser.

Sed rectius cupidiores maribus, Cynus dixisset,

non audaciores; quod nemo vnquam dixit, & natura repugnat. alioquin Bartoli illam regulam de hominibus lōgis, quam in Cyno præceptore suo fallere dicebat, etiam in Cyno probem ob hanc eius tam fatuam fallentiam. Sed hæc ioco.

CAPVT VI.

Emancipationes quoque quæ à prædictis siue in filios, post legem duntaxat latam, siue in filias fuerint collatæ, non valeant.

ID duabus maxime de causis quærî potuit. Vna est, vt sciretur, an emancipati isti filii eadem cōditione habendi sint, qua filii retenti in potestate. Negat id Glossographus in c. siquis cum, quæ est h. l. Quisquis. Quæst. i. de qua re supra expositum est à nobis in verbo, Filii. Altera causa est propter bona, quæ filii emancipati per occasionē emancipationis acquisierunt, vt intelligi possit, vtrum fisco vindicanda sint rescissa emancipatione, tanquā iam ab initio in fraudem fisci facta, an vero penes filium emancipatū remanere debeant. Igitur cōstitutum est, emancipationes istas non valere, quod in fraudem fisci collatæ videantur; neque id solum, siquis in reatu filium emancipauerit, sed etiam si ante reatum, post id tempus tamen, quo cogitare de factione incunda cœpit. h. §. nostro. & l. pen. C. h. tit. ad Leg. Iul. Maiest. Quod si ante istam cogitationē, qua sola crimē hoc cōtrahi placuit, emancipauit: non video cur infringi emancipatio debeat: idq;

incua-

Incunctantius dicendum est in aliis criminibus, in quibus etiam sufficere videtur, si ante reatum tantum emancipatio facta sit, ut legis huius auctores sentiunt. l. si quis posthac. §. si quid etiam. C. de bon. proscript. Quo in loco retinere filiis permittitur etiam ea, quæ iis à patre in emancipatione ipsa donata fuerunt. Ad hunc locum pertinent aliæ nonnullæ veterum quæstiones quas breuiter profligabimus. Summa autem est, an filius rei perduellionis possit ullam hæreditatem sibi quærere? In quo primum distinguendum inter hæreditatem patris, & alterius: deinde inter emancipatum, & filium familias. Igitur si inciderit quæstio de patris hæreditate, ea non aliter constabit, quam si proposuerimus, patrem pendente adculpatione perduellionis mortuum esse, vel etiam (quod in hoc crimine receptum est) post mortem eius institutam adculpationem esse. Vt rous modo cognitio pendeat, quæstionis est, an eius hæreditatem adire vel acquirere filius emancipatus possit? Et Papinian. lib. vi. Responsorum scribit, cum filium posse quærere, cui de patris innocentia liqueat. l. Pannonius. §. rei perduellionis. D. de adquir. vel amitt. hæred. recte id adiectum. nam si nō ei liqueat, sed dubitet, adire non poterit, utpote cum dubitet de statu patris testatoris, vel ab intestato mortui; quæ res impedit aditionem cuiusvis hæredis l. hæres institutus. xxxi. §. ult. & l. seq. D. eod. tit. Quod si post id tempus, quo pater arguitur iniuisse consilia coniurationis, emancipatus fuerit, etiā de suo ipse statu dubitet, necesse est, si de patris innocentia ei non liqueat. emancipatio enim post tale crimen contractum facta

non valet. Dubitat ergo, an ut emancipatus succedere patri debeat, an ut hæres suus, & per consequens adeundo nihil agit l. de qua re pluribus paullo postea. Illud notandum est ad rectam iustamque additionem hæreditatis paternæ eiusdemque acquisitionem sufficere Papiniano, si filio liqueat de innocentia patris. Quid igitur, si per iniuriam pater damnetur? Dicendum est, acquisitionem resolui atque irritam fieri: neque id Papinianus negaret, si de eo cōsultus fuisset. res enim ipsa iudicata pro veritate habetur, nec consciētia filii quicquam potest contra eam, ad obtinenda bona. Quod si non de emancipato, sed in potestate retēto quæritur, an hæres possit esse cognitione pendente de perduellione patris, dubitari non debet. filio enim familias, & hæredi suo ipso iure acquiritur hæreditas, sine vlla additione, sine vlla etiam scientia. Imo etiam si ignorās mortem patris decesserit, nihilominus hæreditatē paternam transmittit ad hæredes suos. l. apud hostes. C. de su. & legit. liber. vbi plene de hac re dixi. Sed damnato postea patre, vel memoria patris damnata, fiscus hæreditatem utpote nunquam filio delatam, vindicabit. Deinceps de hæreditate extranei cognoscamus, si ea filio perduellis sit delata. Et hīc non tam distinguendum est, inter filium emancipatum: quam simpliciter dicendum, ut recte eam hæreditatem adeat, certū eum esse debere de statu suo. id enim in omnibus aditionibus requiritur. non potest autem esse certus, si de innocentia patris nihil ei liqueat. Nam si non liquet, dubitat, ipsius emancipatio valeat, an nō: atque ita filius familias sit, an pater familias. Sin
vero

vero liquet, certo igitur scit, emancipationem valere. vnde sequitur, posse eum hereditatē extranei adire, & sibi acquirere: cum emancipati nihil quærant patri. Quod si vel emancipatus omnino non sit, vel non iuste emancipatus, atq; ita de statu suo certus sit, id est, sciat se filium familias esse, an pendente cognitione paterni perduellionis adire vel repudiare hereditatem extranei poterit? & si repudiauit, an repudiatio ista noceat fisco, cui filiusfam. iste eam acquisiuisset, utpote cū fiscus patri succedat, cui iure potestatis eam hereditatem acquisiturus erat filius? Et verius est, non posse, cum incertum sit an ut filius familias patris iussu adire debeat: neque enim patris ratihabitio sufficit absoluti forte patris. l. qui in aliena. l. si quis mihi, §. iussum. D. de acq. hered. Quod si pater damnetur, etiam aditio non valet, utpote facta ab eo, qui se filiumfamil. esse existimabat, vel qui certe dubitabat, an pater damnetur. Neq; hic valet ius postliminii, ut iam ab initio accusationis filius sui iuris fuisse videatur. hæc enim fictio in iis tantum locum habet, quorum pater ab hostibus captus est: neque factiones extendi debent. l. quod si filius. D. de capt. & postli. Sed neque illud, sententiam retrahere ad tempus litis contestatæ, ut Theophilus scribit in §. 1111. Tit. Instit. de iudic. Vnde filius, si pater post mortem damnatus sit perduellionis, suus hæres patri non esse dicitur. l. 1. §. interdum. D. de su. & leg. cum tamen an quis suus hæres sit, spectetur tempore mortis patris: quo tempore nōdum erat damnatus. Ideoq; Iustinianus in §. interdum. Instit. de hered. quæ ab int. defer. ipso quidem suo iure he-

redem esse, sed desinere, ait. Neque obstat quod in d. l. qui in aliena. §. si is qui. scriptum est, eum, qui dubitat vtrum filiusfam. an paterfam. morte patris factus sit posse adire hereditatem: & generaliter in l. sed et si de sua. D. eod. Nam alia ratio est eius, qui scit se patrem habere, licet reum; aliud eius qui nescit aut dubitat an habeat. nam ille iussu sibi patris necessarium esse nouit: hic scire non potest: & tamen eo est animo, vt in omnem euentum hereditatem adeat, siue sibi, siue patri quæ siturus. Superest vt exponamus, quid sibi illa verba huius legis velint, Post hanc legem duntaxat. Sollemne hoc in legibus fuit, quæ de iure ciuili lata sunt, hoc statui ius, quo post eam legem populus vtatur, inquit Cicero Vert. i. i. Vt in L. Falcidia. Quare ibidem Cicero Verrem adusât, quod tempus præteritum quodam suo edicto comprehendisset, quem defendit Hotom. lib. i. obs. c. i. recte: neque enim tam præteritum tempus comprehendit Verres, quàm negotia præterita seu controuersias, quæ suo anno nascituræ essent, nec antea vel transactione, vel aliò modo finitæ erant, quod illi licuit facere. Cum quo congruit Nouella de iure iur. xlviii. in fin. & ibi Iulianus notat. & Nouella, de fil. ante dotal. xix. quæ omnino ad hoc videnda.

CAPVT VII.

Dotes, donationes, quarumlibet postremo rerum alienationes, quas ex eo tempore qualibet fraude, vel iure factas esse cõstiterit, quo primum memorati de ineunda factione, ac societate

etate cogitauerint, nullius statuimus esse momenti.

SUPERIORI capite emancipationes post crimen in filios collata rescinduntur. Hic pergunt rescindere omnia, quæ in administratione rerum suarum perduellis gessit, dotes, donationes, alienationes omnes. nec immerito: utpote cum rerum suarum dominium statim amiserit, ac de factione cœpit & coniuratione cogitare. ut hic dicitur, & exponetur à me pluribus ad ipsa verba infra. In aliis legibus quæ de hoc capite loquuntur, nominatim cauetur etiam de solutionibus ei vel ab eo factis, itemque de manumissionibus seruorum. Sed hæc quoque non omissa in hac lege, utpote quæ contineantur verbo alienationum, præsertim adiecto, quarumlibet. Ibi igitur dicam.

At Lex, Dotes.

PRÆOCUPAVI de hac re dicere supra in §. ad filias, ubi profectitiam dotem filia saluam esse vel restitui à fisco debere publicatis bonis patris, demonstraui, quod ex hoc §. temperandum est, nisi post crimen iam contractum pater dotem dederit. Generaliter enim de omni dote loquitur. Alioquin magna occasio fraudandi fisci hominibus sceleratis aperiatur, vniuersis forte bonis vel maxima ex parte dotis nomine in filias collatis, in quo bifariam cōtra hanc constitutionem simileq; fieret, & quod fiscus, ut dixi, fraudaretur; & quod filia ista non mediocri alimonia, ut lex præcipit, humiles, sed amplis diuitiis

meus. D. de procur. Hæc ille in Obseru. & lib. iv. Respons. Papiniani postumo. Ego puto actionē etiā iudicati patris esse, sicut actio de dote, cui illa adcedit non substituitur. quia nouatio quæ fit litis contestatione, non perimit actionem. l. aliā. D. de nou. Cur ergo non hæredibus patris datur, sed filiæ? quia non censetur iure actionis hæreditariæ. §. videamus. C. de re. vx. act. ideoq; nec ad fiscum transit. d. l. in insulam. Et ita rectissime Alexan. ad d. l. si marito: per sententiam latam non transmitti, quæ sua natura ad hæredes non transmittuntur. Sed hæc nunc satis, & alibi diligentius tractata.

Sit Lex, Donationes.

DONATIONEM speciem esse alienationis, & quidem magis quam dotem, nemo ignorat. Quare post donationis & dotis mentionem subiectum est postea generale alienationum vocabulum, vt legislatorum sæpe mos est l. . . D. ad leg. Aquil. sicut & genere aliquo posito species quasdam eius insigniores subiicere, cuius rei illā rationem Labeo adscribat, Quia quæ notabiliter sunt, nisi specialiter notentur, videntur quasi neglecta. l. item apud. §. hoc edictum. D. de iniur. Etiam specialiter quædam pronunciata, generaliter sapiunt, vt ait doctus ille Tertullianus, libro de spectaculis. Donatio vero in multis differt ab alienatione, ea quidem quæ magis vſitate sic dicitur, quod aliæ alienationes, puta venditiones, aut necessitate fiant, aut alicuius rei consequendæ causſa. deniq; semper respiciant eum, qui alienationem facit. At donatio & liberalitas, sicuti
Iustitia.

Iustitia, tota foras spectat, & ad alienas utilitates
 sese exportigit, ac proiecta est, vt Aristot. & Cic.
 scribunt. Nihil enim ex iis virtutibus ad homines
 iustos & liberales redit, præter laudem, & bene-
 uolentiam, atq; aliquam interdum *πρὸς αὐτὸν*
 obligationem, cuius nulla fere vis iure ciuili est,
 cum magna sit naturalis obligationis. l. sed et si. §.
 cōsultuit. D. de hæred. pet. l. si pignori. D. de Furt.
 Hinc differentiæ inter donationes & cæteras ali-
 enationes notatæ à Modestino in libris differen-
 tiarum: cuius rei vestigia extant in l. ad res dona-
 tas. D. de Ædil. Ed. & in l. rem legatam. D. de a-
 dim. leg. Quod etiam in hac quaestione nostra li-
 cet obseruare. Nam donationes vtique omnes
 post crimen contractum factæ reuocantur, non
 ite alienationes omnes, vt infra docebimus. Nunc
 loca de donationibus ad hanc rem nostram petri-
 nentia proferamus, & illustremus. Ait Papinia-
 nus: Ratæ donationes esse non possunt post cri-
 men perduellionis contractum: cum hæredem
 quoque teneant, et si nondum postulatus vita de-
 cesserit. l. donationes. §. fin. D. de donation. Ean-
 dem regulam de omnibus criminibus capitalibus
 facit Martianus libro 1. Instit. Post contractum,
 inquit, capitale crimen donationes factæ non va-
 lent, ex constitutione Diuorum Seueri & Anto-
 nini, si condemnatio secuta sit. l. post contractum.
 D. eod. tit. Hæc est vera lectio, quam & OdoFRE-
 dus vetus interpres, & CONTIUS, alique sequun-
 tur, & libri βασιλικῶν, & Florentini confirmant.
 Altera illa, Nisi condemnatio, palam absurda est,
 & inepta, licet Adcursio placuerit. Quid enim ab-
 surdus, quam donationes secuta damnatione va-

at benigne ac fauore matrimoniorum receptum est, vt esset & filiæ magis etiam, quam patris. Vnde & filiæ proprium patrimonium adpellatur in l. 111. §. ergo. D. de Minor. & in l. in eam. D. de religios. & sumpt. fun. Quare bonis patris publicatis dicendum est, non etiam publicari profectitiam dotem. quod expressum quoq; est in l. cum de in rem verso. D. de vsur. Imo si inter bona patris hæc dos erat, filcum dicendum est restituere eam filiæ debere l. 111. C. solut. matrim. idq; ratio ipsa postulat, vt dicam infra ad §. dotes. At quod Baldus scribit in l. si patri. C. de dot. promiss. filias de bonis paternis esse dotādas, probare nullo modo possum: cum solam Falcidiā ex maternis tantū bonis eis hac lege concedi videamus. Et manifeste refellitur hæc sentētia verbis §. emancipationes. h. l. vbi dotes etiam à perduelle datas Impp. reuocari iubent: ergo & filiæ datas, & quidē magis quam extraneæ datas. tamen si enim extraneæ nullo iure dos debeatur vt filiæ, hæc constitutio tamen filios coniuratorum punit, nō extraneos. At dos quæ semel filiæ iure recteq; data est, ea, vt docui, patrimonium filiæ est, adeo quidē, vt mortuo patre actio dotis sit solius filiæ licet à patre ex hæredata, non hæredum patris siue ii extranei sunt, siue sui. l. vn. §. videamus. & §. & hoc ex rei. C. de re. vx. act. Quare & bona patris vel domum ab ea retineri posse pro dote existimo, vel prohiberi, ne diruatur: cur enim non idem filiæ tribuamus, quod Bartolus tribuit creditoribus damnati perduellis in l. 1. §. seruus. D. ad S C. Syllan. Albericus & alii plures, vxori? quāuis Cynus, vt & Iacob. de Arena contrarium de creditoribus sentiat in l.

in l. pignor. C. de pignor. act. Quos authores alii
sic conciliant, vt impedire non possint, fisco satisfacere
creditoribus parato : vt Tiberius scribit,
Quod & mihi placet. quid? quod & in minori cri-
mine læsæ maiestatis, id est, ob deiectas Principis
statuas domo paterna eiici filiæ possint? quod fa-
ctum ab Imp. Theodosio in Antiochenos, lego
apud Chrysostomum Homilia x i i i. vbi & illud,
in omnium reorum foribus tabulas proscriptio-
nis cerni licuisse. Quod notandum ad historiam
Romanam. Falcidia, quam Imperatores hîc ad-
pellant, est portio legitima, id est, quarta eius por-
tionis, quam ab intestato filii filiæq; habet: vt du-
pondii etiam norunt. Sed an idem quod de ma-
tre hic statuitur, ad auum auiamq; maternā pro-
ducemus? Quod sane benignius est, cum & iis ab
intestato pariter ac matri succedant. Quod ea ra-
tio quoque confirmat, quia exceptis bonis pater-
nis, & quadam ex parte maternis, filiæ non sunt
intestabiles, sed capere ex omniū testamentis pos-
sunt, & legitimas successiones non amittūt. Dixi
supra ob crimen patris non publicari dotem pro-
fectitiam filiæ. Sed quid dicendum si filia deliquit
ipsa, an publicabitur? de eo ita ex Vlpia. rñdemus,
Quinque legibus damnatæ mulieri dos publica-
bitur, maiestatis, vis publicæ, parricidii, veneficii,
de sicariis. l. i i i. D. de bon. damnat. Sed ea lex
loquitur de matrefamilias, non de filiafam. vel de
dote profectitia, vt apparet in legibus sequenti-
bus, quæ de marito loquuntur, cui dos lucro ce-
dit damnata muliere, exceptis illis quinq; casibus.
Sed verius est, filiafam. damnata, eiusq; bonis pu-
blicatis dotem profectitiam patri separari, vt de

peculio profecticio supra diximus. est enim dos illa non filia solum, sed & patris, ad quem mortua vel damnata filia redit, sicut in filiam mortuo vel damnato patre. l. 2. §. 1. & seqq. D. solu. matrim. l. consensu. & Auth. e contra si filii, & ibi not. C. de repud.

Ait Lex, Vt habeant mediocrem potius filia alimoniam, quam integrum emolumentum ac nomen hæredis.

QVAMVIS filiabus nullam infamiam hac cōstitutione iniungi verissimum putē: est tamē aliqua nota, quæ illis hoc loco inuritur & quidem duplex. quod & alimonie nomine illam Falcidiam ex bonis maternis eas consequi velint, & sine nomine hæredis, non solum sine emolumento integro. Inest in alimonie verbo quidam rubor eorum, quibus alimenta dantur, quasi miseris, aut prodigis, arg. l. cum hi. D. de transact. Et magnum olim inter Anglos Gallosq; certamen, vtrum ea summa pecunie, quam rex Gallie pendebat Angliæ regi, pensio, vt Galli volebāt, an stipendium vt Angli contendebant, appellaretur, teste Phil. Comineo. Maior atq; expressior ignominia est in eo, quod hæredis nomine filias exui volunt, qui titulus est honestissimus, adeo, vt legitima filiis relicta alio, quam hæredum titulo, labare & ruere testamentum, nec paternum modo, sed & maternum, verissimè proditum sit, ex Nouella Iustiniani, vt cum de adpellat. c. xviii. §. aliud quoq; atq; ita his diebus in quadam opulenta hæreditate responsum est à Collegio nostro.

Quod

Quod autem Imperatores nomen filiarum in assignanda iis alimonia repetunt, non absurde aut superfluo factum est. Tacite enim significant, nisi sit unde vitam tolerant, futurum ut corpus corpore alant, id est, ad impudicitiam labantur. quod supplicium grauius morte mulieri honeste, & inprimis Christianae. Tertullianus Apologetici capit. vlt. Nam & proxime, inquit, ad lenonem damnando Christianum, potius quam ad leonem, confessi estis labem pudicitiae apud nos atrocioris omni poena, & omni morte reputari. Postremo quaero, cur nomen haeredis honorificentius habeatur, quam aliud vllum, puta legatarii, fideicommissarii, donatarii? opinor, quia heres defuncti personam repraesentat, imo idem cum ipso censetur. Nou. xlviii. legatum est honos. l. nec adiecit. D. pro soc. unde honorati legatarii. l. i. D. de leg. i. Sed haereditas, summus honos. Cicero pro Quintio: Haereditatem testamento reliquit hunc P. Quintium, ut ad quem summus moeror morte sua veniebat, ad eundem quoque summus honos perueniret. vel quia haeres idem significat, quod dominus, & vice versa. Unde aliquem dominum haereditatis suae instituere, est haereditatem facere. l. his verbis. D. de haered. inst. Hieronymus, siue quis alius vitas SS. Patrum scripsit, in vita Eugenia, Omnium rerum mearum dominum instituam te. Qui locus mire congruit cum d. l. his verbis. nec a quoquam, quod sciam, animaduersus est.

*Ait Lex, Mitior enim circa eas debet esse
sententia, quas pro infirmitate sexus mi-
nus ausuras esse confidimus.*

HÆc mititas multiplex est, si attēdamus. Primum in eo quod vitæ earum parcitur, cum & filiorum parcat. Multi tamen non pepercere, ne in suo quidem sanguine, vt rex Galliarum Clotarius l. de quo ita scribit Ioh. Tilius libro 1. de Rebus Gallicis: Cranus cum in patrem (Clotarium) Velitatio Aquitaniæ duce, & Conabo Britāno adiutoribus rebellaret, captus in prælio, & ex mandato regis patris sui cum Lalta vxore, filiabusq; duabus igni est traditus. Sed nullum exemplum immanius, quam filiole Sciani apud Tacitum, Suetoniū, & alios. quæ à carnifice laqueum iuxta compressa fuit, quia virginem triumvirali supplicio addici, inauditum ante eum diem esset: & quod indignitatē auget, Senatus ita iudicauit: si veteri Iuuenalis interpreti credimus, nō semper liquidæ apud me fidei. Sic enim ait in Satyr. x. Adeo vt filiam eius virginem iuberet Senatus à carnifice stuprari, & sic occidi, vt iure videretur occisa. Pari crudelitate & ludibrio iuris, Triumviri Reipub. Const. impuberem puerum necari iusserunt, sed indutū prius toga virili, vt Dio Cassius refert. Deinde filiabus famam conseruat hæc constitutio, dictura, si lædi vellet, vt in filiis tam prolixè inculcauit. Tertio, quod non prohibet, ne ex propinquorum & externorum testamētis, vel legitimis successionibus filiæ capiant, & maternorum bonorū partem iis aliquam attribuit, vt supra demonstrauimus. Postremo bonam spem se habere de filiabus ostendunt Imperatores, non secuturas eas paterni vestigia sceleris. Ex quo sequitur, vt minus etiam exprobrari infamia paternis debeat. Quod pariter & filiis masculis Audi

dii Cassii Marcus cauerat, cum illis etiam in lite (verba sunt Vulcatii Gallicani) obiici fortunam propriam vetuisset domus, damnatis aliquibus ob iniuriam, quod in eos petulantes fuissent. De infirmitate sexus muliebris superuacuum adnotare: nisi quod Thomas Aquinas in Politica Aristotelis, ideo debilem ac dilutam rationem esse in mulieribus dicit, quia ob mollitiem temperamenti ratio non heret firmiter iis, de quibus deliberatur. Minus ausuras autem abscise dicunt, id est, tanti animi & sceleris facinus, ut ille Syracusanus apud Liuium in eadem re, Thrasonem esse consilii mentibus: nec nisi tam potenti duce confisos rem tantam ausuros. & quidam apud Tacitum libro IV. Annalium. : Non enim se eadem Principis & res nouas vno socio cogitasse. Quanto minus igitur cogitabunt feminae? Hæc de filiabus coniuratorum. quid dicendum tamen, si ipsæ feminae coniurauerint, an ut mares puniri debent: Et hic quoque mitior videtur statuenda in eas poena, licet lex non dicat: idque ita etiam veteri doctore Oldrado visum est, consilio CCCXC I. Non possum continere risum, cum lego Cynum hic adnotare, illam sententiam, minus audaces esse feminas, quam mares, fallere in actibus Venereis. Fuit Cynus non solum Iurisconsultus, sed poeta egregius, lusitque elegantissimis versibus sermone Ethrusco amores. Inde illa disciplina. Nam & Amor poeta est & Iurisconsultus, si Quidio credimus, apud quem illa:

Dictatisque ab eo feci sponsalia verbis,

Consultoque fui iuris Amore uaser.

Sed rectius cupidiores maribus, Cynus dixisset,

non audaciores, quod nemo vnquam dixit, & naturæ repugnat. alioquin Bartoli illam regulam de hominibus lōgis, quam in Cyno præceptore suo fallere dicebat, etiam in Cyno probem ob hanc eius tam fatuam fallentiam. Sed hæc ioco.

CAPVT VI.

Emancipationes quoque quæ à prædictis siue in filios, post legem duntaxat latam, siue in filias fuerint collatæ, non valeant.

ID duabus maxime de causis quærî potuit. Vna est, vt sciretur, an emancipati isti filii eadem cōditione habendi sint, quæ filii retenti in potestate. Negat id Glossographus in c. siquis cum, quæ est h. l. Quisquis. Quæst. 1. de qua re supra expositum est à nobis in verbo, Filii. Altera causa est propter bona, quæ filii emancipati per occasionē emancipationis acquisiuerunt, vt intelligi possit, vtrum fisco vindicanda sint rescissa emancipatione, tanquā iam ab initio in fraudem fisci facta, an vero penes filium emancipatū remanere debeant. Igitur cōstitutum est, emancipationes istas non valere, quod in fraudem fisci collatæ videantur; neque id solum, siquis in reatu filium emancipauerit, sed etiam si ante reatum, post id tempus tamen, quo cogitare de factione ineunda cœpit. h. §. nostro. & l. pen. C. h. tit. ad Leg. Iul. Maiest. Quod si ante istam cogitationē, qua sola crimē hoc cōtrahi placuit, emancipauit: non video cur infringi emancipatio debeat: idq;

INCUR-

Incunctantius dicendum est in aliis criminibus, in quibus etiam sufficere videtur, si ante reatum tantum emancipatio facta sit, ut legis huius authores sentiunt. l. si quis posthac. §. si quid etiam. C. de bon. proscript. Quo in loco retinere filiis permittitur etiam ea, quæ iis à patre in emancipatione ipsa donata fuerunt. Ad hunc locum pertinent aliæ nonnullæ veterum quæstiones quas breuiter profligabimus. Summa autem est, an filius rei perduellionis possit ullam hæreditatem sibi quærere? In quo primum distinguendum inter hæreditatem patris, & alterius: deinde inter emancipatum, & filium familias. Igitur si inciderit quæstio de patris hæreditate, ea non aliter constabit, quam si proposuerimus, patrem pendente adquisitione perduellionis mortuum esse, vel etiam (quod in hoc crimine receptum est) post mortem eius institutam adquisitionem esse. Vtrouis modo cognitio pendeat, quæstionis est, an eius hæreditatem adire vel acquirere filius emancipatus possit? Et Papinian. lib. vi. Responsorum scribit, cum filium posse quærere, cui de patris innocentia liqueat. l. Pannonius. §. rei perduellionis. D. de adquir. vel amitt. hæred. recte id adiectum. nam si nō ei liqueat, sed dubitet, adire non poterit, utpote cum dubitet de statu patris testatoris, vel ab intestato mortui; quæ res impedit aditionem cuiusvis hæredis l. hæres institutus. xxxi. §. ult. & l. seq. D. eod. tit. Quod si post id tempus, quo pater arguitur iniuisse consilia coniurationis, emancipatus fuerit, etiā de suo ipse statu dubitet, necesse est, si de patris innocentia ei non liqueat. emancipatio enim post tale crimen contractum facta

non valet. Dubitat ergo, an ut emancipatus succedere patri debeat, an ut hæres suus, & per consequens ad eundo nihil agit l. de qua re pluribus paullo postea. Illud notandum est ad rectam iustamque aditionem hæreditatis paternæ eiusdemque acquisitionem sufficere Papiniano, si filio liqueat de innocentia patris. Quid igitur, si per iniuriam pater damnetur? Dicendum est, acquisitionem resolui atque irritam fieri: neque id Papinianus negaret, si de eo cōsultus fuisset. res enim ipsa iudicata pro veritate habetur, nec consciētia filii quicquam potest contra eam, ad obtinenda bona. Quod si non de emancipato, sed in potestate retēto quærat, an hæres possit esse cognitione pendente de perduellione patris, dubitari non debet. filio enim familias, & hæredi suo ipso iure acquiritur hæreditas, sine vlla aditione, sine vlla etiam scientia. Imo etiam si ignorās mortem patris decesserit, nihilominus hæreditatē paternam transmittit ad hæredes suos. l. apud hostes. C. de su. & legit. liber. vbi plene de hac re dixi. Sed damnato postea patre, vel memoria patris damnata, fiscus hæreditatem utpote nunquam filio delatam, vindicabit. Deinceps de hæreditate extranei cognoscamus. si ea filio perduellis sit delata. Et hīc non tam distinguendum est, inter filium emancipatum: quam simpliciter dicendum, ut recte eam hæreditatem adeat, certū eum esse debere de statu suo. id enim in omnibus aditionibus requiritur. non potest autem esse certus, si de innocentia patris nihil ei liqueat. Nam si non liquet, dubitat, ipsius emancipatio valeat, an nō: atque ita filius familias sit, an pater familias. Sin

vero

vero liquet, certo igitur scit, emancipationem valere. vnde sequitur, posse eum hæreditatē extranei adire, & sibi acquirere: cum emancipati nihil quærant patri. Quod si vel emancipatus omnino non sit, vel non iuste emancipatus, atq; ita de statu suo certus sit, id est, sciat se filium familias esse, an pendente cognitione paterni perduellionis adire vel repudiare hæreditatem extranei poterit? & si repudiauit, an repudiatio ista noceat fisco, cui filiusfam. iste eam acquisiuisset, utpote cū fiscus patri succedat, cui iure potestatis eam hæreditatem acquisiturus erat filius? Et verius est, non posse, cum incertum sit an ut filius familias patris iussu adire debeat: neque enim patris ratihabitio sufficit absoluti forte patris. l. qui in aliena. l. si quis mihi. §. iussum. D. de acq. hæred. Quod si pater damnetur, etiam aditio non valet, utpote facta ab eo, qui se filiumfamil. esse existimabat, vel qui certe dubitabat, an pater damnaretur. Neq; hic valet ius postliminii, ut iam ab initio ad causationis filius sui iuris fuisse videatur. hæc enim fictio in iis tantum locum habet, quorum pater ab hostibus captus est: neque factiones extendi debent. l. quod si filius. D. de capt. & postli. Sed neque illud, sententiam retrahere ad tempus litis contestatæ, ut Theophilus scribit in §. 1111. Tit. Instit. de iudic. Vnde filius, si pater post mortem damnatus sit perduellionis, suus hæres patri non esse dicitur. l. 1. §. interdum. D. de su. & leg. cum tamen an quis suus hæres sit, spectetur tempore mortis patris: quo tempore nōdum erat damnatus. Ideoq; Iustinianus in §. interdum. Instit. de hæred. quæ ab int. defer. ipso quidem suo iure hæ-

redem esse, sed desinere, ait. Neque obstat quod in d. l. qui in aliena. §. si is qui. scriptum est, cum, qui dubitat vtrum filiusfam. an paterfam. morte patris factus sit posse adire hereditatem: & generaliter in l. sed etsi de sua. D. eod. Nam alia ratio est eius, qui scit se patrem habere, licet reum; aliud eius qui nescit aut dubitat an habeat. nam ille iussu sibi patris necessarium esse nouit: hic scire non potest: & tamen eo est animo, vt in omnem euentum hereditatem adeat, siue sibi, siue patri quæsiturus. Superest vt exponamus, quid sibi illa verba huius legis velint, Post hanc legem duntaxat. Sollemne hoc in legibus fuit, quæ de iure ciuili lata sunt, hoc statui ius, quo post eam legem populus vtatur, inquit Cicero Vert. 111. Vt in L. Falcidia. Quare ibidem Cicero Verrem adcusat, quod tempus præteritum quodam suo edicto comprehendisset, quem defendit Hotom. lib. 1. obs. c. 1. recte: neque enim tam præteritum tempus comprehendit Verres, quàm negotia præterita seu controuersias, quæ suo anno nascituræ essent, nec antea vel transactione, vel alio modo finitæ erant, quod illi licuit facere. Cum quo congruit Nouella de iureiur. xlviii. in fin. & ibi Iulianus notat. & Nouella, de fil. ante dotal. xix. quæ omnino ad hoc videnda.

CAPVT VII.

Dotes, donationes, quarumlibet postremo rerum alienationes, quas ex eo tempore qualibet fraude, vel iure factas esse cõstiterit, quo primum memorati de ineunda factione, ac societate

*ietate cogitauerint, nullius statuimus esse
momenti.*

SUPERIORI capite emancipationes
post crimen in filios collata rescin-
duntur. Hic pergunt rescindere om-
nia, quæ in administratione rerum
suarum perduellis gessit, dotes, donationes, alie-
nationes omnes. nec immerito: utpote cum re-
rum suarum dominium statim amiserit, ac de fa-
ctione cœpit & coniuratione cogitare. ut hic di-
citur, & exponetur à me pluribus ad ipsa verba
infra. In aliis legibus quæ de hoc capite loquuntur,
nominatim cauetur etiam de solutionibus ei vel
ab eo factis, itemque de manumissionibus seruo-
rum. Sed hæc quoque non omissa in hac lege, ut-
pote quæ contineantur verbo alienationum,
præsertim adiecto, quatumlibet. Ibi igitur dicam.

At Lex, Dotes.

PRÆOCCUPAVI de hac re dicere supra in §. ad
filias, ubi profectitiam dotem filia saluam es-
se vel restitui à fisco debere publicatis bonis pa-
tris, demonstraui, quod ex hoc §. temperan-
dum est, nisi post crimen iam contractum pater
dotem dederit. Generaliter enim de omni dote
loquitur. Alioquin magna occasio fraudandi fi-
sci hominibus sceleratis aperiatur, vniuersis forte
bonis vel maxima ex parte dotis nomine in filias
collatis, in quo bifariam cōtra hanc constitutio-
nem simileq; fieret, & quod fiscus, ut dixi, frau-
daretur; & quod filia ista non mediocri alimo-
nia, ut lex præcipit, humiles, sed amplis diuitiis

Splendidæ incederent, dicerentur Dotatæ, vt illa
 apud Romanos olim, de qua Valer. Maximus, &
 meliori iure Berenice Regina, quæ patri Dotalis
 nomen conciliauit. Hieronymus in Daniele c.
 xi. Volens itaq; Ptolomeus Philadelphus post
 multos annos molestum finire certamen, filiam
 suam nomine Berenicæ, Antiocho vxorē dedit &
 statim: Deduxitque eam vsque Pelusium, & infi-
 nita auri & argenti millia dotis nomine dedit. Vn-
 de *Περύπορος*, id est, Dotalis appellatus est. Quod
 de filiabus diximus, idem & in muliere extranea
 dicendum est, si quam dotem ei perduellis dedit.
 Valebit enim, aut reuocabitur, vt est tēpus, quo
 data est, aut promissa. nam & promissam dotem,
 si ante cogitationem facinoris promissa est, exigi
 à muliere posse, dicendum est, cum sit recte pro-
 missa, & inter viuos, nec suum ius mulieri eripi de-
 beat. l. perfectam. C. de donation. l. promitten-
 do. cum simil. D. de iur. dot. Multo magis igitur
 si à fisco cum ceteris bonis dos, quæ data erat, oc-
 cupata sit, mulieri restituēda est. Fiscus enim suc-
 cessor semper tenetur creditoribus eius, cui suc-
 cessit, satisfacere. Quare & publicatis mariti bo-
 nis, creditoribus eius satisfaceret, inter quos vxor
 etiam est. l. si marito. in princ. D. sol. matrim. l. 1.
 C. de fideiussor. Neq; vero filia solum, sed & ge-
 nero actio in fiscū datur, dote à socero recte pro-
 missa, id est, non in fraudem fisci, & priusquam da-
 mnaretur. l. sed etsi pater. D. de bon. damnat. quā
 legem vt & alias in eo titul. restituit ex Basilicis e-
 ruditissimus Cuiacius libro vi. obseruat. c. xxiij.
 vbi & hæc notat, mortua in matrimonio filia, licet
 dos profectitia ad patrem redeat, non ideo tamen
 post

post damnationem patris mortua filia dotem ad
fiscum redire: sed manere potius apud virum, vel
eo maxime quod dānationis tempore non fuerit
dotis actio in bonis patris, nisi in fraudē fisci dos
data fuerit. l. nisi probetur. 1 x. l. cum ratio §. in
bonis. D. eod. tit. Quod si diuortio filia solutum
sit matrimonium, quo casu dotis repetitio patri
non datur, nisi voluntate filia l. 11. §. 1. D. solut.
matrim. l. filia. C. eod. si damnetur pater nondū
extorta voluntate filia, filia actionem esse, nec à
fisco peti posse. l. in insulam D. solut. matrim. Sin
iam ante damnationem filia consenserat patri, fi-
sci actionem dotis esse, quia successit damnato
patri, cuius ea actio erat, ita tamen, vt quod pater
facturus erat, id & fiscus faciat, id est, vt filia dotē
conseruet, & secundo nubenti reddat. idq; Græ-
cum interpretem ita notate, vnde omnia destrū-
antur, quæ Adcursius adstruxerat ad d. l. in insu-
lam. cui imposuisse, a libi ait, l. si marito. §. si volū-
tate. D. eod. tit. in qua scriptum est, procuratore
à patre consentiente filia dato ad exigendam do-
tem, si procurator vicerit, patre mortuo actionē
iudicati dari filia, non hæredi patris. Ergo in su-
periori quoq; casu filia dabitur actio, non fisco, si
pater deportatus sit, atque ita civiliter mortuus.
Sed responderet Cuiacius in specie d. §. si volunta-
te. non quæri de actione dotis, quæ patris vel hæ-
redis esset, vt pote in quam filia patri consensisset,
quæq; actio nouata est re iudicata. l. 11. §. pen.
C. de vsur. re. iudic. sed de actione iudicati noua,
in quam filia non consensisset. ideoq; non potuit
ea patri, vel hæredi eius acquiri, vt nec procura-
tori cum ad eam non sit datus. arg. l. si procurator

meus. D. de procur. Hæcille in Obseru. & lib. i v. Respons. Papiniani postumo. Ego puto actionē etiā iudicati patris esse, sicut actio de dote, cui illa adcedit non substituitur. quia nouatio quæ fit litis contestatione, non perimit actionem. l. aliā. D. de nou. Cur ergo non hæredibus patris datur, sed filiæ? quia non censetur iure actionis hæreditariæ. §. videamus. C. de re. vx. act. ideoq; nec ad fiscum transit. d. l. in insulam. Et ita rectissime Alexan. ad d. l. si marito: per sententiam latam non transmitti, quæ sua natura ad hæredes non transmittuntur. Sed hæc nunc satis, & alibi diligentius tractata.

Ait Lex, Donationes.

DONATIONEM speciem esse alienationis, & quidem magis quam dotem, nemo ignorat. Quare post donationis & dotis mentionem subiectum est postea generale alienationum vocabulum, vt legislatorum sæpe mos est l. . . D. ad leg. Aquil. sicut & genere aliquo posito species quasdam eius insigniores subiicere, cuius rei illā rationem Labeo adscribat, Quia quæ notabiliter fiunt, nisi specialiter notentur, videntur quasi neglecta l. item apud. §. hoc edictum. D. de iniur. Etiam specialiter quædam pronunciata, generaliter sapiunt, vt ait doctus ille Tertullianus, libro de spectaculis. Donatio vero in multis differt ab alienatione, ea quidem quæ magis vsitate sic dicitur, quod aliæ alienationes, puta venditiones, aut necessitate fiant, aut alicuius rei consequendæ causâ. deniq; semper respiciant eum, qui alienationem facit. At donatio & liberalitas, sicuti Iustitia.

Iustitia, tota foras spectat, & ad alienas utilitates sese exportigit, ac proiecta est, vt Aristot. & Cic. scribunt. Nihil enim ex iis virtutibus ad homines iustos & liberales redit, præter laudem, & beneuolentiam, atq; aliquam interdum ~~deus autem deus~~ obligationem, cuius nulla fere vis iure ciuili est, cum magna sit naturalis obligationis. l. sed et si. §. cōsultit. D. de hæred. pet. l. si pignori. D. de Furt. Hinc differentiæ inter donationes & cæteras alienationes notatæ à Modestino in libris differentiarum: cuius rei vestigia extant in l. ad res donatas. D. de Ædil. Ed. & in l. rem legatam. D. de adim. leg. Quod etiam in hac quæstione nostra licet obseruare. Nam donationes vtrique omnes post crimen contractum factæ reuocantur, non ite alienationes omnes, vt infra docebimus. Nunc loca de donationibus ad hanc rem nostram pertinentia proferamus, & illustremus. Ait Papinianus: Ratæ donationes esse non possunt post crimen perduellionis contractum: cum hæredem quoque teneant, etsi nondum postulatus vita decesserit. l. donationes. §. fin. D. de donation. Eandem regulam de omnibus criminibus capitalibus facit Martianus libro 1. Instit. Post contractum, inquit, capitale crimen donationes factæ non valent, ex constitutione Diuorum Seueri & Antonini, si condemnatio secuta sit. l. post contractum. D. eod. tit. Hæc est vera lectio, quam & Odofredus vetus interpres, & Contiùs alii que sequuntur, & libri βασιλικῶν, & Florentini confirmant. Altera illa, Nisi condemnatio, palam absurda est, & inepta, licet Adcursio placuerit. Quid enim absurdius, quam donationes secuta damnatione va-

lere dicere, non secuta non valere? Contra verissimū est, in omni capitali crimine donationes ratas haberi, si damnatio non fuerit secuta viuo reo: excepto hoc crimine perduellionis, in quo ratæ non sunt, quantumvis non dico damnatus, sed ne postularus quidem vita decesserit, vt Papinianus scribit & Modestinus in l. ex iudiciorū. D. de pub. iudic. vbi iudicio maiestatis addit crimē repetundarum, qua etiam post mortem reorū, cum quibus nihil actum est, adhuc exerceri placuit, vt bona eorum fisco vindicentur: adeo, inquit, vt Diuus Sæuerus, & Antoninus rescripserint, ex quo quis aliquod ex his causis crimen contraxit, nihil ex bonis suis alienare, aut manumittere eum posse; idemque rescriptū allegat Martianus in l. pen. C. ad L. lul. maiestatis. In aliis criminibus ita demum ad hæredes transit pœna ademptionis bonorum, si viuo reo lis contestata aut mota fuerit. In C. Theodosiano non repetundarum crimen, sed Magiæ vna cum iudicio Maiestatis excipitur l. 11. & l. 14. D. de bon. proscript. Sed de alia questione nimirum illæ leges loquuntur, de qua & Iustin. Auth. bona. C. cod. tit. nos hic de actione & pœna aduersus hæredes agimus. Cæterum Papiniani illius & aliorum sententiæ, quam supra retulimus, repugnare videtur, quod Vlpian. scribit his verbis: Si maritus vxori donauerit, & mortem sibi ob sceleris conscientiam consciuerit, vel etiam post mortem memoria eius damnata sit: reuocabitur donatio: quamuis ea quæ aliis donauerit, valeant, si non mortis causa donauerit. l. cum hic status. §. si maritus. D. de don. int. vir. & vxor. Ecce donationes valere dicit omnes factas

factas

factas ab eo, qui se occidit, vel cuius memoria post mortem damnata est, quibus verbis perduellionis crimen significat: excipit duo tantum genera donationum, Vnum mortis causa cuius factarum, alterum inter virum & uxorem. Has solas non valere. Contra Papinianus, & ceteri, nullas valere condemnatione secuta: neq; id tantum in illis duobus criminibus, quæ dixi, sed in omnib. Facilis responsio est, Papinianus & alii loquuntur de donationibus post crimen, vel reatum: Vlpianus de ante factis. Factæ ante crimen omnes valent, quodcunq; postea crimen donator admiserit, etiam perduellionis vel conscitæ ob conscientiam sceleris mortis: quæ sunt grauissima, multaque habent singularia: præsertim cum post mortem quoque iudiciū de eis agatur, & condemnatio fiat, pœnæq; irrogentur, ademptionis bonorum, infamiæ, sepulturæ, & aliæ. l. liberorum. §. non solent. D. de his qui not. inf. Dixi omnes: sed excipiendæ sunt donationes inter virum & uxorem factæ, item mortis causa inter quoscunque factæ. Hæ donationes non valent, etiam si ante crimen factæ sint: & ratio est, quia hæ donationes morte demum donatoris confirmantur, vt ultimæ voluntates, puta legata & fideicommissa, ad quorum instar illæ redactæ sunt. §. 1. Instit. de donat. l. donationes. C. ad leg. Falcid. d. l. cum hic status, & pass. Non possunt autem confirmari, si donator capitis damnatus sit: vt pote cum hac donatione & testamentum irritū fiat, & omnia quæ sunt ultimæ voluntatis, vel instar eius, vt istæ donationes. l. eius qui. §. 1. l. si filio exheredato. §. irritum. D. de iniust. rupt. irr. l. si aliquis. & ibi gl. D.

de mort. caus. donat. Imo etiam si res donata tradita essent, vel soluta legata, repeti possunt; testamento per damnationem irritato facto ex quouis crimine; vno tantum casu excepto in crimine perduellionis, si nimirum legata soluta fuerint post illatum crimen perduellionis, non etiam si ante illatum, ut addidere facile potest, cum post mortem rei hoc crimen inferri & inchoari possit, & ideo solutis forte iam legatis l. cum filius. §. ult. D. de Leg. 11. Illa differentia inter has donationes est, quod donationes inter virum & uxorem facta, licet ante crimen non valent, utpote quae iure interdicta sint: sed ex Oratione Diui Antonini confirmantur, si & donator prior decesserit, & voluntatem non mutauerit d. l. cum hic status, & pass. d. tit. At donationes causa mortis, statim quidem valent & iure fiunt; sed tamen & ipsae ante mortem reuocari possunt, ideoque morte demum conualescunt. Inter confirmationes etiam istas discrimen reperio esse. nam donatio inter virum & uxorem facta sic morte donatoris confirmatur, ut tamen retrahatur ad tempus interpositae donationis, atque ex eo tempore valeat, atque ita iure confirmationis, hoc est, donationis inter viuos, non iure legati. l. ex verbis xlv. l. donationes. C. de donation. int. vir. & vxor. per autem multum interest inter haec duo: ut fusius explicauimus lib. 111. de his donationibus. At mortis causa donatio non retrahitur, sed iure legati valet, quod constat non retroduci ad tempus, quo relictum est. Et ratio differentiae illa: quia lex, id est Oratio Antonini secuta est hac in re donatoris voluntatem, quam non mutasset is ante mortem. nam eo usque

peni-

pœnitere licet. Voluit autem maritus vel vxor cū donauit, tunc, cum donaret, donationem valere. At qui mortis causa donat, alia voluntate est: quia enim mauult se habere, quam cui donat, ideo nō ante donationem vult valere, quam ipse decesserit. l. 1. & pass. D. de mort. ca. donat. Ex qua dissimilitudine voluntatis & illa differentia inducitur, quod mortis causa donatio non cōfirmatur, sed infirmatur morte ciuili, puta donatore in seruitutem redacto; at donatio inter virum & vxorem facta morte etiam ciuili confirmatur. l. res vxori. C. de don. inter vir. & vxor. de qua lege mox dicam. Nunc euellendus est quidam scrupulus in illa sententia Vlpiani, in d. §. si maritus, vel in expositione nostra infixus. Nam si Vlpianus eo loco loquitur de donationibus ante crimen factis, vt docui; quid opus erat duo illa singularia crimina conscitæ mortis, & perduellionis ponere, cum idem iuris sit in quocunq; crimine capitali, vt scilicet donatio vxori vel alii mortis causa facta reuocetur damnatione secuta ex crimine, licet post donationem cōtracta. Id enim necessario sequitur ex illa ratione, qua diximus has donationes confirmari morte donatoris demum, quo certe tempore, cum ille sit capite damnatus, confirmari non poterunt, ex quocunq; tandem crimine capitali sit damnatus. Valde me hic scrupulus torfit, adeo, vt ferē irem in sententiam eorum, qui Vlpianum loqui de donationibus post crimen contractum factis interpretantur. Sed idem in illa scrupulus: nam in omni crimine capitali hoc verum est, & in omnibus donationibus, vt post id factæ non valeant, dānatione secuta. d. l. post cō-

tractum. D. de donat. c. i. us tamen contrariū affirmatur in d. §. id est valere aliis factas. Sed neq; in duobus illis criminibus aliter donatio reuocatur, quam damnatione secuta. illa modo differentia est, quod in aliis criminibus damnatio nō fiat, nisi viuo reo saltem his intestata fuerit: in his duobus etiam lite non mota damnentur mortui. Sed de hac re Vlpian. ibi non agit. Cur igitur illa duo tantum nominat, & ita quidem, vt singulare ius in illis esse innuat, cum sint & ipsa singularia? Re-diligenter perpensa illud placuit, vt putarem Vlpianum generaliter de omnibus criminibus locutum esse & compositores illa duo crimina ibi tantum retinuisse, vel posuisse propter constitutionem Constantini in d. l. res vxoris, sicut & l. sed si mors. D. eodem titulo, eiusdemq; Vlpiani, manum adhibuisse Tribonianum Cuiacius scribit, & quædam adtexuisse ex sententia dictæ constitutionis, id est, l. res vxoris. Ea igitur noue & contra iuris veteris sententiam, vt ex ipsius verbis, liquido apparet, constitutum est, vt donationes vxori factæ ante reatum non infirmantur, vt antea, damnatione & morte ex ea consecuta: sed potius confirmantur, non secus ac si naturalis mors. non pœna donatorem vitæ subduxisset, ad quod noue constituendum inductum se Imperator ait, tum ne alieno infortunio mulier prægrauetur, tū vt habeat meritū pudicitia præmium. Sed ex hac noua regula crimina illa duo visum est excipere, in quibus ius vetus seruaretur, nimirum conscientie mortis, & perduellionis. præsertim cum dici possit nec de iis regulam illam siue constitutionem Constantini loqui: confirmat enim donationes

virī ante reatum factas, id est, ante adūsationē, quod non cōuenit duobus illis criminibus, in quibus nō reatus vlla ratio habetur, sed criminis cogitati tantum: ideoq; & post mortem adūsatio instituitur. idemque confirmo ex l. si quis posthac C. de bon. proscrip. Vbi Impp. Arcadius & Honorius ita sanciunt in marito proscripō, vt donationes quas vxori cōstante matrimonio fecit ante proscriptionem, firmæ & ratæ permaneāt. Est & altera pars d. l. res vxoris. satis noua, qua constituitur, vt deportatione vel alia simili pœna, ex qua mors ciuilis tantum sequitur, donationes inter coniuges factæ non infirmantur, vt olim; sed in pendentī sint, & vel confirmantur, si donator in eadem volūtate permanferit, vsque ad mortem naturalem, vel infirmantur, si voluntatem mutauerit. quod ius vetus est, vbi quis seruus pœnæ factus non est, sed integro statu moritur, at vbi seruus pœnæ factus est, iure veteri statim infirmatur donatio inter coniuges facta, ob supra scriptam rationem. Quod ius vetus diserte abrogat dicta cōstitutio in fine, vbi fisco vindicari eas donationes vetat. Sed & ratio abrogatur in Auth. seq. qua sancitur, ne quis pœnæ seruus efficiatur ex supplicio. olim seru⁹ fiebat, sed nō ex omni supplicio verum vltimo, & si quo alio libertas amittebatur, puta damnatione in metallum: non etiam exilio, vel aquæ & ignis interdictione, vel deportatione. Hodie nulla pœna seruus efficitur, idque propter nuptias constitutum est ne dissoluerentur. Illud quæritur, an quod de viri donatione in vxorem collata Constantinus constituit noue, id pertinere etiam vel extendi debeat ad donationem vxor-

ris in virum collatam, quod negandum videtur. Primum, quia nouæ & corrigētes leges non sunt extendendę, sed coercendę potius interpretatione. Deinde, quia pudicitia vxoris præmio cedere eas donationes velit. Quæ ratio non ita in marito valet, & pudicitiam intelligit, quam viuo marito præstitit; ait enim, cessit. non autem post mortem eius, quasi eripienda ei donatio sit, si mortuo marito impudice vixerit, vel si ad secundas nuptias nō transierit. quod falsum est. Nam vxor ad secundas nuptias transiens non amittit à marito donata, si nulli liberi ex eo suscepti extent. Quod si liberi extent, tamen vsumfructum donatorum habet, proprietate filiis seruata, vel fisco, si maritus damnatus perduellionis. §. vxores. infra h. l. nostra. Male igitur Cuiacius & alii, qui verbum pudicitia de continētia à secundis nuptiis interpretantur. Peius qui in vxoris donatione in maritū collata, idem ius recipiunt. Pessime qui viduæ eripiunt donationem, nisi pudice vixerit. Nam vt Iuuenalis vetus interpret ait, Vidua peccat sine crimine, sicut diues mulier, quæ avaro nupserit marito, ad illa verba Satyræ vi. Vidua est locuples. Cicero pro Cælio, Si vidua libere.

Ait Lex, Quarumlibet postremo rerum alienationes.

VENDITIONES, solutiones, manumissiones l. pen. C. h. tit. & si quæ similia. De donationibus enim supra expositum. Cæterum vt tota hæc quæstio satis ad explicandum difficilis, intelligatur: tria tempora distinguenda sunt, Ante cri-

eo crimen, Post crimen, Post sententiam. Si igitur alienatio ante crimē facta sit, & alienatio necessaria fuerit, semper & indistincte valet. neque hic dubitationem vllam occurrere video. Quod si voluntaria fuit, etiam regulatiter valet. l. post contractum. D. de donat. excipiendæ primo sunt donationes causa mortis, & aliquæ etiam inter virum & uxorem factæ, vt supra docuimus. Deinde hæc regula sic temperanda videtur magnis interpretibus, vt Iacobo de Arena, Cyno, Bartolo, aliis; nisi constet aut probetur coniecturis mala fide eas alienationes factas esse, id est, cogitatu criminis, quod erat perpetraturus. tunc enim metu & suspicione pœnæ subsecuturæ alienasse intelligitur. l. si aliquis. v. l. 1. D. de mort. ca. donat. l. qui pœnæ. §. 1. ibi, cum futurū prospiceret, vt damnaretur. D. de manumiss. l. in fraudem. in pt. D. de in fisc. vbi scriptum est, res in fraudem fisci nō solū per donationem, sed quocūq; modo alienatas reuocari, & in omnibus fraudē puniri. Quod tamen intelligendum est, nisi alienatio fuerit necessaria; hæc enim nō potest videri in fraudem fisci esse facta, veluti si propter alimenta alienauerit, vel si creditoribus soluerit. l. alienationes. D. famil. ercis. l. rea. D. de solut. Illud quaeritur, quibus modis hæc fraus probari possit in eo, qui alienauit ante crimen admissum. Et optime atque acutissime Bartolus plures eius rei presumptiones coniecturasq; collegit atque exposuit ad d. l. post contractum quas, præter alios, Bartoli vestigiis, vt ait, insistens, accurate examinat Philippus Decius in consil. cc lxxxv. cui magis adsentior, quam vel Francisc. Conano, vel Ant. Contio

nimis delicati fastidii interpretibus. Quasi vero Bartol. non vidisset eam, quam ipsi allegant, l. sed si maritus. §. ult. D. qui & à quib. man. in qua probationes dilucidæ requiri videntur. Sed neque Bart. dicit quæ ipse adfert, dilucidas probationes esse, imo nec probationes, sed præsumptiones. aperte etiam ait, non esse eas sufficientes, nisi eo ipso tempore, quo alienatio fiebat, suberat causa, idq; probetur, qua motus ad delinquendū fuerit: superuenientem causam non sufficere ad reuocandum, non solum alias alienationes, sed nec ad donationes, quæ maxime sunt voluntariæ alienationes. l. perfectâ. C. de donat. quæ sub mod. l. donari. D. de donat. Eadem quæstio incurrat in eo, qui sibi ipsi mortem conscivit, utrum conscientia sceleris, & metu pœnæ, quo casu damnatur, an alia causa id fecerit. l. cum hic status. §. si maritus. D. de donat. inter vir. & vxor. l. si filio. §. irritum. D. de in. rupt. irr. & sol. D. de his qui si. mor. consci. Imo ego plus dico, non sufficere metum pœnæ ad damnationem, si pœnam non ex conscientia metuit, sed quia sciuit, quod etiam innocens damneretur. Cuius rei insigne documentum præbet Cæcilius ille Cornutus vir prætorius apud Tacitum lib. i. r. i. Annal. & alii multi; postquam ita olim receptum fuit, ut, si quis se vita exuisset, ante iudicium perfectum, id est, sententiâ latâ, bona eius liberis atq; hæredibus conseruarentur, quamuis in ipso instantis sententiæ tempore id fecisset, ut docet exemplum C. Licinnii Macri apud Val. Max. lib. ix. c. xi. Quod & in hoc ipso crimine læsæ maiestatis nominatim discas ex eodem libro iv. Annal. Taciti: in quo scriptum est, Actum de

de præmiis adculpatorum abolendis, si quis maiestatis postulatus ante perfectum iudicium se ipse vita priuauisset. Nam quod statim additur, huic sententiæ Cæsarem restituisse, id non ad bonorum eius qui se occidisset, publicationem refero, sed ad adculpatorum præmia, de quibus tum agebatur. Puto nec ullam cadaueri ignominiam iniunctam iis temporibus, si se ante sententiā occidisset, quæ olim ex constituto Tarquinii fuit, ut cruci adfigeretur, teste Plinio, & Cassio Hemina apud Seruium lib. xxi. En. ubi de regina Amata, quæ se laqueo suspendit, sicut & Serena Stiliconis, qui ex tutore & focero parricida horum Princ. extitit. Sed ad rem: nisi probari aliquibus coniecturis euidentioribus possit cogitatione futuri criminis & supplicii, alienationem factam esse, in dubio stabitur alienationi tanquam bona fide factæ; quæ fere in iure præsumitur. Secundum tempus est, Post crimen capitale admissum. In quo itidem distinguendum videtur inter necessarias & volutarias alienationes. Nam necessariae & hic valēt regulariter, nec distinguo cū Adcuratio & aliis, an lis & adculpatio instituta fuerit, an non. nam & in reatu sua bona administrare potest, eiq; solui à debitoribus .l. aufertur, §. in reatu. de in fisc. & d. l. reo, de solut. & illa distinctio litis cōtestata adhiberi solet à veteribus, quādo agitur de perpetuanda actione, vel pœna ademptionis bonorum aduersus heredes, si reus ante damnationem sit mortuus. l. ex iudiciorū. D. de adculp. cum simil. non autem in ea quæstione, an recte reus alienet. Non etiam distinguo, vtrum reus admissio criminis fugerit, an defendat causam. hæc enim

distinctio nulla ratione, aut lege nititur. Et alia ratio est serui fugitiui, cui debitor non recte soluit sciens fugitium esse, vt nec procuratori, cuius mādātum esse reuocatum nouit l. qui in prouincia. D. de reb. cred. l. si quis à seruo. & l. seq. D. de solut. alia domini: cum tali seruo vel procuratori ipso iure sit adempta administratio: non item domino, quare soluere ipse potest, & alius ei soluere. d. §. ex reatu. d. l. reo. & l. seq. Et ratio illa Papiniani optima: si reo postulado non recte solui dicatur, futurum vt plerique innocentium necessario sumptu egeant, generalior tamen illa cōmunis, & certior, quia non est ei adempta rerum suarum administratio, si tamen fraus interuenerit, dicem⁹ & hic reuocari alienationes factas posse, præsertim si rei debitor vel creditor participauerit. Quod si aliqua sunt crimina, in quibus ipso iure, & ab illo ipso tempore, quo crimen admissum est, rerū suarum administratio adempta est, utpote rerum non vltra suarum, sed fisco addictarum ipso iure, & publicatarum, vt certe sunt crimina læsæ maiestatis d. l. ex iudiciorum. l. pen. C. h. tit. item incestarum nuptiarū. Auth. incest. C. de inc. nupt. item hæreseos. i. c. cum secundum ex. de hæted. lib. v. i. & similia. in his recte dicetur nec soluere eum posse, nec ei solui, nec manumissiones, aliasq; alienationes valere d. legibus. & l. quæsitum. D. qui & à quib. In cæteris autem criminibus, in quibus nō fit ipso iure bonorum publicatio, sed damnatione demum secuta, ita valent alienationes, solutionesq; ei vel ab eo factæ, si bona fides interuenerit d. l. reo. & l. Calippo. l. quamuis. §. i. D. cod. de solut. d. l. aufertur. §. in reatu.

reatu. de iur. fisc. Nec obstat l. deferre. §. ult. D. de iur. fisc. vbi illa distinctio bonæ & malæ fidei, id est, inter scientem & ignorantem creditorem repudiatur: nam etiam ei qui ignorauit, nec solum cum à reo acciperet, sed etiam cum consumeret, pecuniam omnimodo auferendam, Marcianus dicit. Quamuis reuocatis pecuniis restituenda actio sit creditori tam in fideiussores, quam in reum. d. §. ult. & l. i. ll. seqq. Non obstat, inquam: quia loquitur de eo, qui fisco debebat ex contractu puta aliquo. vt l. rescriptum. D. de pact. l. i. C. in quib. caus. pign. rit. contr. Nos hic agimus de eo, cuius bona ob delectum fiscus vindicat. In quo minus fisco fauendum est, utpote in re odiosa, quam vbi contractum cum eo est. Non obstat etiam, quod Plinius Cæcilius in crimine repetundarum scribit indistincte, nulla, inquam, habita ratione malæ vel bonæ fidei, dānato Classico pecunias, quas creditorib. soluerat, à senatu reuocatas fuisse lib. vi. i. epist. vi. i. Nā in crimine repetundarū id singulare est, sicut in iis, quib. administrationē ipso iure adimi dixim⁹. lex iudiciorum. D. de ad. cusat. Intellico autē, pecunias, quas Classicus post administrationem initam prouinciæ solueret, non etiam eas, quas ante prouinciam, quamuis id videantur Plinii verba velle. Sed vbi prouinciæ mentionem facit, ibi loquitur de bonis Classici, ea quæ ante prouinciam habuit, ab aliis quæ post prouinciam separari iussit senatus, & illa filiis, hæc spoliatis relinqui. at cum de solutionibus ab eo factis adiicit, hanc distinctionem non repetit, quia satis intelligitur non posse solutiones ante factas, pecuniasque reuocari. Et sane cui bono

reuocentur? cum & ipse fiscus teneatur credito-
ribus eius, cuius bona publicata sunt, satisfacere.
l. si debitori. D. de fideiuss. sicut fideicommissa-
rius haeres, in quem actiones transeunt, vt in fiscū.
l. ita tamen. §. ex asse. D. ad S.C. Trebell. Atque
hæc ita in alienationibus post crimen reatumque
factis sese habent. Si necessaria fuerint & bona fi-
de factæ, vt valeant excepto crimine perduellio-
nis, & similib. Quid igitur, si voluntariæ fuerint?
hic ego idem dixerim. neque enim reperio distin-
gui in iure nostro: nisi quod inter voluntarias di-
stinguendum putem, vtrum ex causa onerosa, an
ex lucratiua factæ sint. Onerosas appello vendi-
tiones, item solutiones: has dico, si bona fide fa-
ctæ sint, rescindi non debere; si mala, debere. ne-
que enim in fraudem fisci sic alienare licet, vt in
fraudem privati successoris atque hæredis. l. non
vsque. D. si quis à pa. fuer. man. Nam fiscus est et-
iam creditor ob delictum, quo nō minus obliga-
mur, quam ex contractu. Lucratiuas autem, do-
nationes. qui enim donatum accipit, nihil contra-
dat, vt qui emit. Quare donationes reuocari, siue
bona siue mala fide factæ sint, omnino existiman-
dum est. l. post contractum. D. de donat. & supra
in hoc capite ad verbum Donationes, docui. Nec
moueor. l. si aliquis. D. de mort. ca. donat. Nam ea
lex intelligenda est de donationibus ante crimen
vel reatum factis. nō etiam moueor l. si quis post-
hac. C. de bon. proscript. quæ diserte loquitur de
factis ab innoxio adhuc marito. Deinde ea lex lo-
quitur de donationib. factis à marito vxori, quæ
distinguuntur in hac tota quæstione ab donatio-
nibus inter alios factis vt supra eodem loco expo-
sui,

fui, quod de donationibus non idem & de manumissionibus dico, reuocari eas factas post crimen & reatum. nam licet manumissio sit etiam quædam velut donatio & cum ea coniungatur in iure nostro, & alibi, vt Suetonii Tiberio: nam neque donauit, neque manumisit. cap. xv. tamen libertatis ea est conditio, & is fauor, vt bona fide data non debeat reuocari. & ita clare probatur ex l. qui pœna. §. 1. & seq. 2. D. de manumiss. quæ lex in omnibus casibus loquitur de mala fide, & fraudulenter facta manumissione, id est ab eo, qui iam erat dānatus, vel qui prospiciebat se damnatū iri, vel qui subtrahere crimini & quæstioni seruos volebat, vt fecit Milo occiso Clodio. atque ita igitur intelligendum est, quod in principio eius legis dicitur, reos criminum capitalium non posse manumittere, in fraudem scilicet, & mala fide, vt in §§. seqq. vt mirer Aduersii ibi glossam absurdissimā, quæ libertati soli id adimit, quod aliarum rerum donationi concedit. Tertiū tempus est, post Sententiam. de quo dicendum est, nullas alienationes valere. Sed ita si sententia ipsa valeat, nec appellatione suspensa sit. Quod si factum sit, tunc eadem hic dicemus, quæ diximus de alienationibus ante sententiam factis. nam appellatio extinguit pronunciatum l. 1. in fin. D. ad SC. Turpill. vel suspendit, vt alibi dicitur. Valebunt igitur alienationes omnes, si rescissa fuerit appellatione sententia non secus, ac valerent si reus priori sententia absolutus fuisset. l. post contractum. D. de donat. idq; in omnibus alienationibus, omnibusque criminibus verum atq; indubitatum est: nam & in crimine hoc perduellionis nō aliter bona in

effectu publicantur, quam si damnatio sit secuta vel viuo, vel mortuo reo: quamuis damnatione secuta perinde habetur, id est, omnia irrita fiant, ac si ab initio bona publicata essent, dominiumque vel administrationem rerum amisisset, ut saepe dictum. In aliis autem criminibus seruanda sunt supra scriptae distinctiones, ut vel reuocentur vel non reuocentur alienationes factae ante sententiam condemnatoriam appellatione nulla suspensam, aut mox confirmatam. appellatio enim interposita rem reducit ad eum statum, in quo erat ante sententiam: adeo ut testamētum facere illo tempore reus possit. l. si filio. §. irritum. D. de in. rupt. irr. Atque haec ita videntur, si medium duntaxat illud tempus inter sententiam priorem, & posteriorem ambiguum consideres. Ceterum si sententia prior condemnatoria sit per posteriorem confirmata, hic omnium reuocatio alienatorum post priorem sententiam indistincte facienda videtur, tum quia fraudis suspicio hic maior subest, post re iudicatam, quam antea, cum adusatio tantum instituta esset, causaque ageretur: tum quia regula iuris est, appellatione pendente nihil innouandum. Multum autem innouat is, qui bona sua alienat, qui donat, qui manumittit, qui creditores exigit. Atque ita alienatio fundi a reo cōdemnato pendente appellatione facta rescinditur, appellatione iniusta pronunciata, quamuis emptor sit pupillus: aufertur enim ei a fisco fundus, seruata tantum actione aduersus tutores. l. chirographis. D. de admin. tut. utique, si scientes venditorem in eo statu esse, ab eo emerint: contra si ignorauerunt, tunc pupillo res tota perit d. l. quemadmodum:

nec actio ei daretur aduersus tutores, si pecuniam credidissent alicui, cum adhuc bonum nomen esset, vt in casu l. Titium. §. Lucius. D. cod. tit.

Aut Lex, Quas ex eo tempore, qualibet fraude vel iure factas esse constituerit, quo primum memorati de ineunda factione ac societate cogitauerint.

IN omnibus criminibus, in quibus ipso iure nō interdicitur reo administratione rerum suarū, vt regulare est. l. aufertur. §. in reatu. D. de in fili. multum interest, vtrum bona fide, an mala fide, & fraude alienationes factæ sint post crimē contractum, vt copiose supra docuimus. In hoc autem perduellionis & maiestatis lætæ crimine, nihil interest, fraude factæ sint, an iure, vt hīc dicitur, id est, an bona fide, vel ex contractu aliquo iusto. & merito, quia statim ac crimen hoc contraxit (contraxit autem cum primum de factione ineunda consilium cepit) omniū rerum non solum administratione sed & dominio priuatus esse intelligitur. h. l. & l. ex iudiciorum. D. de ad cusat. & l. ult. C. h. tit. & ita Cynus rectissime, quem pleriq; omnes, teste Claro, sequuntur. Perperam Bartol. contrarium existimauit, id est ante damnationē retinere eum dominium, licet administrationem amiserit: motus maxime Pauli sentētia in l. qua sitū. D. qui & à quib. manum. Verba sunt: Quæ situm est, an is qui maiestatis crimine reus factus sit, manumittere possit: quoniam ante damnationem dominus est. Et Imperator Antonin⁹ Calphurnio Critoni rescripsit, ex eo tempore, quo

quis propter facinorum suorum cogitationē, de
 pœna sua certus esse poterat, multo prius consci-
 entia delictorū, quam damnatione ius datæ (vel
 dandæ) libertatis eum amisisse. Hæc Paulus. qui-
 bus verbis quis non videt apertissime sententiam
 Bartoli refelli? Nam quod initio dixerat Paulus,
 Quoniam ante damnationem dominus est; id ad
 rationem dubitandi pertinet, quam mox refellit
 Antonini rescripto tanquam falsam. Illud ridicu-
 lum est, quod Tib. Decianus magis cogitatione,
 quam damnatione dominiū amitti scribit, in eoq;
 valde se iactat: quasi vero in eo rescripto, Multo
 plus, non, Multo prius, scriptum esset. Hoc enim
 Imperator clare dicit, multo prius, quam damna-
 tio secuta sit, amisisse ius dandæ libertatis, & cu-
 iusvis alienationis faciendæ, id est, statim à con-
 scientia delicti: quod hæc lex nostra dicit, quo pri-
 mum tempore de incunda factione ac societate
 cogitare cœpit. d. l. ex iudiciorum. D. de adusar.
 ex quo quis aliquod ex his causis crimen contra-
 xit d. l. ult. C. h. t. ex quo sceleratissimum quis cō-
 filium cepit, exinde quodammodo sua mente pu-
 nitum, an pœnas conscientie malæ intelligit? vñ
 Ant. Contiū interpretatur, multa; ex poetis, &
 ex aliis de ea re testimonia colligit, inanis in cate-
 ris atq; iciunus, quæ explicatione indigebant. Mi-
 nime. Sed quod clarius alibi Imperatores dicunt,
 Ipse te huic pœnæ subdidisti. l. Impp. D. de iur. hñ.
 Nam qui delinquit, sciens ei delicto pœnam con-
 stitutam esse, quodammodo sua mente punitur,
 id est, in eam pœnam consentit. Qua ratione vi-
 detur Aristot. lib. v. Ethic. delicta retulisse ad ge-
 nus *αὐτοματῶν*. non, vt inepte nimis Monteca-
 tinus,

tinus, vir alioquin eruditissimus in lib. i. Polit explicat, quia in leges quæ delicto pœnam statuunt, delinquens consenserit, tanquam pars ciuitatis, quasi ciues tantum puniatur legibus, aut sciscendis legibus omnes adfuerint, qui peccant. Quoniam autem ille consensus in pœnam non est absolutus, sed quia delictum mauult, quam non puniri: idcirco Marcianus, illam moderationem adiecit, Quodammodo. Eoq; pertinet illud cuiusdam Græci dictum, Reo enim, cum ad supplicium duceretur, clamanti se nolentem peccauisse, Ergo & nolens, inquit, pœnas dato: vt est apud Plutarchum in lib. de Apophteg. Græcorum.

CAPVT VIII.

Vxores sane prædictorum, recuperata dote, si in ea conditione fuerint, vt quæ à viris titulo donationis acceperunt, filius debeant reseruare: tempore, quo ususfructus absumitur, omnia ea fisco nostro se relicturas esse cognoscant quæ iuxta legem filius debebantur. Falcidia ex his etiam rebus filiabus tantum, non etiam filius deputata.



VXORES perduellium nullas pœnas patiuntur, neque corporis, neque bonorum, neque famæ. Etiam quæ ipsarum sunt, recuperant omnia ac vindicant velut iniecta manu, vt ait l. si quis posthac. C. de bon. proscript in quibus etiam dos est, nam & constante matrimonio mulieris est veritate ipsa & natura inspecta, non fictione iuris ciuiliis, per

quam marit⁹ dominus videtur. l. in rebus. C. de iur. dot. l. ad fiduis. C. qui pot. in pign. Similiter & res, quas maritis donauerūt, sine dubio recipiunt: cum donatio iure interdicta sit, nec confirmari ex oratione Antonini potuerit, ut cum mulier donatrix mariti supplicio superstes sit, sed etiam si supplicio maritus non sit adfectus, sed alia pœna, veluti deportationis, atq; exilii, tamen donatio reuocata ea pœna intelligitur, & ad mulierem redit. Neque huc pertinet l. res vxoris. C. de don. int. vir. & vxor. ea enim lex nō de pœna donatarii, sed donatoris mariti cauet, ne valeat donatio, si maritus postea supplicio adfectus sit d. l. si res. ut supra docui. Postremo & donationem antenuptialem accipit à marito sibi factam. Nouell. ut nulli iudic. 134. §. ult. idque etiam ex perduellionis crimine damnato marito. h. §. nostro. Illa differētia est, quod in aliis criminibus fisco locus non est, si filii vel cognati ad tertium vsq; gradum existant. d. §. ult. vnde est Auth. bona. C. de bon. proscript. idque in bonis defuncti: nam in donatione antenuptiali omnibus etiā liberis præfertur: nisi quod transiens ad secundas nuptias proprietatem iis seruate eius donationis tenetur l. femina. C. de sec. nupt. In crimine autem hoc læsæ maiestatis interdum est locus fisco: tum videlicet, cum filii perduellis supersunt. nam mater si ad secundas nuptias non transit, retinet pleno iure istam donationem: si transit, vsum fructum tantum, proprietate liberis seruata, ut dixi. Sed quia in hoc crimine filii perduelliū omnibus parentum bonis spoliuntur, omniq; iure succedendi, ideo mortua matre, atque ita vsum fructu finito,

non

non filiis, sed fisco ea res debetur h. §. nostro. Ergo si filii nulli extent, ipsa mater firmiter retinet aut vindicat sibi hasce donationes. Sed quid si dos data à muliere nulla erat? Et siquidē nec data vlla dos est, nec cauta: dubium non est, quin repetere nihil possit. Sed an non ei quarta bonorū mariti deberetur? quod quidē in aliis criminibus certum est deberi, siue filios habeat, siue non d. Nouell. 134. §. ult. & Nouell. vt lic. au. & mat. 117. §. quia vero. §. vnde sumpta est Auth. Præterea. C. vnde vir & vx. Sed excipitur in §. ult. crimen læsæ maiest. in quo veteres leges seruari iubet. quod intelligendum est non solum in eo, quod de bonis mariti publicandis cautum est, & de quo illa Nouella primario agit in d. §. ult. sed etiam in eo, quod de vxore constitutum est, quod quidem in donatione antenuptiali expeditum est ex h. §. h. l. quisquis. Sed de quarta illa nullibi reperio cautum, an & quatenus vxori debeat marito damnato, præsertim perduellionis. Sed verius & benignius puto vxori tali quæ nullam dotem habet, hanc quartam etiam hic omnino deberi: nisi quod eādē distinctionem forte recipiendam putes, quā in donatione antenuptiali docuimus, vt siquidem filios habeat, & plures tribus, proprietatem quam iis seruare debebat eius quartæ ex d. Nouella 111. §. quia vero, damnato maiestatis marito, seruet fisco post mortem suam arg. h. §. nostri, atque hoc ita est, si mulier dotem nullam dederit ob paupertatem, quo solo casu d. Authentice locum esse, verum est. Quod si dotem non dedit, vel dedisse negatur, hic sciendum est eam non posse vllam dotem sibi vindicare vel repetere.

re, nisi probet se dotem corporaliter marito tradidisse; nec sufficit inani dotalium instrumentorum tenore conscriptam esse l. si quis posthac. C. de bon. proscript. idq; in marito proscripto cautum illic est: multo magis igitur locum habebit in perduellionis dānato. Inani, inquit, lex, quod intelligendum est, si opposita sit dotis non numeratæ exceptio quo tempore debuit. Auth. quod locum. C. de dot. caut. non num. Probatione autem impleta, vel si alias constet dotem corporaliter traditā esse, statim dos restitui mulieri debet, & ut loquitur d. l. si quis posthac. in pr. repræsentari. licet mobiles res in dote sint, quas intra annum solui alias oportuisset l. i. §. exactio. C. de re. vxor. act.

Sit Lex, Falcidia ex his etiam rebus filiabus tantum, non etiam filiis deputata.

VNAM Falcidiam filiabus concedi in successionē materna supra vidimus in §. ad filias. hic altera eis tribuitur in lucro nuptiali siue donatione ante nuptias. Vtraque igitur filiabus debetur, neq; tamen sunt duæ quartæ eiusdem hæreditatis vel eorundem bonorum. nam illa quarta de qua §. ad filias. agit, est de bonis matris decisa; hæc de bonis potius patris, vel matris quidem, sed quorum proprietas seruari filiis debebat, ut supra dictum. Patris ergo, non re, sed originæ. Ex his omnibus perspicuum est, satis clemēter hanc legem cum vxoribus perduellium egisse, etiam in lucro, & in bonis, quæ ad eas à perduelle perueniunt,

perunt, adhuc tamen innoxio, ut loquitur d. l. res
 vxori. atque ita penitus hic quoque seruetur re-
 gula Tit. Ne vx. pro mar. Quod sine dubio sic ac-
 cipiendum est, nisi & ipsa locia coniurationis fu-
 erit, aut conscia. item, nisi auxilium marito præ-
 stiterit sciens. quo casu etiam teneri eam læsæ ma-
 iestatis crimine, consentaneum est, probatq; An-
 dreas Isernia in c. 1. §. si quis hominem. de pac. re-
 pen. & in c. 1. §. porro. Quæ sit prim. caus. feud.
 amitt. quamuis non teneatur, si maritum exulem
 sequeretur: quod etiã in calamitatibus & aduer-
 sis sociam esse marito vxorem, æquum & lauda-
 bile sit. l. si cum dotem. §. maritus. D. Sol. matrim.
 Multo magis vxori licet vagari quo velit, si vtr
 supplicio adfectus sit, aut in exiliũ eiectus, quod
 tamen pro clementia indulisse M. Antoninum
 scribunt vxori Auid, Cassii, & liberis. quibus et-
 iam bona patris & mariti magna ex parte conce-
 sit. quod exemplũ videtur optimus Rex Alphon-
 sus Aragonius imitatus in vxore Ant. Candolæ
 Siculi, liberisque eius, donatis vxori etiam mariti
 thesauris, ut scribit in eius vita Panormitanus lib.
 III. De coniuratione M. Lepidi III uiri, filii, e-
 iusque matris in Augustum, videndus Appianus
 libro IV. Εμψυλιον.

CAPVT IX.

*Id quod de prædictis eorumq; filiis cauimus: et-
 iam de satellitibus, consciis ac ministris, filiis-
 que eorum simili seueritate censemus.*



E sociis coniurationis nihil expriment: quia omnes coniurati vno ordine sint, hinc societas pro coniuratione. Tacit. lib. vi. Annal. Tiberius suppliciis incitatus, cunctis qui carcere atque tenebantur, accusari societatis cum Seiano, necari iubet. quamuis vnus aliquis coniurationis autor, & princeps emineat, vt Seianus, Catilina, Piso. à quibus & coniurationes illæ nominari solent: interdum etiam à focio aliquo & inferiori, si de eo solo agatur: vt cum Suetonius in Cæsare ait, Meminerunt huius coniurationis Tanusius Gemianus in historia, M. Bibulus in Edictis, C. Curio pater in Orationib. nam eius coniurationis M. Crassus consularis princeps erat, eique summum imperium parabatur, id est, Dictatura. Sed Suetonius de Cæsare agens testes citat eos, qui Cæsari eam coniurationem obiecerant inimicissimi vt doctiss. interpres notat: quos totius coniurationis testes, vtpote notissime, inepte ac putide citauisset. Quo morbo laborare multos, hodie in disciplina nostra videmus, qui earum sententiarum, quas Bartolus vel alius aliquis Adcurfianus constabiliuit, ipsi, vt aliquid scire videatur, vel delicato quodam fastidio vel inscitia auctores laudant ignobiles etiam sepe, & recentissimos scriptores; & quidē, quod rideas, cum elogio Magnus ille, vel Princeps Iurisconsultorum nostri sæculi, imo etiam, facile Princeps. Sed ad rem: Interdum mitius actum cum authoribus, quā cum sociis, præsertim si auctores ab aliis inducti & deprauati fuerint; vel aliam ob causam. Sicut Artabasdus Curopalates vna, cum vxore & liberis

exacatus ob insidias Constantino Copronymo
structas: alii ministri & conscii ultimo supplicio
sunt adfecti: inprimisque homo illustris Bastan-
gius Patricius, cuius etiam vxor punita, iussaq; est
viri ossa à terra eruere, & in pelagium proicere,
quo hostes & damnati solebant, *εις τα πελάγη, ενθα
ἐρρίπτοντο οι πολέμιοι & κατέκριται*: ait Zonaras lib. 111.
Annal. qualis est hodie Constantinopoli locus,
quem Vncos scalæ Sycenæ, siue Galatensis nomi-
nari scribit Ioh. Leunclavius, in supplemēto An-
nalianum Turcicorum. Romæ olim erant Gradus,
seu scalæ Gemoniæ, in quas etiam Imperatores
quidam tracti. Hunc locum Constantinopolita-
næ vr̄bis puto intelligere Chrysostomum in epist.
in Eutropium, vbi vias ad supplicium ducētes no-
minat; ad terrorem & calamitatem augendam.

Ait Lex, De Satellitibus.

NE referas tantum ad magistratum & simi-
lium stipatorum, & statores, vel ad seclas: sed
etiam ad priuatorum, & potentium inprimis ho-
minum. Cicero: Quis est ille Lollius? armiger
Catilinæ, stipator tui corporis, concitator taber-
natorum, percussor, licitator fori, depopulator
curiæ. Socrates lib. 1. Histor. Eccles. c. xlii. Sa-
tellitum vocabulo ait Imperatorem vocare do-
mesticos ministros. Similes his sunt Armigeri, nō
iidē præsertim apud Reges. Curtius lib. vi. Huic
decem Satellites traduntur: quorum singulos de-
ni armigeri sequebantur. Ii ad alios coniuratos
comprehendendos distributi sunt. Quod ne ita
capias, quasi armigeri dignitate aut loco infra Sa-
tellites. erant enim nobilissimi, vt Perdicas &

Leonatus apud Alexandrum, & ille Amyntas, cui de coniuratione pro se dicturo, petentique vt habitus quoque demtis vinculis sibi redderetur, armigeri lanceã dari iussit Rex. vt idem ait lib. vii. Proxime regem sequebantur, vel alium ducem, foribusq; adstitebant, quales habuit amicissimos Parmenio, cum fraude occideretur. item Terichomis Persa, regis Ochigener, & perduellis, quẽ cum ob eam causam Vdiastes interfecisset, illius armiger patri Vdiali diras imprecatus, vrbẽ Zarim occupauit, eamq; filio Terichtomis conseruauit. vt tradit Ctesias lib. xvi. Persicorum apud Phorium, ex quo charitas armigerorum cognoscitur. Sed vt eo reuertar; Satellites noxios prehendebant, armigeri satellitibus velut munimento erant. neq; prehensio semper inhonorifica, in magnis præsortim reis. Sic Tribuno plebis olim additus Ædilis ad Publ. Scipionem in Sicilia prehendendum. Virgilius:

Armiger antefuit, fidusq; ad limina custos.

Apud Guntherum lib. vii. Armiger minister militaris est; quare propter furtum, in castris factũ, iubet Fridericus Imp. ei frontem candenti metallo vri, tonderi, verberari, Ni domini spoliis redimatur, & omnibus armis. De armigeris Gallorũ veterum apud Athenæum memini legere. Sed hæc forte notiora, quam vt à nobis tradi debeãt. Legem non omitto ab his iisdem Imperatoribus latam de satellitibus Gildonis solis, quos custodiis mancipari & proscriptione damnari præcipiunt. l. satellites. C. Th. de calumn. item de satellitibus Stiliconis. l. qui suas. cod. tit. vbi prædo publicus, vt & supra alia lege nominatur.

Ait Lex, Conscius.

DVORS modis hoc vocabulum accipi potest. Nam & is qui tantum scit coniurationem, ipse eius immunis, conscius dicitur, & is qui eius particeps est: vt adposite hic notat Salycetus, citans illum Catonis versiculū; *Conscius ipse sibi.* & reliqua. Q. Curtius libro v i i i. Consciorum nomina exponit, id est, coniuratorum, quos participes facinoris ibidem vocat, & authores scelesti consilii. hunc igitur semper puniri, vtpote criminofum: illum non semper, in hoc tamen crimine semper, nisi coniurationem deregat, & quidem opportune certum est. Nam Philotæ Parmenionis filio id imputatum, triduo celasse, exitioq; vtrique fuit: tanquam participes vel principes coniurationis fuissent. Conscientia hic punitur, non amicitia. Elegāter ille idem Amyntas, de quo supra memorauī: omnes Philotæ amici esse voluerunt: sed totidem, quot volebant, esse non poterant. Dixi, semper in hoc crimine puniri conscios, quamuis immunes sceleris. neque enim probare illorum temperamētum possum, qui ita demum teneri eos volunt, si coniurationem probare potuerint, & siluerint: alioquin ignoscendam esse ei, qui cum non possit probare, tormenta reformidat, & talionis pœnam. l. si quis alicui. C. ad L. lul. maiest. l. vlt. C. de adfusat. hæc enim adfusatori imminēt; non simplici nominatori atque iudici. Imo in hoc crimine adfusatores nō timent Turpillianum, & periculum calumniæ, vt recte docet Cynus in l. i. C. de fal. mon. per illum textum. Nec Philotæ illa excusatio proba, quod ir-

rideri timebat, si iurgium inter amatorem, & ex-
olerum detulisset Nam & infames, & omnes alii,
qui adcusari prohibentur, in hoc crimine tamen
non prohibentur l. famosi. l. in quaestionibus. D.
ad L. Iul. maiest. & Fulvia Catilinariam coniura-
tionem detexit. & quædam meretrix coniuratio-
nem Bacchanalium apud Liuium. Multo magis i-
gitur q̃ ab honesta muliere quis cognouit, defer-
re & iudicare tenetur, puta ab vxore. de qua etiam
diserte cautum est à Iustiniano in Nouella Vt lic:
auiæ vel matr. §. quia vero plurimas. vbi agit de
caussis, quibus diuortium permittitur viro, & lu-
crum dotis. Verba sunt: Si contra imperium co-
gitantibus aliquibus conscia est mulier, aut etiam
viro suo non indicet. Si autem vir hoc à muliere
denunciatū tacuerit, licet mulieri per quamcum-
que personam hoc declarare imperio: vt vir nul-
lam ex hac causā repudiū inueniat occasionē. Et
vice versa in §. seq. ob eandem causā repudium
vxori permittit, & donationis antenuptialis lu-
crum, si vir contra imperium, aut ipse cogitauerit
aliquid, aut cogitantibus conscius non indicaue-
rit imperio aut per se aut per quamcunq; perso-
nam. Scio, huiusmodi causā diuortii nō omni-
bus probari, vt nec alias quasdam iuris ciuilis: Sed
hic aliud agimus. Quæ autem pœna sit scientis &
reticentis coniurationē, ab interpretibus nostris
quæri video. Et recte consentienterque huic le-
gi cofrequentius itum est, vt capitali pœna puni-
atur, atque hanc magis receptam esse Doctorum
sententiā testantur non nostri solum, sed & Frã-
ciscus Guicciardinus libro 111. Historiar. idem-
que libro x 111. scribit legibus id ita cautum esse
in

in omni crimine læsæ maiestatis , præcipue vero eo, & multo magis ubi insidiæ struatur vitæ Principis . Non debui hunc tantum authorem segregare à numero nostro , cum iuris ciuilis non consultus modo & doctus, sed professor in patria sua fuerit admodum adolescens, cum & ante annum tricesimum ætatis , maximis de rebus ad Regem Neapolitanum legationem obiuerit.

Ait Lex, Ministris.

HOc vero vocabulum generale est , & superiores etiam complectitur, alioque omnes, qui aliquid opis aut ministerii coniuratis præbuerint , in primis autem & signate clientes eorum, quorum olim maxima copia apud potentiores, ut hodie Vasallorum, quibus illi simillimi sunt, unde & eorum nomen his in iure feudario tribui solet, sicut & Ministerialium. Pulchre ad hanc rem nostram Claudianus libro 11. in Ruffinum:

— *sceptraque, capeffere feruet,*

Et coniuratos hortatur voce clientes.

Ministri ergo , & adiutores quicunque coniuratorum, eodem loco, quo coniurati, habentur, iisdemque pœnis & ipsi & filii eorum subiiciuntur, utpote & ipsi læsæ maiestatis rei. Chrysost. in Serm. Quod neque viui, neque mortui anathemate plectendi sunt, ubi loquitur de quodam qui temporibus Apostolorum martyr fuit: Monstraturus, inquit, huius verbi, Anathematis grauitatem, tali utebatur exemplo: Sicut priuatus homo regiæ sibi purpuram circumponens vna cum omnibus, qui se iuuant, punitur ut tyrannus: ita & qui Dominicam sententiam fert, & hominem facit ana-

thema Ecclesiæ, adducit seipsum in extremā perniciem, vsurpando dignitatem filii Dei. Hæc, aliaque grauissime Chrysostomus in eos omnes, qui anathemate vtuntur, quo omnib. modis quæ à Christo separari scribit, eoque nec Apostolos ipsos vsos esse, quamuis bis anathematis meminerit Paulus. Vtinam tanti viri hac quidem in parte sapientiam & moderationem imitari voluissent recentiores theologi, aduersus quos extat etiam Medici Thomæ Erasti grauis disputatio. Sed hæc mitramus. Maiestatis esse, quemquam vlla re iuuare vel domesticum hostem, vel externum, dubitari non oportet. eoque refero fragmentum Q. Capionis in M. Æmylium Scaurum lege Varia reum, apud Sosipatrum. Cum ab isto videre cotidie hostes consiliis adiuuari. Ecce etiam consilio iuuare, non solum auxilio & ministerio, crimen est imminutæ maiestatis, de qua lex Varia lata, vt quæreretur de iis, quorum opera consiliove focii contra pop. Rom. bello coniurassent. Quod in hoc crimine de superscriptis omnibus personis constitutum est, idem & in aliis atrocioribus valet. l. raptores. C. de episc. & cler. l. 1. C. de rapt. virg.

Ait Lex, Simili seueritate.

NON dubium, quin hæc verba eandem seueritatem adhibendam significet in superscriptas personas. earumq; filios, quam ante sanxerunt in coniuratos ipsos, & liberos eorum. Atqui Gildonis Satellites, proscribi tantum vel custodiis mancipari iusserunt, vt supra docui. Sed alia ratio est: vel quia Gildo etsi rebellauerat, non tamen

in

in caput Principis consilium iniuerat cum suis satellitibus, vel quia infinita illa multitudo erat, quamuis enim multitudo sociorum impunitatem non facit criminis, vt Ambrosius ait in epistola ad Virginem lapsam: tamen minuere pœnam solet, præsertim si non socii, sed subditi & serui peccauerunt auctore domino, vel denique quia satellites illi ignari Gildonis consiliorum fuerunt, quibus ille recte primo incedebat, & simulate. Vt taceam illis verbis non excludi vltimum supplicium, vt ideo custodirètur, vel proscriberentur, vt supplicio adfici possent, aut à quouis occidi. Neque enim verisimile est sic Imperatores voluisse tantam multitudinem custodiri, vt C. Cæsar Cethegum, & Lentulum, aliosq; Catilinarii sceleris populares per Italię municipia distribuendos, custodiendosque censuerat, magno omnium adsensu, donec à Catone refelleretur, diuina illa oratione.

CAPVT X.

Sane si quis ex his in exordio factionis, studio vere laudis ad census, in ita prodiderit factionem, & premio, & honore à nobis donabitur. Is vero, qui usus fuerit factione, si vel sero (incognita tamen adhuc) consiliorum arcana patefecerit, absolutione tantum ac venia dignus habebitur.



Occapite validissima securis iniicitur coniurationib. non solum præmiis propositis ei, qui indicasset, sed mutuo metu inter ipsos excitato, dum alter alterum timet, ne ab eo

prodatur, vel ob impunitatem, vel ob præmium atque laudem. præsertim si non duo tresue, sed plures coniurati, adeo quidem ut pro miraculo ducat Secretarius Florentinus illam Pisonis, & Pæctorum. Sed de his infra lib. secundo adfactum dicetur vel nostro ore, vel alieno.

Ait Lex, Si quis ex his.

DVÆ sunt partes huius capitis. Prima pertinet ad conscios, sed immunes cōiurationis. Altera ad coniuratos, & qui, ut lex ait, iam factione vti fuerint. Igitur verba ista, Si quis ex his, ad utramque partem referuntur, sic tamen, ut distincte de utrisque lex statuatur, & varie, ut varia etiam est eorum conditio atque ratio.

Ait Lex, In exordio factionis.

NO T A N D U M, ita indici & nominatori præmia atque honores promitti, si in ipso initio coniurationis eam detexerit, quod tamen ita intelligendum est, si etiam initio sciuerit. Hic enim si post intervallum aliquot dierum demum indicauerit, nō puto ei ullum præmium deberi ac vix veniam. Plus enim peccare mihi videtur, quam qui cōiuravit, & sero detexit, cum iste & iutamēto contineatur, & metu coniuratorum, atq; observatione, & proditoris infamia: quam non euitat apud homines, qui socios eiusdem criminis prodidit, ut infra dicetur. Qui autem scit, nec ullo vinculo aut metu adstrictus est, sane sceleratissimus est, nisi indicet, quamprimū sciuerit ac potuerit. Dici enim ei potest, cur tam diu tantam

rem

rem filuerit, vt in l. si quis forte. D. de pœn. scriptū est de eo; qui ad supplicium ductus clamat, se habere aliquid quod ad salutem Principis pertineat: non audiendum, sed magis puniendum Vlpianus dicit. De Philota supra annotaui. Ei certe maxime exitio fuit, quod ipse inter Principes familiarium Alexandro non indicauisset ea, quæ quiuus etiam ex plebe homo non reticuisset. Atque ita Narcissus ille Claudii libertus (licet alia causa suberat) veniam in præteritum petit, quod ei cis Plautium, cis Vectium dissimulauiisset, vt scribit Tacitus li. x i. Biduum videtur cōstitutum lege Macedonica ad insidias sine periculo detegendas, vt ex oratione Regis apparet libro v i. Curtii. Sed & recipi iustas excusationes interdū non detecti sceleris putem oportere, nisi quid contra maius obstat & suadeat, vt in illo Mnestere apud eundem Tacitū libro x i. Annalium extremo; vbi & de Vectio Valente indicium offerente, & confesso, & nihilominus punito. Quod si quis de cōiuratione post multum tempus, quam inita est, cognouerit, huic si statim accognouit, eam indicet, non minus debere præmia & honores hic promissos aio, quam qui in exordio sibi cognitam detulerit. Nam & ille, quantū in ipso fuit, in exordio detulit: nisi forte cōiurationem iam tēpore aut alia ratione delapsam atque sepultam reuelauerit, ex qua nullū periculum metui amplius potuerit. tamen si quod ad reos attinet, nullo tempore putent huic crimini, ne viginti quidem annorum, præscribi. argumento suppositi partus, & parricidii l. qui falsam. §. i. D. ad L. Cornel. de falsi. l. fin. D. ad L. Pomp. de parricid. de quo tamen dubito, cum nulla lege

cautum sit; & in contrarium stet regula l. quere-
la. D. ad L. Cornel. de fals. & Cuiacio adsentior,
qui lib. obs. 14. articulum illum, Fere, in d. l. que-
rela, refert ad ea crimina quæ minori spatio non
tollantur. & cū hac præscriptione intelligit quod
de supposito partu, parricidioq; diximus imo d. l.
fin. non ad titulum de parricidiis, sed ad tit. S C.
Silaneiani pertinere docet; denique ita conclu-
dit, nulla quamuis grātia & Reipub. pernicioſa
crimina ultra vicennium porrigi, certa authorita-
te confirmari posse. Neque memouet, quod in
hoc crimine perduellionis etiam post mortē cri-
men inchoari possit memoriaq; damnari. Nam
id ego certe accipiam, dum tamen intra vicenniū
fiat, imo accipiam iuxta Orationem D. Marci, Ne
intra quinquennium de statu defunctorum que-
ratur; vt in commentario ad eam Orationē de-
monstraui. præsertim vero, cum plenum odii sit
atque acerbitatis, defunctos in ius vocari & da-
mnari, nec in villo, nisi de quo expresse tantum sit,
delicto recipiendum. Paulus Iouius lib. 1. Histor.
Innocentium Cariam Opicini propinquum Lu-
douicus Sfortia aliquot ante annis fato functam;
obiectis quibusdam criminibus in ius vocari, da-
mnarique iusserat, vt bona illius, veluti conuicti
iudicio, per leges fisco addicerentur. Quod sicuti
inauditum, & execrabile visum est, ita ille singu-
larem inuidiam concitauit. Hac eruditissimus,
& vt Casabinius in Athenæū, magnus, vt Lipsius
notat, florentis ingenii & styli scriptor.

*Ait Lex, Studio vera laudis
ad census.*

AD mitigandam proditorum infamiam hoc dicunt Imperatores & quia legislatores sunt, id etiam pro legitimo haberi debet, quod lege cauent. Legitimum enim, est legis mandatum; neque legitimum quicquam, quamuis honestissimum & plenum laudis, ut tyrannum interficere, nisi & legibus cautum sit: ut egregie differit Plutarchus libro de Fato ad Pisonem. Tamen si non hi plane proditores, sed potius indices ac nominatores dici debent, qui coniurationem deferunt, cuius non ipsi participes. Sed in quibusdam haerere tamen quaedam infamia videtur, veluti in filio, in vxore, in seruo, in liberto, in familiari, in vasallo. Ideo & patris patriae cognomen sibi callide adsciuerunt principes Imperatores, ut Dio scribit lib. LIII. ut aliquod ius eis in omnes ciues tribueretur, quale parentibus olim erat in liberos, tamen si initio non ob hanc causam, sed honoris & charitatis gratia iis hoc nomen tributum esset. De seruis, ad hanc ipsam rem de qua agimus, ita elegantissime Imppp. Valens, Gratianus, & Valentinianus cauētes, ne seruus dominum adcusset, ignis supplicio irrogato, ita addunt, Excepto tamen adperitae maiestatis crimine, in quo etiam seruis honesta proditio est. Nam & hoc facinus tendit in dominos (id est, in Principes) l. i. i. C. Th. Ne praeter crim. maiest. seru. dom. vel patr. lib. seu familiaris adcusset. Sed quicquid vel philosophi dicant, vel Imperatores caueant, nescio quo modo atque ipsa natura fit tamen, ut inuisi apud vulgus & detestabiles sint, nec serui solum & filii, sed vero & familiares, & liberti. Apud vulgus: imo & apud sapientes. satis aperte atque acriter Corn. Tacitus lib. xiv. Annal.

vbi agit de coniuratione Pisoniana, P. Milichio liberto Sca uini, proditorem patroni exprobrat: Nam cum secum seruilis animus præmia perfidiæ reputauit, simulq; immensa pecunia & potentia obuersabantur, cessit fas & salus patroni, & acceptæ libertatis memoria. Qua eadem natura etiam ipsis, quorum gratia proditio facta est, proditores odio atq; oneri habentur: nec proditores amantur, sed prodituri, vt Augustus dicebat. Valēs Imperator Agellonem & Gomarium, qui ducem suū Procopium perduellem Valenti viuum tradiderant, ferris dissectos occidit iuramentis spretis, teste Socrate lib. i v. Hist. Eccl. —*damnamus luce reperta Perfidiam*— ait Claudianus lib. i i. in Eutropium. Ac quamuis legibus permittuntur hæc illiusmodi facere personæ, & innitentur præmiis, l. famosi. §. serui quoq; D. ad L. Iul. maiest. & h. l. nostra. tamen & præmia illis persolui debent, & pœnæ iniungi; vt fecisse Brutum, cum, qui reges expulit, in seruo Vindicio scribit interpres antiquus Iuuenalis. Indicauit, inquit filios Bruti, Tarquinio velle portas reserare. quos pater securi ferit. Seruum autem vt conseruatorem patriæ manumisit, vt delatorem dominorum cruci adfixit. Idem ad illa verba, sed videant serui, Satyr. x. Tiberium ait potestatem seruis dedisse, vt liceret dominos adcusare quibuslibet criminibus quod vix credo in quibuslibet. nisi intelligat, quod seruo publico emancipari seruos reorum iussit, vt de iis in caput dominorum quæri posset. quamuis non abhorreat & illud ab immanitate Tiberii. quam mihi vel in primis vide apud Tacitū libro i v. Annalium. vbi de Sereni filio adcusatore patris catenis

nis vincti, apud Senatum. qua historia nihil atrocius memini vnquā legere. & licet id legibus Iustiniani permissum sit in hoc perduellionis crimine recte, Nouell. vt cum de appellat. cxv. cap. aliud quoque, & arg. l. 11. D. ad L. Pomp. de Parricid. & l. minime. D. de releg. & sum. fun. non tamē existimauerim illo modo, illo loco, illa causa, illa forma plusquam parricidiali. & in quo merito populus Rom. robur & saxum aliaque parricidarum pœnas filio minitatus est. Eadem prope acerbitas est si vxor maritum adculset, quod non tam iniungi ei, vt nostri volunt Interpretes, iure ciuili, quam permitti, existimare debemus. Harmenop. 1. Tit. vi. Περὶ κακωλυμένων. Nouell. Vt lic. au. & mat. §. v. sicut & seruis & libertis. d. l. famosi. Humanis illæ leges municipales, illique interpretes, qui neque in hoc crimine vxores puniūt, quæ maritos receperint, ac texerint. De Vassallo clara res, non teneri fide clientelari, quo minus Senioris sui in Principem, Cæsarem præsertim deregat. cum & contra antiquiorem Seniores inita consilia reuelare huius recētioris teneatur. c. 1. de nou. for. fidel. c. 1. §. fin. Hic fin. L. Cor. Atque hæc de priuatis indicibus. In publicis si hostis hosti proditores eius indicet, dubitari non debet, quin id non solum laudi sed maximæ laudi ac gloriæ tribuatur. Tiberius certe eam obrem antiquis ducibus se æquabat, qui venenū in Pyrrhum regem vetuerant, prodiderantque, vt commemorat Corn. Tacitus libro 11. ex quo & illud obiter notes, Prodēdi vocabulum medium esse, & inter honestissima quoque referri: itaque eo statim hæc lex vititur ad veram laudem. Quod

vt plenius intelligas, vide quæ Cuiacius eruditissimus libris obseruationū, & prudētissimus Admiratus libro i v. Discurs. in Tacit. cap. vlt. de discrimine Indicum, Delatorum, Adculatorum, similiumque docuerunt præclarissime.

Ait Lex, Initam prodiderit factionem.

SE D cui prodece debet, præsertim homo tenuis, & cui non audacia, non ad Principem aditus? num sufficit primario alicui, & domestico Principis? Sane: nec tamen si ille negligat, cessare ipse debet. illustre exemplum huius rei in fratre Dymni, qui Philotæ coniurationē in Alexandrum regem aperuit, identidemq; eum vrgebat, an regi indicasset. Quod si quis metu vel pudore deterreatur, aliqua tamen indicare debet, & imitari potius eum, qui auricularum Midæ indicium terræ fecit, vt arundines indices existerent: vel, vt ad hanc rem aptius aliquid adferamus, illius nobilis viri, qui vitro vini pleno, ipse facie velata, coniurationem in Senatum Reipubl. Lubecensis indicauit, sed astate & audiēte, Consul is filio; protestatus antea tamē clarissima voce, se nulli mortalium dicere, sed vitro tantum. quam historiam vide sis in Alb. Krantzii Vandal. libro i x. capite x i v. Facit huc Nouella Iustiniani Vt lic. matr. vel au. cxvii. §. viii. & §. ix.

Ait Lex, Et Premio, & Honore à nobis donabitur.

ARBITRARIUM est, quod olim certum fuit. Nam indicibus omnibus coniurationū, in
veteri

veteri Republ. dabatur seruo libertas, & sæpe alia, ingenuo centena millia æris, vt sæpe in Liuiio legimus & aliis authoribus; Dionysii lib. v. *μίσθαι* *ἀπαχναί*. quod postea auctum fuisse videtur, siquidem indicibus Catilinarię coniurationis promittit Senatus, apud Salustium, seruo libertatem & H. S. C. libero impunitatem eius rei, & H. S. C. C. Sed præter hoc vulgare præmium, etiam alia addita interdum, vt Tarquiniis apud Dionys. lib. v. ius ciuitatis, & vicena agri iugera. Sic Vindici, qui filios Bruti & Aquilios detulit, præter libertatem & pecunias ius ciuitatis datum, aliisque alia data præmia amplissima, vt Aliobrogibus, vt Vectio indici, de quo Cicero orat. in Vatin. & in epist. ad Attic. Interdum sola impunitate contenti indices sunt, vt Tarquinius & Vulturcius Catilinarię coniurationis indices, vt alii, qui propterea fide publica dicere iubebantur. Sed huiusmodi indices iidem & conscii, & participes coniurationis erant. Vnde Asconius in Diuinationem, Indiciū eius esse ait, qui facinoris, cuius ipse conscius est, latebras indicat impunitate proposita: ad illud Ciceronis in Cæciliū, si tibi indicium postulas dari, quod tecum vna fecerit: concedo, si id lege permittitur. Indiciū enim, nō iudiciū, legendum esse doctissimus Budæus ex illa Pædiani nota docuit, & illo Donati loco in Eunuchum, indicium eius est, qui vna peccauit. De cuiusmodi indicibus loquitur hæc lex nostra in verbis infra scriptis, quā partem alteram huius capitis fecimus, adeoque nihil etiam aliud, quam impunitatem iis pollicetur. licet ex liberalitate sæpe iis dentur & alia præmia. & qualia supra demonstraui puris indicibus dari

in antiqua Republica. Nam sub imperio Cæsarū nihil puto certi constitutum fuisse in hoc quidē crimine. Scio multa adferri ex Tacito, & Pædiano, de quarta portione bonorum delati rei : sed parum apud me illa firma sunt, quæ Alciatus ad l. indicasse. de verb. signific. & Tib. Decianus lib. vii. Criminal. cap. xxxvii. referunt. Quod & supra alicubi monui. Quod autē in l. xi i i. §. extat. D. de iur. fisc. vulgare præmium delatorum appellatur, id est, quarta, vt in illis Taciti locis lib. iv. vel octaua in causa læsæ maiestatis l. vltim. C. de delat. lib. xi. pertinet ad eos delatores, qui bona quæ fisco vindicantur, nunciant, non ad eos qui criminis alicuius causam persequuntur, id est, ad adcusatores, vt discere ex Cuiacio licet lib. xix. obser. i i i. Solitum quidem & his dari certū sæpe aliquid, puta impunitatem, vel immunitatem vsq; ad certum substantiæ modum l. i. C. de fals. monet. l. i. C. de deser. vel pretii pro modo substantiæ damnati, æstimatione iudicis ex SC. de famosis libellis. l. v. §. vlt. D. de iniur. vel quinque aureorum ex L. Cornelia in singulos seruos cædis domini noxios, qui ante quæstionem profugerint, reuissos ac delatos. l. lege. D. ad SC. Silian. Sed coniurationis siue perduellionis indicium nego quicquam certum vlla lege constitutum fuisse, aut seruatum Imperatorum temporibus. neque etiam adcusatores isti proprie indices dici possunt. Indici cuius licet esse, etiam seruo, in hac præsertim causa, non ita adcusatori : vt Cicero dicto loco Cæcilio indicium concedit, adcusationem negat. & l. Aithales. D. ad L. Corn. de fals. Carolus Magnus monasterium donauit indici in se in-

ita coniurationis: vt testatur Ludouici Regis domesticus quidam in Annal. Gallorum. Alii alia.

Ait Lex, Qui vsus fuerit factione.

HÆc verba sic intelligere debemus, qui coniurauit, qui socius, & paticeps coniurationis fuit: non etiam qui, non dico in effectum deduxit, sed conatus est, & ad aliquem effectui proximum actum deuenit: huic enim non puto ignoscendum quantūvis coniurationis arcana omnia patefaciat, præsertim si deprehensus, & coactus id fecerit: non (vt opinor) etiam ei, qui deprehensus non est, sed aliquod tamē damnum ipse sociique eius, aut discrimen Principi vel Reipublicam intulerint, quod euitari, nisi reticuiisset, poterat, arg. c. 1. §. præterea si Vasallus. Tit. quæ fuer. pri. cau. feud. amitt. l. si quis forte. D. de pœn.

Ait Lex, Si vel sero, incognita tamen adhuc, consiliorum arcana patefecerit.

Sic Dionysius libro v. τὴν ἀγνοίαν τῶν ἀπορήτων; & infra, οἱ τῶν ἀπορήτων βαλευματῶν ἡγεμόνες. Socio igitur coniurationis venia tantum & impunitas promittitur; neque id tantum, si mature, & in exordio factionis eam detexerit, cum sciret: sed etiam si sero & longo post interuallo, dum tamen incognita adhuc coniuratio fuerit, nam si innotuit Principi, sero nuntiat, nec impunitatē consequetur; atque ita in hoc casu, & paucis quibusdam aliis pœnitentia delicto nondum perfecto veniā præbet, vt hic vsurpare iure possimus illud Tertulliani, carmine ad Senatorem:

Non est in culpa, quem pœnitet ante fuisse.

Q. Curtius lib. v. 11. quia frater ipsius, quâquam
impium facinus ausus foret, tamen & pœniten-
tiam eius ageret, & per se potissimū profitetur in-
diciū. Et mox, fratremque, antequam pro salu-
te eius precaretur, restituit. bene, Restituit. nam
vere nocens erat, & pœna dignus, cum dies am-
plius triginta coniurationem celauisset. Merito
Iohan. Bodinus factum Francisci regis, & curiæ
Parisiensis decretum improbat in illo nobili Nor-
manno, qui fraterculo sodali confessus, se Fran-
ciscum Regem occidere voluisse, nihil tamen au-
sum esse, & flagitiosæ voluntatis sponte pœnite-
re. Libro iv. de Republ. c. vii. Præmium igitur
festinandi hic proponitur, id est, hoc capite salus
coniuratis, & superiori capite honores, pecunia,
aliaue commoda. Tacitus lib. v. Annalium de li-
berto Milicho; qui Scæuini patroni insidias in ca-
put Principis præparatas cum deprehendisset cō-
iecturis, Vxoris quoq;, inquit, consilium adsum-
serat muliebre, ac deterius: quippe ultro metum
intentabat, multosq; adstitisse liberos, ac seruos,
qui eadem viderint: nihil profuturū vnius silen-
tium, at præmia penes vnum fore, qui indicio præ-
uenisset. Recte illa sibi, & suis cauit, nam & cog-
nomen maritus, pecuniis ditatus, sibi Græcum
Conseruatoris adsumpsit, teste Tacito, id est So-
teris. Quod mirum in vna cum pecuniis & ima-
gine (nam id moris fuisse veteribus Ethnicis scri-
bit Eusebius libro vii. Eccles. historia. ca. xvii. i.
vt seruatorum imagines in tabulis coloribus de-
pictas haberent) ad filios posterosque transmisse-
rit. Quæ res in memoriam mihi reuocat, quod

Scr-

Seruius de more Romano scribit, in lib. ix. Æn. ad illa verba:

— *Matrique tuo generique manebunt.*

Ait enim, apud Romanos consueuisse præmia ita decerni, ILLI LIBERISQVE EIVS: scilicet vt darentur liberis, quæ accipere non potuissent parentes. Quem morem in historiis nostrorum temporum reperio, vt alia virtutis & iustitiæ exempla, ex illo omnium gentium victore ac moderatore Senatu retulisse & vsurpauisse Venerū Senatum, erga coniuges liberosq; eorum omnium, qui bello pro Republ. mortem oppetiissent. Macte gloria Senatus, & digne, cui nō vnus Prusias dicat, ΧΑΙΡΕΤΕ ΘΕΟΙ ΣΩΤΗΡΕΣ.

Ait Lex, Arcana.

DIXI, &, nisi me fallo, docui primus, quid hæc vox Tacito significet, cum appellat Arcana imperiū, Arcana dominationis, Arcana domus; in oratione, quā habui de L. Regia. eā certe distinctionē & interpretationē nostrā doctis & prudētib. viris probauimus. Hoc loco quid significet, satis ex superioribus liquet: sed eiusdem authoris grauiissimi non prætermitto enarratiunculam illustrare, illam, quam libro Annae 111.1.1. fere extremo habet, de iis tribus senatoribus, qui foedissima latebra recta inter & laquearia sese abstruserunt in domo Sabini, Germanici olim familiaris: ex qua aures foraminibus & rimis admoventes, arcanas eius cogitationes & querelas in Principem non minus turpi quā detestanda fraude didicerunt, & detulerunt. Non alias, inquit Tacitus, magis anxia & pauens ciuitas, etiam ad-

uersum proximos; congressus, colloquia, notæ,
ignotæq; aures vitati, etiam muta atq; inanima,
tectum, & parietes circumspectabantur. Ne igitur
tu, qui aliquid tibi, in hac te præsertim, con-
scius es, vel parietibus credas, vel cubiculo tuo, &
regi non manus modo, sed & aures in omnia sci-
to penetrare: quantumuis legas apud Chryso-
stomum quasi de re impossibili, lib. vi. de sacer-
dotio, illa: Quis obsecro detegere poterit flagi-
tium meum? Tectum, cubiculumq; hoc at in vo-
cem erumpere non possit, an mater potius, cui vi-
ni inprimis res omnes meæ notæ sunt. Quin illa
potius Taciti, quæ retuli, illa Ammiani, quæ nunc
referam, dicta cogita. Interdum acciderat, in-
quit, ut siquid in penetrabili secreto nullo citiore
eius, (Constantii Imp.) vitæ ministro præsentem
paterfamilias vxori susurrasset in aure, velut Am-
phiarao referente aut Martio, quondam vatibus
inclytis, postridie disceret Imperator. Ideoq; etiã
parietes (nota mihi imitationis Corneliæ velti-
gia) arcanorum soli conscii, timebantur. Similia
in orat. pro Cælio. Verum hæc plena sceleris &
immanitatis omittamus. De eorum facto pauli-
per disputemus, qui non vltro hæc inquirunt aut
deferunt, sed ab aliis de coniuratione compellati,
vel alias eius conscii, prodere verentur, quod pro-
bare non possunt. Tacere, periculi plenum est: pa-
refacere, licet periculo sæpe careat, talionis & ca-
lumniæ, de quo supra memini adnotare, habet
tamen alia pericula atque incommoda. Quidam
in hoc negotio atque hac perplexitate non dubi-
tarunt id consilii dare, ut occidant eum, qui talia
communicauit, quod stultum est, nec periculo
vacat,

Vacat, vt Ammirat. lib. i v. c. vlt. in fin. ait, vbi nec illud consilium Philippi Strozze probat siue cautelam, qua vsus est cum quodam Prinziuallo de Strufa, dum diceret, iturum se ad magistratus, iisq; indicaturum. timenda enim certa pestis est ab eo, qui cum videat re ad magistratus delata sibi perundum esse, dabit operam, ne deferri possit, malitque ob hominis priuati necē exulare, quam ob perduellionem. cum ex illo facili^o speret se in patriam restitutum iri. Displicet ei & illud consiliū, vt simul ac prouideas de hac re tecum agi, sermonem agentis incidas, neque totum audias. Sed cōtra probat ac defendit Marchionis Piscariae factū, cum Moronio Mediolanensi, à quo consiliis aduersus Carolum v. Imp. initis ei communicatis, de societate & rebellionē appellatus fuerat: simulatione enim vsus eo Moronium perduxit, vt documenta aduersus eum non deessent. Recte inquam hoc factū defendit aduersus Fr. Guicciardini aduersionem, quam lib. x v i. historiarum posuit. cum neq; Marchio Moronium prior appellauerit, sed Moronius Marchionem: neq; reticere sine summo periculo Marchio posset, illigatus cōscientia, quæ audiuerat, neque rursus deferre ea debuerit, quæ probare non poterat, eo etiam magis, quod exercitui ipse præerat legatus Imperatoris, sitque plenum suspitionis incommodissima, si eo tempore ad Imperatorem detulisset sermones de rebellionē militum ac regnorum, qui sermones nullo essent documento nixi. neque nouum sit, vt qui delatores atque etiam qua sitores talium facinorum sunt, ipsi postea eorum participes reperiuntur, & puniantur. quemadmodum

adcidisse Fenio Rufo legimus in coniuratione illa Pisoniana in Neronem inita: de quo scribit Tacitus lib. xv. Annal. militaris conspiratio non ultra sefellit, ad census indicibus ad prodendum Fenium Rufum: quem eundem conscium, & inquisitorem non tolerabant. Hac ille, ut dixi, aduersus Guicciardinum disputat rectissime, miraturque hæc ab eo non perpensa viro (ut ait) sapientissimo, & legum Doctore: Sed Guicciardinus videtur subdolum maxime Piscarii animum reprehendere, causamque, ob quam ita cum Moronio egit, quam dicit fuisse, ut alterius peccatis, atque exitio ipse claritatem & honores consequeretur, præsertim cum tantas blanditias eosque dolos in producendo Moronio adhibuerit, non plane dissimiles iis, quibus T. Sabinum usus est, de quo paulo ante demonstraui. Et quod iuris scientiam Guicciardini in hac re tacite vellicat, iniuste facit. Neque enim periculum ullum vel talionis vel calumniæ, si non probasset delata, Piscario imminere à legib. quod & ante docui, præsertim homini tantæ potentæ & authoritatis. Honestius etiâ fecisset, si ipsi Moroniû vel interposito iureiurando authorem consiliorum detulisset, ut alii multi in hac causa fecerunt, vel iniecta etiam manu traxisset ad Principem, ut Eurilochus fratrem suum Ephimanẽ, à quo indicata ei coniuratio sua & sociorum in caput Alexandri regis. Curtius lib. viii.

Subscriptio huius Legis:

*Dat. Prid. Non. Septemb. Ancyra. Cesario
& Attico Coss. CCCXCVII.*

IN



IN hac subscriptione nihil est, quod nos magnopere teneat, præter locū qui vrbs Ancyra, antiquissima & nobilissima Galatiæ, & prope dixerim Asiæ: certe Diuo Augusto charissima & deditissima, quo factum est, vt totius Asiæ cōmuni decreto templum D. Augusto in ea statueretur; memoriaque & index rerum ab eo gestarum ex duabus Romæ positis aheneis pilis descript⁹ collocaretur ac velut cōsecraretur. Quod monumentum antiquitatis omnium pulcherri-
 mum, quantū quidem eius superest, plurimi iam doctissimi viri, non modo edidere, sed & notis eruditissimis illustrauere. In prætorio vrbis positū adfentior iis qui dicunt: non in templo. Similiter vt lex Constantini, qua iussit Byzantiū Romam alteram nominari, lapideæ columnæ vel pilæ inscripta, publice (inquit Socrates lib. 1.) in eo loco, quem Prætorium vocant, prope ipsius equestrem statuam collocata fuit. Multa huius vrbis apud veteres historicos & Geographos mētio, sed & apud alios scriptores etiam Ecclesiasticos. Anquiram in Decreto Gratiani vocari, hodie Angur Turcis notauit etiam vir grauissimus idemque elegantissimus Gisel. Busbequius. Apud Claudianum poetam, & Arcadii atque Honorii huius legis authorem, præceptorem ita lego lib. 1. in Eutropium, non in bonū fieri Ancyræ mentionem:

Cum duce mutata vires: Byzantia robur

Fregit luxuries, Ancyranique triumphi.

Pariter & D. Hieronymus in præfatione libri 11. epistolæ ad Galatas, vbi de Galatarum vecordia, atq; stultitia multa verba facit, Ancyram metro-

polin Galatię schismatibus laceratam dicit, & dogmatum varietatibus constupratam. De tempore quo scripta hæc Constitutio, illud notandum videri mendum inesse, nam consules illi fuerunt anno 399. non 397. vt hic est scriptum. Sed prior computatio est Eusebii, posterior aliorum.

Libri primi finis.



DE
CONIVRATIONIBVS
Liber Secundus.

LIVIAE AVGVSTI
ORATIO

*Ex libro LV. Historiarum Dionis
Cassii Cocceiani.*



INTERIM insidiis impetit', quarum præcipuus autor erat inter alios Cn. Corneli⁹ Cinna Magnus, filia Pompei Magni natus, aliquādiu consilii inops fuit, quum neq; necare eos vellet, quia nihilo tutior editis cædib. fiebat, neque dimittere impunes, ne alios quoque contra se incitaret. Dubium quid statueret, ac neque dies, neque noctes sine cura, ac cum quiete agentem, Liuvia aliquādo interrogata est, quidnam rei eum à somno detineret: Quis vero, inquit Augustus, vel minimum temporis à curis vacet, qui
tot ini-

tot inimicos semper habeat, aliisq; super alias insidiis petatur? an vero non cernis, quam multi & mihi, & Imperio nostro periculum struant, quos ne supplicia quidem punitorum inhibent. Sed contra ceteri quoque, velut ad egregium facinus aliquod contendentes; & ipsi cum eis perire studet. Quo sermone audito Liwia: perniciem, ait tibi creari, neque mirum est, neq; ab humana sorte alienum; multa, ut in tanto imperio, agentis, multosque offendenti. Nimirum fieri non potest, ut Princeps omnibus placeat; ac non vel iustissime regens, permultorum in odia incurrat. Maior enim pars hominum iniusta iustis potiora ducunt, quorum expleri cupiditates nequeunt. Iam virtuosorum quoq; alii magnas ac multas res expectunt, quas consequi non possunt; alii aliis posthabitos se indignantur: itaq; utriq; culpant Principem: quapropter certum ab his malum impedit, iisq; deinde, qui insidias struunt, non quidem tibi, sed principatui. Etenim privato tibi nemo mali quicquam, nisi a te accepta iniuria, fecisse voluit: principatum, eiusque bona, potens quisq; etiam infirmioribus promptius appetit. Id etsi hominum est iniustorum, ac minime prudentium; tamen a natura inter alia vitia us inest, ac neque monitis neq; vi eximi quibusdam potest; quod nulla lex, nullus metus eis, quae natura insunt, plus valet. Hec tu mecum reputans, aliorum peccatis minus succense; tui autem, ac regni custodiam exquisitam institue, ut id non poenis irrogandis, sed summo opere custodiendo tutum seruemus. Ad haec Augustus: Sane, inquit, cognitum habeo, mulier, cum alia magna ab invidia & insidiis tuta non est.

se, tum vero in primis summum Imperiū. de dū certe mortalium princeps esset similis, nisi maioribus, quam priuati, curis, occupationibus, ac sollicitudinibus teneretur. Me vero hoc ipsum potissimum angit, quod hæc ita fieri necessum est, neque vllum contra ea remedium excogitari potest. Quum sint omnino, respondit Liuius, qui inique agere velint, ab iis ergo caueamus. Sunt nobis multi milites, quorum alii hostibus opponuntur, alii te stipant, ac nos custodiunt; sunt in familia ministri multi, prorsus ut domi pariter ac foris per eos securi viuere possimus. Tum Augustus: multos sæpenumero à suis interfectos esse, verbis opus non habet. Nam hoc inter cætera difficillimum est in imperio, quod non reliquorum more tantū nobis ab hostibus, sed ab amicis quoque timemus; quodque multo plures ab his, quā ab alienis, perniciem inuenerunt. Dies enim, noctesque adsunt, nudis etiam ac dormientibus, & cibum potumque paratum ab se ministrant. Ac de aliis ne dicam; contra hostes quidem, amicos opponere licet; contra hos, nullum est auxilium. Ita semper nobis & solitudo est grauis, & hominum frequentia: vacare custodia periculosum, periculosissimum esse inter stipatores: hostes molesti, molestiores amici: (hoc enim eos, etiam minime dignos, nomine appellare oportet) quos ut etiam bonos quis nanciscatur, nunquam tamen tantum eis fidei tribuere potest, ut cum iis puro, curisque & suspicionibus vacuo corde conuersetur. Et hoc igitur perquam graue est, & quod necesse sit in alios nobis insidiantes vindicare. Nam cogi aliquem ad exigendas pœnas atque supplicia

placia de quibusdam, id vero permagnum dolorē
viris bonis adfert. Recte tu quidem hæc, inquit
Liuius. Ego autem habeo, quod tibi dem cōsiliū;
(modo ne id repudies, aut indigne feras, me, mu-
lier quum sim, tibi consulere ausam) cuiusmodi
nemo etiam summus amicus tibi dare possit: non
quia scientia, sed quia deest audacia. Iussa deinde,
quid esset id, proferre. Dicam, inquit, tecum vide-
licet honorum ac malorum particeps, te incolu-
mi ipsa quoque hodie regnans, eademque vna, si
quid (quod abominor) durius accidat, peritura.
Homines quosdam ipsa ad peccandū impellit na-
tura, eiusque cupiditas coerceri difficulter potest.
Iam, ut plerorumque de malitia nihil dicam, mul-
tos omnino opinio boni ad delinquendū mouet:
multos generis splendor, diuitiarum fastus, hono-
ris magnitudo, ac fortitudinis comes audacia, &
potentiæ moles, ut à recto cursu exorbitent, facit.
Nec ex nobili facere licet ignobilē, ex virili timi-
dum, ex prudente stolidum. quippe nequit hoc
plane fieri. Nec fortunas hominum accidere, aut
spiritus deiicere insontium decet, est enim hoc in-
iustum. Si quis etiam vel sui vindicandi, vel alio-
rum conatus anticipandi causa quosdam lædat, o-
pinionem de se sinistram necessario ciet. Agendū
alia viā insistant, ac venia eos prosequamur. E-
go enim ita iudico, plus clementiam, quam serui-
tiam proficere. nam misericordes non tantum ii,
quibus delicti gratia facta est, charos habent, ac
gratiam referre student: sed reliqui etiam omnes
reuerentur ac colunt, ita nemo eos deinde lædere
ausit. At eos, qui ira inexorabili utuntur, non mo-
do odio habēt ii, qui sibi metuant, sed ceteri quo-

se, tum vero in primis summum Imperiū. deum certe mortalium princeps esset similis, nisi maioribus, quam priuati, curis, occupationibus, ac sollicitudinibus teneretur. Me vero hoc ipsum potissimum angit, quod hæc ita fieri necessum est, neque vllum contra ea remedium excogitari potest. Quum sint omnino, respondit Liuia, qui ini- que agere velint, ab iis ergo caueamus. Sunt nobis multi milites, quorum alii hostibus opponuntur, alii te stipant, ac nos custodiunt; sunt in familia ministri multi, prorsus vt domi pariter ac foris per eos securi viuere possimus. Tum Augustus: multos sæpenumero à suis interfectos esse, verbis opus non habet. Nam hoc inter cætera difficillimum est in imperio, quod non reliquorum more tantū nobis ab hostibus, sed ab amicis quoque timemus; quodque multo plures ab his, quā ab alienis, perniciem inuenerunt. Dies enim, noctesque adsunt, nudis etiam ac dormientibus, & cibum potumque paratum ab se ministrant. Ac de aliis ne dicam; contra hostes quidem, amicos opponere licet; contra hos, nullum est auxilium. Ita semper nobis & solitudo est grauis, & hominum frequentia: vacare custodia periculosum, periculosissimum esse inter stipatores: hostes molesti, molestiores amici: (hoc enim eos, etiam minime dignos, nomine appellare oportet) quos vt etiam bonos quis nanciscatur, nunquam tamen tantum eis fidei tribuere potest, vt cum iis puro, curisque & suspicionibus vacuo corde conuersetur. Et hoc igitur perquam graue est, & quod necesse sit in alios nobis insidiantes vindicare. Nam cogi aliquem ad exigendas pœnas atq; supplicia

placia de quibusdam, id vero permagnum dolorē
viris bonis adfert. Recte tu quidem hæc, inquit
Liuiæ. Ego autem habeo, quod tibi dem cōsiliū;
(modo ne id repudies, aut indigne feras, me, mu-
lier quum sim, tibi consulere ausam) cuiusmodi
nemo etiam summus amicus tibi dare possit: non
quia scientia, sed quia deest audacia. Iussæ deinde,
quid esset id, proferre. Dicam, inquit, tecum vide-
licet honorum ac malorum particeps, te incolu-
mi ipsa quoque hodie regnans, eademque vna, si
quid (quod abominor) durius accidat, peritura.
Homines quosdam ipsa ad peccandū impellit na-
tura, eiusque cupiditas coerceri difficulter potest.
Iam, vt plerumque de malitia nihil dicam, mul-
tos omnino opinio boni ad delinquendū mouet:
multos generis splendor, diuitiarum fastus, hono-
ris magnitudo, ac fortitudinis comes audacia, &
potentiæ moles, vt à recto cursu exorbitent, facit.
Nec ex nobili facere licet ignobilē, ex virili timi-
dum, ex prudente stolidum. quippe nequit hoc
plane fieri. Nec fortunas hominum accidere, aut
spiritus deiicere insontium decet, est enim hoc in-
iustum. Si quis etiam vel sui vindicandi, vel alio-
rum conatus anticipandi causa quosdam lædat, o-
pinionem de se sinistram necessario ciet. Agendū
alia viā insistamus, ac venia eos prosequamur. E-
go enim ita iudico, plus clementiam, quam frui-
tiam proficere. nam misericordes non tantum ii,
quibus delicti gratia facta est, charos habent, ac
gratiam referre student: sed reliqui etiam omnes
reuerentur ac colunt, ita nemo eos deinde lædere
ausit. At eos, qui ira inexorabili vtuntur, non mo-
do odio habēt ii, qui sibi metuant, sed ceteri quo-

que infensi, insidiis structis suam perniciem evitare statuūt. Viden vt medici rarissime sectiones & ignes adhibeant, ne ipsa videlicet vitia corporis magis exasperent; pleraque autem humectationibus ac lauacris, & mitibus medicamentis molliunt ac sanant? Neque enim putandum est, quod hæc corporum, illa animorum sunt vitia, ideo esse inter se dissimilia. Etenim etsi animi hominum incorporei sunt, tamen multa habent cum corporum natura conuenientia: contrahuntur metu, turgent ira, dolore minuuntur, audacia inflantur, vt non multum à corporum natura differant, atque eandem fere sanationem requirant. Nam sermo lenis ad aliquem habitus, omnem fremitū laxat, contra asper remissum etiam ad iram concitat: venia data ferocem etiam quemque placat, supplicium vel mitissimos animos exasperat. violentæ enim actiones, vt sint omnino iustissimæ, irritant; mansuetæ placant, ideoque facilius persuadendo quispiam, quam cogendo eo adducitur, vt vel grauissima subeat. Quod adeo est natura comparatum, vt brutorum quoque animantium multa, robustissima alioquin, & ferissima, blandiendo cicurentur inescandoque perdomentur; alia timidissima atque imbellissima male habita, ac territa ad iram concitentur. Neque ego omnibus ex æquo noxiis parcendum esse dico, sed audaces, inquietos, malitiosos, ac sinistri consilii homines, immedicabilique & continuæ malitiæ adfectos, excindere te iubeo, exemplo earum corporis partium, quæ medicinam non patiuntur: reliquos, qui propter ætatem, imperitiā, imprudentiam, aut alio casu quodam, vel volentes, vel

inuiti

inuiti peccant, verbis castigare, minis corrigere, aliaue tolerabili ratione tractare; vtque in aliis rebus modo grauiore, modo mediocres pœnæ irrogantur, sic in hac quoque re citra periculum, exiliis alios, alios ignominia, vel pecunia multare aut in diuersa loca, vrbesue relegare licet. Inuenti nimirum sunt, qui quum spes ac cupiditates eorum irritæ factæ fuissent, ad sanitatem redierint: alios in confessu locus, inhonestus, aut stationes probrosæ, doloresq; & terrores ante oblatis emendauerunt, pro quib. homo nobilis ac fortis mortem sibi optauerit. Quo intelligitur, pœnas non faciliores, sed grauiore etiam futuras; quum nos interim tuto viuere possimus, qui nunc multos inuidia, auaritia, metuue fortitudinis aut nobilitatis necare existimamur. Haud enim facile creditur, eum, qui in tanta potentia, ac licentia uiuit, ab inermi homine priuatoque insidiis peti posse, ideo alii hos de nobis rumores diuulgant, alii falsis delationibus nos fidē adhibere dicitāt; quum exploratores & auscultatores (emissarii nostri) odio iræ, aut ab inimicis eorum, quos accusant, accepta pecunia, negatæue ab his indignatione adducti multa minime vera sinistre fingere perhibeātur, non modo quod egerint quidam indignum aliquod facinus, agendumue sibi proposuerint; sed quod etiam certi quidpiā dixerint, auditoue tacuerint, risuque aut lachrymis dictum exceperint. Possem infinita id genus referre, quæ si maxime vera sint, tamen ea te apud homines liberos perscrutari, vel tibi nūciari, inde eorum est; quum, si te lateāt, damnum nullum adferant; relata vel inuito (quod cum aliis, tam Principe in-

dignum est) stomachum moueant. at hinc plurimos indicta causa iudiciorum subdole parato, iniustum reperisse exitum plerique autumant: neque testimonia, quæstiones, aut alia contra illos usurpata, pro veris habent. Hæc etsi nonnunquam iniuste, tamen de omnibus ita capitali iudicio affectis vulgo memorantur, tuum est autem Auguste, non modo nihil iniuste agere, sed ne videri quidem agere. Nā sufficit priuato, non peccare: principem eniti conuenit, ut à culpa etiam hominum opinione absit. Hominibus enim non belluis imperas: eaque est vnica beneuolentiæ ipsorum veræ consequendæ ratio, si hoc ipsis omnino persuadeas, nemini eorum te nec data opera, nec contra voluntatem animi facturum iniuriam. Cogi quidem ad metuendum aliquem homo potest, ad amandum autem persuasionem opus est, ea beneficiis in eum collocatis, quæque aliis videat tribui, paratur. At qui iniuste aliquem morte adfectum suspicatur, eandem sibi fortunam metuens, cædis authorem ut odio habeat, impellitur. Porro autem inuisum esse subditis, neque honestum est, & minime expedit. Hæc quippe hominum est sententia, priuato omnes iniurias esse persequendas, ne vel cōtemptui inde habeatur, vel opprimatur: Principem vero debere ea, quæ in publicam rem peccantur, vlciſci; priuatim in se admissa tolerare, quum qui ita deliquerint, neque ex contemptu, neque ex incurſu possint ipsum tanta septum custodia, damno adficere. Quæ ego audiens, ac in ea intuens, parum absuam, quin tibi suadeam, ut neminem omnino ob huiusmodi causam vita spoliēs. Nam in hoc principatus instituti sunt, ut saluti sub-

ti sub-

ti subditorum consulatur; ne inuicem, aut ab exteris iniurias accipiant: non profecto ut offensa à subditis aliqua re principes, perdendi; sed omnes potius, si fieri possit, conseruandi potestatem habeant. Ac legibus quidem, beneficiis & admonitionibus eos princeps instituere debet, ut in officio maneant, ac præterea nihil possint: vitiosis mederi quodam modo, ac sanare, ne prorsus pereant. Est vero magni animi, eximiaque naturæ, vulgo peccata ferre: quæ si quis omnia pro meritis punienda cogiter, imprudens maiorem hominum patrè occidet. Proinde tibi cōsulo, ne quem posthac talis, alicuius facinoris causa capite plectas; sed alio quodam modo castiges, ne quid in posterum rei grauis admittere possit. Quid enim mali tibi inferat in insulam quamdam deportat°, aut in villa, vel oppido, non modo absque pecuniæ & seruitiorū copia, sed etiam in custodia positus, sicuti res id requirit. Nam agentibus in vicinia hostibus, mariue ab alienato, aut si in ipsa Italia vrbes muris & armis munitæ essent, quo perfringere fontes possent, iisue occupatis terrorem nobis incutere, alia ratio incūda esset. nunc cum omnia armis & munitionibus bellicis vacent, ac longissime absint hostes, tot maribus, terris, montibus ac fluminib. inuiis interiectis, quis certum aliquem hominem metuat nudum priuatum, hic in medio tui Imperii, ac intra tua arma inclusum? Ipsa sane neque cogitaturum tale quid vllum, neque si maxime quis insaniat, agere posse censeo. Ergo ab his qui nunc insidiarum apud te rei facti sunt, periculum facere incipiamus. fortassis & hi mutabunt sententiam, & alios meliores facient.

Vides Cornelium nobilem, & fama clarum esse. humaniter etiam peccatum eius expendi par fortassis sit. Non omnia gladius perficit (magnum enim bonum is esset, si emendare homines, ac persuadere valeret, & ad suscipiendum sincerum amorem adigere) sed ut corpus alicuius abolere potest, ita cæterorum animos à cædis auctore auertit; qui non propter supplicium sumptum vindicem amare, sed ob metum mali odisse solent. Contra, quibus delicti venia est donata, pœnitundine ducti benefactorem ledere in posterum verentur; sed spe consequendi maiora præmia, eum suis officiis colunt. videlicet qui affectus iniuria, salutem inferenti eam concesserit; eum omnes putant beneficia summo opere compensaturum. Morem itaque, mi vir, gere mihi, propositumque muta; consecuturus hoc quoque, ut cætera à te grauius facta, necessitatem tibi extorsisse iudicetur. quia tantam urbem ex populari forma Reip. in vnius hominis potestate redigere sine sanguine, impossibile est, q̃ si cœpta ratione perseveraueris, videbere hæc quoq; duriora sponte fecisse.

His Liuiæ verbis adductus Augustus, omnes reos verbis castigatos, indemnes dimisit, Cornelio etiam Consule designato: eoque facto ita sibi omnium animos deuinxit, ut non modo insidiæ contra ipsum nullæ deinde componerentur, sed opinio quoque omnis earum intercideret.

VULCATII GALLICANI V. C.

AVIDIVS CASSIVS

Ad Diocletianum Augustum.

AVIDIVS

AVIDIVS Cassius, vt quidam volunt, ex familia Cassiorum fuisse dicitur; per matrem tamen; * auo genitus Auidio Seuero, qui ordines duxerat, & post ad summas dignitates peruenerat, cuius Quadratus in historiis meminit: & quidem grauitur; cum illum summum virum & necessarium Reipubl. asserit, & apud ipsum Marcum prauialidum. nam iam eo imperante perisse fatali sorte perhibetur. Hic ergo Cassius ex familia (vt diximus) Cassiorum, qui in Caium Iulium conspirauerant, oderat tacite principatum, nec ferre poterat Imperatoriū nomen: dicebatq; esse grauius nomen imperii, quod non posset ē repub. tolli nisi per alterum imperatorem. Denique tentasse in pueritia dicitur extorquere etiam Pio principatum; sed per patrem virum sanctum & grauem, affectationem tyrannidis latuisse, habitum tamen semper ducibus suspectum. Vero autem illum parasse insidias, ipsius Veri epistola indicat, quam inserui. Ex epistola Veri: Auidius Cassius auidus est imperii; quantum & mihi videtur, & iam inde sub auo meo patre tuo innotuit: quem velim obseruari iubeas. Omnia ei nostra displicent: opes non mediocres parat, literas nostras ridet. Te philosopham aniculam; me luxuriosum morionem appellat. Vide quid agendum sit: ego hominem non odi: sed vide ne tibi & liberis tuis non bene consulas, quum tales inter præcinctos habeas, qualem milites libenter audiunt, libenter vident. Rescriptum Marci de Auidio Cassio: Epistolam tuam legi, & sollicitam potius quam imperatoriam, & non nostri temporis. Nam si ei diuinitus debetur imperium, nō

poterimus interficere, etiam si velimus. Scis enim proavi tui dictum, Successorem suum nullus occidit. Sin minus, ipse sponte sine crudelitate nostra fatales laqueos inciderit. Adde quod non possumus reum facere quem nullus accusat, & (ut ipse dicis) milites amant. Deinde in causis maiestatis hæc natura est, ut videantur vim pati etiam quibus probatur. Scis enim ipse quid avus tuus Adrianus dixerit, Misera conditio Imperatorum, quibus de affectata tyrannide nisi occisis non potest credi. Eius autem exemplum ponere quam Domitiani, qui hoc primus dixisse fertur, in alui. Tyrannorum enim etiam bona dicta non habent tantum autoritatis quantum debent. Sibi ergo habeat suos mores: maxime cum bonus dux sit & severus, & fortis, & reipub. necessarius. Nam quod dicis liberis meis cauendum esse morte illius, plane liberi mei pereant, si magis amari merebitur Auidius quam illi, & si reipubl. expedit Cassium vivere quam liberos Marci. Hæc de Cassio Verus, hæc Marcus. Sed hominis naturam & mores breuiter explicabimus. Neque enim plura de his sciri possunt, quorum vitam illustrare nullus audeat, eorum causam à quibus oppressi fuerint. Addeamus autem quemadmodum ad imperium venerit, & quemadmodum sit occisus, & ubi victus. Proposui enim, Diocletiane Auguste, omnes qui imperatorum nomen siue iuste siue iniuste habuerunt, in literas mittere; ut omnes purpuratos Augustos cognosceres. Fuit his moribus, ut nonnunquam trux & asper videretur, aliquando mitis & lenis; sæpe religiosus, alias contemptor sacrorum; auidus vini, interim abstinens; cibi appetens,

petens, & inedia patiens; veneris cupidus, & castitatis amator. Nec defuere qui illum Catilinam vocarent; cum & ipse se ita gauderet appellari, addens futurum se Sergium, si dialogistam occidisset; Antoninum hoc nomine significans: qui tantum enituit in philosophia, ut iturus ad bellum Marcomannicum, timentibus cunctis, ne quid fatale proueniret, rogatus sit non adulatione sed serio, ut præcepta philosophiæ ederet: nec ille timuit, sed per ordinem paræneseos, hoc est, præceptionum, per triduum disputauit. Fuit præterea disciplinæ militaris Auidius Cassius tenax, & qui se Marium dici vellet. Quoniã de seueritate illius dicere cœpimus, multa extat crudelitatis potius, quam seueritatis eius indicia. Nam primum milites qui aliquid provincialibus tulissent per vim, in illis ipsis locis in quibus peccauerat, in crucem sustulit. Primus etiam id supplicii genus inuenit, ut stipitem gradem poneret pedum octoginta & centum, id est, materiam, & à summo usque ad imum damnatos ligaret, & ab imo focum apponeret, incensisque aliis alios fumi cruciati, timore etiam alios necaret. Idem denos catenatos in profluentem mergi iubebat, vel in mare. Idem multis desertoribus manus excidit, aliis crura incidit ac poplites; dicens maius exemplum esse viuētis miserabiliter criminosis, quam occisi. Quum exercitum duceret, & inscio ipso manus auxiliaria centurionibus suis auxetoribus, tria millia Sarmatarum negligentius agentium in Danubii ripis occidissent, & cum præda ingenti ad eum rediissent, sperantibus centurionibus præmium, quod per parua manu ratum

hostium, segnius agentibus tribunis & ignorantibus occidissent, rapi eos iussit, & in crucem tolli, servilique supplicio affici; quod exemplum non extabat, dicens euenire potuisse, ut essent insidia, ac periret Romani imperii reuerentia. Et cum ingens seditio in exercitu exorta esset, processit nudus, campestri solo tectus; & ait: Percutite, (inquit) me, si audetis; & corruptæ disciplinæ facinus addite. Tunc conquiescentibus cunctis meruit timeri, quia non timuit. Quæ res tantum disciplinæ Romanis addidit, tantum terroris barbaris iniecit, ut pacem annorum centum ab Antonino absente peterent: siquidem viderant damnatos Romani iudicio ducis, etiam eos qui contra fas vicerant. De hoc multa grauia contra militum licentiam facta inueniuntur apud Æmiliū Parthenianum; qui affectatores tyrānidis iam inde à veteribus historiæ tradidit. Nam & virgis caesos in foro & in mediis castris securi percussit, qui ita meruerunt, & manus multis amputauit. Et præter laridum ac buccellatum atque acetum, militē in expeditione (quidquam) portare prohibuit: & si aliud quippiā reperit, luxuriem non leui supplicio affecit. Extat de hoc epistola Diui Marci ad præfectū suum talis: Auidio Cassio legiones Syriacas dedi diffluentēs luxuriā, & Daphnicis moribus agentes: quas totas ex cāldantes se reperisse Cæsonius Vectilianus scripsit, & puto me non errasse; siquidem & tu notum habeas Cassium, hominem Cassianæ seueritatis & disciplinæ, neque enim milites regi possunt nisi in vetere disciplina. Scis enim versum à bono Poëta dictum & omnibus frequentatum,

Moribus

Moribus antiquis restat Romana virisq.

Tu tantum fac ad sint legionibus abūde commea-
tus. quos (si bene Auidium noui) scio non peri-
ruros. Præfecti ad Marcum: Recte cōsuluiſti, mi
domine, quod Cassium præfecisti Syriacis legio-
nibus. Nihil enim tam expedit, quam homo seue-
rior Græcanicis militibus. Ille sane omnes exal-
dationes, omnes flores de capite, collo & sinu, mi-
liti excutiet. Annona militaris omnis parata est,
neque quidquam deest sub bono duce: non enim
multum aut quæritur aut impeditur. Nec fefellit
de se iudicium habitum. Nam statim & ad signa e-
dici iussit, & programma in parietibus fixit, vt si
quis cinctus inueniretur, apud Daphnem, discin-
ctus rediret. Arma militum septima die semper
respexit, vestimenta etiam & calciamenta & o-
creas, delicias omnes de castris submouit: iussitq;
eos hyemem sub pellibus agere, nisi corrigerent
suos mores: & egissent, nisi honestius vixissent.
Exercitium septimi diei fuit omnium militum, i-
ta vt sagittas mitterent, & armis luderent. Dice-
bat enim miserum esse, cum exercerentur Athle-
tæ, venatores & gladiatores, non exerceri milites;
quibus minor esset futurus labor, si consuetus es-
set. Ergo correctæ disciplina, & in Armenia & in
Arabia & in Ægypto res optime gessit: amatusq;
est ab omnibus orientalibus, & speciatim ab An-
tiochenſibus: qui etiam imperio eius consense-
runt; vt docet Marius Maximus in vita D. Marci.
Nam & cum Bucolici milites per Ægyptum gra-
uia multa facerent, ab hoc retusi sunt; vt idē Ma-
rius Maximus refert in eo libro, quem secundum
de vita Marci & Antonini edidit. Hic Imperatorē

se in oriente appellauit, vt quidam dicunt, Faustina volente; quæ valetudini Marci iam diffidebat, & timebat, ne infantes filios tueri sola non posset, atque aliquis existeret, qui captâ statione regia infantes de medio tolleret. Alii autem dicunt hanc artem adhibuisse militibus & prouincialibus. Cassium cōtra Marci amorem, vt sibi posset consentiri; quo diceret Marcum diem suum obiisse. Nam & Diuum eum appellasse dicitur, vt desiderium illius leniret, Imperatorio nomine cū processisset, eum qui sibi optauerat ornamenta regia, statim præfectum prætorii fecit; qui & ipse occisus est, Antonino inuito, ab exercitu: qui & Medicianum, cui erat commissa Alexandria, quiq; consenserat spe participatus Cassio, inuito, atq; ignorante Antonino interemit. Nec tamen Antoninus grauitè est iratus, rebellionē cognita; nec in eius liberos aut affectus sæuit. Senatus illum hostem appellauit, bonaque eius proscripsit; quæ Antoninus in priuatum ararium congeri noloit, quare Senatu præcipiente in ararium publicum sunt relata. Nec Romæ terror defuit, cum quidā Auidium Cassium dicerent, absente Antonino, qui nisi à voluptariis vnice amabatur, Romam esse venturum, atque urbem tyrannice direpturū; maximè senatorum causa, qui eum hostem iudicauerāt bonis proscriptis. Et amor Antonini hoc maxime enituit, quod consensu omnium præter Antiōchenses Auidius interemptus est: quē quidem occidi non iussit, sed passus est, cū apud cunctos clarum esset, si potestatis suæ fuisset, parsurū illi fuisse. Caput eius ad Antoninum eum delatū esset, ille non exultauit, non elatus est: sed etiam doluit,

doluit, ereptam sibi esse occasionē misericordiæ, cum diceret, se viuum voluisse illum capere, vt illi exprobraret beneficia sua, eumque seruaret. Denique cum quidam diceret, reprehendendū Antoninum quod tam mitis esset in hostem suum, eiusque liberos & affectus, atq; omnes quos conscios tyrannidis reperisset, addente illo, qui reprehendebat, Quid si ille fecisset? dixisse dicitur, Nō sic deos coluimus, nec sic viuimus, vt ille nos vinceret. Enumerauit deinde omnes principes qui occisi essent, habuisse causas, quibus mererentur occidi: nec quenquam facile bonum vel victum à tyranno, vel occisum; dicens, meruisse Neronē, debuisse Caligulā, Orhonē & Vitelliū nec imperare voluisse. Nā de Pertinace & Galba paria sentiebat, cum diceret, In Imperatore auaritiā esse acerbissimum malum. Denique non Augustum, non Traianum, non Adrianū, non patrem suum, à rebellib. potuisse superari, cum & multi fuerint, & ipsis vel inuitis vel insciis extincti. Ipse autem Antoninus à senatu petiit ne grauit in conscios defectionis animaduerneretur, eo ipso tempore, quo rogauit, ne quis senator temporibus suis capitali supplicio afficeretur: quod illi maximum amorem conciliauit. Denique paucissimis centurionibus punitis, deportatos reuocari iussit. Antiochenis qui Auidio Cassio cōsenferant, sed & aliis ciuitatibus quæ illum iouerant, ignouit: quum primo Antiochēsis grauit iratus esset, hisque spectacula sustulisset, & multa alia ciuitatis ornamenta; quæ postea reddidit. Filios Auidii Cassii Antoninus Marcus parte media paterni matrimonii donauit: ita vt filios eius auro, argen-

to & gēmis honestaret. Nā & Alexādrīe filiē Cassi & genero Druentiano liberā euagādi potestatem vbi vellent, dedit: vixerūtq; non quasi tyranni pignora, sed quasi senatorii ordinis in summa securitate: cū illis etiam in lite obici fortunam propriā vetuisset domus, damnatis aliquibus ob iniuriā, quod in eos petulantes fuissent: quos quidem amitā suā marito commendauit. Si quis autem omnem hanc historiam scire desiderat, legat Marii Maximi secundum librum de vitā Marci, in quo ille ea dicit quæ solum Marcus mortuū iam Vero egit, tunc enim Cassius rebellauit; vt probat epistola missa ad Faustīnam; cuius hoc exemplū est: Verus mihi de Auidio verum scripserat, quod cuperet imperare. Audisse enim te arbitror, quod æruscatores de eo nuntiarent. Veni igitur in Albanum, vt tractemus omnia diis volētib; nihil timens. Hic autem apparet, Faustīnam ista nescisse: cum dicat Marius, infamari eam cupiens, quod ea cōscia Cassius imperiū sumpsisset. Nam & ipsius epistola extat ad Verū, qua vrget Marcum, vt in eum grauiter vindicet. Exemplum epistolæ Faustīnæ ad Marcum: Ipsa in Albanum cras, vt iubes, mox veniā: tamen iam horro vt, si amas liberos tuos, istos rebelliones acerrime prosequaris. Male enim afflueuerunt & duces & milites: qui nisi opprimantur, opprimunt. Item alia epistola eiusdē Faustīnæ ad Marcum: Mater mea Faustīna patrem tuum Pium eiusdē in defectione Celsi sic hortata est, vt pietatē primum circa suos seruaret, sic circa alienos. Non enim pius est Imperator qui non cogitat vxorē & filios. Commodus noster vides in qua ætate sit

Pompeia-

Pompeian⁹ gener & senior est & peregrinus. Vide quid agas de Auidio Cassio & de eius consciis. Noli parcere hominibus qui tibi nō pepercerūt, & nec mihi, nec filiis nostris parcerēt, si vicissent. Ipsa iter tuum mox consequor: quia Fadilla nostra ægrotabat, in Formianum venire non potui, sed si te Formiis inuenire non potero, assequar Capuam: quæ ciuitas & meam & filiorū nostrorum egritudinē poterit adiuuare. Soteridam medicum in Formianum vt dimittas, rogo: Ego autem Pisitheo nihil credo, qui puellæ virgini curationē nescit adhibere. Signatas mihi literas Calphurnius dedit: ad quas rescribam, si tardauero, per Cæcilium senem spadonē, hominem (vt scis) fidelem: cui verbo mandabo quid vxor Auidii Cassii, & filii, & gener, de te iactare dicantur. Ex his literis intelligitur Cassio Faustina consciam non fuisse; quin etiam supplicium grauitè exegisse: siquidem Antoninum quiescentem & clementiora cogitantem, ad vindictæ necessitatem impulit. Qui Antoninus quid rescripserit, subdita epistola perdocebit: Tu quidem mea Faustina religiose pro marito & pro nostris liberis agis; Nam relegi epistolam tuam in Formiano, quæ me hortaris, vt in Auidii conscios vindicem; Ego vero & eius liberis parcam, & genero, & vxori; & ad Senatū scribam, ne aut proscriptio grauior sit, aut pœna crudelior. Nō enim quidquā est, quod Imperatorem Romanum melius cōmendet gentibus, quam clementia. Hæc Cæsarem deum fecit, hæc Augustum cēsecrauit, hæc patrem tuum in primis Pii nomine ornauit. Denique si ex mea sententia de bello iudicatum esset, nec Auidi⁹ es-

set occisus. Esto igitur secura : dii me tuentur, diis pietas mea cordi est. Pompeianum nostrum in annum sequentem consulem dixi. Hæc Antoninus ad cōiugem. Ad Senatum autem qualem orationē miserit, interest scire ex oratione M. Antonini. Habetis igitur P. C. pro gratulatione victoriæ generum meum consulem, Pompeianū dico : cuius ætas olim remuneranda fuerat consulatu, nisi viri fortes interuenissent, quibus reddi debuit, quod à repub. debebatur. Nunc quod ad defectionem Cassianam pertinet, vos oro atq; obsecro P. C. vt censura vestra deposita meam pietatem clementiamque seruetis : Imo vestram neque quenquam vllum Senatus occidat, nemo Senatorum puniatur, nullus fundatur viri nobilis sanguis : deportati redeant, proscripti bona recipiant. Vtinam possem multos etiam ab inferis excitare. Non enim vnquam placet in Imperatore vindicta sui doloris ; quæ etsi iustior fuerit, acrior videtur. Quare filiis Auidii Cassii & genero & vxori, veniam dabit. Et quid dico veniam ? cū illi nihil fecerint. Viuant igitur securi, sciētes sub Marco se viuere. Viuant in patrimonio parentū pro parte donato : auro, argento, vestibis fruātur : sint diuites, sint securi, sint vagi & liberi, & per ora omnium vbique populorum circumferāt meæ, circūferant vestræ pietatis exemplum. Nec magna hæc est P. C. clementia, veniam proscriptorum liberis & coniugibus dari. Ego vero à vobis peto, vt cōscios senatorii ordinis & equestris à cæde, à proscriptione, à timore, ab infamia, ab inuidia, & postremo ab omni vindicetis iniuria : detisque hoc meis temporibus, vt in caussa tyrānidis

nidis, qui in tumultu cecidit, probetur occisus. Hanc eius clemētiā Senatus his acclamationibus prosecutus est: Antonine pie dii te seruent: Antonine clemens dii te seruēt. Tu noluisti quod licebat; nos fecimus, quod decebat. Cōmodo imperium iustum rogamus; progeniem tuam roborā. Fac securi sint liberi tui: bonum imperium nulla vis lēdit. Commodō Antonino Tribunitiam potestatem rogamus, præsentiā tuā rogamus philosophiæ tuæ, patientiæ tuæ, doctrinæ tuæ, nobilitatis tuæ, innocentiae tuæ. Vincis inimicos, hostes exsuperas: dii te tuētur: & reliqua. Vixerūt igitur posterī Auidii Cassii securi, & ad honores admissi sunt; Sed eos Cōmodus Antoninus post excessum diui patris sui, omnes viuos incendi iussit; quasi in factione deprehensos. Hæc sunt quæ de Cassio Auidio cōperimus: cuius ipsius mores (vt supra diximus) varii semper fuerunt, sed ad censuram crudelitatemque propensiores: qui si obrinuisset imperium, fuisset non modo clemēs, sed bonus, sed utilis & optimus Imperator. Nam extat epistola eius ad generum suum iam Imperatoris huiusmodi: Misera respubl. quæ istos diuitiarum cupidos & diuites patitur misera, Marc' homo sane optimus; qui dum clemens dici cupit, eos patitur viuere, quorū ipse non probat vitam. Vbi L. Cassius, cuius nos frustra tenet nomē? Vbi Marcus ille Cato censorius? vbi omnis disciplina maiorum? quæ olim quidem intercidit, nunc vero nec quæritur. Marcus Antoninus philosophatur, & quærit de clementia, & de animis, & de honesto & iusto, nec sentit pro republ. Vides

multis opus esse gladiis, multis elogiis, ut in antiquum statum publica forma reddatur. Ego vero istis præsidibus provinciarum, an ego proconsules, an ego præsides putem, qui ob hoc sibi à Senatu, & ab Antonino provincias datas credunt, ut luxurientur, ut diuites fiant? audisti præf. prætorii nostri philosophi, ante triduum quam fieret, mendicum & pauperem; sed subito diuitem factum. Vnde quæso, nisi de visceribus reipubl. provincialiumque fortunis? Sint sane diuites, sint locupletes; ætarium publicum resarcient. tantum dii faueant bonis partibus. reddant Cassiani reipubl. principatū. Hæc epistola eius indicat, quam leuerus & quam tristis futurus fuerit Imperator.

IOHANNIS CHRYSOSTOMI HOMILIA

In Eutropium eunuchum patricium ac cōsulem, præfectumq; cubiculi Arcadii Augusti, cum offenso principe delinqueret sub altari ecclesiæ, cui ipse antea ius asyli abrogare conatus fuerat.

SIGISMUNDO GELENIO interprete.

SI vnquam antea, nunc maxime licet dicere, Vanitas vanitatum, omnia vanitas. Vbi nunc inclytus ille consulatus splendor? vbi illustres illæ faces? vbi applausus illi ac choreæ, epulæq; & festi conuentus? vbi coronæ & auleæ? vbi strepirus urbis & ille Circensium spectatōrū faustæ acclamationes atq; adulationes? omnia illa perierunt: procella vehemens folia deiecit, arborem spoliata

tam reddidit, iam radicitus vacillantem: tantaque vis venti impacta est, ut cum nervos eius uniuersos concusserit, tum ipsam funditus prostertere minetur. vbi nunc fucati illi amici? vbi computationes & cœnæ? vbi parasitorum examen, & merum per totum diem exhaustum, variaque; coquorum artes, & potentatus cultores, illi ad gratiam omnia dicere ac facere assueti? omnia illa nihil nisi nocturnum somnium fuerunt, apparente die euanescentes. Flores fuerunt verni, vere exacto emarcuerunt omnia. umbra erant & præterierunt. fumus erant, & soluta sunt: bullæ erant, & dirupta sunt: araneæ erant, & lacerata sunt. Quapropter spirituale hoc dictum occinimus, indefinenter dicentes, Vanitas vanitatum, omnia vanitas. hoc enim dictum in parietibus, in vestibulis, in foro, in ædibus, in viis, in fenestris, in ianuis, sed potissimum ipsa cuiusque conscientia continenter inscriptum oportet, omni tempore cognitioni obseruari: quandoquidem negotia fraudulenta & personata ac inimica veritatis opinionem apud plerumque sibi parauerunt, hoc dicto, in prandio, in cœna, in cœtu hominum quemque proximum suum compellare oportebat, idemque ab illo vicissim audire, nepe quod vanitas vanitatum, omnia vanitas. An non assidue tibi dicebam fugitiuas esse diuitias? tu vero nos non ferebas. An non dicebam fugitiui serui naturam eas habere? tu vero credere volebas. ecce experientia docuit, quod non solum fugitiuæ & ingratae, sed homicidæ etiâ sunt, ut quæ in metum nunc te coniecerint. Nonne dicebam tibi cum me indefinenter obiurgares vera monentem, quod ego tibi potius amicus

esset, quā adultores, ego redargutor maiorem tui curam gererem, quam hi qui tibi per omnia obsequerentur? nonne & hoc addebam, fide digniora esse vulnera ab amicis, quam ultro ingerētia se oscula inimicorum? Si mea vulnera tulisses haudquaquam tibi illorum oscula hoc exitiū attulissent, mea enim vulnera sanitatem afferunt; illorum oscula morbum immedicabilem tibi conciliauerunt. ubi nunc pocillatores tui? ubi qui in foro populum de via decedere cogeant, tuasque laudes passim apud omnes deprædicabant? Transfugerunt, deseruerunt tuam amicitiam, suam securitatem tuis periculis quærent. At non tales nos, sed & nunc quamuis ægreferentem non destituimus, & nunc collapsum protegimus, accuramus. Ecclesia à te hostiliter habita expanso sinu te suscepit: theatra autē magnis obsequiis à te culta, quorum causa sæpius nobis infensus fuisti, & prodiderunt te & perdididerunt, attamen nunquam destitimus his te verbis alloqui. cur ita facis? in ecclesiam debaccharis, & te ipsum in præcipitem agis & tu hæc omnia monita neglectim prætercurrebas, & Circensis quidem multitudo exhaustis in se tuis facultatibus gladium in te acuit: ecclesia vero tuo furore exagitata ultro citroque cursitat, si quo pacto te ex his casibus implicitum extricare queat; & hæc nunc dico non quo prostrato insultem, sed quod eos qui adhuc stant, tutiores reddere cupiam: nec ut plagas vulnerati refricem, sed ut nondum vulneratos in sanitate conseruem: non ut iactatum fluctibus demergam, sed ut eos qui secundis auris nauigant erudiam, ne forte cum ipso nauigio in profundum deferan-

deferantur. Quo autem modo caueri possit? Nimirum si rerum humanarum mutabilitates consideremus. Si enim iste mutationē timuisset, nūc eam non pateretur. Sed quoniam iste nec domesticis nec alienis consiliis corrigi potuit, vos salutem qui diuitiis extollimini huius calamitatē in vestrum profectum cōuertite. Nihil enim est humanis rebus infirmius. quapropter quocunque nomine earum vilitatem significaueris, minus quam pro rei veritate dixeris: vel si fumū eas vel fœnum, vel somnium, vel flores vernos, vel quidlibet aliud nominaueris: vsque adeo sunt fragiles, & magis nihil quam nihil ipsum. Quod autē non solum nihil sint, sed & in præcipiti stent, vel hinc apparet. Quis hoc homine fuit excelsior? nonne in toto orbe diuitiis præcellebat? nōne ad ipsa fastigia honorum conscendit? nonne omnes cum formidabāt ac verebantur? Sed ecce factus est & vinctis miserior, & seruis miserabilior, & mendicis fame tabescentibus indigentior, per singulos dies gladios præ oculis habens in se exacutos, & præcipitia, & carnifices, & viam quæ ad suppliciū ducit: ac neque memoria præteritarum voluptatum fruitur, immo ne luce quidem communi, sed meridie quoque tanquam in dēsiliū nocte angustis parietū inclusus, oculorum visu priuatur. Et quorsum hæc commemorare attinet, cū quantumuis adnitar, nullis verbis exprimere valeam quis illi animus sit, per singulas horas capitis supplicium expectanti: aut quid nostris verbis opus est, cū ipsius calamitatis imago ob oculos nostros versetur? Nuper namq; missis ad eum à rege qui vel per vim hominem pertraherēt, cum ad sacra-

ria confugisset, buxo pallidior factus, nunc quæque nihilo meliorem quam mortui colorem obtinet. Accedit huc dentium arietatio, tremor totius corporis, vox singultiens & lingua titubans; in summa talis habitus, qualem oporteat habere animam quæ iam metu diriguisset. Hæc dico non exprobrandi causa, neque insultans eius infortunio, sed ut vestrum animum molliam, & ad commiserationem pertraham, eosque inducam, ut præsentis hominis pœna sit cōtentus, quoniam enim multi sunt è nostris adeo inhumani, ut nos etiam incusent, qui eum suscepimus, illorum duritiem nostris sermonibus mollire volens, miseras istius traduco. Quid enim est, quæ so, dilecte, quod indigne fers? dices: quia in ecclesiam confugit, qui eam indefinenter impugnabat. Atqui hoc potissimū nomine glorificandus erat Deus, quod permisit eum in tanta cōstitui necessitate, ut & potētiam ecclesiæ & clementiam disceret: potentiam, eo quod tantam inciderit mutationem ob similitudinem quam cum illa habebat: clementiam vero, quod infestatorem suum obiecto nūc scuto protegat, & alarum obtentu tueatur, præteritarumque iniuriarum oblita, sinus ei amantissime pandat. hoc enim quouis trophæo splendidius, quavis victoria illustrius. hoc Ethnicos, hoc Iudæos pudefacit. hoc placiditatem vultus eius ostentat, quod hosti captiuo parcat, & ab omnibus desertum, & contemptum ut amantissima mater suis velamentis occultet, regis simul iræ, & intolerabili populi furori ac odio se opponens. Hoc ipsum est eximium altaris ornamentum. Dices: hoc cunctis ornamentum hominem scelestum, avarum, rapacem

pacem altaria contingere? Caue talia dixeris: quandoquidem & meretrix pedes ipsius Christi contigit, incesta illa & impurata: nec tamē hoc crimē domino Iesu cessit, sed in laudem magnam & admirationem: nēque enim purum impura offendit, nec scelestam meretricem purus & inculpabilis suo contactu purificauit: caue iniuriarum meminere ō homo. Crucifixi illius serui sumus dicēsis: Remittite illis: non enim sciunt quid faciant. Dicent: at præclufit huius loci refugium, legibus scriptis quibus hoc irritum facere conatus est. At nunc re ipsa didicit quale sit quod fecit: & suomet facto legem suam primus abrogauit factus orbis totius spectaculum: & sileat licet, omnes tamen admonet: nolite hæc facere, ne qualia ego, patiamini. Sua calamitate alios docet, & altare hoc ipsum illustrem ex se splendorem emittit, ac venerationem sibi comparat, quod leonem victum contineat, quandoquidē & regiē effigiei nō tantum ornatus ex eo contingat, si solio rex sublimis sedeat purpuratus & diademate redimitus, quantum si sub pedibus quoque regiis barbari manib. post terga reuinctis proni iacent, & quod hæc nō verba modo sint ad persuadēdum parata, vosmet festinatione vestra ac concursu attestamini. Et enim præclarum hoc vobis spectaculum & hilaris cōuentus contigit: nec minorem nunc video populi frequētiam, quam in proxima sacra pasc hæc celebritate, adeo exciti estis istius silentio, quod in præsentiarum quauis tuba clariorem sonum emittit, & virgines penetralibus, & mulieres gynæceis, & viri foro vacuo relicto, vniuersi huc cōcurritis, vt humanam naturam tradući videretis, &

secularium negotiorum momentaneam mutabilitatem detegi, illamque in republica versantium speciem, heri ac nudiustertius præclarissime splendens, talis enim est ex alienis iniuriis felicitas, quavis anicula rugosa deformior demonstrata, mutatione reipublicæ, ac si spōgia eius tectoria fucosque abolente, tanta nempe est huius infortunii vis, quæ virum felicem ac conspicuum, nunc omnium abiectissimum reddidit. Introeat diues aliquis, & magnam vtilitatem percipiet: videns enim à tam celso fastigio delapsus eum qui totum orbem nutu concutiebat, ac formidine cōtractum, quavisq; rana aut lepore timidior, & absque vinculis columnæ huic hærentem, & vice catenæ timore affixum trementemque deprimet fastum suum; & cōsideratis quæ in humanis casibus considerata sunt, discedet re ipsa doctus, quæ verbis scripturæ nos docent. Quale est illud: omnis caro fœnum, & omnis gloria hominis vt flos eius decedit. Item illud: Sicut fœnum cito arefcens, & sicut olera virentia cito decident: quoniam sicut fumus dies eorum sunt, & reliqua similia. Cōtra pauper introgressus, & hoc spectaculum animaduertens, non displicet sibi ipse, neque sortem suā deplorat: sed gratias insuper paupertati habet, quæ sibi & alyi vice sit tutissimi & portus tranquillissimi, & arcis munitissimæ; & his visis, si detur optio, mallet præsentī conditione contentus esse, quàm omnium facultatibus paulisper occupatis, mox in proprii sanguinis periculum venire. Vides quod non parua vtilitas diuitibus & pauperibus, celsis & humilibus, seruis & ingenuis ex hoc istius refugio enata est? Vides vt cū

reme-

remedio quisque hincabit, huius rei spectaculo affectus suos curaturus? Num igitur molliui vestros animos, aut indignationem expuli? num inhumanitatem extinxi? num ad commiserationē adduxi? quidem adduxisse me opinor: idque ex vultibus vestris ac lachrymis colligo, quando quidem igitur terra cordis vestri in pinguem & fertilem agrum versa est, age iam fructum quoque misericordiae proferentes, flauentesque commiserationis spicas prae se ferentes, procumbamus regi ad genua: vel potius deprecemur benignissimū Deum, ut molliat iram regis, & cor illi tenerum dare dignetur, quo hanc gratiā integrā ab ipso auferre possimus: iam enim ex illo die quo huc confugit iste, non parua est facta mutatio. Postquam enim cognouit rex eum ad asylum hoc se recepisse, affluente milite & concitato ob eius crimina, deposcente hominem ad supplicium, longam habuit orationem qua militarem indignationem compesceret, postulans ut nō culparū modo, sed etiam recte factorum rationem haberent: ut qui pro illis gratiam haberet, & siquid humanum secus accidisset, ignoscendum duceret. cum autem illi de integro vrgerent ad vindictam laesi regis, clamantes, exilientes, ad mortem deposcētes, hastas vibrantes: tum vero ne à lachrymis quidē clementissimis suis oculis temperans & sacrosanctae mensē ad quam perfugerat, religionem illis incutiens, ægre tandem iram eorum sedauit. Admoueamus igitur nos quoque quæ à nobis adhiberi par est. Qua enim ipsi venia digni essetis, si rege propriam iniuriam condonante & oblito, vos nihil tale passi in ira obstinate pergatis? aut quomo-

do hoc cœtū soluto sacramenta contrectabitis & precationem illam dicetis, qua rogare iubemur: Remitte nobis quemadmodum etiam nos remittimus debitoribus nostris, si à debitore vestro pœnas exigatis? iniuriis vos forte magnis affecit ac contumeliis? ne nōs quidem istud inficias ibimus. Sed non tribunalis præsens est tempus, sed misericordiæ potius: non repetundarum, sed clementiæ: nō examinationis, sed condemnationis: non suffragiorum ac calculorum, sed misericordiæ ac gratiæ. Ne igitur quis vestrum accendatur, neue egre ferat, sed potius mitissimum Deum deprecemur, ut reo vitam proroget, eumque ex impendente cæde eripiat, ut ipse errata sua corrigat: & communi opera interpellemus clementissimū regē pro ecclesia & altari, vnum hominem sacrosanctæ mensæ donari obsecrantes. Quod si fecerimus, & regi gratum faciemus, & Deus vel magis quam rex factū nostrum approbabit, magnāq; nobis huius humanitatis mercedē retribuet. Sicut enim crudelem & inhumanum auersatur & odit: ita misericordem & humanum amplectitur & amat: eique siue iustus sit, splendidiōres plectit coronas: siue peccator, peccata eius dissimulat, commiserationis erga conseruum rationem illi retribuens. Misericordiam volo, inquit, & nō sacrificium, & per vniuersam scripturam vides eum semper hoc requirere, atque hanc peccatorū medelā adhibere. Proinde nos quoque ad hunc modum illum propitiemus: sic enim peccata nostra redimemus, sic ecclesiam ornabimus, sic & regem clementissimum, ut dixi, demerebimur: ita fiet ut vniuersus populus nobis applaudat, & vsque ad
fines

hines orbis terræ humanitatis & clemētiæ nostræ
rumor celebretur, mercedemq; simus vbiq; ter-
rarum laudem nostri facti recepturi. Vt igitur ta-
libus bonis frui contingat, accedamus ad genua,
obtestemur, deprecemur : eripiamus è periculis
captiuum, profugum, supplicem, vt & ipsi futura
bona consequamur, gratia & benignitate domi-
ni nostri Iesu Christi, cum quo patri gloria, simul
& spiritui sancto in secula seculorum. Amen.

NIC. MACCHIAVELLI

Politicarum ad Tit. Liuium Disputationum

CAP. VI.

DE CONIVRATIONIBVS.

NON negligendam hoc loco existimāui dis-
putationē de coniurationibus, quod ex res
sint magni admodū momenti, & periculose cū
priuatis, tum principibus viris, vsque adeo, vt per
hasce plures imperio vitæque spoliati fuerint,
quā aperto bello. Cuius rei ratio est, quod aper-
to Marte cum principe dimicare pauci possunt :
sed aduersus illum coniurare, quibuslibet licet.
Quod etsi ita sit, tamen nihil est in hoc vniuerso
mundo tam periculosum homini priuato, pernī-
ciosumque, quam si coniurationibus sese impli-
cuerit, atque miscuerit. Nam quocunque modo
illæ tractentur, tamen periculis vndique scātent
maximis: atq; hinc fit vt multę quidem fiant con-
iurationes, sed paucissimæ sortiuntur finem pro-
positum. Itaque de illis copiose disputare decre-

ui hoc loco, cum vt principes discāt cauere sibi ab earum periculis : tum vt priuati homines minus audaces sint, ad coniurationes attentandas, magisq; patiēter ferant seruitutis iugum, quodcunq; fortuna illis imposuerit. Verissimum enim est, quod inquit Cornelius Tacit⁹, res præteritas suspiciendas, & in honore habendas esse, præsentis ferendas, bonos principes expetēdos : sed eos qui iam imperant ferendos tolerandosque esse qualescunque fuerint. Qui secus faciunt, per se in causa sunt, cum sui tum patriæ interitus, atque ruinæ. Hanc igitur disputationem aggrediemur nunc : & primo aduertemus, quinam vel aduersus patriam, vel contra principem coniurare homines potissimum soleant : nosq; etiam de publico hoc genere potissimū disputabimus. Nam de iis coniurationibus, quibus vel vrbs aliqua obsessa hosti traditur, vel simile quippiam perpetratur, antea satis disputatū est. Quæ aduersus principem attentātur, variis de causis fieri solent, sed inter omnes alias maximum momentum habere solet populi odium, aduersus Principem conceptum. Nam quem populus vniuersus odit, eum necesse est multos læsisse, & multos habere, qui cum vehemēter offensi sint, de vindicta cogitēt : quorum cogitationes magis magisq; confirmantur, ex communi totius populi odio. Itaque ad euitanda hæc pericula, cauere sibi debēt principes à populi odio, & eius beneuolentiā sibi conciliare iis artibus, de quibus alibi disputatum à nobis est. Quod si à communi plebe diligantur, non facile quicquam patientur, si vel maxime aliquos offenderint. Neque enim homines tanti facere solent iniurias

iniurias priuatim acceptas, vt propterea se tantis periculis exponere vindictæ causa, aut velint, aut possint: & si maxime id attentare cuperent, tamē metuunt communem illam populi beneuolentiam erga principem, eaque in officio cōtinentur. Caterum quæ populo inferuntur iniuriæ à principibus, causæque sunt, vt illos odio prosequatur ea lædere solēt subditorum aut vitam aut honorem, aut opes. Et vitæ quidem lædendæ solæ minæ principum plus odii concitant, magisque periculosæ sunt quam si eorū executio institueretur. Nam qui è medio tolluntur vindicare iniuriam nequeunt: qui in viuis est, siquidem minatus illi princeps fuerit, necessitate ipsa cogitur, vel de inferenda vel de patienda iniuria cogitare: itaque principi suo fit maxime formidabilis. Secundum deinceps locum obtinent fortunæ & fama, quæ si lædantur, homines ad vindicandam vehementissime excitant. Itaq; abstinere decet principem ab hisce. Neque enim quemquam vsq; adeo nudare fortunis potest, quin illi cultellus ad vindicandum remaneat: nec quemquam potest tanto opere dehonestare, quin illi animum ad vindictam obstinatum relinquere cogatur. Existimant autem homines, tunc maxime læsam sibi esse famā à tyrannis, cum vel mulierum violatur pudicitia, vel ipsi aliquo vituperio afficiuntur, & contemnuntur. Hæc enim causa fuit, quæ Pausaniam aduersus Philippū Macedonię regem excitauit, & multos alios aduersus principes suos armauit. Ætate nostra coniurauit Iulius Bellantius, aduersus Pādolp̃um Senensium tyrannum, socerum suum, ob nullam aliam causam, quam quod filiā illum

spoliauisset, quam prius illi in matrimonium dedisset. Pazzii Florentię coniurarūt contra Mediceos, ob ademptam sibi Ioānis Bonerthomei hereditatem. Præter hæc causas, mouentur etiam nonnulli ad coniurandum contra principes, desiderio liberandæ patriæ, quæ per vim ab ipsis occupata sit. Quo quidem modo Brutus & Cassius ad Cæsarem percutiendum excitati fuere: & multi alii aduersus Phalarim, Dionysios, aliosque tyrannos commoti: nec vnquam tuti esse possunt tyranni, ab huiusmodi coniurationibus nisi renūcient tyrānnidi: quod cum pauci facere velint, plerisque etiam euenit tristis euentus, vt ex Iuuenalis sententia:

*Ad generū Cereris sine cade & sanguine pauci
Descendant reges & sicca morte tyranni.*

Sed qui coniurant, tamen ingentia pericula subeunt: quod & clandestina illa coniuratorum consilia, & eorum executio, & quæ post executionem sequuntur, vehementer formidolosa sint omnia. Quod si vnicus sit, qui tantum facinus patrare decreuerit: coniuratio dici non potest, sed firmā quædā est animi dispositio, & cogitatio, de Principe tollendo, solumque eius consilium periculo caret: quandiu enim nemini comunicatur, principi innotescere nequit, quod penes eum solum consistat, qui id perpetrare conatur: si ad executionem veniendum est, occurrunt eadem pericula quæ coniuratis. Possunt autem huiusmodi consilia cadere in quoscunque homines, nobiles, ignobiles, familiares principi, aut ignotos: quod nullus tam humilis sit, quin illi occasio dari queat aliqua, principem alloquendi:

Et

Et cui potestas fit loquendi cum principe, ei non deest occasio occulti odii ignes euomendi. Pausanias certe Philippum Macedonia Regem ad templum euntem, stipatum mille armatis satellitibus, medio loco inter filium & generum consistentem, necauit. Erat autem ille nobilis & familiaris Regi. Sed Hispanus quidam, infimæ & abiectissimæ sortis homo, ausus fuit Ferinando Hispaniæ Regi cultrum in collum defigere: quod vulnus etsi non fuerit profundum, neque mortale: tamen indicio esse potuit, ab huiusmodi infimæ sortis hominib. posse etiam facinora tanta patrari. Deruius etiam quidam Turcicus sacerdos, in Baifetum Imperatorem Turcicum, qui nunc viuit Imperatoris patrem, telum contorsit, quod etsi non ferit: ostendit tamen à tali quoque homine, posse tantum scelus tentari. Nec dubium est quin plurimi extent subinde, qui de tali vindicta aduersus tyrannos secum cogitent, eamque summopere cupiant: non ausi sunt tamen prodire, & exequi, quod volunt, nisi paucissimi: iidemque fere omnes à tali facinore petunt. Sed de hoc pertinaci vnius hominis consilio hæc sufficiant. Ad coniurationes iam veniemus: de quibus hoc primum pronuntiamus, quod illæ non nisi à magnis atque præpotentibus viris, quique principibus noti familiaresque sint, fieri soleant. Cæteri enim nil tale tentare aut possunt, aut audent, nisi plane amentes fuerint: quod omnibus rebus destituantur, quibus coniuratio ad propositum finem perducatur. Neque enim clientes habent, aut alios fidos amicos, quibus possint secreta communicare consilia; quod omnib.

spoliauisset, quam prius illi in matrimonium dedisset. Pazzii Florentię coniurarūt contra Mediceos, ob ademptam sibi Ioānis Bonerthomei hereditatem. Præter hæc causas, mouentur etiam nonnulli ad coniurandum contra principes, desiderio liberandæ patriæ, quæ per vim ab ipsis occupata sit. Quo quidem modo Brutus & Cassius ad Cæsarem percutiendum excitati fuere: & multi alii aduersus Phalarim, Dionysios, aliosque tyrannos commoti: nec vnquam tuti esse possunt tyranni, ab huiusmodi coniurationibus nisi renūcient tyrānnidi: quod cum pauci facere velint, plerisque etiam euenit tristis euentus, vt ex Iuuenalis sententia:

*Ad generū Cereris sine cade & sanguine pauci
Descendant reges & sicca morte tyranni.*

Sed qui coniurant, tamen ingentia pericula subeunt: quod & clandestina illa coniuratorum cōsilia, & eorum executio, & quæ post executionē sequuntur, vehementer formidolosa sint omnia. Quod si vnicus sit, qui tātum facinus patrare decreuerit: coniuratio dici non potest, sed firmā quædā est animi dispositio, & cogitatio, de Principe tollendo, solumque eius consilium periculo caret: quandiu enim nemini cōmunicatur, principi innotescere nequit, quod penes eum solum consistat, qui id perpetrare cōnatur: si ad executionem veniendum est, occurrunt eadem pericula quæ coniuratis. Possunt autem huiusmodi consilia cadere in quoscunque homines, nobiles, ignobiles, familiares principi, aut ignotos: quod nullus tam humilis sit, quin illi occasio dari queat aliqua, principem alloquendi:

Et

Et cui potestas fit loquendi cum principe, ei non deest occasio occulti odii ignes euocandi. Pausanias certe Philippum Macedonia Regem ad templum euntem, stipatum mille armatis satellitibus, medio loco inter filium & generum consistentem, necauit. Erat autem ille nobilis & familiaris Regi. Sed Hispanus quidam, infimæ & abiectissimæ sortis homo, ausus fuit Fernando Hispaniæ Regi cultrum in collum defigere: quod vulnus etsi non fuerit profundum, neque mortale: tamen indicio esse potuit, ab huiusmodi infimæ sortis hominib. posse etiam facinorata patrari. Deruisius etiam quidam Turcicus sacerdos, in Bailetum Imperatorem Turcicū, eius, qui nunc viuit Imperatoris patrem, telū contorsit, quod etsi non feriit: ostendit tamen à tali quoque homine, posse tantum scelus tentari. Nec dubium est quin plurimi extent subinde, qui de tali vindicta aduersus tyrannos secum cogitent, eamque summopere cupiant: non ausi sunt tamen prodire, & exequi, quod volunt, nisi paucissimi: iidemque fere omnes à tali facinore perferunt. Sed de hoc pertinaci vnius hominis consilio hæc sufficiant. Ad coniurationes iam veniemus: de quibus hoc primum pronuntiamus, quod illæ non nisi à magnis atque præpotentibus viris, quique principibus noti familiaresque sint, fieri soleant. Cæteri enim nil tale tentare aut possunt, aut audent, nisi plane amentes fuerint: quod omnibus rebus destituantur, quibus coniuratio ad propositum finem perducatur. Neque enim clientes habent, aut alios fidos amicos, quibus possint secreta communicare consilia; quod omnib.

rebus priuentur, quibus homines ad subeunda magna pericula incitantur : itaque quam primū pluribus communicatum fuerit illorum consiliū, deregitur coniuratio, & ipsi pœnas luere coguntur. Quod si quandoque etiam tam fortunati essent, vt secreta conseruare consilia possent : tamē cum ad patrandum facinus veniendum est, tantā experiuntur rei difficultatem, cum principem libere adire nequeant, vt ipsi stupefacti, inter agendum pereant. Quod si enim magni & præpotentes viri, quibus semper patet aditus ad principem, tanta rei difficultate tamen opprimuntur : non dubium est, quin eadem res, hominibus tenuioris fortunæ, infinitis modis magis ardua, difficilisque euadat. Itaque cum tantam rei difficultatem prospiciant homines idiotæ, abstinēt à tam periculosis facinoribus, contentique sunt interim maledictis, quæ in Principem subinde iactant, expectantes, vt alii potentiores tyrānidem vindicent. Quod si qui huiusmodi tenuiorum hominum, aliquando contra tyrannos coniurasse deprehenduntur : eorum studium & volūtas magis laudabilis est, quam prudentia. Plerunque igitur magni viri sunt, qui coniurationem aduersus principem tentant, & quidem ei familiares. Ex quibus permulti ad id faciendum, non minus beneficiis acceptis, quam iniuriis impelluntur : veluti Perennius aduersus Commodum : Plautianus contra Seuerum : & aduersus Tyberium Seianus. Nam hi omnes à suis Imperatoribus, ad tantas opes, honorumque gradus euecti erant, vt ipsis nihil deesse videretur, præter solos imperii fasces : quos vt etiam comparare possent, aduersus

luos

suos quique principes cōiurarunt: Sed habuit eorum omnium coniuratio exitum tanta ingratitude dignissimum: Patrum tamē nostrorum memoria, meliorem finem sortita est Petri Appiani, contra Petrum Gambacurtum, Pisānorū principem, coniuratio: à quo cum & educatus, & ad multos honores euectus esset, eū tamen postmodum imperio spoliavit. Secus accidit Cappolo, postquam aduersus Ferrandum Aragoniæ Regem coniurasset: nam cum eius quoque potentia iam tanta foret, vt nil illi præter regis nomen deesset: Id quoq; sibi comparare commotus, vitam cum omnibus fortunis amisit. Videbatur autem huic vel inprimis debuisse instituti sui ratio succedere, cum tanta existeret illius potētia, vt Regi prope modum æquaretur, ac proinde facile exequi posset, quicquid facere decreuisset. Sed cupiditas dominandi illos occēcat, non modo vt tanta facinora suscipere ausint, verum etiam, ne id quod semel facere decreuerunt, recte cauteque tractare possint: quod si ista scelera prudentia quadā tractare nouissent, non posset illis non euenire id, quod proposuerant. Itaque discere hinc debent principes, ad euitandas cōiurationes, eos vel maxime sibi metuendos, in quos plurima beneficia contulerunt: quod hi magis formidabiles sint, quam qui plurimis iniuriis affecti fuere. Nam voluntas in vtriusq; similis est, potentia in his, qui beneficia acceperūt, maior existit: maiorq; furor est in dominandi cupiditate, quam in vindicandē iniuriæ desiderio. Eo autem pertinebit, ne amicorum quemquam nimium extollant: sed curent, vt interuallum quoddā sit ab eo gradu, quem quisq;



tenet, vsq; ad summum imperium, ne si quid amplius appetant, ad imperium ipsum immediate aspirent. Sed ad institutum nunc redeundum est, & inquirendæ causæ variorum euētuum, qui huiusmodi præpotentibus viris fœlices infœlicesq; euenere, cū aduersus principes suos coniurassent. Et quia periculum impendet, cum in cōsultando, tum in exequendo, & post executionem: itaq; rarissime fit, vt omnia tria euitari queant, paucissimæque sunt coniurationes, quæ ad fœlicem exitum perducì queant. In capiendis consiliis de cōiuratione, summa & omnium maxima pericula existunt, quod ni caute prudenterque tractentur, facile detegantur: siue id fiat per coniecturas aliquas, aut indicio alicuius coniuratorum, qui vel perfidia, vel stultitia sua motus, consilia coniuratorum aperiat & prodat, vehementerq; metueda est hæc sociorum perfidia. Neque enim consilia communicare potes cum quoquam alio, quàm cum iis, qui vel tibi sunt fideles, taciturni, adeoq; prompti pro te mortem obire, vel certe qui principi vehementissime sint infensi. Tam fidos taciturnosque amicos paucissimos inuenies: nec potes consilium plus quam vni aut duobus communicare. Nam insignem oportet eorum erga te amorem esse, ne metu periculi deterreantur. Quibus accedit, quod persæpe errare liceat, vt existimemus nos ab amicis magis amari, quam reipsa amemur. Nunquam enim de illorum singulari amore erga te certus esse potes, nisi per experientiam, eademque in hisce quidem rebus periculosissima est. Quod si in aliis, q̃ leuiora sunt, cōprobetur per experientiam fides amicorum: nil prohibet,

hibet, quin in negotio longe difficiliore, deinde nos fallat. Quod si etiã expiscari velis cuiusquam erga principem odium: necesse est, vt simul illi tuum quoq; declares animũ: quo cognito, ille rationem habebit, vt principi reconcilietur, teque illi prodat; à qua re illũ nihil detinere potest, nisi forte ille aut principẽ vehemẽtissime oderit: aut te singulari amore prosequatur. Quo sane fit vt plurimæ statim à principio detegantur & opprimantur: & si quæ coniuratio multis communicata, diu recta, sopitaque conseruetur, miraculi loco habeatur: cuiusmodi fuit Pisonis cõtra Neronem, & cõiuratio Pazziorum aduersus Laurentium & Iulium Mediceos, in quarũ singulis cõiurati circiter quinquaginta fuere: nec patefacti sunt, donec ad ipsum factum & executionem consiliorũ peruentum est. Per imprudentiam deteguntur coniuratorum consilia etiam, si minus caute de hisce rebus loquantur, vt eorum vel serui vel clientes animaduertãt: Quemadmodum accidit filiis Brutĩ, qui in tractandis consiliis cum Tarquinii legatis, à seruo obseruati, delatiq; fuerunt. Idem euenire solet, si leuitatẽ sua coniuratorum quispiam vel mulieribus, vel adolescentibus communicauerit, quemadmodum fecit Dinus: qui postquam vna cum Philota aduersus Alexandrum Magnum coniurasset, Nicomacho puero, quẽ amabat, consiliũ aperuit: isq; Ciballino fratri, atque hic denique Regi idem detexit. Per coniecturas detegitur coniuratio eo modo quo patefacta est Pisoniana, contra Neronem suscepta. Sceninus enim coniuratorum vnus pridie eius diei, quo Neronẽ interficere debebat, testamentum fecit: per Mili-

chium libertum exacuere curauit antiquū quendam pugionem: seruos omnes in libertatem asseruit, pecuniaque donauit: & fascias deniq; ad deliganda vulnera, præparauit: quibus coniecturis Milichius rem animaduertens, dominum accusauit. Itaque comprehensus Sceninus, & Natalis, vnus itidem ex coniuratis vna cum illo (quod præcedenti die, loco ab arbitris remoto, hos simul longum sermonem habuisse compertum foret) cum non in mentem venisset ipsis colloquium, quod suspicionis causam præbuerat, aperte confiteri consilia coniurationis coacti sunt, cum omnium coniuratorum exitio. Sed neque plane fieri potest, vt ab omnibus coniecturis caueamus, & vt signa illa omnia celentur, quæ vel imprudentia, vel malitia aliqua interueniente, suspicionem parere possunt, si modo coniuratorum numerus quaternarium superarit. Quod si deinde ex coniuratis capti sint plures, quam vnicus, necesse est eam patefieri, cū seorsim interrogati, nequeant ad eundem modum fingere omnes. Vnicus si forte capiatur, atque is vir fortis, ac constans fuerit, celare vtique potest consilia: dummodo reliqui coniurati metu periculi non percellantur, aut fugiant. Nam siue is, qui captiuis detinetur, siue ii qui liberi sunt, iudicium aliquod præbuerint, actum est de omnibus consiliis. Memorabile admodum est exemplum, Coniurationis in Hieronymum Syracusanorum Regem factæ, ex cuius coniuratis, cum Theodorus captus esset, & torturæ subiectus, de seipso falsus est, conscios celauit: & cum demum intolerandis patientiæ humanæ cruciatibus laceraretur, victum se simulans, auertit à consciis in insontes iudicium

dicium & Regis amicos accusauit. Sed neque cō-
fectorum quisquam quamdiu socius consilii tor-
queretur, aut latuit aut fugit: tantum illis in vir-
tute, ac fide Theodori fiducia fuit, tantumque i-
psi virium ad arcana occultanda. Tanta sunt igitur
in tractandis huiusmodi consiliis pericula: an-
tequam ad factum perueniatur: ad quæ euitanda
tria in vniuersum remedia extant. Primum, idem-
que etiam optimum est, ne spacium concedas cō-
iuratis, quo vel se mutuo indicare, & aliis consilia
communicare queant: sed tunc primum illos tibi
socios adiungas, cum facinus patrandum fuerit.
Quam rationem quicumque obseruarunt, euita-
runt prima pericula, quæ in tractandis cōsiliis ca-
dunt, omnia, & ex aliis quoque permulta: vt plo-
raque tales coniurationes ad fœlicem finem per-
ductæ sint. Exempla duo adducam, Nelematus,
cum tyrannidem Aristotimi, Epirotarum Regis
ferre non posset, cōuocauit in domum suam cog-
natos, amicosque multos, eosque hortatus est, vt
vna secum tyrannum adirent, eumque necarent,
ac patriam liberarent. Sed cum nonnulli eorum
tempus peterent deliberandi, seque præparandi;
Nelematus clausis foribus, ne quisquam discede-
ret, omnibus indicauit, fore vt quicumque non
iureiurando promitterent, se iam iam secū ituros
ad tyrannū occidendū, Aristotimo captiui traderē-
tur. Quo metu permoti omnes sine mora profe-
cti sunt, & Nelemati mandata fœlici successū ex-
pediuerūt. Cum Magus ille per dolum regnū
Persarum occupasset, eaque res Orthani, vni ex
principibus regni innotuisset: conuocauit ille sex
alios principes, & consilio habito de modo, quo

regnum è Magi tyrannide eripiendum foret: cum deliberandi spatium aliqui peterent, Darius vnus è sex, quos Orthanes conuocauerat, assurgens, aut omnes, inquit, iam iam vna mecum ad necandum tyrannum venietis, aut ego tyranno vos captiuos tradam. Itaque profecti vna omnes, rem vti proposuerant, perfecerunt. Similis prope fuit modus quem Ætoli obseruarunt ad Nabidem Spartanorum tyrannum enecandum. Nam misere illi veluti præfidi loco, Alexamenum cum triginta equitibus, & mille peditibus: eiq; soli in mandatis dedere vt ex occasione tyrannum opprimeret: cæteris vnicui sub pœna exilii iniunxerunt; vt Alexameno parerent in omnibus. Is igitur cum Spartam peruenisset, nec cuiquam consilium aperuisset, antequam se occasio offerret rei bene gerendæ: tyrannum commodè oppressit. Hoc modo euitarunt isti prima coniurationum pericula, & ne consilia eorum aperirentur, effecerunt: hoc quicumq; imitari poterit, eadem euitabit. Pisoni certe, cuius ante fecimus mentionem, facile fuisset hos imitari. Nam erat ille vir magnæ apud Neronem autoritatis, & Nero sæpe ad illum in hortum veniebat, & cibum capiebat. Licebat igitur illi, pro ea, qua pollebat, autoritate, viros fortes audacesque sibi conciliare, & cum præsens occasio esset, eos verbis ad patrandum facinus adhortari, nec spatium cuiquam concedere, vel deliberandi, vel pœnitendi. Quod certe si fecisset, non potuisset non obtinere id, quod proposuerat. Idemq; multis aliis contigisset, si hos imitari voluissent, aut sciuissent: sed hæc est in rebus humanis calamitas, vt cum alias simus imprudētes, & imperiti rerum
huma-

humanarū: in hisce arduis & extraordinariis negotiis plane cæcutiam⁹. Taciturnitate igitur opus est, nec cuiquam vnquam communicanda cōsilia nisi vrgēte necessitate, & cum negotium iam patrandum fuerit. At si cuiquam impertienda necessario fuerint, vnico tantum indicentur, de cuius fide per longā experientiam certus esse queas, aut quem cognoueris iisdē causis permoueri, atque tu. Facilius enim vnum quempiam inuenire poteris talem, quam multos: minusque periculi in appellando vno, quā multis. His accedit, quod etsi vnicus ille fallere te cupiat, non deest remedium defensionis tuæ, contra quam accidat tunc, cum coniurati plures fuerint. Nam vt sapienter quidam olim dicebat: cum vnico tuto communicari omnia possunt, quod etsi te fallere cupiat: tantum tamen valebit, si tu factum negabis, quam si ille affirmet: nisi forte vsque adeo incautus fueris, vt propria manu tale quippiam scripto comprehendas. A qua vtique re, vnice cauere debes, quod nihil sit, quo tam facile conuincaris: atque propria scriptura. Plautianus cum Seuerum Imperatorē, & Antoninum eius filium tollere vellet, dedit id mandatum Saturnino, tribuno militum. Sed ille cum accusare mallet eum, quam dicto obediens esse: petiit sibi id mandatum in scriptis dari. Plautianus ambitione ipsa occæcatus, mandatum propria manu scripsit: itaq; à Tribuno indicatus, & propria manu cōuictus est: quod si id non scripsisset, euadere vtique potuisset; vsq; adeo constanter negabat: vt hinc manifeste discere liceat, consilia cum vnico communicata aliqua ratione celari, negariq; posse. Erat in con-

iuratione Pisoniana, Epicaria mulier, Neronis olim amica, consiliorum omnium particeps : quæ cum ex usu esse, coniuratorum numero adiciere quendam triremium præfectum, putaret : appellavit eum, coniurationem aperuit : sed coniuratos celavit. Itaque cum perfidus ille eam fefellisset, ac Neroni indicasset : tam constanter negavit scœmina, ut Imperator stupefactus eam dimiserit. Quæ cum ita se habeant, tantummodo hæc pericula impendent ei, qui cōsilia vni soli impertit, ne vel te ipse accuset, probareque possit factum : vel coactus indicet, si forte ob indicium aliquod ipse capiatur, & torturæ subiiciatur. Estque remedium aliquod aduersus vtrumque : quod id malevolentia, atque odio permotus fecerit : vel certe cruciatibus impulsus, ut falsa fateretur. Itaque summæ prudentiæ fuerit, consilia nemini communicare, donec ad factum ipsum veniendum sit : & imitari exempla quæ iam ante proposuimus. Aut si omnino communicanda sint, ne plusquam vni soli impertias : qua in re, etsi periculum non desit : longe pauciora tamē sunt, quam si negotium cōmunicetur pluribus. Proximum ac simile præcedentibus exemplis est : si quando tyranni violentia te cogit, ut tu illi id inferas, quod ipse alioquin tibi illaturus fuerat : nec vllum detur vel spatium, vel occasio, qua vtrumque hoc euitare possis. Nā hæc necessitas plerunque bonum finem sortitur : ut iam exemplis manifestum euadet. Commodus Imperator Prætorianis militibus Latū Electumque duces præfecerat, quibus familiarissime utebatur : & Martiam concubinam præ cæteris diligebat. Sed quia iūdem hi vitæ suæ turpitudinem

quando-

quandoque reprehēdebant: decreuit eos omnes,
& alios quosdam vna cum illis ē medio tollere,
quos omnes eo ordine in schedula descriptos ha-
bebat. Quam schedulam cum puluinari subiecif-
set, eamq; puer, illi familiaris, in cubili ludēs, ma-
ne inuenisset: & ex cubili egressus, Martiæ, quæ
obuiam forte occurrebat, tradidisset; Accidit, vt
illa vna cum Lætō atq; Electo; cognito inde, quod
omnibus imminebat, periculo, sequenti noctē
Commodum oppresserit. Antoninus Caracalla
etiam, cum in Mesopotamia cum exercitu esset,
& Macrinum copiarum suarum ductorem secum
haberet, hominem politicum magis, quam mili-
tarē: accidit illi, quod cēteris quoque tyrannis e-
uenire solet, vt metueret, ne, quod maxime me-
rebat, aliquis imperium inuideret, aut insidias
strueret. Itaque datis ad Maternianum, amicum
suum, literis, rogauit eum, vt Romæ ab Astrolo-
gis expiscaretur, num quis eo tempore esset, qui
ad imperium aspiraret, idque ad illum perscribe-
ret. Maternianus igitur rescripsit, Macrinū illum
esse, qui eo tēpore aspiraret ad imperium. Ex li-
teræ, cum prius ad Macrini, quā Imperatoris ma-
nus peruenissent, certiorē eum de periculo, quod
imminebat, fecerunt: itaque cum aut moriendū
sibi cerneret, aut occidendum Antonium, ante-
quam aliæ literæ Roma afferrētur: Martiali ami-
co certo cuius fratrem ante paucos dies Impera-
tor necauerat, negotium demandauit, qui illum
ē medio commodissime sustulit. Est enim hæc ne-
cessitas, quæ nullam moram patitur, similis Nele-
mati consilio de quo ante fecimus mentionem.
Sed interim obseruatione dignum est, per eadem

hæc exempla, manifeste cōprobari id, quod principio huius disputationis monuimus, minas plus nocere principibus, & vehementiores excitare coniurationes contra ipsos, quam iniuriæ ipsæ, vt semper cauendum ab iis sit. Homines enim beneuolentia continendi sunt in officio: Quæ si nō proffit, ita puniendi sunt, ne amplius nocere queant: nunquam autem eo adducendi, vt videant vel sibi pereundum esse, vel alium tollendum. In exequendis consiliis coniurationis, impendent pericula ex hisce maxime causis: si vel ordo, vel methodus agendi immutanda sit in ipso actu, ex aliqua occasione: vel si percussoribus animus desit: vel si iidem per imprudentiam errent: aut si non omnes interimantur, qui necandi fuerant. Nam primum quidem quod attinet, existimare debemus nihil plane esse, ex quo humanæ actiones tantopere impediuntur, quàm ex subita mutatione ordinis, ac methodi quæ ad agendū iam dudum concepta animo, atq; constituta fuerat. Et si vsquam nocet, in rebus certe bellicis, quæq; iis similes sunt, perniciosissima est. Nam ad patrandum tale quoddam facinus, nihil magis necessarium existit, quam vt coniuratorum singuli, iam ante longo tempore de suo officio cogitent, vt quisque sciat, quid, quo loco, quo tempore, & ex qua occasione agendum. Quo fit vt postquam in certum quendam modum agendi oculos diu intentos habuerint: atque is subito mutandus sit: consilia omnia periclitentur ac perturbentur. Itaque etsi occasio requirere videtur aliquam ordinis mutationem: longe tamen melius est, facinus secundum præscriptam prius methodū perpetrare,

petrare, quam ordinis subita mutatione, tot pericula subire. Quod si tempus suppetat, mutari & ordinari omnia possunt: sed mutationes subitæ vehementer periculosa sunt. Exemplum notum est ex coniuratione Pazziorum contra Laurentium & Iulianum Mediceos: in qua hæc erat à coniuratis præscripta methodus agendi, ut Cardinalem S. Georgii prandio exciperent, & in eo conuiuio necarent, quos vellent: erantq; iam distributa coniuratorum officia, & constitutum qui percussores esse deberet: qui occupare palatium: & qui excurrere per urbem, ad populum conuocandum, & publicam libertatem denuntiandam. Sed cum instaret tempus patrando facinoris, ac coniurati in summo templo forte sacris interessent, una cum Mediceis Florentiæ: compertum est, Iulianum non solitum prandere: qua re cognita coniurati subito conuenerunt, & quod prius constituerant domi inter prandendum facere: id in templo patrandum censuerunt: quæ res vniuersam methodum perturbauit. Nam Ioannis Baptistæ de sicco monte, in templo cædis particeps esse noluit: itaque alium illi surrogare, & singulis officiis novos ministros aptare & quætere oportuit: qui in agendo tantopere errarunt, ut coniurati in ipso actu oppressi fuerint. Percussoribus deest animus, quandoque ob maiestatem vultus eius, qui necari debebat: quandoque ob timiditatem, percussori insitam. Nam tanta solet esse maiestas, ac gravitas vultus, in quibusdam principibus, ut percussorem vel metu subito terreat, vel alioquin eius animum humanitate aliqua à tanto facinore auertant. C. Mario, cum à

Minturnensibus captus teneretur, immissus ser-
uus, qui illum necaret: tanta vultus maiestate, &
nominis recordatione perterritus fuit, vt vires ad
percutiendum deessent. Itaque si tantum potuit
autoritas, & grauitas vultus hominis captiui, &
tanta fortunæ aduersitate vexati, quid sentire de-
bemus de maiestate liberi principis, qui magnifi-
co illo cum apparatu, multis satellitibus comita-
tus ingrediatur: Potest profecto hæc vel audacis-
simum quemque terrere, & crudelissimum mise-
ricordiæ permouere. Fuere quidam, qui aduersus
Sitalcem Thraciæ Regem coniurarunt, ac cum si-
mul essent iam omnes in eum finem congregati,
vt illum necarent: nullus quicquam in regem tē-
rare ausus est: sed cū se mutuo tantū intuerentur,
Regēq; aspicerent, re infecta discesserūt; nec cau-
sam intelligebant, cur nihil facere potuisset: pate-
facta itaque coniuratione, pœnas soluerunt pro
illo scelere, quod, cū decreuissent, patrare nolue-
rant. Aduersus Alfonsum quoque Ferrariæ ducē,
coniurauerant bini ipsius fratres, & utebantur o-
pera Ioannis presbyteri musici eius: qui etsi Du-
cem, vt postulauerāt, sæpe ad ipsos deduceret; am-
plaque illis potestas sæpe foret illum enecandi: nō
ausus est tamen eorum quisquam id perpetrare:
ex qua re factum, vt aperto tandem eorum consi-
lia meritis pœnas malitiæ, stultitiæque suæ solue-
rint. Neque vero alia de causa iis hoc accidit, quā
q̃ vel perterrefacti principis maiestate, vel illius
aliqua humanitate ad misericordiam cōmoti fue-
rint: videntur errores hi dependere, vel ex timidi-
tate, vel imprudentia, ac stupore quodam quibus
perturbati Coniuratorum animi, aliud quiddam
faciunt,

faciunt, ac dicunt, quam debebant, atque volebāt. Hunc stuporem descripsit Liuius in Alexameno, cuius ante fecimus mentionē. Nam cum occasio venisset patrandi aduersus Nabidē facinoris, consiliumque suis iam communicasset, tunc ut Liuius ait, colligit & ipse animum, confusum tantæ cogitatione rei. Solent enim etiā viri fortes, quique arma tractare consueuerint, in tam arduis crudelibusque negotiis perturbari: quo fit ut percutiendi partes, non nisi audacissimo cuique, & cuius animi crudelitas per experientiam comperita sit, demandari debeant. Nam tantā vis est illius animi perturbationis, ut vel arma ex manibus excutere tibi queat, vel verba quædā proferre, quibus totum negotium prodatur, & opprimatur. Lucilla, Commodi soror Quintiano provinciam interficiendi eius demandauerat. Is igitur Commodum expectauit præ foribus Amphitheatri, atque hic cum stricto pugione obuiā factus: hunc, inquit, tibi Senatus mittit. Sed hoc elocutus, comprehensus fuit priusquā pugione vuln⁹ inferre posset. Antoninus Volaterranus, cui in Pazziorum coniuratione datæ partes erant necandi Laurentii Medicei, cum illum inualurus esset, proditorē magno cum clamore cum nominauit: quæ vox emissā Laurentio salutis causa extitit, coniuratis vero perniciiei. Sed neque perfecte exequi licet consilia coniurationis, quotiescunque in plures, quam in vnum coniuratur: quod propemodum fieri nequit, ut vno eodemque tempore in diuersis locis, idem facinus perpetretur: diuersa vero tempora expectari non possint, cum facinus vno loco patratum, alterum facile impedire queat.

O

Quod si igitur contra vnum principem facta coniuratio, res dubia est, periculosa & stulta: quæ aduersus duos fit, plane temeraria existit. Et nisi Herodiani autoritas mihi persuaderet, nunquam crederem quod ille narrat de Plautiano: videlicet, mādasse eum Saturnio Tribuno prouinciam necādi & Seuerum & Antoninum, diuersis locis habitantes: quod hæc res rationi plane aduersetur. Iuuenes quidam Athenienses coniurauerant aduersus Dioclem & Hippiam eorum tyrānos: cum ad factum ventum est, Dioclem interfecerūt. Sed Hippia pœnas luerunt suæ temeritatis. Chion & Leonides Heraclienses, Platonis discipuli coniurarunt contra Clearchum & Satyrum tyrannos: Clearchum occiderunt, sed ab altero puniti fuerē. Pazziis quoque non successit coniuratio cum Iulianum tantum sustulissent: Laurentius periculo se eripuisse. Itaq; ab huiusmodi coniurationibus vehemēter abhorreere debent omnes boni: quod iis neq; patriæ, neq; sibi quicquā prosint, sed plurimum noceant. Nam qui periculum effugiunt tyranni, postea longē crudeliōres fiunt: vt satis apparet vel ex iis exemplis, quæ iam adduximus, coniurationum Florentiæ, Athenis, atque Heraclæ factarum. Itaque admirabilis magis videri debet Pelopidæ coniuratio, contra patriæ suæ tyrannos, quod illi non vnus, sed decem occidendi essent: præterea cum esset exul, difficillimus illi patebat ad tyrannos aditus. Sed ille tamen superatis omnibus hisce difficultatibus, & Thebas venit, & tyrannos necauit, & patriam liberauit; Cutionis videlicet cuiusdam opera vsus, qui tyrannis familiaris consiliarius erat. Sed est hoc exemplum

nemi-

nemini imitandum, quod pro miraculi loco celebretur, ob superatas tantas difficultates. Accedit hisce, quod impediri etiam potest executio eorū, quæ in coniuratione decreta sunt, casu aliquo, ac fortuita quāpiam suspicione: cuius generis illud fuit quod Brutum sociosque commouit eo die, quo in Senatu Cæsarem necare decreuerant. Nā cum Cæsar in Senatum iturus incidisset in Cn. Popiliū coniurationis consciū, & cum eo longo tempore collocutus fuisset: metuebant cæteri coniurati, qui id obseruassent, ne forte Popilius Cæsari rem aperiret. Itaque in eam sententiam adducebantur, vt eo ipso loco impetum in eum facerent: id quæ omnino facturi erant, nisi colloquendi finem fecissent, & discedentes à se mutuo, nullum periculi signum ostendissent. Plurimum autem possunt huiusmodi suspensiones: itaque habenda utique fuerit earum ratio, tãto accuratius, quanto facilius est suspicari iis hominibus, qui conscii sibi sunt suorum scelerum. Nam qui tales sunt, quoscunq; vident colloqui, de sese loqui putant: potestque facile euenire, vt vox aliqua in alium finem emissa, ipsis suspensionem moueat, tãquam si de aliquo coniurationis negotio pronūtiata foret. Ex qua re, vel per fugam consilia parafacias: vel maturando executionem, in aliud ali-quod absurdū incidas, præsertim cum plures fuerint coniurationis conscii. Casus etiam fortuiti considerandi sunt, quod ii persæpe actiones coniuratorum impédiant. de quibus etsi nil certi docere queas: propositis tamen exemplis documentum quoddam, atque cautelam præbere possumus. Iulius Bellantius Senensis, vt supra memi-

nimus, Pandolphum socerum interficere decreuerat: quod filiam, quam ei matrimonio iunxerat, ademisset. Ad id autem peragendum, hanc sibi methodum præscripserat: vt quia Pandolphus singulis dieb. visitâdi amici cuiusdâ qui egrotabat, causâ domû Iulii præteriret: cõiurati intra portam domus, eû armati expectarêt, & in superiori aditâ parte quendâ cõstituerât q p fenestrâ obseruaret Pádolphi aduētû, vt cû portę appropinquaret, signoid ceteris significaret. Sed cû Pádolph⁹ iâ veniret, & signû coniuratis daretur ab illo, qui p fenestrâ obseruabat aduentû eius, forte accidit, vt antequâ ad portam Iulii peruenisset, amicus quidam obuiam factus eum salutando aliquantum detineret. Itaque egressi cum impetu coniurati, antequam peruenisset ad portam: coniurationē armorum stæpitu prodiderunt: ex quo accidit, vt Pandolphus periculum euitare potuëtit, coniurati vero fuga exilioque sibi salutem quærere cogerentur. Hoc igitur solo casu fortuito impedita, atque irrita facta sunt omnia Iulii consilia, & Pádolpho salus quæsitâ. Superfunt ea pericula nûc, quæ post patratum facinus consequuntur: quæ ex eo solum dependent, ne relinquantur qui necatum principem vlciscantur, & facinus coniuratorum puniant. Huiusmodi esse solêt vel fratres, vel filii aut alii consanguinei, ad quos ptincipatus hæreditario iure aliquando peruenire queat, siue illi coniuratorum negligētia, siue alio aliquo casu pericula euadant, ac superstites maneat, vt de coniuratis pœnas sumant. Quemadmodum accidisse nouimus Ioanni Andreæ Lampognano, qui vna cum aliis quibusdam coniuratis, Mediolani du-

ni du-

ni ducem sustulerat : sed cum superessent bini eius fratres & filius vnus, non defuit vindicta suo tempore. Sed neque possunt coniurati providere omnibus casibus, quibus aliqui alii conseruantur. Nam si per negligentiam tales quosdam in viuis relinquerent : vehementer errarent, ac omni vituperio digni essent. Fuere quidam in foro Liuiο coniurati, qui Girolamum comitem, propriū dominum sustulerunt : Catharinam coniugem cum liberis infantibus in vincula coniecerunt. Sed cum arcem, sine qua tutos se esse non putabant, occupare etiam conarentur : neque præfectus illam tradere vellet : persuasit illis Catharina ex vinculis, vt retētis liberis pro oblidibus ipsam in arcem intro mitterent : ita enim effecturam vt arx ipsis traderetur. Sed cum in arcem ingressa fuisset, mariti cædem illis exprobrauit minataque est coniuratis seueram vindictam : ac ne metu liberorum amittendorum putarent absterritam iri à vindicando : membra genitalia illis per fenestram ostendit, asserens sibi modum esse adhuc alios liberos procreandi, si forte impias manus ab illis non abstinerent. Cōiurati igitur tarde nimium suæ imprudentiæ moniti, perpetuo exilio sibi met pœnas temeritatis suæ iniunxerūt. Sed maximum vindictæ periculum tunc impendit coniuratis, cum populus principem amat, in cuius caput facta est coniuratio. Tunc enim vindictam euitare nunquam possunt. Exemplo esse potest C. Cæsaris cædes. Nam cum is populum Romanum beneuolum habuisset, vindicata ab illo est cædes Cæsaris, & percussores omnes vrbe pulsi, & diuersis in locis necati. Quæ vero aduersus patriam fi-

unt coniurationes : auctoribus suis longe minus periculosa sunt, quam quæ aduersus Principes tyrannosque tentantur. Nam in tractandis eorum consiliis parum periculi est : in iis exequendis tantum, quantum in iis quæ fiunt contra principes: post patratum facinus, nullus amplius superesse potest metus. Parum periculi est in consultando, quod ciuis vires suas sensim augere, & copias cõparare, sine suspitione queat, sensimque se præparare ad facinus ipsum perpetrandum, absque impedimentis. Quod si aliquando lex aliqua ob aliam causam lata, impedimento sit tuis conatibus: differri illi in aliud tempus possunt, donec commodior occasio detur. Sed hæc omnia intelligere debemus, ita fieri posse in iis solum Rebus publicis quibus serpere iam cœpit corruptela morum. Nam in quibus incorrupti adhuc sunt mores hominum: verisimile est, nullum ciuem huiusmodi consilia tractaturum. In corrupta autem Repub. multæ patent viæ, & rationes ad principatum absque ullo singulari periculo ascendendi: quod magistratus tarde moueatur ad restringenda huiusmodi incendia, & longe cauti sunt quam principes. Reuereri etiam solent suos ciues potētiores: ex qua illis deinde audacia maior accrescit. Nota omnibus est Catilinaria coniuratio, à C. Salustio descripta : sed eadem iam detecta iam erat, cum Catilina nō modo in vrbe tutum se esse putabat, sed in Senatum venire, & patribus cõsuliq; maledicere audebat: tantum scilicet solebat ea Respublica ciues suos reuereri. Quin etiam tunc, cū vrbe excessisset Catilina, & esset in exercitu, nequaquam capti fuissent Lætulus, cæterique coniurati,

iurati, ni literis, eorum propriis manibus scriptis, conuicti fuissent. Hanno potentissimus Carthaginensium Reipub. ciuis, aspirabat ad tyrānidem, cuius assequendæ caus̃sa, decreuerat in nuptiis filia Senatū vniuersum veneno tollere. Ea re cognita, Senatus nō aliter prospexit huic malo, quā quod lata lege, nuptiarū sumptibus modum posuit talem, ex quo eius conatus impediretur: tanti hunc suum ciuem faciebant. In exequēdis contra patriam coniurationis cōsiliis, magna difficultas, magnumq; periculum est. Nam raro accidit, vt vnicus ciuis tanta potētia sit, quæ patriam subiugare queat: cum hic aduersus multos oporteat, neque etiam sæpe accidit, quod contigit C. Cæsari, Agathocli & Cleomeni, vt in promptu habeas instructissimum exercitum ad patriam subito occupandam, sed cum vires coniuratis desunt, tunc arte aliqua & dolo tentant, aut exterorum implorant auxilium. Dolo artificiali vsus est Pisistratus. Nam cum victis Megarensibus magnam sibi apud plebem beneuolentiam comparasset: prodiit domo sua, quodā die mane, in publicum vulneratus & coram populo questus est de iniuriis, quas ab optimatibus accepisset petiitque vt liceret ad custodiam corporis sui armatos aliquos secum habere: ex qua re concessa per imprudentiam: paulatim summum imperium per tyrannidem occupauit. Pandolpho Potruccio, cum ex militia Senas cum aliis quibusdam rediisset, senatus custodiam fori demandauit, remq; tunc contemptus esset: sed ille, opera suorum satellitum, tantam sibi conciliauit auctoritatem, vt principatum vr̃bis, breui tempore occupauerit. Alii alie

quodam modo, ac diligenti industria idem præstiterunt, sine vllō tumultu, sed qui per vim, aut auxilia peregrina patriam occupare conati sunt, varios habuerunt euentus, prout illis fortuna magis aut minus aspirauit. Catilina certe occubuit. Hāno, de quo sumus locuti paulo ante cum propinandi veneni occasio illi erepta esset, multos clientes aliosque suæ factionis homines armauit, & cum iis omnibus oppressus est. Thebani quidam ciues, cum aduersus patriam coniurassent, aduocato in auxilium Spartanorū exercitu, voti compotes facti sunt, & patrię imperium occuparunt. Omnesq; adeo coniurationes contra patriam factæ aut successerunt suis autoribus, aut in ipso facto oppressæ sunt: dum tractabantur eorum consilia, nil senserunt periculi. Postquam patratum facinus fuerit, & coniurati voti compotes facti: non est aliud periculum metuendū vllum, quam ea ipsa, quæ cum tyrānide coniuncta alioquin esse solent: de quibus euitandis iam ante à nobis disputatum est. Hæc sunt quæ de iis coniurationibus docendum putavi, quæ ferro ad propositum finem tendunt: de iis qui veneno vruntur, nil dixi, quod iisdem principiis innitātur, eademque methodo progrediantur. Magis vero etiam periculosa esse solent coniurationes, quæ vruntur veneno, magisque de suo exitu incertæ, cum ob eam causam quod communicare necesse sit consilium cum iis qui veneni naturam nouerunt, quique eius propinandi commoditatem habent, tum quod multis de causis fieri queat, vt venenū sumptum tamen non enecet. Tale fuit poculum, Commodō Imperatori propinatum. Nam cum

id

id vomitu eiecisset, necesse fuit coniuratis, si sublatum illum vellent, ut illum laqueo interficeret. Principes certe viti, summam pestem existimare debent coniurationes, & ab illis summo opere cauere. Nam cum semel in principem coniuratum fuerit: aut ipsi pereundum est, aut alias cum quadam infamia viuendum. Si enim res coniuratis ex animi sententia succedat, interficitur princeps: sin detegatur coniuratio, & supplicium de coniuratis sumatur: tunc cadit princeps in crudelitatis suspicionem, & putatur sauitia sua, aut auaritia, in inlontes sauiisse, non meritis poenas de malignis, ac perfidis hominibus sumpsisse. Monendos autem censeo omnes principes ac Respublicas: ut si quando aduersus illos cōiuratum fuerit: diligenter expendant coniuratorum vires, antequam ad illos puniēdos accedant. Nam si magnas illas esse compertum fuerit, nihil aperte aduersus illas tentandum, sed dissimulanda omnia, donec auxilia compararint, ad extinguendum hunc ignem sufficientia. Quod si aliter fecerint, exitium suum accelerabunt. Nam cōiurati, cum detecta esse vident consilia sua, metu periculi, extrema quæque tentare solent. Exemplum igitur licebit imitari populi Romani. Nam, cum is aliquando binas legiones Capuæ in hybernis reliquisset, ut præsidio essent cōtra Samnites, atq; eorū duces contra Campanos coniurassent: populus Romanus recognita, & Rutilio consuli demandata, euulgauit fore, ut iidem milites sequenti quoque anno isthic hybernaturi essent. Coniurati igitur se spatium nactos putabant, cōsiliū, quando vellent, exequendi, atque ita sedata quieuit in præsentia

seditio, donec Consuli spatium daretur, coniuratorum præcipuos quosque, tanquam id ob alias causas fieret, à cætera turba separandi, atq; ita cōiuratorum robur minuēdi, vt cum postea exequi decreuissent instituti sui rationem, vires non haberet. Singulare profecto exēplum omnibus ad cognoscendū, quam lente progredi soleāt res humanæ, quando nullum in mora periculum videtur: & è contra quam festinare soleamus, cum in eadem mora multum periculi esse existimamus.

• Hæc igitur prudentissima ratio fuerit, coniuratos suspendendi, vt consilii executionem in alia tempora differant, tibi que spatium ad occurrendum concedant: siquidem illis fucatam quādam occasionem obiciās, qua alio tempore commodius, quam nunc, voti compotes fieri posse videantur.

Qui aliter coniurationibus sese opposuerint, interitum perniciemque suam accelerabunt: perinde vt accidisse nouimus Duci Athenæo, & Guilielmo Pazzino: quorū ille, cum aduersus se factam coniurationem intellexisset, re non aliter considerata, ex coniuratis vnum cœpit: ceteri cognito, quod ipsis immineret, periculo, sumptis armis, comitem imperio spoliarunt. Guilielmus aut Chianæ vallis præfectus, anno Domini 1501. cognouit Aretii coniurationem factam, vt ea vrbs, Florentinis erepta, Vitelliis traderetur. Itaque Aretium ingressus, de coniuratorum viribus prius nihil cogitauit, sed coniuratorum vnum in vincula coniecit, consilio vsus Episcopi, filii sui: qua re permoti cæteri coniurati, sumptis armis urbem occuparunt, & Guilielmum præfectum in vincula coniecerunt. Cum infirmæ ac debiles fuerint cō-

iuratores

juratorum vires, optimum est illas quam primum opprimere: neque imitanda sunt exempla vel Athenesi ducis, vel Dionis Syracusani: quorum ille ciuem quendam à quo coniuratio patefacta fuerat, interficiendum curauit, vt cæteri putarēt eum nihil suspicari, ac proinde beneuoli illi fierent: Dion autem, de quorundam erga se animo, & voluntate dubitans, Calippo, cui plurimum confidebat, in mandatis dedit, vt simularet se coniurationem esse facturum contra sese ac videret, quos in eam sententiam pertrahere posset. Vterq; autem horum vehementer errauit. Nam primus effecit, ne quisquam coniuratos accusare auderet: atque illi proinde ad coniurandum audaciores essent. Alter viam coniuratis ostendit, qua interficeretur. Nam Calippus eam nactus occasionem, absque vlla suspitione Dionem imperio, simul & vita spoliauit.

SCIPIONIS AMMIRATI
NEAPOLITANI

Magn. Etrur. Duc. à Consiliis

Ex Libro XIX. Discursuum Italice in
Corn. Tacitum scriptorum

DISPUTATIO X.

*Rarissime, imo fere nunquam se excusare
posse eos, qui coniurant aduersus
suum Principem.*

EX ore eius qui mentiri nequit, missa est illa sententia: Necessario euenire scandala, sed in

felices esse illos, per quos ea euenerint. Equidem haud scio, an identidem dicere liceat nobis reperiri Principes sceleratos, etiam puniri atque exterminari necesse esse: verum infelicissimos esse illos, qui virum Principem è medio tollunt. Id voluit Tacitus cum dixit: Haud dubie intererat Vitellium vinci: sed imputare perfidiam non possunt, qui Vitellium Vespasiano prodidère, cum à Galba descuiissent. Inter multas rationes quæ hæc de re in mediū proferri possunt, princeps est hæc: Quod fortassis nunquam, vel certe rarissime cōiuratio facta est aduersus Principem vlla, solo libertatis amore. Vnde haud inscite dictum est: Frustra obtentui sumi libertatis titulū ab iis, qui priuatim degeneres, in publicum exitiosi nihil spei nisi per discordias habent. Et alibi: Libertas & speciosa nomina prætexuntur: nec quisquam alienum seruitium & dominationem sibi conquisiuit, vt non eadem ista vocabula vsurparet. Ideoque & illud optime dictum, vtpote de re verissima quamuis deterrimi consilii, Multos vt imperium euertant, libertatem præferre, si euertant, ipsam quoque aggressuros. Rebellaerat Rex Armeniæ aduersus Astyagen regem Medorum, cui posteaquā ab eo reiectus esset, factus erat tributarius, promiseratque se, quoties necessitas postularet, secuturum illum in bellū aduersus quoscunque, quin etiam nullum in regno suo extructurum imposterum propugnaculum. Postea vero arma in eum sumsit Cyrus Astyagis è filia nepos; qui postquam non solum eum prælio vicerat, verū etiam ipsummet ceperat, interrogauit, quæ illum res ad rebellandum impulsisset? Respondit,

spondit, Armenus: Quod libertatem affectabam, quodve mihi omnium pulcerrimum videbatur liberum esse, eandemq; libertatem filiis ac posteris relinquere. Ad hæc Cyrus, Rem inquit profecto pulcerrimam atq; omni laude dignam existimare debemus, pugnare de libertate. At enim uero dic mihi quæso, si quispiam in prælio victus fuerit, aut si alicunde alicui contigerit, in alterius potestatem incidere, hunc, si se subtrahere victoris dominio conetur, vtrum virum bonum esse existimas, an vero tanquam hominem iniustum atque latronem seuerissime punias. Haud inficiari potuit Armenius, quin pœnam esset promeritus, si domino velut surripieus suarum cum rerû possessione spoliauisset, quas belli iure optimo acquisiuerat. Quod si hoc ita est, vt certe est, quanto magis delinquit is qui non rebus modo suis aliquem, sed etiam vita priuatum it? Sed enim dicat aliquis, Quid igitur faciam, si mihi sub Tyranno viuere sors obtigerit? Illud nimirum quod Cerialis suasit Treuiris atque Lingionibus: sicuti inquit, sterilitatem aut nimios imbres, & cetera naturæ mala, ita quoque luxum vel auaritiæ dominantium tolerate. Cui conuenit, quod multi olim Senatores dixerant M. Liuii iracundiæ mitigandæ: Non minus acerbitem patriæ quam patrû tolerandam esse. Neque absimile est illud Marcelli; se bonos Imperatores voto expetere, qualescûque tolerare. Et Claudius Imperator dicebat Parthorum legatis: Ferenda esse regum ingenia, neque vsui crebras mutationes. Atqui ita comparatum est, vt multi nullo sint contenti imperio, aut Reipub. genere: qui vix dum hodie vnum exper-

ti sunt, postmodum aliud affectant, quod postea idē-
tidem evertant: Id quod magis tribuendum est i-
psorum inconstantiae atque insolentiae, quam
Principum. Neque dici conuenit, quia multo prae-
stet in libertate quam sub Principe viuere, hanc
esse causam mutationum, cum reperti olim fue-
rint ex Iuuentute Romana multi nobiles qui ex-
uto seruitutis iugo & libertate parati, tam peruer-
so fuerint ingenio, ut in animū induxerint & pa-
triam, parentes, templa Deorum, omnia denique
humana & diuina, superbissimo quondam ipsorum
regi, & tunc acerbissimo exuli prodere. Imo ipsos
Iudaeos, postquam excusserat iugum Pharaonis,
non potuit non poenitere recuperatae liberta-
tis. Neque est quod se excusent, propterea, quod
sub tyranno via sibi praclusa sit perueniendi ad
honores, quos virtus ipsorum meretur; quando-
quidem alibi demonstrauimus, vel sub pessimo
Principe alicui licere magnum atque honoratum
esse: Quin imo eo sunt ingenio viri magni, quiue
virtute sua viam sibi ad veram gloriam patefecce-
runt, ut illibenter talia moliantur. Imo qui sapiunt,
ab hisce rebus sibi cauent, tanquam à periculosis-
simis scopulis, ad quos pauci appulerunt, qui non
rationes suas omnes adfluxerint. Hic mihi obiiciat
aliquis, me nunquam gustasse dulcedinem liber-
tatis, ideoque imprudenter hac de regarrere. Cui
ego respondeo: Si libertate cunctis thesauris pre-
tiosiore non recte liceat uti: neque vero liceat re-
cte uti nisi inter homines bonos atque praestan-
tes, atque horum nostro saeculo magna sit penu-
ria; equidem eo consilii descenderem, vnum, ut
mallem, quam multos tyrannos ferre, si tamen ta-
lis

lis esset is, sub quo viuerem. Sed omissis hisce disputationibus: Mehercùles, si quod hominū genus est, qui minus excusare possint rebelliones, atque aduersus suum principem coniurationes, ii nos Christiani sumus: quippe non solum edocti obtemperare iusto & legitimo Magistratui, verum etiam improbo & insolenti (si quis forte talis nobis contingeret) morem gerere, eiusque superba asperaque imperia patienter ferre: quandoquidem nemo nostrum nescit, Deum immortalem ita velle, cuius in manu sunt corda Principum. Quod si hic multos finit eiusmodi regnare Principes, quanto magis nos id æquo animo tolerare debemus.

*LIBET HIC ADTEXERE
eiusdem Ammirati aliam disputationem, &
cum superiori quasi gemellā facere, ex Lib. XVII.
Disc. II. Continet enim præcepta de vitandis
& cauendis coniurationibus utilissima, exem-
plisq; breuiter illustrata. Ideoq; est ab eo hac
Disputatio sic inscripta*

*QVAS RES CAVERE VEL
curare Principes debeant, ne subditos
suos offendant.*

IN fine pulcherrimæ illius & prudentis orationis, qua Pisonem Galbā alloquitur in adoptando eo & successore imperii designando, monet eum quiddam, quod quiuis ut Princeps factus est, statim in omnibus cubiculorū foribus inscriben-

dum curare deberet, ne vnquā ex animo ipsi ex-
 cidetet. Cogita, quid aut nolueris sub alio Princi-
 pe, aut volueris. Tacit. libro 1. Histor. Idem fere
 & Mæcenas apud Dionem suadet Augusto in ex-
 tremo orationis, his verbis: Nulla in re laboris, si
 ea ipse libenter feceris, quæ velles alium facere, si
 eius imperio subiectus esses. Dio libro LII. Quæ
 præcepta mire congruunt cum illo nobilissimo
 Christi Seruatoris nostri, QVOD TIBI FIERI
 NON VIS, ALTERI NE FECERIS. Quam
 sententiam tanti fecit Alexander Seuerus Impē-
 rator, quamuis minime Christianus, vt non in o-
 re solum eam perpetuo haberet, sed etiam in Pa-
 latio, aliisque publicis operibus vrbis Romæ in-
 scribi iuberet. Lamprid. in eius vita. Hoc præce-
 ptum si recte memoria teneretur, Principesq; cu-
 biculariis suis manē ad se intrātibus iniungerent,
 ita iis subiicerent, Memento, Princeps, quid Gal-
 ba Pisonem monuerit. quemadmodum fecisse
 quemdam regis Persarum cubicularium legimus,
 cum ei identidem manē diceret, Meminisset ea,
 quæ præcepisset ei aliquando Mesotomasdes:
 Plut. lib. institut. Principum. Verum enimvero,
 quoniam nemo est, qui talia cogitet, & Principi-
 bus proponere oportet res (vt vulgo loquimur)
 bene digestas: ad specialia descendam. Ac primū
 admonito plerumque grauius à nobis accipi con-
 temptum, quam damnum, ita illis dixerim. I. Si a-
 liquem incōmodo adficere vultis, ne contemnite
 tamen eum. non enim aliam ob rem Caligula in-
 terfectus est à Cassio Cherea, quem is pro effe-
 minato habebat, quam, quia signum more mili-
 tæ petenti, Priapum dare solebat: agentiq; gra-
 tias

tias de aliqua re, manum ei porrigebat formatam in obscærum modum. Suetonius in vita Calig. eademq; causâ Quintiliano fuit aduersus Neronem coniurandi: Tacit. lib. xv. teste. II. Vbi remedia legum in promptu sunt, nolite vi imperii & dominationis uti: nam, nullo fructu, Tyranni nomen vobis conciliabit. III. Quoties ciuib. aut militibus vestris promitteris præmia, & remunerationes, ne difficiles & tardi in exsoluendo sitis. nam initium rebellionis contra Imp. Galbā fuit, donatini toties promissi, nec vnquam repræsentati dilatio. Desperatione delati toties donatini, inquit Tacitus lib. i. Histor. IV. Ne iniurias subditis vestris illatas ab iis, qui apud vos gratia valent, facile largiamini. nam cum quis se adfectum iniuria à priuato videat, à Principe vero contemptui habitum, magis in Principem ira incitatur, quam in priuatū. quæ causâ Pausaniam impulit, vt Philippum regem Macedonia interficeret. V. Si quem offenderitis aliqua in re graui, ne cum vobiscum versari sinite, sic, vt nocere vobis queat. quod Imp. Lamberto accidit, qui in venatione defessus cum somnum caperet custode Vgone, cuius patrem Maginfrædum occiderat, ab eo est in tanta oportunitate necatus, patrisq; vltioni mactatus. vt Luitprand. lib. xvi. refert. VI. Ne quem diutius metu crudelitatis vestræ aut odii torqueatis: nam vnusquisque timens. ne id sibi eueniat, quod euenisse aliis vidit, consilia celeriter in vos capit, præoccupatque. quod contigit Antonino Caracallæ, vt est lib. i v. Herodiani. VI. Vxores, liberi, vel sorores subditorum vestrorum pudicitiam à nobis integram & inuiolatam

seruent: nullum. n. vitium perniciosius est Principibus. quæ de causâ à suis est Oddus Antonius, Urbini Dux, popularium conspiratione occisus. Simonetta libro vi. cap. v. teste. Quidam Principes adeo omnes impudentiæ limites migrant, vt postquam ipsi libidinem suam exsatiauerunt, in partem prædæ vocet etiam aulica ministeria: potissima quæ causâ fuit exitii Ioh. Galeacii Sfortiæ Ducis Mediolani. vt est in part. sexta Historiarum Corii VII. Ne vnum alterumue, nouos præsertim homines, in immensum attollite, cæteris proceribus regni quasi à tergo relictis: quorum animos rumpi dolore, atque iracundia, necesse est: neq; alia res magis Henrici Terrii Galliarum regis cædem maturauit, regnoque maximas clades peperit. VIII. Vestras etiam vxores ipsas ne contumelia adficite. nam cum & liberum aditum ad vos, & personæ vestræ vsum habeant, ad hoc cum participes maiestatis & potentie vestræ sint, vtpote vxores, acerrime possunt se ipsæ vlcersci: quæ admodum Rosimunda egit in Albuinum, primum in Italia regem Longobardorum: lib. ii. Pauli Diaconi. IX. Similiter nec fratres vestros durius aut contumeliosius tractate, quâuis non æquali matre natos. ob hanc causam enim Petrus Castiliæ rex ab Hérico fratre eius est & regno & vita spoliatus, vt Roderic. Episc. cap. xviii. commemorat. X. Regna alieno sanguine parate ne conamini: sæpe enim cum proprio sanguine amittuntur. exemplo sit Carolus Tertius rex Neapolitanus, qui cum regnum Iohannæ reginæ extorsisset propinquæ suæ, clam eius iussu strangulatæ, paullo post est ab Hungaris in omnium cōspectu trucidatus.

datus. XI. Bonis neminem spoliatis, in quibus
humana vitæ sunt adminicula. Pleriq; enim vi-
tam iis subsidiis spoliatam præcipites cum pericu-
lis exponunt, ut morte se ærumnis atq; ignomi-
niæ subtrahant: sicut ille, non ita pridem, furiosus,
qui interfecit Mehemetum Visirum, magnis re-
gibus potentia comparandum. XII. Si Principes
nouii estis, satis habete vim imperii retinere, nec
simulachra quædam inania, vel ostentamenta cu-
rare: id enim conspirationis contra Casarē cau-
sa fuit, quod apud Suetonium legimus. Hæc cita
mihi in mentem venerunt, quibus præceptum il-
lud explicarem Imp. Galbæ, Cogita quid aut no-
lueris sub alio Principe, aut volueris. Sed contra
hoc præceptum, contraq; omnia quæ supra mo-
nuimus, obicitur nobis à quibusdam intelligen-
tibus viris, Aliud esse Principis personam, aliud
priuati gerere. eamque ob rem multos, cum ad
dominatum peruenissent, sententiam, atque in-
genium immutauisse. Respondeo, verum id qui-
dem esse, Aliter Principum res, quam priuatorum
incedere; Sed tamen omnes in melius: id est, in
id, quod magis magnum est, quod fortius,
quod iustius, quod magnificentius, non autem in
id, quod deterius est, dirigi oporteret. Non ultra
tibi necesse est adsentari Principibus, non ultra
dissimulare, non ultra indignitates alias ferre. Tu,
priuatus cum esses, lites immortales reprehende-
bas: odio tibi erat aulicorum licentia, displicebat
mercatorum rapina, latrocinia militum ferre non
poteras æquo animo: cur igitur Princeps iam fa-
ctus non iis remedium adfers, eaque tollis? Tibi
priuato molestiam adferebant viæ male stratae ac

munitæ, itinera intuta, publicanorum impudentia, cauponum velut piratica, aliaq; plurima, quæ miseros viantes morantur atque affligunt: cur, dominatione parta, cum possis, non ista ad rectū ordinem reuocas? an quia leuia tibi videntur? atqui non ita Romanis illis visæ sunt, qui vias ita curarunt, vt magnificentia cum vtilitate certare videretur. Verum est illud Galbæ præceptum: qui ex priuato ad imperium cum venisset, nondum oblitus erat infirmitatis ac vitiorum, quæ in aliis Principibus perspexerat; ideoque Pisonem, vt idē meminisset, admonebat. Amplius dico: multo maiorem habere rationem eorum consiliorum debes, quibus priuatus vtebatur, quam eorū, quæ Principi factos se recens insinuauerunt. Nam vt illa, cum tu vnus è populo esses, ordinata & moderata erant, ex communi quodam totius populi consensu, vnde non temere dictum est, Vocem populi vocem Dei esse: sic ista, quibus velificatur dominandi licentia, postquam semel regnandi dulcedinem sensisti contemnereque priores cibos cepisti, auferunt te per licita atque illicita, velut ebrium, sine vlllo freno aut discrimine, quocunque libido rapit, atque impellit.

*INDEX OMNIUM CON-
iurationum, Defectionum, Rebellionū, & Pro-
ditionum. quæ ab initio mūdi, ad nouissima vsq;
tempora variis in locis, ciuitatibus, Impe-
riis ac regnis exorta sunt:*

ANT. CONTII I C.

PRIN.



PRINCIPIO, vt fabulæ fingunt in ipso mundi primordio, nondum constitutam fuisse maiestatem in cœlo, diis minoribus Ioui cedere detrectatibus, ita veritas sacri nos eloquii docet apostatas angelos, eorumque principem SATANAM, quæ vox Hebraica rebellem & aduersarium significat, diuinæ ac summæ maiestati cedere nolentem, & similem se altissimo iactantem duce Michaelē archangelo, ac iustorum angelorum legibus fuisse oppressum. & de cœlo deiectū, & igni sempiterno destinatum. Ea prima fuit perduellio rebellioque & animatio hostilis aduersus Deum, cum homines nulli dū essent. Cuius perpetuo conscius ille angelus præuicator, homines postea ad consimilem defectionē & ruinam sollicitare non destitit nec desistit. Hoc vnum damnationis suæ querens præmium & solatium, si cum de salute sua desperarit, omnium hominum salutem in dubium reuocet, ac in præceptis barathrum demergat, si aurem callidis eius susurris præbuerint. Nam & ipsos primos homines non ad transgressionem tantum præcepti, sed etiam ad læsionem & vsurpationem maiestatis diuinæ instigauit, falso prædicens fore vt post transgressionem viuerent oculis apertis, & essent sicut dii scientes bonum & malum. Sed mihi consilium non est varias diuinæ maiestatis læsæ species enumerare, quas ab hoc crimine maiestatis, iudicii & pœnæ genere antea monui discretas. Itaq; ne audax illud facinus latius commemorabo, quo turrem vsq; ad cœlum erigere tentarunt primi post diluuium homines & gigantes, partim nominis

& gloriæ parandæ causâ, partim etiam muniendi aduersus diluuium, si rediret præsidii. Quam etiam rebellionem poetæ, & fabulæ in bellum gigantum transformarunt. Ouid. 1. Metam.

Affectasse ferunt regnum cæleste gigantes,

Ataque congestos struxisse ad sidera montes.

Tum pater omnipotens misso perfregit olympum

Fulmine, & excussit subiectum Pelion ossa.

Sed nos veritas ipsa docet nullius fulminis præsidio, sed sola labii id est, linguarum confusione eos ab incepto fuisse præpeditos.

CONIVRATIONES autem personarum, quæ in fabulis & tragædiis referuntur, & quæ fabulosis temporibus tribuuntur prætermittens, eas percurrâ, quæ ab historicis sinceriore fide referuntur.

PRIMVS Sesostris regis Ægypti frater, ei apud se cum vxore, & filiis cenâti inludias parauit. Diod. lib. 1. parte secunda.

2 POSTEA Ninus matri Semiramidi, per Eunuchum insidias parauit, quas authore Diodoro euasit, sed Trog. contra existimat ob adpetitum filii concubitum, ab eodem interfectâ. narrat Orosius lib. 1. cap. 4. eam publico scelere, nefandam suam libidinem obtexisse, & legem tulisse, qua inter parentes liberosq; coniugia mittebantur.

3 AD videndum Sardanapalum (quod nemini antea permissum erat) præfectus eius Arbaces aggre admissus, cum eum inter scortorum greges inuenisset omni fœmina molliorem & lasciuio-rem, indignatus tanto probro cum sociis de bello illi inferendo coniurat. In quo victus Sardanapalus, se cum omni gaza in pyram coniicit, & in eius locum idem ipse Arbaces rex statuitur. Iustinus li-

bro 1.

bro. 1. Orof. lib. 1. cap. 19. Diodorus lib. 2.

4 Astyages meriti, id est, sceleris in Harpagū admissi, cum in ultionem seruati Cyri nepotis, filium suum epulandum dedit, ipsi Harpago summam belli contra Cyrum committit, qui acceptū exercitum statim Cyro per proditionem tradit, regis crudelitatem perfidia defectionis ultus. Iustinus lib. 1. Orof. lib. 1. ca. 19. Cyrus etiam, victo auo regnum abstulit, eumque maxime genti Hircanorum preposuit, nepotem magis quam victorem se gerens.

5 Vxor Candaulis Lydiæ regis, cum Gyge regis amico, suoque adultero, de interficiendo marito coniurauit. Id fuit nuptiarum cum Gyge futurarū premium: Nam mariti sanguine dotata regnum viri & se pariter adultero tradidit. Iust. Herodot.

6 Magus quidem delegatum sibi facinus à Cambyse de ipsius fratre Mergide interficiendo, etiam Cambyse mortuo perpetrat, prostratoque Mergide cui regnum debebatur, fratrem suum oris lineamentis persimilem subiecit Oropastem, ac nemine subesse dolum arbitrante, rex Oropastes diu pro Mergide creditus fuit. Iustinus lib. 1. Herodotus libr. 3. paulo aliter: quem sequitur Eusebius in Chronicis.

7 Ea falsi Regis subiectio postea Hostani viro inter Persas nobili, cognita, cum impulit ut cum sex Optimatibus coniuraret, eosque in eadem falsi Regis impulsos, Sacramento religionis obstringeret: Quo occiso, de Rege ex ipsorum numero eligendo concordare potuerunt, Regnum ad Dariū Hispalis filium, vnum ex coniuratis peruenit: A-

lius ex coniuratis, nomine Zopirus, dolo Babyloniam ingressus, urbē Dario Regi prodidit. Iustini. lib. 1. in fine.

PISISTRATVS victis Megaris, quasi sibi non Patriæ vicisset, tyrannidem per dolum occupat: quippe verberibus voluntariis domi adfectus, laceratoq; corpore in cōcionē prodit, vulnera ostēdit, quæ à Principibus simul accepta, obtinet ad custodiam corporis sui satellitium, & custodum cohortem, cuius munimento, & vi occupata tyrannide, annos regnat x x x i v. cuius duo liberi Diocles & Hippias, ille ob stupratam virginem, à fratre virginis interfectus est, hic ob crudelitatem quæstionis, de fratre virginis & consensu habitæ regno pulsus, ducem se Dario ad bellum patriæ interendū obtulit, & cum aduersus patriam concitauit. Iusti. lib. 2. Euseb. ad annum 17. Tarquin. Sup. notat Hipparcum & Hippiam Athenis tyrannidem exercuisse, eoque tandem ab Armodio & Aristogitone interfectos: & Leenam meretricem amicam eorum, cum tormentis cogeretur, ut socios proderet, linguam suam mordacitus amputasse. Et paulo post apud Samum tres fratres, Polycratem, Sylum & Pantagnotum Longes, cum essent coloni ab Atheniensibus deducti, in auxilium tamen Regis Xerxis venerunt aduersus Athenienses, quos ut rebellantes aduersus conditores suos, Themistocles increpans, perfecit ut in ipso prælio pugne se paulatim subtraherent, quorum defectio cæterorum animos fregit. Iusti. libro 2.

DOCUMENTO fuit Themistocles posse dolo bono interdum nostra cōsilia hostibus nūciari: nam cum

cum Græci audita Xerxis fuga consilium inissent interrumpendi pontis quem ille Abido, velut victor maris fecerat, vt intercluso aditu, aut deleretur, aut ad pacem petendam cogeretur: Themistocles contra metuens ne desperationem in virtutem verterent, & iter quod aliter non pateret, ferro parefacient, consilium Græcorum Xerxi indicat: ille percussus nuncio Abidum fugiens, & solutum pontem hibernis tempestatibus ostendens, piscatoria scapha traiecit trepidus. Iustinus lib. 2. de Themistocle.

PAUSANIAS dux Lacedæmoniorum in bello aduersus Xerxem, pro ducatu Regnum Græciæ adfectās, proditiōis præmiū cum Xerxe, nuptias filix eius paciscitur. Scribit præterea Xerxi, quoscunque ad se nuncios misisset, interficeret, ne res loquacitate hominū proderetur. Sed dux Atheniensium Aristides belli socius electus, collega conatibus obuiam eundo, simul in rem sapienter consulēdo, proditiōis cōsilia discussit. Nec multo post accusatus Pausanias damnatur, non solo Argilii iudicis iudicio, sed & proprio: & in templo quodam est conclusus, vt in eo sub Dino interiret. Probus in Pausania. Iustinus lib. 2. in fine.

ARTABANVS Xerxis præfectus, cum septem robustissimis filiis Regiam Xerxis vesperti ingressus, eum trucidat: mox etiā Artaxerxem puerum impellit, Darium adolescentem fratrem interficere, persuadens à Dario patrem Xerxem interfectum. quo perpetrato, veritate rei gesta postea cognita, Artaxerxes se quoque ad necem vltimū appeti sciens, & verens numerum filiorum Artabani, exercitū iubet esse paratum, quasi recogni-

turus militum numerum: ibi armatum Artabanum, iubet secum commutare lorica, simulans se breuiorem habere, exuentem se, ac nudatum gladio traiecit: tum etiam filios eius corripit iubet. Iustin. lib. 3. in principio.

PERICLES Atheniensis dux belli, in Lacedæmonios electus prospiciens, & populo prædicens fore, ut ad conflandum illi proditiōis infamiam, Lacedæmonii eius agros relinquerent intactos in populatione cæterorum, suos agros dono reipublicæ, antequam ad bellum proficisceretur, dedit. Iustinus lib. 3.

TRIGINTAVIRI, deuictis Atheniensibus, impositi à Lacedæmoniis, qui rempublicam Atheniensium tractarent, cum primo cepissent pessimum quemque, & omnibus inuisum indemnatum necare, postea ubi licentia crevit, iuxta bonos & malos libidinosè interficere cœperunt, & tyrannidem in ciues exercuerunt, sibi tria millia satellitum statuentes: Itaque populus, qui de bono illorum initio lætabatur, stultæ lætitiæ pœnas tandem dedit: sed his tandem ab exulibus Atheniensibus eiectis, & bello victis, alii decemviri substituti sunt, qui nihil exemplo prioris dominationis territi, eandem viam crudelitatis aggressi sunt, & dignum etiam cœptis audacibus vitæ exitum nacti, ut pacis victimę trucidati, reuocatis in urbem his qui emigrare iussi erant, & *ἀμυνσία* iureiurando sancita, & lege à Thrasibulo lata, ne quis antea actarum rerum accusaretur, neue multaretur, quam legem obliuionis appellarunt: Probus in Thrasibulo, quem facit harum rerum auctorem. Iustinus lib. 5. Salustius in Catilin. in oratione Cæsaris.

IN

I N B E L L O Thebanorum & Atheniensium aduersus Lacedæmonios, Pausanias alter Lacedæmoniorum dux, proditoris accusatus, in exilium abiit.

P A V S A N I A S nobilis ex Macedonibus adolescens, vel certas ob causas Philippo patri Alexandri subiratus, vel ab Olympiade expulsa immissus, ipsum Philippum quo die nuptias filiae suæ Cleopatæ cum Alexandro Epiri Rege celebrabat, obtruncavit. Ob quod facinus crucifixus cum esset, eius in cruce pendentis capiti coronam imposuit Olympias, eadem nocte qua venit titulo officii ad exequias mariti: sed & paucos post dies refixum corpus eius inter reliquias mariti cremavit, & ei tumulum eodem in loco fecit, parentariq; quotannis curauit: & gladium quo Rex interfectus fuerat, Apollini sub nomine Martialis consecrauit: quod nomen antea illi paruulæ fuerat.

P O R T E N T O S A fuit Darii in Artaxerxem patrē, à quo viuentis Rex factus fuerat coniuratio, cum quinquaginta fratribus parricidis, qua detecta, omnes cum vxoribus diis paternæ maiestatis victoribus pœnas dederunt: Ochus postea regnum adeptus, timens parem coniurationē, regiam cognatorum cæde replet, nullo sexus, sanguinis, ætatis discrimine, scilicet, ne innocentior fratribus haberetur. Iustinus lib. 10.

A N T I P A T E R per insidias Alexandrum Mag. veneno extingui curauit. Iustinus lib. 12.

P A N E T I V S primus in Sicilia arripuit tyrannidem. Hieron. post Galeonem Syracusis tyrannidem exercuit. Eusebius Chronic. ad annum 2, Tarquinii Prisci: & ad annum 5. Xerxis.

ACCUSATUS fuit Athenis Miltiades proditi-
onis, quod cum patrum expugnare posset, à Rege
corruptus, infectis reb. à pugna decessisset: caus-
sa cognita capitis absolutus, pecunia multatus est,
lite quinquaginta talentis aestimata, hanc pecu-
niam quia soluere non poterat, in vincula publi-
ca coniectus est, ibique diem obiit supremum.
Sed aliam fuisse causam damnationis ait Probus:
nempe quia eius potentiam & dominandi assue-
tudinem, magnam auctoritatem apud omnes ci-
uitates, nobile nomen laudem rei militaris suspe-
ctam habuerunt Pisistrati tyrannidis memores.
Probus in Miltiade. Valer. Max. lib. 5. cap. de in-
gratis, hoc addens. Imo ne corpus quidem eius
sic expirare coacti, sepultura prius mandari passi
sunt, quam filius eius Cimon eisdem vinculis se
constringendum traderet, hanc hereditatem pa-
ternam Maximi ducis filius, & futurus ipse a tatis
sua dux Maximus, solam se creuisse, catenas sci-
licet & carcerem gloriari potuit: sic enim locus
emendandus est ex manuscriptis libris, qui vulgo
deprauatus circumfertur. Filius quoque eius Ci-
mon post multa in suam rempublicam beneficia,
testarum suffragiis, quod illi ostracismus vocat,
decem annorum exilio multatus est: Probus in
Cimone. Themistocles etiam pari ingratitudine
proditionis absens est damnatus: ut antea retuli-
mus in l. quiquis. cap. 1. de quo scribunt Thuci-
dides, Plutarchus, Iustinus, Probus, Val. Max. lib.
5. cap. de ingratis.

Sed & Aristidem qui cognominabatur Iv-
stus, testula seu ostracismo decem annorū mul-
tarunt: quæ damnatio, non tam scelus, quam li-
uorem

uorem tyrannidis indicabat, teste Plutarcho.

SED & Timotheus Conouis filius proditi-
onis damnatus est Athenis, lisque æstimata centum
talentis, sed post huius mortem in Chalcide, po-
pulus nouem multæ partes detraxit, & decem ta-
lenta Conouem filium eius ad muri refectionem
dare iussit. Probus in Timot.

DIONYSIUS tyrannus pater, cum dixisset Me- *Φαίμαχος*
dicis se, si maiore in periculo vitæ esset, velle par- *ἱστῶν.*
tiri regnum cum Dione, idque Dionysius filius à
medicis rescisset, fraude filii diem supremum obi-
it: nam is medicos coëgit patri dare soporem, seu
soporiferam potionem, ne agendi cum Dione es-
set potestas. Hunc Dionem cum tyrannidē post-
ea arripuisset, Callicrates quidam Atheniensis,
homo callidissimus, & sine vlla religione & fide
mire circumuenit. Nam cum ei persuasisset è re
sua esse quendam ex suis emissarium habere, qui
se simularet ei inimicum, hocque prætextu omni-
um sinistros de illo sermones colligeret, ad eum-
que deferret vt pœnas darent, has ipse partes ex-
cepit, & se Dionis imprudentia armauit. Nam se-
rio socios ad illum interficiendum conquirat, &
coniurationem confirmat: & quamuis à sorore
& vxore Dion certior esset factus, tamen ea fieri
præcepto suo dixit: nec dubitauit ipse Callicra-
tes in æde Proserpinæ mulieribus iurare, nihil à
se periculi fore Dioni, & postea peierare, & Dio-
nem dolo aggredi, & facinus maturare atq; perficere.
Probus in Dione.

EPAMINONDAS accusatus quod contra legem
Thebanam, quæ morte multabat, si quis Imperiū
diutius retinuisset, quam lege præfinitum esset,

* Vt notant
ad l. i. C. de
senten. expe-
riculo recit.

quatuor mensibus diutius quam populus iusserat imperium gessisset, confessus est, sed petiit vt in periculo suo, id est, *sententia, iudices inscriberet, se idcirco morte multari, quod Thebas & Græciâ eo facto in libertatem vindicasset: quibus auditis nullus Iudex ausus est terre suffragium. Probus in Epaminonda.

PHOCION, propter suspicionem proditi hostibus Piræi, damnatus, traditus est vñdecimviris (more Atheniensium) vt ad mortem duceretur: in hoc tantum fuit odium multitudinis, vt nemo ausus sit sepelire. Probus in Phocione. Valerius Maximus libro 5. cap. 3. de ingratis, in fine.

THIMOLEON Corinthius, cum frater eius Timophanes dux à Corinthiis delectus, tyrannidē per milites mercenarios occupasset, particepsque regni posset esse, tantum abfuit à societate scele- ris, vt antetulerit patriæ libertatem fratris saluti, ideoque fratrem tyrannum interficiendum cura- uerit. Idem Dionisium tyrannum, qui Dione in- terfecto rursus Syracusarum potitus erat dux in eum missus superauit, & tota Sicilia depulit, cum interficere posset, noluit, tutoque Corinthum vt perueniret effecit, quod vtrorumque Dionisio- rum opibus Corinthii saepe adiuti fuerant: Ciui- tatibus leges libertatemque reddidit: arcem Sy- racusis, quam munierat Dionysius, ad vrbe ob- sidendam, à fundamentis disiecit: cætera tyranni- dis propugnacula demolitus est. Probus in Thi- moleonte.

Ex Romana historia.

PERMITTENDVM existimaui Numitoris in
Amu-

Amulium vetus odium, & regnandi certamen, & Romuli ac Remi aduersus Amulium, maiorem auunculum coniurationem de eo interficiendo, eiusque regno Numitori auo suo materno, utpote stirpis Maximo, & cui regnum Proca iure legarat, restituendo, propterea quod aliquis pretextus forte ad eam irruptionem defendendam excogitari posset.

ILLUD primum maiestatis minutæ exemplum referri potest, & supplicium quo Remus, quamuis Regis frater, & Regiæ quodammodo dignitatis particeps, ob neglectam, irrisam, & calcatam fratris legem de non transiliendo muro, à Fabio Celere Ceturione rostro fertur occisus. Tit. Lilius lib. 1. Plin. de viris illustr. l. ult. ff. de rerum diuisione. Græci ad l. pen. ff. ad l. Iuliam maiestatis.

SEQVENS maiestatis seu perduellionis iudicium fuit in persona Horatii, ex trigeminis Horatiis superstitis & victoris: qui rediens ouans à victoria trigeminorum Curatiorum sororem, alterum ex Curatiis sibi desponsum lugentem, interfecit: Mirari video nonnullos: cur id perduellionis iudicium, ac non potius cædis, aut saltē parricidii Lilius appellet: sed si quis attentius animaduertat, compertiet fuisse illam primam maiestatis speciem (quæ tunc perduellio dicebatur) quæ proponitur lego prima Digestis eodem: & cuius reos Philippenses Diuinus Paulus fecit, à quibus indemnatus victus verberatus esset: quod vel Dionysius aperte indicat, optimus Lilius interpres: Ait enim eum, qui sanguine civili suas manus polluisset, tunc pro perduelle habitum, non autem, ut quidam falso astruunt, ait, parricidii fuisse accusatum: tametsi & parricidio id crimen esset, & sit etiam proximum, & par-

ricidium tunc temporis ad omnem ciuis eadem,
 ex lege Numæ extenderetur, quæ ita concepta e-
 rat: *QVI HOMINEM LIBERVM SCIENS*
MORTI DVIT, PARRICIDA ESTO, VT
 ait Festus, qui haud dubie hoc iudicium de parrici-
 dio institutum cum ait, euidenter ostendit homi-
 cidium hominis ciuis ac liberi ad crimen perduel-
 lionis pertinuisse: quod verius mihi videtur. Sed
 in ancipiti causâ Rex, ad quem, more Romano,
 de capite ciuis ad eum vsque diem potestas statu-
 endi erat, vt tam inuidiosum iudicium euitaret,
 potestatem suam populo dedit, ad quem scilicet à
 Duumuiris ab ipso creatis prouocatio esset. Itaq;
 eo primum tempore, de capite ciuis populû cog-
 noscere cæpisse, testatur Dionysius: Cum enim
 à Duumuiris à Rege creatis, damnatus esset Ho-
 ratius, vtpote cordis manifestæ confessus, prouo-
 cavit non ad regem sed ad populum, à quo magis
 propter meritum victoriæ ab hostibus Albanis re-
 portatæ, quam ob ius causæ & innocentiam, est
 absolutus. Legem autem de perduellione hanc
 fuisse, ait Liuius, à Romulo ne, an à Numa, Tullo
 ne latam in dubio relinquens: Duumuiro Perdu-
 ellionem iudicet, si à Duumuiris prouocarit, pro-
 uocatione certato: si vincent caput obnubito, in-
 fœlici arbore recte suspendito, verberato, vel in-
 tra pomœrium, vel extra pomœrium. Videtur
 quidem Mar. Tull. Cicero eam legem, Regi Tar-
 quinio Superbo acceptam ferre, sed tamen id ma-
 gis speciose, quam vere dictû intelligi vulg, vt am-
 plicationi institutæ seruiat: Sicuti & alio loco
 Orationes suas pro Dogmatibus, Regulis, & aliis
 multis accipi vetat. Hoc ipso iudicio, quia contra

ius quodammodo absolutus est Horatius, iussit Rex eadem manifestam aliquo saltem piaculo & expiatione lui, qualem lex pro eade inuoluntaria introducit, teste Dionysio, id est, pecunia publica, & quibusdam piacularibus sacrificiis, & sub sigillum, id est, sub iugum misso Horatio.

PROXIMUM inde fuit Metii Fusetii, Albanorum dictatoris iudicium proditoris seu defectio- nis, & hostium concitationis: ob quod crimen quadrigis, iussu Regis Tulli religatus, ac in diuer- sa distractus est: Idē scilicet passus corpore, quod animo prius agitauerat, quem inter Fidenatē Ro- manamque rem, cui soli ex fœdere à se icto con- sulere debebat, ancipitem gesserat. Id supplicium quod fabulæ olim in Hippolytū, id est, verē Chri- stianorum historiē in Hippolytum martyrem ex- ercitum tradunt, ac nostra ætas in Francisci Del- phini, ac Ducis Guisani perditissimos sicarios, & maleficos repeti vidit: ait Liuius esse exempli pa- rum memoris legum humanarum. Adderem lu- bens, & conditionis, fragilitatisque humanę, in a- liis autem gloriari licere nulli gentium mitiores placuisse pœnas: quam tamen pœnæ exacerbatio- nem, sic Virgil. excusat lib. 8.

— *At tu dictis Albane maneres.*

Sed & in proditoris conscios animaduersum es- se, tradit Dionysius, lege de proditoribus.

SEQVUTA est deinde Ancris regis filiorum cō- spiratio & insidiæ, aduersus Tarquinium Priscum Ancris successorem, quem per duos pastores fero- cissimos interficiendum curarunt, regnū eo mor- tuo ad se rediturum arbitrati: Sed spe frustrati, cū regnum iussu Senatus Seruio Tullo delatū esset,

& sceleris ministri comprehensi, Sueffam pomeriam exulatum ierunt. Liuius lib. 1. Dionysius lib. 3. in fin.

TARQUINIUS exinde Superbus Seruium gradibus Curia deiici, & domum refugientem interfici iussit: quo facto per vim sine populi iussu, sine auctoritate patrum, regnum vsurpauit, idq; in tyrannidem conuertit, eius quoque vxor Tullia, Seruii filia super ipsum corpus trucidati patris carpentum egit. Liuius libro primo. Plin. de viris illustribus.

IDEM Tarquinius, vt suo parricidio quæsit, ita filii Sex. Tarquini adulterio perdidit regnū. Nam ob stupratam ab eo Lucretiam, Regii iuuenes, inter quos Iunius Brutus erat, in exitium regum coniurarunt, Bruto qui cultrum ex Lucretia vulnere extractum tenebat, lusiurandum præeunte, se, L. Tarquinium Superbum, cum scelerata coniuge Tullia, & omni liberorum stirpe, ferro, igni, & quacunque vi posset exacturum, nec alios, nec quenquam regnare Romæ passurum. Hi itaque Romæ, conuocata multitudine perfecerunt, vt populus imperium regi abrogaret, exulesque esse iuberet L. Tarquinium cum coniuge ac liberis. Hocque exilio necem Lucretia vindicarunt.

SED cum de reducendis in urbem regibus, Bruti fratrisque eius filii cum Aquiliis & Vitellis coniurassent (quippe luxu & libidine regia, cum liberis regis viuere soliti) Brutus eos virgis caesos securi percussit. Nam pœnæ capiendæ de suis liberis ministerium consulatus imposuit. Liuius libr. secundo. Plinius, de vitis illustribus, de Bruto. Seruo quoque Vitelliorum, totius rei indici, cui Vindici

ti nomen fuit, præmium dedit, pecuniam ex ærario, libertatem & ciuitatem dedit. Vindicta ab eo dicta, quia idcirco qui liberantur, in ciuitatem accipi videntur. Romanis qui cum tyranno aufugerant liber reditus, intra viginti dies datus, ni intra eum diem redirent, perpetuum exilium cum bonorum publicatione indictum. Dionys.

BRUTI illius collega in cōsulatu Publ. Valerius Poplicola leges populares tulit, de prouocatione aduersus magistratum, ad populum, sacrandoque cum bonis, capite eius, qui regni occupandi consilia inisset. Liuius libro secundo.

MVCIVS SCOEVOla veniam transfugendi ad hostium castra, vt præclarum facinus patraret, à Senatu petiit ne traheretur vt transfuga. Liuius libro secundo.

POST TARQVINTI mortem & bellum graue cum Etruria positum, cum feruili imperio patres iam plebem exercebant, de vita atque tergo, regio more consulerent, agro pellerent, & cæteris expertibus, soli Imperio agerent: his & aliis sauitiis & maxime fœnore oppressa plebs, cum assiduus bellis & tributum simul & militiam ageret, armata montem sacrum (vt Liuius & Pomponius leg. 2. de orig. Iuris) vel Auentinum, vt Piso & Salust. malunt, insedit, ibique Tribunos Plebis & alia iura sibi parauit. Hæc prima fuit secessio, cuius autor maxime fuit Sicinius. Non dubium est autem hanc esse speciem læsæ maiestatis, qualis fere refertur l. 1. in fi. ff. ad l. lul. maiest. Sed hanc & cæteras secessiones plebis, non tam graues esse putant, quam Gracchorū, Lepidi, Sullæ Marii & ceterorum seditiones, aut Catilinæ & seruiliū coniu-

rationes. Harum ideo colore, se defendere conatur Catilina apud Sallustium. Sape (inquit) ipsa plebs, aut dominandi studio peruieta, aut superbia magistratuum armata à patribus secessit. Existimo tamen post hanc secessionem reconciliata, latum, scitumue fuisse, ne cui fraudi esset, ut in secunda secessione, de qua postea.

CORIOLANVS, cum ob sœuitiam in plebē absens damnatus esset, in Volscos exulatum abiit. & cum his bellum patriæ intulit, & eos aduersus ciues suos concitauit, omisso bello ut proditor occisus est. Plin. de viris illustribus. Liuius libro 21 ait Fabium scribere vsq; ad senectutem vixisse dicentem, multo miserius seni exilium esse. Dionysius ait eum per factionem Actii Tullii ducis Volscorum apud Volscos lapidibus obrutum esse.

S. P. CASSVS Consul legem Agrariam promulgauit primus, hanc viam ad tyrānidem adfectans, hancque regni mercedem sociis & plebi ostentans. Itaque cum primum magistratu abiit, damnatus necatusque est, vel priuato & paterno iudicio, à quo verberatus veritatis eruenda causa, necatusque est peculio Cereri consecrato, vel publico populi iudicio de perduellionis dicta, dirutis publice ædibus, è saxo Tarpeio deiectus est. Valerius lib. 6. c. 3. Senatus populusque Romanus non contentus, capitali eum supplicio afficere interempto domum superierit, in solo autem eodē Telluris fecit: sed Senatus liberos eius, qui à morte, aut exilio, aut infamia, ob scelus vnum patris, aut perduellionem, liberi sustinerent, durasse ad sua vsq; tempora, quibus qui eum dissoluere conati sunt proscriptorum à Sylla filios arcentes

centes honoribus, non impuniti à Diis fuerunt, inquit, in summam miseriam delapsi, & omni mascula sobole in posterum orbat.

GRÆCOS contrario iure regi, apud quos liberi damnatorum aut una interficiuntur, aut in perpetuum exilium mittuntur, quasi natura non ferat, ut boni ex malis, aut mali ex bonis nasci videantur.

AP. HERDONIUS seruos & exules ad libertatem reuocans, Capitolium occupauit, ubi & interfectus est, & multi ex eius coniuratis uiui capti, & ita Capitolium receptum. Liuius. lib. 3.

DECEMVIRI ferendarum duodecim tabularum causa creati, cum complura impotenter fecissent, magistratum noluerunt deponere, & in tertium annum retinuerunt, & priuati, fasces & regium imperium habuerunt. Apius etiam ad hæc intolerabilem iniuriam ac infamem in filiam Virginii adiecerat, unde discessio exercitus, secessioque plebis in Auentinum orta est, quæ tamen ne cui fraudi esset Senatus censuit. Idem à signis & plebs sciuit. Sed restituta Tribunitia potestate, & consulatu & plebe reconciliata, Virginius tunc Tribunus plebis diem Apio dicit, maiestatis (ut puto) accusat, quod contra leges à se positas decreuisset, & dedisset vindicias ab libertate in seruitutem, sed is in carcere sibi mortem consciuit * ut & alius ex collegis, ceteri, exilii causa solum vertunt, bona publicata sunt.

*Plin. de Viris illustr. & Pompon. de orig. iur. ne-
catu in car-
cere tradit.*

SP. MELIUS largitione frumenti, regnum adfectans, à Seruilio Ahala magistro Equitum est obtruncatus, quod & præter regni crimen, ad Dictatorem vocatus à magistro militum, non venis-

set, domus eius solo æquata. Id Æquimelium appellatum. Liuius libro quarto, Plinius libro de viris illustribus. Lucius Municius index boue aurota donatus.

ANNO VRBIS 336. Seruitia coniurarunt, vt urbem incenderent, & Capitolium occuparēt, Sed iudicio duorum comprehensi fontes, pœnas dederūt iudicibus dena millia grauis æris, ex ærario numerata, & libertas præmium fuit. Liu. lib. 5.

QVIDAM authores (vt ait Liuius) tradunt Duumuitos creatos, qui de perduellione Manlii Capitolini iudicarent, & damnatum de saxo Tarpeio deiectum esse, adiectis notis, publica vna vt domus eius in Capitolio nunquam à quoquam patricio inhabitaretur, gentilitia altera, ne quis deinde gentis Manliæ Marcus * Manlius vocaretur. Liuius lib. 6. Valerius capite Tertio sexti.

*Capitols.
scribit. Plin.
de Viris illustribus.*

FVRIO Camillo non tam iniquitas prædæ diuixæ quam albentes quadrigæ triste exilium Ardeaticum peperere, qua damnatione, quasi adfectatæ tyrannidis, populus ingrati crimen non vitauit. Symmachus lib. 1. epist. Plin. de viris illustribus. Valerius lib. 5. cap. 2. Dio. lib. 62.

QVINTVS Fabius, magister equitū vetirus à Dictatore contra Samnites pugnare, prospere pugnavit, eam ob rem Dictator, cū de eo supplicium sumere vellet, Fabius Romam perfugit, & cum causa parum proficeret, precibus populi donatus est. Liuius lib. octauo. Plinius de viris illustribus, capite 31.

VLTIMA plebis secessio in Ianiculum fuit, propter æs alienum, post graues & lōgas seditio-
nes, vnde à Q. Hortensio Dictatore deducta est:
& lege

& lege ab eo lata Plebiscita pro legib. valere cœperunt. Instit. de iure naturali. Florus epitome Liuii libr. 11.

TITVS Manlius Torquatus Cōsul, bello Latino, filium suum quod cōtra Imperium pugnas-
set, securi percussit. Plinius de viris illustribus.

CLAVDIA soror Claudii pulchri, qui contemptis auspiciis male pugnauerat, reuertēs à ludis, cum turba premeretur, dixit : vtinam frater meus viueret, iterumque classem duceret : ob eā causam multa ei dicta est. Florus epitome libr. 19. Titi Liuii. Sueton. in Tiberio. Gel. lib. 10.

HIMILCO dux Carthagenensiu, victus Carthaginem fugit, & à Senatu Carthagenensi petiit quid faciendum censerēt, omnibus, vt pugnaret, adclamantibus : Feci (inquit) & victus sum : sic pœnam crucis effugit. Nā apud Pœnos dux male gesta re, puniebatur. Plinius de viris illustribus.

POST cladem Cannensem, cum à nobilibus adolescentibus consilium de relinquenda Italia iniretur, Publius Cornelius Scipio Tribunus militum, Africanus postea dictus, stricto super capita deliberantium ferro, iurauit se pro hoste habiturum eum, qui in verba sua non iurasset, effecitq; vt omnes non relictum iri à se Italiam iureiurando adstringerentur. Liuius libr. 12.

MANLIUM Statilium transfugere ad hostes volentem, equo & armis donatis, retinuit Q. Fabius Maximus Cūctator. Plinius de viris illustribus capite 43.

MANCINVS auctor Tib. Graccho quaestore in leges hostium, fœdus percussit, quo per Senatū improbatō, Mancinus Numantinis dedi-

rus, nec receptus, augurio in castra deductus, proutam postea consequutus est.

CVM Senatus Campanorū ob defectionem deligatus esset ad palos, vt securi feriretur, literas à Senatu missas Q. Fulvius proconsul, quibus iubebatur parcere, antequā legeret, in sinu posuit, & lege agi iussit, & supplicium peregit. Liuius libro 16.

T. Gracchus Trib. Pl. legem tulit ne quis plus mille agri iugera haberet. Octauio collegæ intercedenti, nouo exemplo, magistratum abrogauit. Sic Triumuir creatus diuidendis agris, cum prorogare sibi potestatem vellet, aduersis auspiciis in publicum processit, statimq; Capitolium petiit, plebemq; ad defensionem salutis suæ manu caput tangens, hortatus, præbuit speciem regnum sibi & diadema poscentis, atque ita duce Scipione Nasica, concitato in arma populo, quasi iure oppressus est. Eius corpus Lucretii Ardilii manu in Tiberim missum, vnde ille* **VISPILLO** dictus. Nasica, vt inuidiæ subtraheretur, per speciem legationis in Asiam ablegatus est. Liuius lib. 58. Plinius de viris illustribus. Flor. lib. 3. cap. 14.

C. MARTIENS accusatus est apud Triplebis quod exercitū in Hispania deseruisset, damnatusque sub furca diu virgis cesus est, & sester-tio nummo venit. Liuius lib. 55.

SEDITIONES à Triumuiris F. Flacco, G. Graccho & C. Carbone agro diuidendo creatis excitatæ, Gracch. fretus comitum manu fatale familiæ suæ Capitolium inuasit, ab Opimio consule oppressus est: insultatum quoque mortuis reliquiis & illud sacrosanctum caput Tribuni plebis, per-

*Forte legendum est Bis-
spolio, id est,
vixit prius.*

bis, percussoribus aut pensatum est. Liuius lib. 59. & 61. Florus lib. 3. cap. 15. L. Opimius accusatus apud populum à Q. Decio Trib. plebis, quod indemnatos ciues in carcerem coniecisset, absolutus est, Liuius lib. 61.

SED ITIO denique Apuleiana, Drusianaque à Floro Appiano, &c. prolixè explicatur. Vt & bella socialia & seruilia ab eodem Floro, & Spartacū bellum, bellaque ciuilia, Marianum, Syllanum, Cinnacum, Sarrorianum ciuile sub Lepido Cæsaris, & Pompeii, Octauii Lepidi, & Antonii Bruti & Cassii, & Sex. Pompeii, quæ sigillatim referrenimis longum, nimisque superuacuum fuerit.

MEMORABILE quoque vindicatæ diuinitus rebellionis exemplum est in sacris literis, De Co- *Num. 16.* re, Dathan, & Abiron, quos imperium Moſis detrectantes, terra dehiscens absorbuit, & vorauit, in infernum viuos deducens, cum tabernaculis, & vniuersa substantia.

SED nunc ad coniurationes Romanas veniendum. Catilinæ cōiuratio prior breuiter à Sallustio perstringitur, quia quod nimium is properasset signum dare antequam frequentes armati cōuenissent, ea erumpere non potuit. Huius coniurationis participes Crassum & Cæsare dicere videtur Suetonius in Iulio Cæsare, cap. 9.

POSTERIOR coniuratio sic erupit. Cæsare & Figulo Coss. Catilina patritius conuocatis XI, Senatorum ordinis viris (ex quibus Lentulus & prætor erat) & IIII, equitibus Romanis, consilia sua aperit, vt interficere consulem, & se consulem gerere, incendere urbem, donare prouincias, tabulas nouas, proscriptionem locupletum, magi-

stratus, sacerdotia instituerit. Fit coniuratio & omnium iureiurando firmatur. Eam prima detexit Fulvia, per quam deinde Cicero effecit ut Q. Curius Fulviæ stuprator particeps & ipse coniurationis, consilia omnia Catilinæ ad Ciceronem deferret, illectus præmiis à consule promissis, & præter hæc impunitate. Sed & insidias in ipsius Ciceronis caput paratas, ut sub specie salutandi domi mane eum occidere decreuissent, ipsi patefecit. Cicero initio nihil horum in publicum effert, sed cognito Manlium iam in Etruria homines sollicitare & cogere, rem tam vulgi rumoribus agitatam in Senatum defert, Senatus decernit, DENT OPERAM CONSVLES, NE QUID RESPVBLICA DETRIMENTI CAPIAT. Quo Senatus Consulto maxima potestas Consuli permittitur, bellum gerere, de capite cuius iudicare, domi militiæque imperium & iudicium summum habere, aliter, si ne populi iussu, nulli harum rerum Cōsuli ius est. Indici præterea præmium decernitur, seruo, libertas, & sestertia cētum, libero, impunitas, & sestertia ducenta millia. nemo tamen ex tam populosa ciuitate, quamvis plerique scirent, tantum scelus patefecit, nec ex castris Catilinæ quisquam omnium discessit. Senatus, lectis literis Catuli, auditaque eius ad Māliana castra profectio, cum fascibus & cæteris Imperii insignibus; CATILINAM ET MANLIUM HOSTES IUDICAT. cæteræ multitudini diem statuit, antequam liceret sine fraude ab armis discedere, præter rerum capitalium damnatos. Decernit etiam ut Consules delectum habeant.

*Primum Sen.
Consul.*

*Sententia
Sen.*

Allobroges primum, indicium profitentur se
ad

ad belli societatem per Lentuli literas inuitatos, quas Cicero incircipi, & sibi reddi curat. Has in Senatum simul & earum latores adducit: signa à Lentulo, & aliis coniuratis recognoscuntur: ita palam conuictos & confessos, pronunciat Senatus CONTRA REMP. fecisse eoque in liberam custodiam dimitti iubet. Legatis Allobrogum ob verum indicium præmia decreta. L. Tarquinii indicium (quia Cæsarem inter coniuratos nominauerat,) vt falsum, reiectum: isq; eo nomine in vinculis retentus. Iterum Cicero cõuocat Senatum, rogans quid fieri placeret de his qui in custodiis erant, sententiis varie dictis in Catonis itum est. De cõfessis sicut de manifestis rerum capitalium, more maiorum, supplicium sumendum. Itaque instanti nocte Cicero Lentulũ & socios in carcerem curat deduci, eisq; per Triumuiros capitales laqueo gulam frangi, tametsi more maiorum puniri, sit nudi hominis ceruicẽ inferi furcæ, corpus virgis ad necem cædi. Sueton. in Nerone cap. 49. Sex. Aurel. Victor in Nerone, Catilina vero nefarie contra rempub. armatus, in acie à iuste armato populi exercito, cum reliquiis cõiurationis trucidatus est.

*Aliud Sen.
Consul.*

Coniuratio in Cæsarem.

CONSPIRATVM est in C. Iulium Cæsarẽ, perpetuum Dictatorem à sexaginta amplius, C. Cassio Marcoque ac Decio Bruto principibus cõspirationis, qui omnes in curia Pompeii specie officii eum circumstantes, per Cimbrum Tullium & Cascam sicarios interfecerunt. Fuerat animus cõiuratis, occisi corpus in Tiberim trahere, bona pu-

blicare, acta rescindere, sed metu Antonii Consul-
lis, & Lepidi magistri equitum destiterant, percus-
sorum fere neque triennio quisquam amplius su-
peruixit, neque sua morte defunctus est. Damna-
ti omnes, alius alio casu periit, pars naufragio, pars
prælio, nonnulli semet eodem illo pugione, quo
Cæsarem violauerant, interemerunt. Sueton. in
Iulio cap. 80. & seq. & ca. ult.

Coniurationes in Augustum.

CONIVRATIONES diuersas prius quam inua-
lescerent, indicio detectas compressit, alias alio
tēpore. Lepidi iuuenis, deinde Varronis, Mure-
næ, & Fannii Cēpionis, mox M. Egnatii & cetero-
rum. Nam nec vltimæ quidem fortis hominum
conspiratione & periculo caruit. Sueton. in Aug.
cap. 19.

*Coniurationes in Gaium Cali-
gulam.*

Vna aut altera coniuratione aduersus eum de-
tecta, aliis cunctantibus, duo consilium commu-
nicauerunt, perfeceruntque non sine conscien-
tia potentissimorum libertorum, præfectorum-
que prætorii. Cumque placuisset Palatinis ludis
spectaculo egressum meridie aggredi, primas sibi
partes Cassius Chærea Tribunus cohortis scor-
torix depoposcit. Is ceruicem gladio cēsum graui-
ter percussit: dehinc Corneli⁹ Sabinus, alter è cō-
iuratis Tribunus, ex aduerso traiecit pectus. Sue-
ton. cap. 56. & 57. & 58. in Gaio.

Coniurationes in Claudium Cæsarem.

CLAUDIUS & à singulis & per factionē, & de-
nique

hique ciuili bello infestatus est: è plebe homo nocte media, iuxta cubiculū eius cū pugione inuētus est: reperti & equestris ordinis duo in publico, cū dolone ac venatorio cultro, præstolantes, alter ut egressum theatro, alter ut sacrificantē apud Martis ædem adoriretur. Conspirauerant autem ad res nouas, Gallus Asinius & Statilius Coruinus Pollionis ac Messalæ oratorum nepotes, assumptis plurimis libertis ipsius atque seruis. Bellum ciuile mouit Furius Camillus Scribonianus, Dalmatię legatus: verum intra quintam diem oppressus est. Suet. in Claudio. c. 13.

Defectio à Nerone.

NERONEM tyrannum perditissimum perpetratus orbis terrarum, per quatuordecim annos tandem destituit, initium facientibus Gallis, duce Iulio Vindice, qui tum eam prouinciam pro prætore obrinebat. Galba deinde cū tota Hispania desciiuit. Postea quoque nunciata ei est cæterorum exercituum defectio. Nouissime etiam Senatus hostem eum reipub. iudicauit, & quaesit ut puniretur more maiorum: & cū ei quid hoc esset, ambigenti, dictum esset, nudi hominis ceruicem inferi furcæ, corpus virgis ad necem cædi, conterritus, duos pugiones quos secum tulerat, arripuit, & ut sensit adesse equites. qui eum attraherent viuū, ut præceptum erat, ferrum iugulo adegit, iuuantē Epaphrodito à libellis. Sueton. in Nerone cap. 40. 42. 47. 49. Sex. Aurel. Victor in eodem.

Coniuratio in Galbam & Vitellium.

OTTHO Senator indignatus quod Galba Pilo-

nem Iuuenem adoptasset, & Cæsarem designasset, in necem Galbæ coniurat cum multis, & eum sexto post die iugulandum curat. Sueton. in Galba cap. 17. & 20. Xiphili. in Galba, qui & Pisonem tum quoque interfectum esse ait. Orthone mortuo, Vitellius inuasit principatum: contra quem Vespasianus, qui contra Iudæos bellum gerebat, Mucianum in Italiam misit: post multas insidias & aggressiones, tandem apud Gemonias minutissimis ictibus excarnificatus est, & vincto in Tiberim tractus. Suet. in Vitell. Dio. Xiph. in eodem.

Coniuratio in Domitianum.

OB MULTAS crudelitates, terribilis cunctis & inuisus Domitianus, tandem oppressus est, amicorum libertorumque intimorum conspiratione, simul & vxoris. Stepha. Domicillæ, eius vxoris procurator, professus conspirationis indicium, & ob hoc admissus in cubiculum circa horam sextā noctis, legenti traditum à se libellum, & attonito, suffodit inguina. Saucium ac repugnantē adorti Clodianus Cornicularius, & Maximus Parthenii libertus, à Parthenio immixti: & Saturius decurio cubiculariorum, & quidam à gladiatorio ludo vulneribus septem contrucidauerunt. Suetonius in Domitia. cap. 14. & 15. Sex. Aurel. in eodem: postea sub Nerua quamvis eo prohibente, milites Petronium vno ictu, Parthenium vero demptis prius genitalibus, & in os coniectis, iugulauere.

Coniurationes in Neruam.

CRASSVS Calphurnius in Neruam coniurauerat. Hunc cum cæteris coniuratis dum ludi edicerentur,

rentur, assidere iuxta se voluit. & nescientibus patefactam coniurationem gladios obtulit, vt percontarentur satisne acuti essent, significans nō multum sibi curæ esse, si vel tunc ab illis interficeretur. Sed & Ælianus Casperius PP. cum ultantes prætorianos aduersus Neruā concitauit hoc consilio, vt per speciem ultionis quosdam eorum, cœu hostes Cæsaris, ad mortem posceret. Sed Nerua adeo restitit, vt denudato collo iugulum confodiendum porrigeret, &c. Xiphilin. in Nerua.

Coniurationes in Hadrianum.

HADRIANVS initio Imperii Palmam, Celsum, Nigrinum & Lusium occidi voluit, quia in venatione illi insidias struxisse dicebantur. Dio. in eodem.

Coniurationes in Pium.

PUBLICATIONES bonorum rariores sub eo, ita vt vnus tantum proscriberetur affectatæ tyrannidis, hoc est Atrilius Titianus, Senatu puniente, à quo conscios requiri vetuit, filio eius ad omnia semper adiuto. Perit & Priscianus reus affectatæ tyrannidis, sed voluntaria morte. De qua coniuratione quæri vetuit Capitolinus in Pio.

Coniurationes in Marcum.

ANTONINVS non est satis motus defectione Cassii, nec in affectus eius sæuiit: quamuis ille à Senatu hostis esset iudicatus, bonis publicatis, sed & caput eius humari iussit. Metianum tamen filium Cassii, cui Alexandria erat commissa exercitus occidit: in conscios defectionis vetuit grauius vindicari: simul petiit ne quis Senator, tempore principatus sui occideretur, ne eius pollue-

retur Imperium. Capitolin in Marco. Ignouit & ciuitatibus quæ Cassio consenserāt, & Antiochen-sibus, qui multa in Marcum pro Cassio dixerant: indulgit eodē modo & Alexandrinis: ipsum Cassium pro clementia occidi passus est, non occidi iussit. Deportatus est Heliodorus filius Cassii, & alii liberum exilium acceperunt, cum bonorum parte: filia autem Cassii & amplius media parte acceperunt paterni patrimonii, & auro atque argento adiutæ, mulieres autem etiam ornamentis: ita vt Alexandria filia Cassii, & Druncianus gener, liberam vagandi potestatem haberet. Doluit denique Cassium extinctum, dicens, voluisse se sine senatorio sanguine Imperiū transigere. Capitolinus in Marco. Vulcatius Gallicanus in Cassio. Sed Drunciani bona fisco post mortem vindicari voluisse Marcum dicit Paulus l. 6. C. hoc titulo.

Coniuratio in Commodum.

CRVDELITAS vitæ Commodi, Quadratū & Lucillam cōpūlit ad eius interfectionem consilia inire, non sine præfecti prætorio Tarrutini Paterni consilio. Datū est autem negotium peragenda necis Claudio Pompeiano propinquo, qui ingressus ad Cōmodum, districto gladio, cū faciendi potestatem habuisset, in hæc verba prorumpens: Hunc tibi pugionem Senatus mittit, detexit facinus fatuus, nec impleuit: multis cum eo participātibz causam. Lamprid: in Commod. Nouissime Q. Aelius Latus præfect⁹, & Martia concubina, per venenum & *athletam strangulauerunt. Lampridius, ibidem Statuæ abolitæ, nomen

*Huius athleta
nomen fuit
Narcissus*

homē à publicis priuatifq; monumentis erasum.
Sex. Aurel. Victor.

quem Seue-
rus Lecitib.
obicit. Spar.

Coniurationes in Pertinacem.

INSIDIAS parauit ei Falco, volēs imperare,
de quo conquestus est in Senatu, quod quidem
Senatus credidit. Sed Pertinaci factio praparata
est per Latum præfectum Prætorio, & eos quos
Pertinacis sanctimonia offenderat. Latum enim
pœnituerat, quod Imperatorem fecerat Pertina-
cem. Trecenti armati de castris ad Imperatorias
ædes venire cuneo facto : tantū autem omnium
aulicorum in Pertinacem odium erat, vt ad faci-
nus milites hortarentur : ad eos cōpescendos Le-
tus P. P. missus, eis declinatis adoperto capite do-
mum se recepit : Pertinax cum ad eos processis-
set, graui oratione fere placarat, cū Tausius qui-
dam hastam ei in pectus obiecit. Tunc ille preca-
tus Ionem vltorem, toga caput operuit, atque à
cæteris cōfossus est. Caput eius conto fixum, mi-
lites qui eum occiderant, per urbem in castra per-
tulerunt : reliquiæ eius, recuperato capite, in se-
pulchro aui vxoris locatæ sunt. Capitolin. in Per-
tinace. At Sex. Aurel. Victor ait, scelere Iuliani
successoris sui, multis vulneribus obtruncatum,

*Coniurationes in Didium, Iulianum, &
ipsum in Seuerum.*

SÆPE ACCIDIT vt tibi fiat quod alteri fe-
ceris. Reus factus Iulianus cōiurat onis, cum Sal-
uio contra Cōmodum, à Commodō (quia mul-
tos iam nobiles, ac potētes occiderat in causis ma-
iestatis,) ne tristius grauaretur, absolutus erat, ac-

R

cusatore damnato. Sed & rumor fuit Iuliani consilio Pertinacem interemptum. Ergo & cum Imperator postea factus esset, mortuo Pertinace, ab eo Pescennius Niger in Syria, Septimius Seuerus in Illyrico cum exercitibus, quibus præsidebant, desciuere. Addit præterea Dion. Albinum descivisse eodem tempore in Britannia. Iulianus impetravit à Senatu, ut Seuerus hostis renunciaretur, eiusq; militib. dies præstitueretur, ultra quæ si cū Seuero fuissent, hostium numero haberentur. Missus est & Seuero successor: missus & Centurio qui illum occideret. Sed cum Seuerus ad urbem infesto agmine veniret, Senatū rogavit Iulianus, ut Vestales & sacerdotes cum Senatu obviam exercitui prodirent, eumq; pro Iuliano rogarent. Sed Faustus Quintilianus consularis Augur cōtradixit, asserens non debere imperare eū, qui armis aduersario nō possit resistere: cui multi Senatores consenserunt. Nouissime cum omnia consilia de vi cogendo Senatu, & eo mutato, de participatione imperii à Senatu impetrāda & Seuero, de clam interficiendo Seuero & Albino cōsumpsisset, & Seuerus hostem se Iuliano esse mallet, quam participem, breui desertus ab omnibus eique à Senatu abrogato imperio, & Seuero delato, in abditis Palatii balneis, iussu Senatus, vel, ut alii volunt, Seueri, extenta damnatorū modo ceruice, decollatus est per gregariū militem, caputq; eius in rostris positum. Spart. in Didio Iuliano. Sex. Aurel. Victor in eodem. Dion. in eod.

Coniurationes in Seuerum.

NIGER contra Seuerum etiam, tuū Imperatorem

tozem à Senatu confirmatum rebellauit, atque ideo hostis cum Æmiliano est appellatus. Promisit Senerus Nigro tutum exilium si vellet, Æmiliano autem non ignouit. Itaque eius iussu occisus est. Seuerus conflixit cum Nigro, eumque apud Cyzicum interemit, caputque eius pilo circumtulit. Filios Nigri post hoc, quos suorum libertorum cultu habuerat, in exilium cum matre misit, neque quemquam Senatorum, qui Nigri partium fuerant, præter vnum supplicio adfecit. Antiochensibus iratior fuit, quod & administrantem se in Oriente riserant, & Nigrum etiam victu iuuerant. Denique multa his ademit Neapolitanis, etiam Palestinensibus ius ciuitatis tulit, quod pro Nigro diu in armis fuerant. In multos animaduertit præter ordinem Senatorium, qui Nigrum erant secuti.

Multas etiam ciuitates eiusdem partis, iniuriis adfecit & damnis. Eos Senatores occidit, qui cum Nigro militauerunt, Ducum vel Tribunorum nomine. Arabes, Parthos, Adiabenos in ditione redegit, qui omnes cum Nigro senserant. Exorto mox alio contra Albinum ciuili bello, filios Nigri cum matre exules occidi iussit.

Albinum hostem iudicauit, & qui ad illud mollius scripserunt vel rescripserunt. Albinum bello vicit.

Senatorum, qui in bello erant interempti, cadauera, dissipari iussit.

Deinde corpore Albini allato, pene seminecis caput absciendi iussit, Romamque deferri, idque literis prosequutus est. Reliquum cadauer eius, ante domum propriam, exponi ac diuidi iussit. E

quum præterea ipse residens, supra cadauer Albi-
ni egit, expauescentemque admonuit, vt effrena-
tus audacter protereretur. Alii addunt quod idem
cadauer in Rhodanum abiici præcepit, simul et-
iam vxoris liberorumque eius. Interfectis innu-
meris Albini partium viris, inter quos multi prin-
cipes ciuitatis, multæ feminae illustres fuere, om-
nium bona publicata sunt, ærariumque auxerunt, tum Hispanorū & Gallorum proceres multi
occisi. Deniq; totum genus Albini extinxit. Spar-
tianus in Seuero.

Coniuratio in Getam.

BASSIANVS alter ex Seueri filiis, fratrem Ge-
tam in palatio fecit occidi, post patris mortē: con-
questus apud milites se eius insidiis circumueniri,
& sibi ab eo venenum parari: dicētibz cunctis se
duobus fidem promississe liberis Seueri, duobus
seruare debere. Papinianū iuris asylum, & doctri-
næ legalis thesaurum, vna cum filio, quod parrici-
dium excusare noluiſſet, in conspectu suo occidi
iussit, & præfectum quidem suum, ne homini per
se & per scientiam suam magno, deesset & digni-
tas. Spartia. in Seuero & Bassiano. Ob illam cau-
sam, quia imperator ab hominibus puniri nō po-
terat, furore pœnas dedit Dirarum insectatione,
quæ non immerito vlttrices vocantur, à quo post
furore conualuit. Sex. Aurel. Victor in Caracalla.

*Coniuratio in Bassianum, Antoninum
Caracallam.*

BASSIANVS cum ad requisita naturæ, seu offi-
cia naturalia secessiſſet, insidiis à Macrino PP. po-
ſitis, qui post eum inuasit imperium, interemptus
est.

est. Conscii cædis fuerunt Nemesianus & frater eius Apolinaris, & plerique officialium, cum ex equo, leuandæ vesicæ causa, descendisset, atque inter protectores suos coniuratos cædis ageret: itaque euenit quod Papinianus prædixerat, cum ad mortem raperetur, stultissimum fore, qui in suū locum subrogaretur, nisi adperitā crudeliter præfecturam vindicaret. Spartianus lib. eod.

Coniuratio in Macrinum.

CVM Macrinus, cum Diadumeno filio ab exercitu essent creati Imperatores, ab eodem exercitu, anno sequente obtruncati sunt, eo quod Macrinus militarem luxuriam, stipendiaque profusiora comprimeret.

Coniuratio in Heliogabalum seu Pseudentonium, & Sardanapalum.

HELIOGABALVS tumultu militari occisus est, corpus more canis à milite tractum est, & nouissime in Tiberim proiectum, adiecto pondere nunquam emergeret. Sex. Viët.

Coniuratio in Seuerum.

ALEXANDER occiditur Magonciaci tumultu militari. Sunt qui à Maximino immisos tyrones dicant, qui eum cum matre occiderent. Is cum se deserti à stipatoribus suis videret, occurrenti percussori ceruices suas præbuit. Viët. Lamp.

Coniuratio in Maximinos.

APVD Aquileiã seditione militum discerptus est Maximinus pater, vna cum filio, cum primus ex corpore militari sine Senatus autoritate ab exercitu Imperator electus esset. Viët. Euf. chroni. Huius imperio Gordiani pater & filius princi-

patum attripientes, vnus post vnum interiere. Puppienus etiam & Balbinus regnum inuadentes perempti sunt, & in palatio occisi, ingresso Romam Gordiano. Euseb. chr. Victor.

Coniuratio in Philippos.

Ambo tumultu militari & fraude Decii, alter Veronæ, alter Romæ interfecti. Oros. lib. 7. c. 20. Euseb. chronic.

Coniuratio contra Decios, Gallum & Volusianum.

DECIVS cum filio in medio Barbarorum sinu interfectus, Gallus & Volusianus dum contra Æmilianum res novas molientem bellum exercēt, occisi sunt. Oros. lib. 7. cap. 21. Euseb. chron. Sex. Aurel. Victor.

Coniurationes contra Galienum & Valerianum.

SVB his Principibus triginta Tyranni contra Imperatores legitimos rebellarunt, quorum vitas scripsit Trebell. Poll.

Coniurationes contra Aurelium.

Is fraude serui sui ab amicis suis interfectus est, metu falsarum literarum, Victor.

Coniuratio in Probum.

HIC Sirmio in turre ferrata, militari tumultu occiditur. Oros. libr. 7. cap. 24. Victor. Saturninus tyrannus ab eo oppressus, vt & Proculus & Bonofus. Oros. Euseb.

Coniuratio in Numerianum.

NUMERIANVS fraude Apri soceri, per insidias est

est occisus. De quo Apro postea Diocletianus supplicium sumpsit.

Coniurationes in Diocletianum, seu Imperium Romanum, seu quietem Galliarum.

DIOCLE. rusticorū multitudinem oppressa, quæ factioni suæ Baugaudarum nomen indiderat pacem Gallis reddidit. Idem Carausium, qui sumpta purpura Britannias occuparat. Item Achilleum qui in Ægypt. Narse qui in Orien. quinquaginta annos, qui in Afric. rebellabant, auxilio Cæsarum sibi assumptorum compescuit. Euseb. chr. Oros. li. 7. cap. 25.

Al. Baugaudarū, quidam hoc verbum significasse tumultum putant.

Coniurationes Arrianorum in Catholicos, Principes & ecclesiam atque Sacerdotes.

Ex quâ tempore Constantius tertius, inter liberos Constantini Augustus, in hanc hæresim delapsus est, impietas Arriana illius præsidio fulta exiliis, carceribus, & variis afflictionibus, primum Athanasium, deinde omnes non suæ partis Episcopos persecuta est. Eusebius chronic. li. 8. de temporibus Vetrano & Nepotianus contra Imperatores rebellarūt, & dignum factis exitum inuenerunt, proscriptis eorum consociis. Sed & Syllanus in Gallia res novas molitus extinctus est. Omnes pene toto orbe Ecclesiæ, sub nomine pacis, & regis Arrianorum consortio polluantur. Idem Euseb. Anno etiam 12. Theodosii imperii, Eutrop. consul in magistratu ob eandem causam occisus est, & nomen eius fastis erasum. Socrates. lib. 6. c. 5. Ecclesiast. hist.

Coniurationes sub Valentino & Valente, & Theodosio.

PROCOPIVS qui apud Constantinopolim hoc tempore tyrannidem inuaserat, apud Phrygiem salutarem extinctus est, & plurimi Procopianæ partis cæsi atque proscripti. Hieron. in Chronic. appen. Sed & Firmus qui apud Mauritaniam regnum inuaserat, extinctus ope Theodosii, in Imperii subsidium acciti. Sext. Aurel. Victor. Oros. lib. 7. cap. 33.

Eo tempore Maximus apud Britanniam tyrannide arrepta in Gallias transmisit, Gratianum extinxit: quem Theodosius postea ultus interfecit cum Victore eius filio. Eugenium etiam tyrannum & Arbogastem idem Theodosius superauit. Sex. Aurel. Victor.

Coniurationes contra Archadium & Honorium pueros Augustos.

GILDO Comes minimam in paruulis spem foreratus, Africam in ditionem suam alserit, hic à fratre contra se misso superatus, strangulatus post aliquot dies est. Rufinus Orientalis aulæ tutor tyrannidem affectans, occisus. Stilico filio suo Eucherio Imperium procurans similem reperit exitum, vna cum filio Eucherio. Anno 11. Imperii Theodosii Iunioris, Herodiani illius anni Cōsulis memoria, ob crimen perduellionis damnata fuit, eo in magistratu occiso, & nomine eius fastis eraso. Hinc fit vt l. 6. C. de iurisd. Lucium tantum subscriptum habeat.

Coniurationes omnium gentium aduersus Imperium maxime occidentale.

SAXO-

SAXONES, Wandali & Alani Galliarum partem, quod reliquum est, Constantinus tyrannus, post Gratianum tyrannum obsidebat, ipsa denique orbis caput Roma, depredationi Gotthorum foedissima patuit. Prosper Chronic. hoc tempore diuersi tyranni exorti sunt, Gerontius Comes, Maximus, Iouinus cum fratre Sebastiano, Ataulfus, Sallustius, Alaricus, Heraclianus Comes Africae: Ioannes ex primicerio Notariorum. Oros. Prosper Chronic.

GALLIA vltior * Batonem, principem rebellionis secuta, à Romana societate discessit, à quo tracto initio omnia pene Galliarum seruitia in Bagaudam conspirauere: sed sequente anno capto Batone & ceteris seditionis principibus victis vel necatis, Bagaudarum commotio conquiescit. Prosper Chronic. Vtinam in Gallia non iterum suscitati essent Bagaudae. Attila Gallias ut proprias vindicat, graui clade accepta tandem recedit.

Sunt adhuc apud Bituriges quidam huius nominis superstites qui ab infame ortu habuerint, affirmare non ausim.

ÆTIVS etiam & Maximus in Valentinianum exarserunt, post quorum exitum, capta Roma est à Genserico: sed Ætio fraude Maximi iam perierat: Valentinianus dolo Maximi truncatus: hic Maximus tertio tyrannidis suae mense, membratim à pop. Rom. est discerptus & in Tiberim deiectus.

AVITVS in Galliis assumit Imperium, qui deinde Placentiae captus est à magistro militum Ricimere. Leuatus est etiam Imperator Maiorianus, ut in chronicis manuscriptis notatur: quo Maiorano immisione Ricimeris occiso, Seuerus in eius locum Imperator substituitur: qui quarto Imperii sui anno fraude etiam Ricimeris peremptus,

est, Leuatus est Imperator Anthemius. Seruādus Gallorum præfectus Imperium tentans inuadere, iussu Anthemii perimitur: anno sequente Romanus similiter Imperium adfectans capite cæsus est. Aspar adfectans tyrannidem Constantinopoli à Leone Imperatore occiditur, cum Ardabure & Patritiolo filiis. Bellum deinde ciuile gestum est Romæ inter Anthemium Imperatorem & Ricimerem: Anthemio occiso, loco eius Olybrius, eo adhuc uiuo, leuatus est Augustus: qui etiam Gundibaldum Rauennæ fecit Imperatorem, eodemque Gundibaldq hortante Glicerius (alias Lucretius, alias Licerius, alias Liarius) plus præsumptione quam electione Cæsar factus est. Anno deinde sequenti Nepos patricius, Lucerio expulso & Episcopo Salonis ordinato, Imperium arripuit. Leone Imperatore mortuo, & Zenone Imperâte, Orestes pater Augustuli, Nepotem Imperio expulit, & filium suum Augustulum Imperio præfecit. Sequenti anno ab Odoacre occupatur Italia & Imperiũ, & Orestes cum fratre Paulo necatur. Odoacer nomen Regis adsumpsit, Augustulum in exilium misit. Hic Imperatorum Romanorũ veteris Romæ finis fuit, Gotthorum dehinc regibus Romam obtinentibus: regnat Odoacer nullo inquietante 14 annis. Paul. Diac. Iornandes: Comes Marcellinus: Siegbert. &c.

THEODERICVS Rex regnum Italiæ sibi à Zenone donatum, vt sibi retineret, vt Gotthi scribunt & plerique Historici, seu vt legitimo Imperatori, id est ipsi Zenoni seruaret & restitueret, vt Balisarius ait apud Procopium in Gottichis, Odoa-

Odoacrum quarto certamine superauit : & cum in fide susceptum truculenter peremit.

EODEM Zenone imperante Ilus & Leontius tyranni effecti in partibus Sirie & Isauriæ debacchabantur: sed nō multo post ab exercitu Zenonis capti, decollatiq; sunt, & capita eorum Constantinopolim allata, præfixaq; hastilibus, tabuere.

Coniurationes contra Regem Francorum.

LEONE imperante, Franci cōtra Regem suum Hildericum Merouei filium, quod filias eorum insolenter & luxuriose constupraret, regno deturbāt. Qui data aurei medietate amico suo Vindiomaro, reconciliationis speratæ symbolo, apud Basinum Thoringorum Regem latuit annis octo. Franci vero Egidium ducem Romanorum, Regē sibi præficiunt: sed cum Francos plus iusto hic opprimeret, eius iam regno Francis graui Vindiomarus missa aurei medietate, clam Hildericum reuocat, eique restitutionem in regnum conciliat. Eodem tempore, Franci post Vuandalos & Alanos, post Gotthos & Hunnos incessunt Gallias, non tantum vt habeant direptioni, sed vt sibi sint perpetuæ habitationi: qui capta Colonia Agrippina, fugato de bello duce Egidio, multos Romanorum occidunt: mox Treuerim ad Mosellam capiūt, & altero post anno Hildericus Aurelianam urbem deuastat, & biennio post Andegauensem ciuitatem: eius quoque filius Clodoueus Suesione cum Syagrio Romanorum duce congregitur: hic victus Tolosam ad Alaricum fugit, à quo Clo-

*Regnū Fran-
corum.*

doueo repofcenti remiffus occiditur. Clodo-
ueus vero quicquid Galliarum fub iure erat Ro-
manorum, ad ius Frācorum transfert, & primum
ufque ad Sequanam, poftremum etiam ufque ad
Ligerim regnum dilatat, & caſtrum Maledunum
occupat ad Sequanam: tandem etiam Burgundiā
ſibi fecit tributariam, victo eius Rege Gundebau-
do. Itaque ab Anaſtaſio Imperatore codicillos cō-
ſulatus & coronam auream, cum gemmis, & tu-
nicam * blatteam accepit, & Conſul ex ea die &
Auguſtus eſt appellatus. Ipſe quoque Rex miſit
Romæ S. Petro coronam auream cum gemmis,
quæ corona in hunc ufque diem regnum appella-
ri ſolet. Sigibert. chron. Ex his liquet iam inde
ab initio Imperium Occidentale in ius ac ditionē
Francorum Regum ceſſiſſe: accedente etiam O-
rientalium Imperatorum ratihabitione: quod &
ex Procopio in Gottichis liquet, nō autem à ſolis
Caroli Mag. temporibus: atque idcirco à regno
Francorū nomen Imperii Occidentalis auelli nō
potuiſſe, quin & regnū ipſum extingueretur. ſed
ea de re diligētior à nobis perſcripta eſt tractatio.

*Id eſt, ex ſeri-
cochroma
ſynoneſe te-
gram.*

Coniurationes contra Anaſtaſium Impe- ratorem.

BELLA ciuilia aduerſus Anaſtaſium à Vitalia-
no excitata ſunt, propter Eutyſchianam hæreſim
Deo & hominibus exoſam. Anaſtaſius fulmine
eam ob rem à Deo percuffus interiit.

Coniurationes contra Juſtinum & Theo- dericum.

IUSTINVS Imperator inbiantes regno ſuo A-
mantium & Andream ferro, Miſaelem & Arda-
burem

burem exilio puniuit. Theocritum Amantii satelitem, saxis contisque cæsum; falsum in gurgitem iccit, sepultura & Imperio eum priuans: cædus cū Vitaliano percussit, & ad se euocatum, magistrum militum præsentalem & consulem ordinariū fecit, quem rursus in suspicione habēs prioris facti, sedecim vulneribus in palatio cum Celeriano & Paulo satellit. confossum perimit.

BOETIVS annitente sibi Symmacho cum auctoritatem Romani Senatus contra Theodericum Regem Italiæ tueri nititur, ab ipso in exilium pellitur, vbi librum de consolatione Philosophiæ scripsit. Sigib. chronic. Pau. Dia. Sed & lōgo exilio fatigati, tandem ab eodem perimuntur. Sigib. addit Diaconus & Ioannem Papam ab eodem perēptum, quod eum Theodericus catholicæ pietatis defensor honorifice suscepisset, sed ultione diuina non multo post subita morte Theodericum fuisse percussum.

Coniurationes contra Iustinianum.

Hypatium Pompeium & Probum, Imperium adfectantes, quinta sceleris die trucidari iussit, & socios eorum proscripsit aduersus Theodatū, qui Amalasuntam in balneis stragulari iusserat, Belisarium in Italiam mittit. Belisarius apud Iustinianum affectatæ tyrannidis defertur, & ab eodem absoluitur. Sub Iustino Iustiniani filio Narsas rebellauit, & Longobardos in Italiam introduxit.

SCIPIONIS GENTILIS

ORATIO PRO C. CA-

SARE.



SEPENUMERO antea ex hoc loco doctissimorum hominum orationes habitæ sunt, de reb. in natura grauissimis, aut ad cognoscendum vtilissimis, atque pulcherrimis, magna tum audientium voluptate, tum eorum, qui eas habuere, gloria. Mihi studium est ius ciuile, & vetus memoria populi Romani. Ex vtraque copia, quæ in me sine est perexigua, sed vt aliqua tamen esset, fateor me à pueritia elaborauisse, illud erit, quod nunc afferam, & in medium proponam. Ita enim de imperio C. Cæsaris dicam, vt & quibus rationibus ad principatum populi omnium gentium victoris, dominiq; peruenerit, exponam; & ius tamen inquiram, atq; explicem, an iuste & bono publico peruenerit. De hoc enim in primis dubitari video. Intelligitis, Auditores, me de re omnium maxima inter mortales, maximoque omnium seculorum ac populorū Imperatore dicturum: idque à me eo libentius fiet, quod intelligam contraria iudicia esse non de Cæsare, sed de causa Cæsaris. Tyrannum & oppressorem patriæ, libertatisque communis, & bonorum omnium hostem appellant, & qui solus ad euertendam Rempubl. sobrius adcesserit. Hoc vno testimonio Catonis magis Cæsarem premi, quam omnibus criminibus reor. Nam si C. Plinius inter calamitates Q. Metelli Macedonici, summi viri, retulit; quod inimicus Scipioni Africano fuit; si Tiberius princeps se indignum luce & vita, palam in Senatu professus est, si M. Lepido displiceret; cur nobis non iniusta, atq; improba ea causa videatur, quæ M. Catoni sic displicuit, vt non sententiis solum eam, sed armis atque

atque castris oppugnauerit ? Neque enim nimis elate putandus est Lucanus dixisse :

Vitrix causa Deis placuit, sed victa Catoni.

Hic igitur quoniā obex ad omnes partes orationis mee opponitur (quicquid enim dixero, statim cōtra occurreretur, Atqui aliter Cato iudicauit) idcirco, si fieri potest, initio eum orationis meae amouebo, atque amoliar. Damnauit causam Caesaris Cato ? Sed inuidus, sed inimicissimus Caesaris, sed ille Cato, qui eundem, amplissimis rebus gestis, vinctum ac nudum Germanis Britannisque sua sentētia dedit. De inuidia quod dico, ita est, ut Cicero amicus Catonis & defensor summus, etiam mortui, scripsit, iis solis eum non inuidisse, quorum sibi à virtute atque industria nullum certamen propositum iri videbat. De inimiciis manifestius est, quam ut explicari debeat. Quarum inimiciarū causas, præter dissimilitudinem naturæ ac morum, illas duas fuisse animaduerti, Catonis, inquam, sororem, cuius pudicitia illudere Caesar credebatur, & repulsæ in magistratu petēdo dolorem. Sed priuata hæ causæ sunt, inquiet aliquis : Catonis autem ea virtus, isque animus in Rēpubl. fuit, ut nullis odiis, nullisque inimiciis sese à vero & bono remoueri pateretur : ea præterea sapientia, ut bonam & malam causam omnium optimè diiudicare posset. Nec Pompeium secutus est, quod ipsum probaret, quem si vicisset, etiam interficere sua manu cogitabat, ne in Rēpubl. pulso Caesare vacuum impetum faceret : sed causam à Pompeio susceptā, quia Rēpubl. causa & bonorum erat, sibi quoque suscipiendam defendendamque existimauit. Eadem si fuisset Cæ-

faris, nullæ erant tantę iniuriæ ac simultates, quas non Cato libentissime Reipubl. condonauisset, ac deposuisset: præsertim cum ad suam ipse potētiam nihil vnquam, sed omnia ad salutem ciuiū suorum, imperiique Romani decus atq; amplitudinem retulisset. Ego vtro, vt non solum eum optimū, sed sapientissimū fuisse concedam, illud tamen nunquam dabo, nihil vnquam eum decepisse, aut rectas de Reipubl. sentētias perpetuo habuisse. quid si contra demonstrē, perniciosissimas atq; exitiosissimas eius actiones consiliaque fuisse? Ille duorum ordinum, senatus atq; equitum concordiam à Cicerone cōglutinatam, præfracte agrario tuendo vectigalibusque dissoluit, vnde pernicies est Reipubl. prima consecuta. Ille Pompeium à se, & à Reipubl. affinitatis suæ repudiatione abalienauit, Cæsarique adiunxit: ille Clodii acta defendit; ille regem Cypri, cuius maiores focii atq; amici pop. Rom. semper fuerant, nullo eius delicto, incognita causâ publicauit: ille nihil Cæsari concedendum putauit. Suffundime sentio, dum hæc loquor, pudore, Auditores. Vereor enim tacitas cogitationes vestras, ne hodie vobis videar ad vituperationem Catonis, hoc est, virtutis ipsius, hunc locum ascendisse. quare non progrediar vltra, nec quæ cum ex summorū sapientissimorumque hominum de hac re veterum, tum nostrorum scriptis monumentisq; collegi, proferam: potius petam ac rogabo, ne præiudicia vestra nobis, ne Catonis nomē opponatur. Rem ipsam & rationem videamus: Ostendamus C. Cæsarem & iustas causas belli ciuilis suscipiendi habuisse, & victoria parta dominatū iustissime bo-

me bonoque Reipubl. cepisse. Nemo est tam impius, aut imprudens, qui neget nihil miserius & detestabilius esse armis dissensionibusque civilibus. etsi enim iis non in exitium Reipubl. contenditur, sed ut salua republ. altera pars factione dominetur ac floreat, sit tamen ipsa re ac necessitate, ut mirifice comune bonum labefacteretur, omniumque salus in discrimen adducatur. Quare viro bono & quieto & bono civi nihil magis convenit (ut noster hic scribit) quam abesse à civilibus controuersis, quod nonnulli cum probarent, periculi causa sequi non potuerunt. Ita enim est, ut in corporibus morbi, sic in Repub. populari praesertim, necessario seditiones interdum existunt, armisque ipsi inter se ciues saepe decertare coguntur: neque integrum nobis est, fortasse nec laudabile aut utile, neutri parti nos adiungere. Ea enim non media (ut Liuii verbis utar) sed nulla via est: quippe sine gratia, sine dignitate praemium victoris erimus. Scelerati tamen sine dubio habendi sunt ii, qui ad arma decurrunt, cum iure disceptare cum aduersariis possint, imo vero qui, si id expedire reipubl. & civium saluti videant, non malint cedere, & ignominiam ac dolorem accipere, quam depugnare. quod Cicero vel inimicorum testimonio amantissimus patriae saepissime in illa Clodiana iniuria se cogitasse, in orationibus ceterisque monumentis suis testatur, cum ei non difficile fuisset, etiam relis ac manibus civium, Tribuno illi impuro furiosoque resistere. At Caesaris res eo erant inimicorum iniquitate deductae, ut saluus esse nisi bello civili non posset. neque vero ipse solus de salute & dignitate periclitabatur, sed una cum illo in-



rabiles alii, nobilissimiq; & fortissimi ciues. non dico boni, quos nec in partibus quidem Pompeii ac suis ullos Cicero ingenue agnoscit: lautos tantum & locupletes & qui dicerentur boni, quos ita ipse tamen se sequi dicit, vt dispulsæ pecudes sui generis greges aut armenta solent. & similiter Salustius: Bonique & mali ciues, inquit, non ob merita in Rempl. omnibus pariter corruptis, sed vti quisque locupletissimus, & iniuria validior, qui præsentia defendebat, pro bono ducebatur. Non igitur ab vna parte Cæsar, ab alia Resp. stabat: sed recte atq; erudite Massiliensium legati Cæsari responderunt, intelligere se, diuisum esse populum Romanum in partes duas; neq; sui iudicii neque suarum esse virium discernere, vtra pars iustiore habeat causam: principes vero esse earum partium Cn. Pompeium, & C. Cæsarem patronos ciuitatis. Quare paribus eorum beneficiis parè se quoque voluntatem tribuere debere, & neutrum eorum contra alterum iuuare, aut vrbe aut portibus recipere. In quo responso vel qua deliberatione si Massilienses perstitissent, & non fide græca egissent, non in eas incidissent calamitates, in quas postea eos sua pertinacia perfidiaque præcipitauit. in quo mirari mihi M. Tullium subit, qui nullum scelus aut facinus indignius vnquam vidisse solè dicit, quam de Massilia triumphari, sine qua Imperatores Roman. ex transalpinis bellis nunquam triumphassèt. vt hoc enim verum sit, cogitare tamen debuit, oppugnationi Massiliæ mari Dec. Brutum, terra C. Trebonium præfuisse, quos viros omnium optimos, atque optime de Republ. meritos, omnibus videri voluit. Quanto prudentius rex

tius rex Deiotarus, qui victori Cæsari supplex factus, quod Pompeium secutus fuerat, non se dixit iudicem beuisse esse controuersiarum populi Romani, sed parere presentibus imperiis Pompeii, cum Cæsar ab iis locis longissime abesset, nullaque præsidia Cæsaris ea pars terrarum haberet. Dimicasse vtrumque de sua potentia non de salute Reipub. sed periculo tamen ciuitatis libenter nunc cuius, ne dum M. Tullio concesserim: neque enim tempus patitur hæc pluribus persequi. Disceptatur, vter iustiorē causam habuerit. nos C. Cæsare dicimus. quod vt certius à nobis intelligatur, recensebo ordine iniurias aduersariorum eius, & iniquitates. Iā satis cōstat, M. Crasso à Parthis cum exercitu interfecto, mortuaq; Iulia vxore Pōpei, q̄ duo vincula concordie inter Pōpeiu & Cæsare erāt metu & charitate mutua colligata, cœpisse suspiciones inter eos, atque emulationem oriri: dum Pompeius retinere veterem potetiam, & primū in ciuitate locū, Cæsar augere opes suas ac dignitate se æquare Pompeio studet. quam occasionem omnia miscendi inuidi atque improbi quidam & acutissimi viderunt, & auidissime arripuerunt. Illorum igitur artificijs, vt in alia Cæsaris epistola legimus, effectum est, vt Respub. in eū starum perueniret: itaque Pompeium rogare per amicos aliosque non destitit, etiam suscepto iam bello, vt mallet sibi amicus esse, quam iis, qui & illi & sibi semper fuerunt inimicissimi. Sed frustra. Vterq; igitur sese aduersus alterū munire cœpit, diffidēs & intētus in omnia. Hispanias, bellicosissimas nationes, Pompeius, Gallias & Illyricum nō minori belli gloria florentes Cæsar, validissimos

que exercitus obtinebant, neq; dimittebant. Sciebant enim omnia in armis posita esse. Quare Pompeius vt aliqua parte copiarum Cæsarem spoliaret, & sibi adiungeret, illud excogitauit. Decerni à Senatu curauit, vt ad bellum Parthicum duæ legiones M. Bibulo, vna à Pompeio, altera à Cæsare traderentur; quo decreto Pompeius legionem, quã Cæsari olim cõmodauerat remitti sibi postulauit. Cæsar & remisit eã, & suã simul ex Senatusconsulto in Italiam misit. quã vtramq; Pompeius acceptam turpissime ad urbem retinuit, nec Bibulo tradidit. Ita Cæsari duæ legiones per summam iniuriam ereptæ sunt specie Parthici belli. quod consilium Pompeii quamuis eum initio non fefellerat, tamen nequam armorum causam præberet, Senatusconsulto, hoc est, inimicorum libidini paruit. Sed memorabile profecto est, quod prælio illo Pharsalico, quo Pompeius victus fususque est, cum his duabus legionibus ipse in sinistro cornu præerat. Fatale enim hoc fuisse argumentum iniustæ causæ puto, vt à quarum legionũ retentione initium iniuriarum in C. Cæsarem fecerat, earum auxilio nihil aduersus perniciem adiutus protectusque fuerit. Sed hæc fortasse iniuria leuior Pompeii videatur: illa atrocissima, & sola certe ac maxima causa ciuilis belli quod Cæsari ante tempus lege præfinitũ succedi in prouincia Gallia voluerit. quid hoc est? Tu beneficium populi Romani cuiquam, nedum C. Cæsari eripias? præsertim cuius tu ipse apud populum præcipuus author, adiutorque fueris? Nam lege Vatinia, auditores, Galliam citeriorem cum Illyrico Cæsar accepit; vltioris adiutor Pompeius per
Sena-

Senatum fuit ; idemque earum prouinciarum in quinquennium prorogator : idem M. Marcello consuli finienti prouincias Gallias Calédis Martiis, acerrime restitit: idem denique vt decem, hoc est, omnes Tribuni plebis ad populum ferrent, vt absentis Cæsaris ratio haberetur, author fuit. quod & ipse Pompeius lege quadam sua ob id vnum, quod omissum antea erat, à se correctâ sanxit, cōsul cum M. Crasso cum esset, siue vt alii putant, rogatione Trebonia. Vt verissime mihi cōqueri Cicero videatur, quod cum is Cæsari fauere coniunctusque esset, omnes eidem fauere, omniaque concedere summe studuerit : simul atque Cæsarem odisse & timere cœpit, omnes sua causa Cæsari inensos atque inimicos esse æquū putauerit. quo quid indignius aut inciuilius dici potest ? Tulit igitur & ante susceptum bellum & suscepto bello Cæsar æquissimas aduersariis suis condiciones : & quod incredibile videri posset, beneficiis illis populi vti noluit, si vterque exercitus dimitterent. rediturum se Romam priuatum, & præsentem de se populo Romano permissurū pollicitus est, etiam Senatus iudicium non refugit : quanquam Consulum tantam iniquitatem tantumque scelus in se deprehenderat, vt illi literas Cæsaris ad Senatum de Republ. missas, summa contentione Tribunorum, ægre recitari permiserint; vt autem ex literis ad Senatum referretur, impetrari non potuerit. Nihil enim magis Pompeius timebat quam pacem; vt omniū consensu præcipueque Ciceronis, (cuius vtpote Pompeiani libenter testimoniis vtor) epistolis ad Atticū, plurimis & grauissimis verbis scriptis, cog-

noscitur. Conditionem pacis Pompeius nullam probarat, inquit libro viii. epistola viii. verissimeque Velleius Paterculus, Nihil vnquam relictum à Cæsare, quod seruanda pacis causa tentari posset: nihil receptum à Pompeianis. Quoties ille, DEVS bone! & priuatim amicos aliosq; ad Pompeium ablegauit de pace? quoties publice & quidem tum, cum secunda sibi omnia, Pópeio aduersissima accidisse viderentur. Audite, audite magni illius & verè heroici animi excelsam vocē. Fugato ex Italia Pompeio cum Romam venisset, Senatui author fuit mittendi autoritate publica ad Pompeium de compositione legatos. Neq; se reformidare dixit, quod in Senatu paullo ante Pompeius dixisset, ad quos legati mitterentur, iis authoritatem attribui, timoremque eorum, qui mitterent, significari: tenuis atq; infirmi hanc animi videri: Se vero, vt operibus ante studuerit, sic iusticia & æquitate velle superare. Multa mihi necessario prætereunda sunt, de acerbitate & improbitate aduersariorum Cæsaris, de iniustissimis actionibus, vt de Tribunis plebis, quorū ipsa corpora sacrosancta erant, violatis & è ciuitate exactis, de sublata intercessione, quam ipse L. Sulla non sustulerat, cum Tribunitiam potestatem prope deleuisset, de imperiis in priuatos homines collatis, lictoribusque in vrbe & Capitolio priuatim habitis contra omnia vetustatis exempla, de iniusticia Pompeii potentiaque intoleranda, vnde ad portas vrbis præfideret rebus, & duas bellicosissimas puincias absens tot annos obtineret. Quæ omnia eo erant indigniora atque acerbiora Cæsari, quod ab ignauissimis & superbissimis hominibus

minibus

minibus administrabantur: Mitto loquacitatem M. Marcelli, impudentiam & stultitiam Metelli, Scipionis arrogantiam, aliorum omnium cupiditates cum singulari crudelitate coniunctas. ipsi consules C. Marcellus, & L. Létulus, quibus Coss. hoc bellum initum, gestum etiam magna ex parte est, quales fuerunt? Ciceronis verbis ad Atticū illum suum scriptis id proferam. Ait; Caue putes quicquam minoris esse his Consulibus, & alia in epistola: Nec me, inquit, Consules mouent, qui ipsi pluma, aut folio facilius mouentur. His hominibus Cæsar succumberet? his cederet? in tam iusta præsertim causa, tantisque rebus gestis? eleganter ipse apud Poetam nescio quem, attamen veterem,

Sanguine Germano, sexagintaque triumphis

Esse nocens cæpi. —

Hæc de bello. Superest, ut de oppressa dicamus libertate patriæ. quod alterum crimen Cæsari impingitur: quo sic eum teneri putant, ut tyranni & iniustissimi ciuis appellationem recusare nō debeat. Sic enim disputat, nullam satis iustam causam esse posse libertatis ciuium opprimendæ, aut oppugnandæ patriæ. quod ego non inuitus admitto, si oppugnetur patria, si eripiatur libertas, quam ferre ciuitas possit. Quod si in eum statum Respub. Romana peruenerat, ut diutius salua esse non posset, nisi per vnum regeretur, quæ hæc est dementia, ut veterem Rempub. teneas, eo labi, ut sis in nulla? Nisi forte Rempub. & libertatem fuisse putamus illis temporibus, cum intestinis omnis generis malis ita ægrotabat ciuitas, ut nihil leges, nihil disciplina, nihil magistratus, nihil

bonorum, qui pauci tamen erant, consensus, authoritasque valerent: omnia vi, ferro, lapidibus, & pessimorum hominum coitione, tanquam turbulentissimis tempestatibus agitantur. Quæ erat, quæso, illa facies urbis Romæ, cum palam conductis operis, sceleratissimisque hominibus coactis ædes Senatorum disturbabantur? cum serui atque egestes cum facibus in tecta clarissimorum civium immittebantur? cum vis in campo, vis in foro, vis in curia dominabatur? cum sanguis medius fidiis spongiis è foro effingebatur? Neque hæc semel, aut iterum acciderebant: assidua, quotidiana erant. Luxuriam videlicet, ingentibus diuitiis ac securitate alicui, veluti tabes, civitatem occupauerat, victumque, ut ille ait, vlcisceretur orbem. Hinc ambitio, Hinc sæuitia indies gliscere, & seipsam fastidians licentia; quæ postremo in seditiones maximas, castraque civilia erumpebant; mira que res erat, eadem bella & expiabant scelera, & gignebant: ut iam quiuis, etiam mediocriter prudens, iudicare posset, quod Haruspices eo tempore monuerant, Ne per optimatum discordiam, dissensionemque, patribus principibusque cædes periculaque creentur, auxilioque deminuti deficiantur. Non ergo ad conversiones quasdam fatales rerum publicarum confugio, quæ licet à sapientissimis hominibus probentur, ipseque Cicero id iis temporibus accidisse civitati Romanæ dicat; tamen iustitiam & causam Cæsaris parum aut demonstrant, aut subleuant. illud dico, stare imperium & nomen populi Romani diutius sine illo fulcro non potuisse, Cicero idem ille libr. 1. de Nat. Deor. Cum orio langueremus, inquit, & is esset Reipublice status, ut eam unius consilio atque

atque cura gubernari, necesse esset. Tacitus libr. 1. Annalium: Non aliud discordantis patriæ remedium fuisse, quam ut ab vno regeretur. Et libr. 1. Historiarum: Postquam omnem potestatem ad vnum conferri, pacis inter fuit. Aliaq; ad eandem sententiam cum apud hos, quos modo nominavi, cum apud alios scriptores reperias, quæ nihil necesse est commemorare. At ciuitati quidem Romanæ dices hoc expediuisse, non item Italiæ atq; prouinciis. Imò vero his maxime vtile & salutare fuit. Nec prouinciæ (inquit certissimus & sapientissimus scriptor) illum rerum statum abnuebant, suspecto Senatus populique imperio ob certamina potentium, & auaritiæ magistratuum, inualido legum auxilio, quæ vi, ambitu, postremo pecunia turbabantur. nec minus eleganter Plinius in laudibus Augusti; Et si verum fatemur, inquit, salutare id terris fuit: & alio loco de nauali corona loquens: Dedit hanc Augustus coronam Agrippæ, sed ciuicam à genere humano accepit ipse. Igitur neque pax Romæ esse, nisi vno omnia gubernante, poterat; & pacis Romanæ maiestate tranquillitas gentium & orbis terræ salus continebatur. Hæc ita sunt, neque negabit quisquā, qui paulo attentius in has res introspexerit. Iustissime igitur C. Cæsar, qui pio ac necessario bello Remp. ab aduersariis recuperauit, & recuperatam suo iustissimo clementissimoque imperio rexit. Neque aliud ab initio etiam ciuilis belli spectauit, ut cum ex ingenio eius mitissimo conici potest, tum ex actionibus perpetui temporis, atque ex literis eius ad intimos amicos, quibus cum dissimulare ista non poterat, scriptis liquidissimo perspicitur potest.

Sic enim (vt alia omittam) ad Oppium & Cornelium procuratores suarum rerum scribit: Hæc noua sit ratio vincendi, vt misericordia & liberalitate nos muniamus. Id quemadmodum fieri possit, nonnulla mihi in mentem veniunt, & multa reperiri possunt. De his rebus rogo vos, vt cogitationem suscipiatis. Verissime igitur Cicero in Ligariana, Nulla, inquit, de virtutibus tuis plurimis nec gratior, nec admirabilior misericordia est. Sed quid ego hæc recito, & rem omnium clarissimam ac reuerentissimam illustrare, & probare conor? quis enim ignorat, templum clemætiæ C. Cæsaris positum ac dedicatum fuisse totius Pop. Roman. atque omnium gècium scito atque consensu? quis patrem patriæ verissime meritissimoque eum appellatū? Omni luce hæc clariora sunt: neque acerbissimi etiam Cæsaris inimici atque interfectores aliter eo & viuo & mortuo iudicauerunt. Vnius nunc ero testimonio C. Cassii contentus. Is ita ad Ciceronem scribit: Peream, nisi sollicitus sum, inquit, ac malo veterem & clemētem dominum habere, quam nouum & crudelem experiri. Cupit Cæsarem in Hispania vincere, Cn. Pompeium adolescentem superati, cuius patris partes Cassius antea secutus fuerat, & quarū postea ipse dux partium fuit huiusque etiam in Cæsares odii propagator ad posteros. Nam Cæsaris Neronis principatu C. Cassium interfectum scimus non aliam ob causam, quam quod statuam illius Cassii domi coleret cum illa inscriptione: Duci partium. At quædam Cæsaris extant in dominatione illa sua superbe & iracunde dicta factaque. Ne ego quidem Cæsarem Deum facio, quamuis omnib.

virtu-

virtutibus Diis, quam hominibus similior ac propior videri potuerit. Proponite vobis Cn. Pompeium vicisse; quid illo crudelius fuisset? neq; Cicero dissimulat, sed saepe & clarissime dicit, regnum Sullani, in quo eductus erat, speciem mirabiliter concupuisse, neminique parsurum fuisse, si vicisset. Vnum est, in quo C. Caesaris insignis crudelitas merito reprehendi videtur, quod solum amicos & comitones suos, quorum virtutem sibi dominatum adfectanti obstaturam putabat, eos in ipsis praeliis atque in acie sua interficiendos curare. quo quid immanius dici vel excogitari potest? sed hoc neq; quisquam prater Dionem Nicæum dicit, & is autor vanitatis, ut sapissime, manifestissimus est. Non minori (libere dicā) crimine vanitatis & stultitiæ damnandus Suetonius est, qui commemoratis insolentioribus nescio quibus Caesaris dictis, quæ in minimo hodie & inerte nobili nemo reprehendat, tanquam de sententia consilii pronunciat, eum iure casum videri. Cur non & illud adiecit, eiusque eadem utilem Reip. fuisse? quod optimus & eruditissimus homo C. Marius Caesaris necessarius in pulcherriima illa epistola ad Ciceronem, quæ lib. 11. Fam. legitur, ita modestissime diluit: Vicio mihi dant, inquit, quod mortem hominis necessarii grauer ferō, atque eum, quē dilexi, periisse indignor. A iunt enim patriā amicitie præponendā esse perinde ac si iam vicerint, obitū eius Reip. fuisse utile: & quæ sequuntur. Nihil enim modestius, probius, sapientius, mūdus illa epistola fingi C. Matii potest: addo etiam nihil verius. interitu enim Caesaris scimus totā Remp. perturbatā, omnesq; gentes, atq;

orbē ipsum terrarū iterum bellis collisum ac con-
 quassatū fuisse. Quid q̄ ipse Cicero q̄ vnus omniū
 maxime obitu Cæsaris, & illis idibus Martiis de-
 lectatus est, tamen fateri saepe Pomponio suo co-
 gitur, expediuisse sub eius dominatu viuere; sibi
 etiam perhonorificum fuisse? alicubi etiam optat
 eum viuere, nec fuisse ætati suæ ait dominū illum
 refugiendum: Quod cum scripisset; Rubeo, mihi
 crede, inquit; sed iam scripseram, delere nolui. Tu
 vero ne rubeas M. Tulli; sint enim, vt sunt, res à te
 gestæ maximæ, singulariaque tua in Rempubl. &
 patriam merita, omniumq; clarissima monumēta
 ingenii atque industriæ tuæ; vni Cæsari ista virtus
 sine dedecore potuit, non dico, seruire, sed tamē
 leuiter se, comiterq; submittere, neq; in quen-
 quam ille honorificentior & liberalior, amicum
 & socium victoriæ fuit, quam in te hostem. Neq;
 tu nobis Brutos, quantumuis egregios ciues, ne-
 ue Cassios, neue Cascas, aliosque interfectores
 parentis patriæ, pro quo solenni Scto, adhibito
 etiam iureiurando sanctissimo capita vestra obli-
 gaueratis; ne, inquam, hos mihi *νεκρωταίους*, & li-
 beratores orbis terrarum, & heroas, & Deos ap-
 pella. Malo enim, malo veritati & sequentium
 temporum experientiæ, malo grauissimorum ho-
 minum testimoniis, malo omnium denique po-
 pulorum, qui mortuum illum luxerunt, consen-
 sui ac dolori credere. Ne Dantis quidem, vt scias,
 Alligherii, summi & sapientissimi Italorum poetæ
 consiliū reprehendo, aut rideo; qui in suis illis
 Inferni regionibus, miro artificio, curaque descri-
 ptis, Cassium & Brutum dextra sinistraque ludæ
 illius proditoris, ac carnificis salutis humanæ col-
 locauit

locavit. Non rideo, inquam hæc ego: & proferre veterum ac sanctissimorum etiam Theologorum Christianorum, de hac re non dissimiles sententias possum: item illas, quibus in id conditum Cæsarium principatum dicunt, ut religio Christiana latius & facilius ad omnes gentes Romana pace propagaretur. Sed colligam ipse me ac reprimam, neque diutius auribus vestris ac benignitate abutar; præsertim cum super sit muneris huiusce mei præcipua pars, propter quam hunc locum hodie conscendi. Adolescentes isti mihi, quos videris, ornandi & excitandi modo sunt, ut lenibus declamationibus suis gravitatem atque asperitatem orationis meæ minuant, ac mitigent. Dixi.

Suetonius in Cæsare, cap. ult.

PERCVSSORVM autem fere, neque triennio quisquam amplius superuixit, neque sua morte defunctus est. Damnati omnes: alius alio casu periit, pars naufragio, pars prælio: nonnulli semet eodem illo pugione, quo Cæsarem violauerant, interemerunt.

M. Antonius, Imp in epistola ad Hircium Cons. & Cæsarem Octau.

Proprætorem.

COGNITA morte C. Trebonii, non plus gaudius sum, quam dolui. Deditse pœnas sceleratum cineri atque ossibus clarissimi viri, & apparuisse nume Deorū intra finem anni vertentis, aut iam soluto supplicio parricidii, aut imminente, lætandum est. Hostem iudicatum hoc tempore Dola bellam, eo quod sicarium occiderit: & videri ca-

riorem populo Ro. filium Scurræ, quam C. Cæsarem patriæ parentem, ingemiscendum est.

Dio, lib. XLVIII. initio.

Ad hunc igitur modum Brutus & Cassius optetierunt, iis, quibus Cæsarem interfecerant gladiis confossi. qui vero alii eatum insidiarum participes fuerunt, aut ante, aut tum, aut postea temporis, paucis quibusdam exceptis, petierunt. Ita nimirum & iustitia postulabat, & Deus volebat, eos interire, qui virum ad id virtutis & fortunæ progressum, ac insuper benefactorem suum, occidissent.

Iul. Capitolinus in Gordianis.

Quod de Cæsare memoriæ traditum est, hoc etiam de Gordiano Codius euenisse, perscribit. Nam omnes, quicunque illum gladio appetiuerunt (qui nouem fuisse dicuntur) postea intercepti Philippis, sua manu, suisque gladiis, & iisdem, quibus illum percusserant, interisse dicuntur.

Vetus Epigramma.

Occidère simul Casca, simul occubère

Dextrâ quisque suâ, quâ scelus ausus erat.

Castra eadem fouère: locus quoque vulneris idem.

Partibus adstrictis victus uterque iacet.

Quanta fuit mentis, tanta est concordia fati:

Et tumulus cinerem paruos utrumque tegit.

Par fratrum multo celebrandum carmine vatum,

Vna si fierent parte minus gemini.

SCIPIONIS GENTILIS
I. C. ORATIO*De Maledictis in Principem.*

ALLATIS nuper è regno nuntiis de seditione, & coniuratione hominum nobilissimorum; equidem, Auditores, vehementer, vt debui, commotus fui. Nam & regni verustissimi atque opulentissimi miseratio, & maximi atq; omnium gentium ac sæculorū memoria dignissimi Principis pericula non mediocriter me perturbabant, & exanimabant metu, qui illis in locis erat, optimus & confectus senectute parens, fraterque meus, mihi cum ipsa natura, tum voluntate atque omnibus studiis coniunctissimus. De hoc etiam eo magis etiam anxius, quod apud eum, qui earū turbarum author ac princeps esse dicebatur, vir ante illam mentem omniū florentissimus & fortunatissimus, non postremum gratiæ locum obtinuisse, intelligebam. Nam patri quidem, vt in tanta ætate, quamvis mihi acerbissima, ipsi nō solum non immatura, sed etiam non ingrata mors, maximis periculis fortissime, magnaque cum dignitate defuncto, videri poterat. Sed cum & Dei benignitate, & sapientissimi Principis singulari virtute consedissem omnes illas turbas, periculaq; grauissima, quę impenderet, paucorum pœna depulsa atque oppressa, vndiq; significaretur, recte quę apud meos esse, amicorum literis cognouissem, magno sum metu, & solitudine liberatus. Mox, vt adcidere solet, reputare tacitus cum animo meo cœpi, quāta importunitate naturæ præ-

ditos esse oporteret eos, qui talia molirétur : quætaque fuisset semper, & in omnibus gentibus eorum amētia, qui nulla re mala domi impulsī, vno momento omnia delere concupiuisent, patriaque euerfa in ipsius ruinis ac cineribus dominari, quæ ea salua atque incolumi florere maluisent. Occurrebant ad animum varia populorum instituta ac leges, quibus & Reipubl. salus satis munita, & Principū vita satis sepra esse videbatur; nisi dominandi libido, vltionisque cupiditas omnia superaret. Inprimis vero legis Iuliæ de Maiestate veniebat in mentem, quam C. Cæsar Dictator tulisset, siue ex eius commentariis Augustus filius, quamque ceteri deinceps Imperatores varie pro ingenio exercuissent, diligentiusque omnino, & teuerioribus, quam antea, & verbis sanxissent & pœnis. Multæ enim huiusmodi constitutiones in libris nostris leguntur : inter quas cum eminere maximeque celebrari constitutionem Arcadii & Honorii meminissem, elatus studio, eā in manus sumptam attentius legere cœpi, insistentque in omnibus propemodū eius verbis, quædam tacitus adiciebā de meo sensu, quibus illa mihi tum explicari & illustrari posse videretur. Quid plura? quod facile semel inflammato fuit, impetum cœpi eius publice interpretandæ. Sed cum in ea & lectione & meditatione totus essem, quod ea constitutio in Codice Iustiniani in titulū ad L. Iuliam Maiestatis relata esset, animaduerti ei titulo aliū antefixum cum hac Inscriptione, Si quis Imperatori maledixerit: atque in eo vnicam tantum constitutionem collocatam esse, quæ eorundē Principum ac patris esset, non de rebus atque factis, ut illæ in

illæ in titulo, quem dixi, Maiestatis, sed de verbis & maledictis : quibus etiã violari maiestas Principum visa est Augusto primum, si Tacito Cornelio credimus. Nihil vnquam tam diuersum vidi, quam hæc duas eorundem Imperatorum ac fratrum constitutiones. cum altera plena seueritatis, plena lachrymarum, plena squallores esset : altera tam benigna ac miris, vt propemodum ad ostentatione clementiæ scripta videri possit. Puniri enim vetat ab vilo quantumuis summo magistratu eum, qui Principem maledictis lacerauisset, quacunque tandem de causa id fecisset : credo, quod ita iudicauerunt, Principis maiestatem, vt est apud Senecam in libris de Clementia, maiorem esse, quam vt cuiusquam contumelia minui possit : vel quod Titum Imperatorem dicere solitum acceperimus, Bonum Principem iniuria adfici non posse. Ego vero cum recorderer varia de hæc, non priuatorum modo disputata, sed etiam Imperatorum ac Regum constituta ac iudicia fuisse semper, paullo diligentius de ea re mihi cogitandum esse existimaui. Multa enim in vtramque partem dici posse sciebam. quorum pleraque aut certe, vt credo, potiora à Claudio Tolomeo, bene de nomine & sermone Italico merito, aliisque animaduersa, vobis hoc loco breuiter atque ordine (neque enim vel tempus vel modestia mea patitur, vt pluribus vos onerem) exponere decreui, humanitate vestra, & beneuolentia erga me singulari ac perpetua fretus. Ac primo loco rationes in eam partem proferemus, quibus efficitur, multo & vtilius, & honestius esse Principi, hanc libertatem loquendi & scribendi de se aliis permitte-

re. Sæpenumero enim ciues odiū aduersus Principem, offensi eius vita aut moribus, concipiunt: quod in pectore cuiq; etiam non animaduertenti paullatim crescit; hoc odium veluti virus eiicere homines solēt non alia re magis, quam lingua, & verbis, neque id impedire, imo prouocare sapientis hominis est ac Principis, ne si inclusum coerceatur, aliquando maiori impetu erumpat, quod necesse est, & perniciem ei maturet. Est enim quædam naturalis dulcedo de iis male & libere loquendi, à quibus læsus sis, quosq; oderis. Hanc, qui tuto expleuerit, ipsa natura fit, vt odiū quoque mitiget, nec ultra progrediatur ad vlciscendum aut aliquid tætius designet. Contra vero vbi hac via vti hominibus non licet, libidinemque animi explere, vel foris aliquid graue moluntur, vel domi coniurationes concinnant ac coeunt. Hac vel eiusmodi aliqua ratione sapientissimum Gallix regem Franciscum accepimus tacite, libenter etiam, ferre solitum, se præcipuosque regni sui procures, quorum ipse opera consiliisq; utebatur, in fabulis & comædiis publicis rodi & configi maledictis: tecte id quidem, & inuolute, sic tamen, vt ab omnibus perspiceretur. Hæc igitur prima utilitas est in hac modestia & patientia Principum. Sequitur illa non minus vera, & retinenda illis. Nam, licentia ista loquendi concessa, ciuium animi cupiditatesque nudantur, & patefiunt cōsilia fere omnia: quid in reipub. administratione probent, quid improbent, quæ ministrorum & magistratuum vitia factaue populo displiceant, inuidiamque Principi concilient, quæ remedia malis publicis priuatisue homines desiderant

derent ac flagitent, omnia per hanc loquendi libertatem intelliguntur. quod nemo sanus neget, vtilissimum Principi esse. quemadmodum enim in corporibus ii morbi difficillime curantur, qui latent falluntque intus inclusi, sic in ciuitate atq; in imperio sunt illa grauissima perniciosissimaq; odia, quæ latent nec foras sese eiciunt. Neq; vero aliud respexisse summos quosdam viros ac duces, exultimādū est, quos in historiis legim' veste mutata, noctu, nullo cōscio atq; ignoratū omnib. per urbem vel castra vagatos esse, vt hominū sermones de se ipsi audirent, mentesque intelligerent, a quibus amarentur, quibusue inuisi forent. Quib. rationibus nō dubitauerim mediani inferere authoritatem Tiberii Caesaris: eaque eo libentius v-
tas, quod & callidissimus omnium Principum est habitus, & crudelitate insigni fuit, quorū alterū ne cōmoda ipse sua ignoraret, alterum ne dubitaret ea quauis ratione, etiam crudelissima, persequi, efficiebat. Is tamē, talis cum esset, conuitia & probra fœdissima in se coniecta, nec verbis modo, sed & scriptis carminibusque procacissimis sepe tulit moderatissime atque centēpsit: adeo quidem, vt etiam Senatui, vehementer roganti, vt in authores tam atrocium libellorum atque sermonum inquiri atque animaduerti vellet, restiterit, generosa illa voce edita, non sibi tantum otii superesse, vt huiusmodi negotiis sese implicaret. adiecit & illud summæ prudentiæ, Si hāc fenestram aperueritis, nihil aliud efficietis, quam vt hoc colore dignitatis Principum vindicandę, vnusquisq; priuatas suas inimicitias velatum yltumque eari nec sapientis Principis esse hanc ianuam ciuibs

patefacere, quo malignitatem atque acerbiteriam animorum suorum tam inhonesto & pernicioso more exsatiarent. Immutauit postea ipse sese, ut videtur intuenti supplicium Pacionii & aliorum quorundam hac de causa damnatorum. Sed neque nos libidini maledicendi omnes fratres laxamus, nec aut Tiberius ratione magna in vindicando caruit aut si ita vultis, crimine. Quid Cæsarem Germanicum Tiberii filium commemorem? Is patri natura dissimillimus, & quod huc pertinet, ingenio omnium mitissimo optimoque præditus, tamen patri in hac re similis fuit. eadem enim ratio prudentiæ quæ patrem, eum permouit, ad hæc talia contemnenda. quod clarissime in Pisonem demonstrauit inimicum suum sceleratissimum, & latronem, non legatum, à quo perpetuo eius fama factaque omnia virulentissimeque lacerabantur. Idemque consilium Hieroni (ne Principes tantum loquar) Syracusanorum regi fuit, ei, qui Geloni successit. neque enim vilo modo puniuit eos, qui etiā præfenti & audienti ei multa terra spurcaque obiecerant, interque ea etiam olentem oris spiritum. Quo de vitio oris cum uxorem suam inculasset, quod se non admonuisset tum illa, Omnes se viros ita olere putasse, respondit. Quod responsum scio ab aliis Romanæ mulieri tribui. Possum & aliorum præstantissimorum & sapientissimorum Regum exempla commemorare omnis memoriæ. Sed propero atque vnum vobis considerandum proponam aulæ Romanæ exemplar, in qua non Cardinales modo aliosque primarios viros, sed ipsum etiam Pontificem incredibili licentia scimus famosissimis libellis configi ipso præsertim die S.

Marci

Marci, ad Pasquini nobilē illam statuam. Quam statuam (nam & hoc memorabile in primis puto, quod apud Iouium nuper legi) cum Adrianus Sextus simplici & antiquo Bat. ingenio præditus, & rudis regnādi, cum omnino demoliri constituisset & in Tiberim præcipitare: Ludouicus Sueffanus regulus, Cæſaris legatus, urbano falſoq; ingenio id fieri debere pernegauit, adiiciēs, Paſquillū vel in imo vado ranarū more non eſſe taciturū: ad id vero Pontifex, Exuratur ergo inquit, in calcem; ne eius veſtigii vlla omnino memoria ſuperſit. tum Sueſſanus, Recte, inquit: ſed tam crudeliter concremato, poetæ clientes nō deerunt, qui patroni ſui cineres inuidioſis carminibus prolequantur, & ſupplicii locum quotannis ſtatuto ſolenni die concelebrent. Quibus verborum luſib. Pontifex ad hilaritatem & iocos traductus, ab incepto deſtitit, Paſquillumque conſeruauit. Nunc ad rationes reuertar, quarum non vna ſuper eſt, quæ hanc ſentētiā adfirmet, in primis illa, quod omni ratione Principes cauere oportet, ne ciues ſuos ac ſubditos ad extremam deſperationem adducant. Nam qui ſemel deſperauerunt, ſi neque honoris, neque facultatum, neque ſalutis ſuę, neque alterius rei rationem vllam ducunt; omnia pariter vilia ſunt. neque vero aut legum ſeueritas aut Principis maietas eos deterret, quin omnia audeant, & adgrediantur, quantumuis etiam aſpera & prærupta. Qua de cauſſa cum Princeps aliquem populum in poteſtatem redegit, eique libertatem eripuit, quotidieque aliquid graue & moleſtum iniungit, non debet etiam eo progredi, vt loquendi libertatem ei adimat: homines e-

nam si se omnibus rebus spoliatos vident, libertate, opibus, sæpe etiam dignitate atque honore, ad hoc quasi elingues & mutos redditos esse, nihil non moliantur aduersus Principem, neque exterrantur: vbi enim nulla spes boni superest, ibi nec mali vllus superest metus. Sapienter quoque & olim Cleomenes Argis, & patrum memoria Florentiæ Laurétius Medices, cum audiret, multos esse qui de ipso male loquerentur, eamque ob rem ad puniendum ab amicis incitaretur, nihil aliud respondit, quam hoc vnum; Ipsi loquantur, & nos faciemus. Intelligebat enim vir prudentissimus non conuenire, cui libertatem agendi ademisset, ei etiam loquendi velle adinire; sed cum ipse, quæ vellet, ageret, permittendum esse aliis iudicabat, vt quæ vellent, loquerentur. Quod ipsum etiam olim rex Artaxerxes, is qui Memnon vsurpatur, per Tribunum militum dici Alcidi cuidam lapsioni iussit, qui multa in eum erat conicere probra solitus. Ad hanc rationem adgreganda est illa alia, Canendum enim principi est, Ne nimis multos inimicos sibi conciliet, dum aliquos punit eam ob causam, quod de ipso fecius locuti sint, aut scripserint. Incipit enim vnusquisque sibi timere, ne aliquid & ipsi calamitatis ob id accipiant, tanquam in communi fortuna, eodemque periculo ac linguæ lubrico positi: vnde & odium in principem ipsis ingeneratur, & perendi eius, si qua occasio detur, libido, atque conatus. Ea tempestate, cum Ducis Athenarum tyrannide Florentini premerentur, præter alia intoleranda hominibus liberis, ingentia quædam vectigalia extra ordinem eis imposuit, de quib. cum liberius quidam

quidam cuius è Ciniâ familia, quereretur, Tyranni iussu lingua est ei stirpitus excisa. quo vulnere cum interisset, adeo civium animi exasperati infummatique fuerunt, cum simul & agendi & loquendi sibi libertatem ereptam viderent, ut brevissimo tempore tres diuersæ coniurationes in eum extiterint, quæ perniciem ei pepererunt. Esset illa ratio, quod ex infidis consiliariis fiunt & simulati, & adsentatores, sublata dicendi libertate. Pudebat (inquit Curtius de Alexandro, captivâ nuptiis sibi iungente) amicos super vinum & epulas socerum ex deditis esse electum. Sed post Clyti eadem libertate sublata, vultu, qui maxime servit, adsentiebatur. Item illa, quâ apud eundem autorem in eodem Alexandro notavi ob eadem Clyti & penitentiam pene furente: Magis eo movebatur, inquit, quod omnium amicorum animos videbat attonitos. Neminem cum ipso sociare sermonem postea ausurum. Vivendum esse in solitudine velut feræ bestię, terrenti alias, alias timenti. His atque aliis forte caussis permotus Theodosius magnus Imperator, constitutionem nobilissimam suam & filiorum Arcadii & Honorii nomine promulgavit, his verbis: si quis modestię nescius & pudoris ignarus, improbo petulantique maledicto nomina nostra crediderit laceßenda, ac temulentia turbulentus obrectator temporum nostrorum fuerit, eum pænæ nolumus subiugari, neque durum aliquid, neque asperum volumus sustinere: quoniam si id ex levitate processerit, contemnendum est: si ex insania, miseratione dignissimum: si ab iniuria, remittendum. Ignoscendum Theodosius Imperator etiam malitię, etiam iniurię censuit, cur?

nisi quod ita expedire suis reb. existimabat. Nec minori vel prudentia vel magnitudine animi fuit rex ille Epirotarum Pyrrhus, qui cēsentibus amicis, vt quendam, qui de ipso male erat locutus, relegaret: nō se facturum dixit, ne, inquit, alio profectus, peiora de me loquatur, & coram pluribus. Hoc quidam Macedonum regi Philippo tribuūt. Cuius etiam filius Alexāder pari animo cum obtrectari sibi audisset, Regium esse, respondit, benefacere, & male audire. quod nos ita verlu quōdam expressimus: — *sed regiarus est*

Post benefacta pati tetras loligine linguas.

Sed nemo Cæsari in hac parte, vt & in aliis multis comparandus est: qui non voces modo infamiæ & probri plenas in se a quissimo tulit animo, sed etiam contumeliosissimos C. Calui & Catulli de Mamurra versus, quibus æterna sibi stigmata imposita non dissimulabat, cum facile vlcisci posset, adeo non reprehendit, vt alterum sibi satisfacere cupientem ipse prior eum literis humanissimis compellarit: alterum, Catullum inquam, eodem die ad cœnam vocauerit, patrisque eius hospitio, vt antea, vti perseueranerit. Aulo autem Cæcinæ, à quo non solum armis ciuili bello acerrime pertinacissimeque oppugnatus fuerat, sed etiam criminossissimo libro vehementissime laceratus, incredibili moderatione victor ignouit, tametsi erat Cæsar caussæ Africanæ, quam ille fouerat, iratissimus. Idem acerbe de se loquentibus satis habuit pro concione denuntiare. Ne perseuerarent. Quis etiam Augusto moderatior fuit? qui cum omnium gentium princeps ac dominus esset, sæpe hæc tela linguarum & scripturarum in se fixa sensit, ve-

fit, veluti in illo epigrammate de bello Siciliensi aduersus Sex. Pompeium M. filium, item illo, quo secreta & infames cœna exprobrata ei fuerunt, in quibus soleret conuiuas habitu & nominibus duodecim Deorū iubere discumbere, ipse Apollinis forma atque insignibus ornatus: nec tamen vllam vnquam vindictam in authores, etiam cōpertos, excercuisse legitur. Hęc aliaque huiusmodi cum suo ingenio Augustum fecisse existimandum est, tum admonitu sapientissimorum amicorum, in primis que Cilnii Mæcenatis cuius extat hac de re etiam prudentiæ simulachrū apud Dionem lib. 5 2. Quod conuitium, inquit, aliquis tibi fecerit aut tibi obtrectauerit, neque deferente aliquo audire, neq; vlcisci debes. Turpe enim fuerit, te credere, inuentum, qui te neminem ludentem, omnibus beneficientē, ignominia affecerit: idque soli faciunt mali ptincipes, qui ex cōscientia sua veritatem dictorum colligunt. Deinde iniquum est, ea agre ferre velle, quæ si vera sunt, præstat non admisisse, sin falsa, dissimulare; cum multi hęc vindicantes, pluribus ac grauioribus de se sermonibus occasionē præbuerint. nec decet hanc opinionē de te hominib. subiicere, esse qui in te contumeliosus esse ausit: vt iam idem de te, quod de Diis immortalibus iudicetur, esse te venerandum. Hęc ille ad Augustum. De quo etiam apud Suetonium legimus, morem illum vel potius licentiā, qua testatores vt in testamentis suis consueuissent, tolli atque interdici noluisse. Atq; hoc is fecit, & maledicta in se iacta tulit, qui in alios non tulit, vtpote qui primus, sed imitatione (vt opinor) L. Sulla, quæstionem de famosis li-

bellis specie etiam Maiestatis exercuit, offensus Cassii Seueri libidine, qui omnes illustriores vtriusq; sexus procacissimis carminib. diffamauerat. Nec minori patiētia Vespasianus fuit, nec decere Principem existimauit talibus cōmoueri. quem admodum re demonstrauit laceratus à Licinnio Mutiano, Saluio Liberale, Demetrioque Cynico, vt alios nunc omittam, qui dictis scriptisque atrocibus eius famam lacerauerant. Demetrio quidē non desinēti perpetuo maledicere, significari iussit his verbis, Tu quidem nihil pratermittis, vt ego te interfici iubeam: ego tamen canem latrantem non occido. Eum tamē postea dissimillimus patri filius Domitianus interfecit, nec fortasse iniuria; nisi quod etiam illas causas pretextuerit cēdi, & quod haberet orbem terræ pictum in parietibus cubiculi, & quod conciones regum & principum, quæ sunt apud Liuium scriptæ, excerptisset ac recitaret. Sicut Maternum quoq; Sophistam occidit, quod exercitii causa in Tyrannos declamaret. Sed nihil admirabilius est Nerone Cæsare: qui cum esset insigni crudelitate, nec facile vel minimo peccato veniam daret, fuit tamen ad has contumelias moderatissimus ac mitissimus. Multa in eum cum latina, tum græca epigrammata composita fuerunt eximie virulētiae plena. auctoresque eorum cum haud ignoraret, nullo tamen malo adfecit. ita nec contra Isidorum Cynicum, nec Datum histrionem in fabularum Atellanarum, à quibus acerrimis versibus confixus erat, vllam significationē irati animi præbuit. Mouit eum, vt est in cuiusdā hominis eruditi disputatione, ratio quædam, quæ & alios forte Principes

pes mouere possit ad similem moderationem, atque contemptum. Namque & talia spreta exolefcunt: si irascere, agnita videntur, vt Tacitus ait, & qui talia punit eum homines dolet et atque excruciacari iis rebus existimat; eoque plures, more ingenii humani, reperiuntur, qui idem audeant: tantum abest, vt ceteri deterreantur. Ita vno punito mille succrescunt, ingeniaque excitantur & exacuntur in id, quod tã opere sibi interdici, & coerceri vident. Contra si ad ea conuiuere eum, vel non permoueri vllò modo animaduertant, gignit ipsa licentia atque impunitas satietatem. neque enim in eo putant sibi elaborandum, vbi se contemni videant, suaque, vt sic loquar, tela ipso missu, ac veste Principis hebetari, atque languescere. Nihil enim vt Diuus Chrysostomus ait, ad eo maledicos mordet, frenatque, quam illata cõtumeliæ contemptus. Existimoque ego huius animi, atque consilii authores Neroni fuisse sapientissimos illos viros, & iuentæ eius moderatores, Senecam, atque Burrhum. Ad hanc rationem proxime addebat illa, quod qui in hæc talia inquit, ac scuit, is animi ieiuni ac timidi manifestus est, si mulq; alios admonet, quanto magis facta timeat, qui dicta timet, quæ res opinioque timoris, inmane quãtum de Principis existimatione detrahat; quantum contra ei adcedat ex magnitudine atque altitudine animi, quæ in harũ rerum despicientiaperspicitur, atque elucet. Præterea quid agunt, quæso, aut consequuntur hac seueritate Principes? neq; enim eo minus calumniis obnoxii erunt, quod aliquos punierint; imo magis in eas ipsi sese induent. Causa etiam huiusmodi se-

ueritatis & interdictionis inprimis est illis ignominiosa atque deformis: nam si male homines de se loqui non patiuntur, agnoscunt igitur esse re vera, quæ sibi merito obiiciantur. itaque magis ipsi sua confessione condemnantur ac iugulantur, quam aliorum infamibus & scriptionibus, & vocibus. Melius illi, qui hæc contemnunt: ostendunt enim sese bonæ conscientiae fidere, nec moueri contumeliis ac calumniis, quas etiam satis coercere, ne erumpant, nemo vnquam potuit. Quid? estne amplius pro his partibus aliquid? imo vero plura: nam cauere Principem nihil magis oportet, quam crudelitatis opinionem. Hæc enim perniciem ipsis maxime maturare solet, vt Caligulae, Neroni, Domitiano, Commodò, aliisque innumerabilibus, neque vero dubitandum est, quin hæc crudelitatis infamia vel maxime iis concilietur, qui verba tam seueris suppliciis arguunt, ac puniunt. Quod si multi & sapiētissimi Principes, ne ipsa quidem facta aduersus se vindicanda putauerunt, quo crudelitatis nomē effugerent, veluti Titus, Germanicus, Antoninus Pius, eiusque filius Marcus, & Alexāder Severus: quanto magis hæc ratio humanitatis & mansuetudinis seruanda est aduersus eos, qui verbis modo, & oratione sæuiunt? Est & illa insignis vtilitas, quæ ex hac clementia colligitur: multis enim cum sint Principes adsentatoribus perpetuo velut circumfessi, raro sua vitia ipsi cognoscunt; neque ea igitur emendare possunt adulationibus corrupti, ac fortuna sua ebrii: at cognoscerent certe, si hæc libertas vulgo permetteretur & scribēdi de ipsis & loquendi. Philippus Macedo Alexandri Magni pater

pater dicere solebat, magnam se gratiam debere Atheniensi populo, cuius procacitate verborum scriptorumq; melior esset, cum moribus tum lingua redditis. Quam ad rem librum Imp. Iuliani, quem Misopogon inscripsit aduersus populū Alexandrinum, mire facetum atq; eruditum, legendum censeo. Quo ille ita vltus Alexandrinorum maledicentiam est, vt simul etiam ipse in se diceret, quod id (vt initio ait) nulla esset lege interdictum: eoque pertinet plena animi & moderationis illa vox Ptolomæi regis, Si non regium est, false in se ab aliis dicta ferre, ne false quidem dicta in alium iacere, regium est. Iam illa ratio itidem summæ vtilitatis est, & inter arcana, vt mihi videtur, imperiorum habenda: quod si quando ita res Principis ferât, vt in quosdam animaduertere extraordinariis rationibus debeat, excusare & tolerare hæc facta sua possit commodissime, si dicat sese eo descēdisse non aliqua mala cupidine, sed quia eos inimicissimos sibi esse cognouerit, seque ab iis & dictis & scriptis contumeliosis laceffitum fuisse: quamuis reuera non ob hanc causam ea seueritate imperii vsus fuerit: sed interiorialia, & grauiori. Neque vero vnquam committendum Principi est, vt extraordinaria iussa atq; facta sua non possint aliquo iusto prætextu vel colore pingere atq; honestare. Postremo cogat agmen, vel potius pro hac parte familiam ducat illa ratio, Non debere vnquam eos, qui aliis dominantur, ea adgredi, quæ vix ac ne vix quidem obtineri possunt. Nulla res. n. magis auctoritatē Principum minuere solet, quam ostēdere, quib. reb. impares sint, quas satius est dissimulare

quam irritò conatu deferere. Eiusmodi autè res est, libertatem loquendi scribendique adimere conari: nam vt palam non audeant, at certe noctu & clam libellos famosissimos spargent aut figent, eo cupidius & studiosius, quo actius interdictum vident. Hæc sunt quæ pro ista parte disputari posse videbantur. Deinceps, quæ in contrariam partem dicantur cognoscamus. Vindicare igitur hæc & coercere Principi satius esse, vel illa potentissima ratio vincit, nihil enim magis, ne flamma quidem, cauendum ei est, quam contemptus sui, atq; eæ res, quæ minuere existimationem ipsius possunt. Iam si de Principe male loqui impune liceat, fit ipsa natura, vt & in eius, qui loquitur, & in eius, qui eū audit, animo sensim ingeneretur quædam mala de Principe opinio, minusque eum reuereri incipiant, postremo etiam cōtemnere, qui contemptus vera labe verumque venenum est omnis Principatus. Nam cum in omnibus rebus fama atque existimatio plurimū valet, tum omnis in Repub. potentia atque imperii verissimum est ac primum fundamentum, sine quo diu stare ea non possunt. Vere igitur & sapientissime Magnus ille Alexander rex Q. Curtii libr. 8. Clytus vtinā non coegisset me sibi irasci, Cuius temerariā linguā probra dicentem mihi & vobis, diurnius tuli, quam ille eadem me dicentem tulisset. Regum ducumque clementia non ipsorum modo, sed etiam in illorum, qui parent, ingeniis sita est. Obsequio mitigantur imperia. vbi vero reuerentia excessit animis & summa imis cōfundimus, vi opus est, vt vim appellamus. Ad hoc, qui iniuriā inferre alteri statuit, si eam sibi esse impune videat, ad alteram

alteram multo grauiorem inferendam excitatur: atq; ita porro velut gradibus ad alias semper maiores progreditur: vt prudenter à Mimographo dictum est, Iniuriam vnā qui fert, eum prouocare alteram. Ita qui verbis aliquandiu grassatus est, is etiam ad facta tandem adgreditur, corroboratque impunitas audaciam. Elegāter vir clarissimus huius æui, Vituperatio bonorum inquit, egrotantis sæculi argumēta sunt. Hoc nos in Gallia superioribus annis experti sumus nimis. Hæc licentia ab infectatione virtutis primum & literarum, & doctorum hominum incipiens, ad regū vsque iniurias & eadem denique peruagata est. hæc ita ille nec eleganter solum, sed prudenter & vere. Ac profecto nulla res magis viam aperit cōiurationibus, quam hæc licentia: vbi enim tutum est maledicta in Principem iacere, tum ii, qui occulta in eum odia fouent, cognoscunt, quibus hominibus eadem secum sentientib. ac volentib. se adgregare debeant, atque ita coniurationis opes confirmare, quæ non facile exitum sortitur sine plurium auxilio, atque opera: quamvis omnis cōiuratio periculi plenissima sit, vbi in plures quam duos spargitur, vt disputauit summus dominationis magister, è Thuscā Sulla colonia. Huic incōmodo inderi vna illa res potest, vltio in maledicos. Quid? quod inter maximas curas, & summa meditamēta Principum oportet esse, vt amorem eorum retineant, quos sibi addictissimos & fidelissimos intelligunt: amici enim nerui & praesidia sunt omniū regnorum. Eos igitur valde illi Principes à se abalienant, qui suas ipsi iniurias nō vlciscuntur: multo namque facilius inultas sinent

amicis & consiliariis suis illatas. Nec illud quidem prætermittendum est, eum, qui male de Principe loqui nō audet, solere Principi in omnibus obedientiorē esse, nulloque eius decreto aut desiderio se se opponere, nec quemquam posse allicere exemplo suo, qui dolorem contra Principem cōsiliūque contociet. In reuerentia autem & obedientia subditorum maxime niti principatū, nemo est, qui nesciat, quod cum in omni regno licet animaduerrere, tū maxime Turcico. Atqui apud Turcas non solum loqui vel scribere aliquid sequius de Principe, sed ne animo quidem concipere, vt ira dicam, temere licet. Qua de caussa Sulranus Solimannus, Imperator omnibus virtutibus, si quisquam barbarorum, præstantissimus Adrianopoli summo supplicio adfecit propinquum suū Ferahatū Bassam, ob id solum, quod queri apud eum fuisset ausus, cique dicere, non recte ipsum facere, quod tanta beneuolentia Ebraimum Bassam prosequeretur, eumque seruū præferret antiquis & fidelissimis cognatis ac ministris suis. Adeo magni illi Principes obedientiam, quam sibi seueritate imperii, disciplinaque pepererunt, hac linguarum licentia, vt neque alia re minui atque obteri, non patiuntur. Præterea magnam adferre solet hac licentia infamiam Principibus, quod ita homines credant non clementia eos, sed conscientia mala ad contumelias illas conuierte: nec refert, quod bona cōscientia vere innitantur, nisi & hoc etiā ab aliis vulgoque credatur. in omni enim vita, atque conditione non solum oportet id respicere, quod in vero est, sed etiam id, quod videtur & creditur, plusque apud omnes fere valet, quod

quod extra apparet, quam quod intus inclusum
latet. eaque etiam re sapientissimi Principes mul-
ta sæpe fecerunt contra animi voluntatem vt opi-
nioni vulgi satisfacerent, obsecundarentque fa-
mæ. Honestas quoque & ius pro hac sententia pu-
gnat: nam si priuatis hominibus contumelia ad-
fectis, formulas iniuriarum leges proposuerunt,
ex cuiusque dolore incommodoque expressas,
quanto magis id in Principe & reip. moderatore
valere debet, vbi & iniuria grauior est, & pericu-
la maiora sine dubio imminet? Et delicta puniri,
Reipub. interest, vel vt Iurisconsultus ait, magna
ratio est. Neque omiserim hoc loco veterem illã
sententiã, q̃ hic maxime valet. Debere Principes
inimicos suos vel punire, vel sibi indulgentia be-
neficiisq; adiungere: mediam vero viam, non me-
diam, sed nullam esse, certe quidem inutilem. Cui
autem dubium est, quin ii sint Principi inimicissi-
mi, qui cum contumeliis scriptisque lacerat? qua-
re si alliciendæ eorum beneuolentiæ rationem
non tenent, eos persequi atque vlcisci debent. id-
que eo magis, quod maledici isti in primis exem-
plo nocent, alioque ad eadem audenda perliciunt.
vbi enim pœna non coerceas, facile quis tãquam
contagione corripitur, cum ingenium humanum
ad flagitia pronum sit, tantopereque delectet te-
nues homines obtrectatio potentiorum, postre-
mo eorum, quorum opes in alto sitæ sunt. Vnde
fit, vt cum impune maledicere liceat, etiam vnus-
quisque male etiam velle incipiat, & ex maleuo-
lencia libido oriatur male etiam faciendi; à libidi-
ne hac denique mala etiam effecta manent. Ac
sæpe adcidit, vt quis de alio male loqui per iocum

incipiat, & facilitate quadā aut leuitate: postea cū eam sibi consuetudinem fecerit, nullamque ob id pœnam tulerit, idem cogatur eum quoque odisse, quod illorum verborum vsus in cupiditate animi transeat, atque adolescat quidam tanquam habitus. nam, vt veteti prouerbio dicitur, fiunt homines quotidianis suis sermonibus similes. Ad hæc quide Princeps male loquitur, vel scribit, is necessario cogitat, odium sibi Principis inde paratū esse: ideoque & ipse odisse eum incipit; quod nihil tam naturale sit, quam homini respondere vt in amore, sic & in odio. Quid plura? Magis expletur & exsaturatur malorum hominum libido, cum eos Princeps coercet, quam cum impunitos dimittit. Ex hac enim licentia intelligunt se suasque contumelias à Principe contemni, atque irrideri, vt inania. Quare acrius adcenduntur, excogitantque alias vlciscēdi sui rationes, quo Principi dolorem dent. At è contrario cum Princeps eos seuerè punit, tum vel si cum vno amico tantū eiiciant animi & linguæ suæ virus, satis se fecisse animo putant, quasi qui omnia Principis munimenta pertruperint, quibus ille se contra subditorum maledicta contumeliasque sepeferit. Esset sine dubio pulcherrimum, atque inprimis optandum, neminem reperiri, qui de Principe male loqueretur: enitendum est igitur, vt nemo male loquatur. Id vero cum Princeps sanctitate morum cōsequi non potest, dare operam debet, vt legum seueritate, pœnisque consequatur, atque efficiat. Postremo, vt hanc quoque partem absolua, nihil magis curare & meditari Principes debent, quam vt à ciuibus suis & amentur, & timeantur.

quod

quod si vtrumque non possint, alterum obtinendum est omni animi vi atq; industria: stare enim sine altero saltem eorum nulla respublica, nullaque dominatio potest. At si vulgo liceat maledictis in Principem vti, neutrum retinetur, neque amor neque timor. Neq; enim is amatur, de quo homines male loquuntur: neque timetur, quia si timeretur, non de eo homines male loqueretur. Cōsultius igitur omnino est, pœnis & malo coercere eos, vt si amare nō possint, timeāt saltē, & taceant, ac minus fortasse incōmōdum est beneuolentia ciuium, quam timore & beneuolentia carere. Quæ cum ita sint, hæc pars, quæ licentiam loquendi & scribendi exercet, Principibus est & rectoribus Rerumpubl. magis amplectēda, & retinenda: neque moueri debemus tot argumentis atque exemplis, quæ in contrarium adtulimus. potest enim fieri, quod fit in multis quæstionibus vt res verbosior illa fuerit, hæc verior. Quod non ita velim tamen intelligi, quasi nihil in hac re permittere, nihil cōdonare Princeps debeat. sed profecto rem in vniuersum æstimanti, illa regula tenenda est, satius est, punire talia, quam ferre. Minus enim incommodi ex castigatione pœnaque percipitur, quam ex permissione atque indulgentia. quæ certe ratio in rebus ciuilibus, rerumque publicarum rectionibus perpetuo seruari debet, vt id eligamus in quo plus utilitatis quam detrimenti est, id contra repudiemus, in quo superat utilitatem detrimentum. Nam vt in natura nulla est plane sincera & liquida voluptas: quin, vt Lucretius ait,

— medio de fonte leporum

Surgit amari aliquid, quod in ipsis floribus angat;

Sic in republ. administranda nulla prope modum iniri deliberatio potest, in qua non insit aliquid incommodi. Cæterum sapiens Princeps, vt in omnibus rebus, sic etiam in hac maxime vti ingenio debet, & moderatione. Neque enim omnia, & in omnes, & semper puniri debent. Qua de re plura docere atque hanc etiam partem ignoscendi definitionibus quibusdam conarer complecti atq; illustrare nisi iam ab initio non esse mihi diutius abutendum auribus & benignitate vestra, proposuissẽ. Quare iidẽ illi Imperatores Arcadius & Honorius, cuius supra constitutionem recitauimus plenam humanitatis & clementiæ, cum, inquam, prohibuissent aliquem pœna adifici ob maledicta in se iacta & obtrectiones suorum temporum, rationes etiam adiecissent, cur id prohiberent, siue ex leuitate siue ex insania, siue ex iniuria id aliquis fecisset in extremo tamen cõstitutionis cognitionem sibi integram reseruari noluerunt: aiunt enim: Vnde integris omnibus hoc ad nostram sciẽtiam referatur, vt ex personis hominum dicta pensemus, ac vtrum prætermitti, an inquire debeat, censeamus. Quod clarius atq; expressius in Harmenopuli interpretatione græca legimus. Sapiētissime ex personis dicta pensanda existimauerunt. Quibusdam enim personis iure etiam debetur hæc licentia Neque Imperiale est, inquit Ambrosius in quadam epistola, libertatem dicendi denegare; neque Sacerdotale, quod sentiat non dicere Idque adeo verum est, vt interdũ duobus pariter Principi maledicentibus, in altero venia, in altero pœna sit adhibẽda. Quod Dionysium Syracusarũ regem fecisse memoriæ proditum

ditum est, singulari hominem sapientia atque ingenio. Cum enim renuntiatum ei fuisset, duos quosdam in cœna plurima aduersus ipsum dixisse: vtrumque ad se inuitauit, conuiuioque comiter accepit, quorum alterum cum multa leuiter (etenim vino incaluerat) futiliterque loqui, alterum vero reconditum ac tristem sedere, quamuis bibentem vidisset, illum quidem dimisit, hunc vero tanquam insidiatorem interfecit. Sed omisis aliis illa distinctio summa & verissima tenenda est, vt si qs dolore aliquo vel temeritate inductus de Principe maledicat, ferri sæpenumero possit ac debeat: Contra si quis nulla de causa, sed libidine tantum detrahendi id faciat, seuerè vindicandum sit. quo ingenio Veientonem fuisse, Tacitus scribit. cum omnes quoque senatores & sacerdotes virulentissimis versibus notisq; concidisset. Dixi.

De Loco Taciti.

Q V O D in præmio huius orationis dixi, Augusto primum visum maiestatem Principum maledictis imminui, si Tacito credimus: hic explicandum duxi. Nam & ante Augustū famosa carmina scriptaque talia ex lege xii. Tab. vindicabantur, vt notum est, sed priuatis actionibus. At Tacitus lib. i. Annalium, ait, specie legis Maiestatis Augustum exercuisse eam cognitionem de famosissimis libellis: publico igitur iudicio, vt lege Lætoria publicum iudicium, quamuis de re priuata & familiari, de circumscriptione adolescentium constitutum. Sed obiicitur nobis, quod Cicero ad Appium scribit lib. i. ii. epist. xi. his verbis: Est

maiestas, vt Sulla voluit, ne in quemuis declamare liceret. non igitur primus id Augustus voluit, aut sanxit: Sed Cornelius Sulla; & vt opinor, hoc caput fuit, in legibus Corneliis Maiestatis, quę ci-
 tantur ab Ammiano lib. 19. & aliis. Idem Vlpianus significat in l. lex Cornelia. §. si quis librum. D. de iniur. nam de lege Cornelia, quam tota illa lege frequentissime nominat, intelligendum est, quod ait, intestabilem lege iuberi esse eum, qui libellum ad alterius infamiam scripserit, composuerit, ediderit. Auger difficultatē, quod Tacitus ibidem adiicit, ante Augustum longe alia in crimine maiestatis versata fuisse; denique facta argui solita, dicta impune fuisse. Vide & epistolam A. Cæcinæ ad Ciceronem. Miror eruditissimos Ciceronis, & Taciti interpretes nec verbo hanc dissensionē attingere. Quid dicemus? de declamationibus & adcusationibus, aduersus innocētes præsertim institutis, cauisse Sullam? de libris famosis Augustum? An Sulla hoc tantum sanxit, vt qui Maiestatis alterum falso postulauisset, si is absolutus esset; vt adcusator, quasi rationis lege, maiestatis ipse teneretur? vt Dolabella absoluto Appio, de quo ibi Cicero agit, teneri ea lege debuerit; nam maiestatis lege Appium temere adcusauerat, quod iudicii exitus ostendit. quod nūc placet, dum melius quid reperiamus, aut doceamur. Illud etiam Augustus noue sanxit, quod etiam qui sub alieno nomine libellos famosos edidissent, teneri ac puniri voluit, vt scribit Suetonius cap. LV. vbi miror doctissimum virum Læu. Torrētium illa verba, Sub alieno nomine edant, mendi suspecta habuisse, atq; ita rescripsisse, Suo
 alieno-

alienoue nomine edant, quasi absurde & imperfecte nimis caueretur de eo tantum qui sub alieno nomine edidisset. Sed apparet ex verbis Suetonii illis præsertim, nõ requisitis authoribus, de eo tantum significare voluisse, Augustum cauisse, quod antea cautum non erat, quomodo idem constituisse dicitur Dionis libr. 54. ne Senatorum nepotes in Orchastia saltarent: cum antea de filiis Senatorum tantum id sancitum esset. Atque huc etiam, id est ad hanc Augusti constitutionem de famosis libellis respexisse alicui videatur Vlpianus cum ibi adiecit; ETIAMSI ALTERIVS NOMINE EDIDERIT.

SCIPIONIS GENTILIS IN
ORATIONEM LIVIÆ APVD DIONEM
NOTÆ.

I HANC Orationē cum alii, tum recens laudauit prudētissimus vir Scip. Ammiratus, partem etiam eius Italico sermone conuertit lib. 15. Discuss. in Corn. Tacitum. Nec finxit eā Dio, vt illam funebrem in morte Cæsaris, cum Edictū modo ab Antonio Cos. propositum, alii scribant. Hæc oratio (vt historiæ mos est) consilium Liviæ, à Seneca philosopho simplicius relatum libr. 1. de Clem. cap. 9. pluribus verbis proponit atque explicat. De Liviæ sapientia, cum multa apud veteres testimonia, tum nescio an illud magnificentissimum, quod in templo Delphico extabat. De quo sic Plutarchus, in libello de EI. foribus eius templi inscripto: Τὸ μὲν χρυσεῖον ἘΙ Λιβίας τῆς Καίσρος γυναικὸς ὀνομαπύτων, τὸ δὲ χαλκοῦν, Ἀθλιωάων. τὸ δὲ περὶ τῆς

Ἐπὶ λαοτάτων, τῇ δ' οὐσίᾳ ξύλινον, ἐπὶ νεῦν, τῇ σφραῖν καλῶσιν
 εὐχ' ἐνός, ἀλλὰ κοινὸν αἰάθημα πάντων ᾔδόμενον. Cui addi-
 mus iure hanc orationem, siue potius hoc consi-
 lium marito editum.

2. Tui autem ac regni custodiam exquisitā in-
 stitue] Multis enim coniurationibus petitus fuit,
 quas inter eius misérias numerat Plinius libr. 7.
 Quare & lorica munitū in Senatum venisse con-
 stat, eiusque exemplo, vel naturali prudentia in-
 ductum idem instituisse Magnum Etruriae Ducē
 Cosinum, proditum est, meminque id laudari
 Bodino. Ego vel ob id laudauerim, quod hac cu-
 stodia potest interdum non modo terere con-
 iuratos, sed etiam in lucem protrahere, quasi cō-
 iuratione detecta aut suspectata Principi. Hac
 certe sine regi Waldemaro Daniae, in quē à Ma-
 gno & aliis proceribus conspiratum erat, suavit
 intimus consiliorum Absolon, ut custodia latus
 diligentius muniret, ut commemorat Alb. Kran-
 tzius lib. 6. Davie cap. 37. Etiam Cicero cōsul co-
 mitiis in campum descendit cum illa lata insigni-
 que lorica, quo Catilinē & Antonio invidiā con-
 flaret, eorumque nefarios conatus reprimeret:
 cuius loricae Dio & Plutarchus meminerunt. Ita
 multos vsus in eadem re loricae vides: utilissimū
 autem illum detegendi vel inhibendi cōiuratio-
 nes. Quod & C. Caesar Dictator intellexit, qui
 detectas coniurationes, conuentusque noctur-
 nos, non ultra arguit, quam ut Edicto ostenderet,
 esse sibi notas: ut scribit Suetonius cap. 75. Vti-
 nam & ipse vel loricated in Senatum, vel satelli-
 tibus atque armatis stipatus venisset: non fuisset
 ita misere à conspiratis interfectus. Quae de re nō
 tempe-

tempero mihi, quin hic adscribam elegantissimum
Henrici Sauilis Angli in libro de Milit. Romana
iudicium, vbi de custodia militum & Prætorianis
agit: In libera, inquit, Repub. non vsurpari solita,
sed foris in bello: donec Sulla & Cæsar vsurpato
dominatu domi quoque tanquam inter hostes
retinuerunt consuetâ custodiâ sed Sulla resigna-
to simul dominatu, & præsidio (quamobrem à
Cæsare notatus, Nesciuisse litteras) potest videri
secutus saniozem Grammaticam, quam ipse Cæ-
sar, qui dimisso præsidio, nec simul dominatu, cõ-
misit periculosum, & insignem solæcismũ in po-
liticâ administratione, & viam ad suam perniciem
patefecit.

3 Tum Augustus: multo plures ab amicis, quã
ab alienis perniciem inuenerunt] Idem plane A-
lexander Macedo, lib. 9. Q. Curtii: Aliorum quo-
que regum exitus, si reputaueritis, plures à suis,
quam ab hoste interemptos numerabitis.

4 Multos offendenti vt in tanto imperio] Ma-
xime id contingit in præmiis pœnisq; distribuē-
dis. Tiberius Taciti libr. 11. Annal. vix per singu-
los annos offensiones vitari, quamuis repullam
propinqua spes soletur. Quæ debeant Principes
cauere, ne in ciuium offensionem incurrant, ex-
plicauimus in disputatione Scip. Ammirati supra.
Quod subiicit, Principatui, non tibi insidias stru-
unt, id est, Augusto vel tanquam priuato: signifi-
cat, quod in altera eiusdē disputatione est, nemi-
nem fere Principib. insidias struere, nisi vt Prin-
cipatum ipse inuadat. E contrario Principatui ho-
mines magis quam Principi amici esse solent. Et
Iuinianus Augustus dicebat ad sententatoribus, &

qui religionem eius gratia simulabant: Deprehē-
di eos non Deum colere, sed purpuram, Euripoq;
eos comparabat, quod scripsit Themistius Phi-
los. in *ἱστορίῳ*, teste Socrate libr. 3. Ecclesiasticæ
Historiæ. Similiter Galba in adoptione Pisonis:
Etiam ego ac tu simplicissime inter nos hodie lo-
quimur, ceteri libentius cum fortuna nostra, quā
nobiscum. Tacit. lib. Hist. 1. Plin. Panegy. Agno-
scit, sentitque sibi, non Principi dici.

5 Homines quosdam ipsa ad peccandum im-
pellit natura eiusq; cupiditas coerceri difficulter
potest) Sentētia hæc totidē fere verbis apud Thu-
cydidem à me notata est libr. 3. in ore Diodoti A-
theniensis posita: Περὶ καὶ τῶν ἀπάντων ἐστὶν ἰδίᾳ καὶ δημο-
σίᾳ ἀμαρτάνειν. ὅτι οὐκ ἔστι νόμος ὅστις ἀπέριρξαι τῷ πόνῳ. Ait Dio,
Quosdam; Thucydides, Omnes. neque tamē dis-
sentiunt: si quis π, insitum esse, quomodo acci-
piatur, intelligat: & sequentia Dionis legat, qui-
bus demonstrat, omnes homines, alios tamē alia
de causa, ad peccandum excitari natura. Qua de re
pulcherrima sententia & gradatio extat Clemen-
tis Alexandrini libr. 11. Præd. cap. 9. ibi Ἀλλὰ μὲν
vide sis eam, & adde Senecam libr. 1. de Clem. cap.
6. ibi: Peccavimus omnes.

6 Alia via insistamus ac venia eos prosequa-
mur) Idem consilium & pronuntiatum Cæsaris,
patris Augusti, fuit, epistola ad Oppium & Cor-
nelium: Hæc nona sit ratio vincēdi, ut misericor-
dia & liberalitate nos muniamus.

7 Animi etsi incorporei sunt, tamen multa
habent cum corporū natura convenientia) Hinc
Epicurei argumentum sumpserunt, quo animum
interire demonstrarēt. quod plurimis & elegan-
tissimis

tissimis versibus apud Lucretium legas. Quod de lenimentis & malagmatis animorum & corporum subiungit, valde conuenit cum eo, quod Archelaus libr. 1. de Bell. Iudaico cap. 17. apud Iosephū ait: Quippe in regnis, velut in magnis corporibus, semper aliquam partem pondere ipso tumescere: quam recidi quidem non oportere, leuiter vero curari.

8. Facilius persuadendo quispiam, quam cogendo eo adducitur) Plus posse persuasionem, quam vim & metum, etiam Athenienses iudicauerunt, qui ob id grauius puniuerunt, qui aliquem persuasione & blanditiis corruptisset, quam qui vi, cum ille & animū simul corrumpat. Alius in confessu locus inhonestus) *ἰδπαί, καὶ στάσις ἐν μεγάροις*, id est sessiones inhonestæ, & stationes ignominiosæ, vt interpretatur doctiss. Casabonus in Suetonii Augusto, reprehendens Dionis vel Xiphilini interpretes, notatque plurimum vsos genere isto obiurgandi Romanos veteres in disciplina militari. Ego illud in foro obseruaui apud D. Augustinum libr. 22. de Ciu. cap. 4. Sed isto modo, inquit, possunt isti & solem vituperare: quoniam quidem peccantes, vel debita non reddentes, poni à iudicibus iubentur ad Solem. vbi eruditissimus Viues eo genere pœnæ adfici in Hispania scribit lenas numellis adfixas, & perunctas melle, quo muscæ & apes & vespæ aduolent.

9. Rifuque aut lachrymis dictum exceperint) Creberrima exempla huius mali vel immanitatis potius in historia Augustæa. nam & mater Fusii Gemini (teste Cornelio) necata est, ob lachrymas fusas in cæde filii. Sed nihil ynquam sceleratius il-

lo Edicto III virum Reipub. cōstituen. Vt omnes laxto essent animo : quique id non fecissent, eis mors supplicium esset, vt refert idem Dio lib. 47. quo edicto naturam ipsam tollere conati sunt, vt Antigona illa animosē quēritur in Tragædiis. Claudianus de bello Gildonis,

— si quisquam vultu præsentiā damnet,
Liberiusue gemat: dapibus crudelis in ipsis
Emicat ad nutum stricto mucrone minister.

& mox: — nuperque peremptis

Arridere viris. — & lib. 1. in Ruffinum,

— tacitique sepultos

Suspirant gemitus, indignarique verentur.

Eadem plane & iisdem fere verbis Cornel. Tacitus. Vel tibi nuntiari iudiciorum est) Audiant & demittant susurrones in animum mulieris hoc dictum minime muliebri. & quod ita in Psalmo 8. Dauid execratur inter prima scelera, quibus vita æterna hominibus abiudicatur,

— qui murmura nulli

Insidiosa refert tristes acuentia rixas.

10 Priuato esse omnes iniurias persequēdas, ne vel contemptui inde habēatur, vel opprimatur] Quod si neutrum periculum subest, contra statuendum. Sed de hac re multa in vtramq; partem dici possunt. Vnum non prætermitto hic notare, quod P. Iouius libr. 29. historiarum scribit: Ignobili hercle facinore, sed vsitato huius sæculi Romanis, qui iniuriarū perpetuo memores, vindictæque auidi, inimicorū sanguine, propinquorum suorum manibus, auidissime parentare consueissent. Videtur mihi Dio hanc sententiā ex Seneca oēm mutuatus lib. 1. de Clem. c. 7. quos cum
libros

libros le&titasse, vel sola hæc Oratio vociferatur, cuius argumentum inde sumptum, & in hanc faciem dilatatum.

11 Quid enim mali tibi inferat in Insulâ quandam deportatus &c.] Nisi forte votis & precationibus, quæ causâ immani & furioso Caligulæ fuit tam multos exules ac deportatos necandi: Vide Suetonium. at ob easdē plane precationes Agrippam conseruauit, & regem fecit: vide Iosephum de bell. Iudaic. libr. 2. cap. 18. Sed ratio diuersa erat. Hoc autē Liuiæ de deportatis & captis recte: de liberis & solutis hominibus, quamuis infimæ sortis, quos etiam Augusto insidias struxisse & alii referunt, & ipsa Liuiæ apud Senecam lib. 1. de Clem. tantum ausos, dolet pudetque.

12 Si in Italia vrbes muris & armis munitæ essent] Valde dissimilis hodie Italia nostra illi priscæ, cum nulla sit in toto orbe terrarū regio, quæ tot propugnaculis atque arcibus munitissimis infessa sit, maiore ne bono possidentium eas, an detrimento nescio, de quo dissentiant duo ab Etruria prudētissimi scriptores Machiauellus, & Ammiratus. in vniuersum certe æstimanti nulla res magis Italiæ perniciosâ & probrosa, & externi impetii firmitus vinculum. In finibus tamen non improbes eas. nec interior alia causâ Augusto tã fœdi luctus ac timoris, Varo cum legionibus interfecto, vt viri docti putant, quam quod irruētibus forte Germanis nulla esset arx, quæ obici posset, & paulisper eorum impetum retardare. Vnicam Cremonæ coloniam atque eam validissimam ad hos casus paratam legimus apud Tacitū lib. 3. Historiarum. Propugnaculū aduersus Gal-

lostrans Padum agentes, & si qua alia vis per Alpes rueret. In ipsis prouinciis, & interioribus imperii sui locis extruere arces, nemini probatum: nam ad seditiones & defectionem plurimum incitantur huiusmodi præsidiis homines, præsertim si magna aliqua & opulenta ciuitas fuerit. Sciunt hoc Principes: ideoque non temere id patiuntur vel concedunt; ius, inquam, muniendi. Quod sæpe & immani pretio vendūt populis aut aliis subditis, de quo I. I. nostri. Et contra pænæ loco iniunctum, nudare mœnibus ciuitates. quod frequentissimum & prisco, & nostro quo: non item, portarum clausuram interdiceret, quā pænā Praga passa ab Imp. Ferdinando, vt audio: & olim Genua siue Ianua ab Imp. Friderico, Guntherus Ligurini lib. 9.

13 *Hoc tamen adiecto, ne claudere pergeret urbem,*

Inssus ab incepto populus desistere muro.

Id tamen interdum subditi faciunt sua sponte, offensionis vitandæ causâ, & suspicionis incommodæ. Ioseph. lib. 6. de Bel. Iud. cap. 6. Agtippa murum (in quadam parte vrbis Hierosol.) ita, vt diximus, inchoarat. Veritus autem Claudium Cæsarem, ne magnificentiam constructionis ad nouatum rerum ac discordiæ suspicionem traheret, fundamentis tantummodo iactis, ab opere destitit. Nec enim expugnabilis esset ciuitas, si muros perfecisset, vt cœperat.

14 Non omnia Gladius conficit) Alexander lib. 8. Q. Curtii. Nō est diuturna possessio, in quā Gladio inducimur. Tertullian. lib. 3. Poetice;

Qui precibus bellum, non ferri cuspide soluit.

15 Consecuturus hoc quoque, ut cætera à te grauius facta, necessitatem tibi extorsisse iudicetur) Prudentissimum & Liuiæ dignum consilium. & diligenter id strenueque executus Augustus, ut ostendunt illa varia Romæ iudicia ipso iâ defuncto, Tacit. lib. 1. At apud prudentes, inquit, vita eius varie extollebatur, arguebaturue. Hi pietate erga parentem, & necessitudine Reipubl. in qua nullus tunc legibus locus, ad arma ciuilia actum. & mox: Dicebatur cōtra pietatem erga parentem; & tempora Reipubl. obtentui sumpta. Imitari mihi Claudianus videtur Panegyri in 6. Consul. Honorii,

Pauit Iulæos inuiso sanguine mænes

Augustus: sed falsa pii præconia sumpsit

In luctum patria ciuili strage parentis.

Male in aliis legitur, parentans: nam, pii parentis falsa præconia sumpta, est id ipsum, quod Tacitus dicit, pietatem erga parentem obtentui sumptam. Vide, quæ notaui infra Oratione de Maledictis in Principem.

16 Ut non modo insidiæ contra ipsum nullæ deinde componerentur) Satisne hoc ex fide historię dictum? Nam Suetonius insidias, & coniurationes in Augustum commemorans ordine temporis; Ad extremū, inquit, Telephi mulieris serui nomenclatoris. nisi cum Catabono id non ad ordinem temporis, sed ad vilitatem personæ referre malis. Ego cum videam Suetonium nullam mentionem facere Cinne, cuius tam clare hic Dio, & Seneca lib. 1. de Clem. cap. 9. oblitum huius coniurationis existimo, vel alia de causa eam præteruisse, nisi forte errore librariorum excide-

rit: neque ea, quas memorat omnes coniurationes fuerunt, sed aliqua singularium hominum insidia, & conatus privati. Atque hæc habui, quæ cursim & carptim ad hanc Orationem Liviæ notarem. Sed omnium optime illustrabit tibi eam Seneca, quem Dio non obscure sectus & imitatus est. Eius hæc sunt verba, libr. 1. De Clementia, ad Neronem Cæsarem cap. 9. Diuus Augustus fuit mitis princeps, si quis illum à Principatu suo æstimare incipiat: in communi quidem Republicæ gladium mouit, cum hoc ætatis esset, quæ tu nunc es. duodeuicesimum egressus: annum iam pugiones in sinu amicorum absconderat, iam insidiis M. Antonii consulis latus petierat, iam fuerat collega proscriptoris: sed cum annum quadragesimum transisset, & in Gallia moraretur, delatum est ad eum indicium, L. Cinnam stolidi ingenii virum insidias ei frungere. Dictum est & ubi, & quando, & quemadmodum adgredi vellet. Vnus ex consociis deferebat. Constituit se ab eo vindicare. Consilium amicorum aduocari iussit. Nox illi inquieta erat, cum cogitaret adolescentem nobilem, hoc detracto integrum, Cn. Pompeii nepotem damnandum. Iam vnum hominem occidere non poterat, cum M. Antonio proscriptionis edictum inter cœnâ dictaret. Gemens subinde voces emittebat varias, & inter se contrarias: Quid ergo? ego percussorem meum securum ambulare patiar, me sollicito? Ergo non dabit pœnas, qui tot ciuilibus bellis frustra petitur caput? tot naualibus, tot pedestribus præliis incolume, post quam terra marique pax parta est, non occidere constituat, sed immolare? (Nam sacrificantem

stantem placuerat adoriri.) Rursus silentio interposito, maiore multo voce sibi, quam Cinnæ irascebatur: Quid viuis, si perire te tam multorum interest? Quis finis erit suppliciorum? quis sanguinis? Ego sum nobilibus adolescentulis expositum caput, in quod mucrones acuant. Non est tanti vira, si vt ego non peream, tam multa perdenda sunt. Interpellauit illum tandem Liuia vxor: Et admittis, inquit, muliebri consilium? Fac quod medici solent: qui vbi vñsitata remedia non procedunt, tentant contraria. Seueritate nihil adhuc profecisti. Saluidienũ Lepidus secutus est, Lepidum Murena, Murenã Cæpio, Cæpionem Egnatius, vt alios taceã, quos tantum ausos pudet: nunc tenta, quomodo tibi cedat clementia. Ignosce L. Cinnæ, deprehensus est. Iam nocere tibi non potest, prodesse famæ tuæ potest. Gaudis sibi, quod aduocatum inuenerat, vxorẽ quidem gratias egit: renunciari autẽ extemplo amicis, quos in consilium rogauerat, imperauit, & Cinnam vnum ad se accersit dimissisque omnibus è cubiculo, cum alteram Cinnæ poni cathedram iussisset: Hoc, inquit, primum à te peto, ne me loquentem interpelles, ne meo sermone medio proclames: dabitur tibi loquendi liberum tempus. Ego te, Cinna, cum in hostiũ castris inuenissem, non factum tantum mihi inimicum, sed natum seruauĩ, patrimonium tibi omne concessi. Hodie tam felix es, & tam diues, vt victo victores inuideant. Sacerdotiũ tibi petenti, præteritis compluribus, quorum parentes mecũ militauerant, dedi. Cum sic de te meruerim, occidere me constituisti. Cum ad hanc vocem ex-

clamasset, procul hanc ab se abesse dementiam: Non præstas, inquit, fidem, Cinna: cōuenerat, ne interloquereris. Occidere, inquam, mē paras. adiecit locum, socios, diem, ordinem insidiarum, cui commissum esset ferrum. Et cum defixum videret, nec ex conuentione iam, sed ex conscientia tacentem: Quo inquit, hoc animo facis? Vt ipse sis princeps? Male mehercule cum Repub. agitur, si tibi ad imperādum nihil præter me obstat. Domū tueri tuam non potes. Nuper libertini hominis gratia, in priuato iudicio superatus es. Adeo nihil facilius potes, quam contra Cæsarem aduocare? Cedo si spes tuas solus impedio, Paulus ne te, & Fabius Maximus, & Cossii, & Seruillii ferent, tantumque agmen nobilium nō inanis nomina prætereuntiū, sed eorum, qui imaginibus suis decori sint? Ne totam eius Orationem repetendo, magnam partem voluminis occupem: diutius enim quā duabus horis locutū esse cōstat, cum hāc pœnam, qua sola erat contentus futurus, extenderet: Vitam tibi, inquit, Cinna, iterum do, prius hosti, nunc insidiatori ac parricidæ. Ex hodierno die inter nos amicitia incipiat. Contendamus, utrū ego meliore fide vitā tibi dederim, an tu debeas? Post hæc detulit vltro consulatum, questus, quod non auderet petere. Amicissimū fidelissimumque habuit, hæres solus fuit illi. Nullis amplius insidiis ab vllō petitus est.

SCIPIONIS GENTILIS

NOTÆ

In Volc. Gallicani Auid. Cassium.

PERISSE fatali sorte perhibetur] id est, ut vulgo loquimur, naturali morte, quæ unicuique fatum suum est, quo sensu Græci quoq; τὸ ἐμὲν πάλιν & τὸ πᾶσι κοινὸν dicunt; ut mirer Iul. Scaligerum id reprehendere & quidem tanquam unicuique peccatum, in Virgilio, qui scripserat de Didone lib. 4.

Nam quia nec fato, merita nec morte peribat;
Fuisse enim Didoni fatum, sic mori. quasi non & Theophrastus, aliique philosophi & scriptores ita doceant ac loquantur, vel à poeta summa veritas exigatur. Eodem sensu veteres dixerunt, suam morte, vel suo die mori.

2 Qui in C. Iulium conspirauerant] Proprie. neque enim iusiurandum intercessisse dicitur: ideoque & Suetonius semper conspiratos & conspiratores vocat, semel tantum coniuratos. Sic Iugurthinam coniurationem Cicero dicit in Bruto, pro conspiratione, & factione. Sed quis adfirmet nullo se sacramento illos inuicem obligauisse? E contrario coniuratio dicitur etiam recte conspiratio. Iulius Obsequens: Ab his prodigiis Catilinæ nefaria conspiratio cœpta. In quibus miror, omittere eum quædam præcipua, ut illud, cuius ita meminit Plinius lib. 1. Nat. hist. cap. 51. In Catilinariis prodigiis Pompeiano ex municipio M. Herennius de muro sereno die fulmine ictus est.

3 Oderat tacite principatum] Notum illud de

C. Cassio qui Cæsarem interfecit, regem eum, nō regnum odisse. Ab hoc Cassio ortus etiam is, quē princeps Nēro sustulit, quod domi inscripsisset sub imagine C. Cassii, DVCI PARTIVM. Et capitale alioquin damnatorum, in tanto præsertim crimine perduellionis, imagines habere, vt de imagine Saturnini, & aliorum clarum est. Ait Gallicanus, tacite: quod interpretor, ipsa natura, quasi in familia & sanguine hæreret illud odiū, vt sunt sæpe quædam *patrum* aliquarum familiarum certa, nec facilia deleri. Vnde illud Taciti, Super insitā Claudie genti superbiam, & similia. de quo memini & disputationem Machiaueli legere ad lib. 1. Liuii.

4 Auidius Cassius auidus est imperii] Hac epistola breuissima Verus multa colligit argumenta, quibus Cassium suspectum coniurationis vel insidiarum faciat Marco fratri. 1. Primum est ab ipso nomine, quasi in Auidio inesset auiditas tyrannidis. neque enim ioco, & allusionis gratia sic scribit: vt in simili verbo lusit Q. Ennius:

Stultus est, qui cupida cupiens cupienter cupit.

Quem tamen versum aptissime de coniurationibus vsurpare nobis licet. Sallustius, apud Seruiū lib. 9. Æneidos: Ex insolentia auidus malefaciendi. 11. Aliud argumentum in illis verbis continetur, *Omnia ei nostra displicent.* Sic ille Subrius Flavius coniuratus in Neronem, interrogatus quibus causis ad obliuionem sacramenti processisset, Oderam te, inquit; & cætera. quæ vide apud Tacitum lib. 15. Annal. Sunt enim pulcherrima.

5 Opes non mediocres parat] III. Argumentum. Id enim suspectum atque inuisum semper Principi-

Principibus, timidis præsertim & malis. Quare eadē plane ratione, qua hic Verus, Sosibius Imp. Claudium monet, Caueri vim, atque opes Principibus infensas: Taciti lib. 11. Annalium, ipso statim initio. vbi de Val. Asiatico.

6 Te philosopham aniculam, me luxuriosum morionem vocat] I V. Argumentum. Nam facilo coniurat, qui maledicere Principi solet. de quo in Oratione nostra de Maledictis in Principem supra vide. Philosophiam autem Stoicorum sectatum hunc M. Antoninum scribit Iulianus Aug. in Cæsaribus, & Xiphilinus lib. 70. magistrosque omnis doctrinæ, Athenas cum venisset, annua mercede conductos ibi constituisse, bono generis humani. Præceptores ipse habuit in Philosophia Rusticum & Apolloniū Nicomedēsem, homines in præceptis Zenonis (vt idem scribit) exercitatos, item Sextum Bæotiū, Suidæ testimonio: in Rhetoricis Corn. Frontonem, & Claudiū Herodem: sed hunc (vt opinor) in Græcis, illum in Latinis, quod & Capitolinus significat. extant certe, & à nobis collecta sunt Frontonis fragmenta quædam, elegantia Latinæ plena, vt nō immerito videatur à Panegyriste orator, à Cicrone nō secūdus, sed alter dici. Illud memorabile est, quod refert Charisius ex libro eius 11. ad Antoninum: Male me, Marce, vitæ meæ pœnitet. cæterū certū est, male pœnitet. cui simillimū illud initium epistolæ Imp. Tiberii ad Senatum, quod insigne visum scribit Tacitus lib. 6. Annal. Quid scribam vobis P. C. aut quomodo scribā, aut quid omnino, non scribam hoc tempore, Dii me Deaq; peius perdant, quam perire quotidie sentio, si scio.

7 Aniculam] Quasi imbellē, & fabulis anilibus, id est, philosophiæ studiis deditum. Cicero lib. 1. de Nat. Deor. Nam ista quæ vos dicitis, sunt tota commentitia, vix digna lucubratione anicularū: vel quia etiam in senectute hæc tractabat, ex quo illud est, quod Suidas narrat tum, cū à Lycio quodam oratore Romæ domo prodiens rogaretur, quo iret, quaque de causâ, sic respondisse, Etiam seni discere honestum est. Eo ad Sextum philosophum, cogniturus, quæ nōdum sciō. Ibi Lycius manu ad cælum sublata, O Sol, inquit, Romanorum Imperator ingrauescente ætate libellum tractans, magistrum adit. Meus autem rex Alexander annos; 2. natus, obiit. Alio sensu Sertorius Metellum aniculam vocabat: ut est nisi fallor, apud Appianum & Plutarchum. At M. Antonius Dec. Brutum, quem Mutinæ obsidebat, contumeliosissime in epistola ad Hircium & Cæsarem, Veneficam appellat, Ciceronis Philippicâ 13. In eadem epistola Trebonium, qui Cæsarem percussit, Scurrē filium appellat. ut Cassius hunc Verum, Morionem, voce non græca, sed græca tamen originis. at Scurræ vox Latina adeo est, ut nō possit forte aliqua græca plane exprimi. ex quo factū puto, ut Zeno Socratē, latino verbo utens, Scurram Atticum nominare sit solitus, teste Cicerone lib. 1. De Natura Deorum.

8 Inter præcinctos] V. Argumentum à potētia & dignitate. cape enim, non, inter milites, licet & hi præcincti: sed inter militum præfectos ac duces, quorum dignitates etiam cingula dici cōsueverunt, ut & dignitates officiaq; aulica. Ζῶσι Græcis, & ἄζωσι qui sint, docebit te doctissimus Cuiacius ad

cuius ad l. 2. C. ut dignit. or. seruetur. libr. 12. Vel intellige, strenuos. Seruius in libr. 8. Æneid. Dis-
cincti: Aut inhabiles militiæ. Omnes enim qui
militant, cincti sunt, aut certe, inefficaces: ut con-
tra, Præcinctos, strenuos dicimus. Horatius:

— *Altius ac nos præcincti.*

Vnde & Græce *ἔνθεος* appellatur, nō qui bonam
zonā habet, sed strenuus. cui interpretationi con-
gruit testimonium D. Marci in epistola mox se-
quenti.

9. Qualem milites libenter audiunt, libenter
vident] V. l. ea enim expeditissima tum ad impe-
rium via, per fauorem, & corruptiones militum.
Sic Seianus, Sic Orho, atque alii grassati ad impe-
rium. Nec ullam rem ægrius tulit callidissimus
principum Tiberius, cum ad Senatum scribens,
Iun. Gallionem, qui censuerat ut prætoriani actis
stipendiis ius apiscerentur, in quatuordecim or-
dinibus sedendi, violenter increpuit, velut ceram
rogitans, Quid illi cum militibus? & quæ sequun-
tur, lib. 6. Annalium Taciti. Paulus Iouius de Au-
rantio Principe, qui in obsidione Florentiæ in ip-
so victoriæ limine cecidit. Ferunt in eo, qui nō-
dum trigessimum ætatis excesserat annum, peril-
lustres liberalis animi, & pugnacis ingenii virtu-
tes, quibus studia militum, cum insigni gloria, &
non obscuro quodam dolore Cæsaris, prome-
rebat.

10. Nam si ei diuinitus debetur imperium] Pia
sententia: quam etiam cuius Romanorum Im-
peratorum par Solimannus filio suo Baiazeti in-
gessit, contra Selimum fratrem ad imperium, pa-
tre viuo, nitenti. Vide aureas Gisellini epistolas.

Ab alia mente & scientia Imp. Vespasianus in coniuratores dixit, aut filios suos sibi, aut neminem successurum. Sueton. cap. 41. quod Vespasiani dictum laudat ad hanc rem Scipio Ammiratus lib. 15. Discurs. cap. ult.

11 Successorem suum nullus occidit] Intellige, quemcūque. nam suum & certum potest quis tollere. Quare cum Roxane Cambyſis Perſarum regis vxor puerum sine capite peperisset, Magi sic interpretati sunt, nullum regni successorem ab eo relictum iri, vt scripserat Ctesias libr. 12. Persicorum. Quantopere autem & Principum & populorum interſit, successorem certum haberi, vide quæ idem Ammiratus lib. 1. Discurs. 2. & eruditissimus amicus noster Ioh. Mercerius in notis ad Tacitum ſcibit, opinor ad illum locum, Ne ſuccellor in incerto foret. Vt autē nemo Princeps ſuccellorem suum occidit, vt Tyrannus dicebat, sic occiſi Principis vltor eſt, quiſquis ſuccellit, vt eleganter & prudenter idem Tacitus ſcribit lib. 1. Hiſtor.

12 Non poſſumus reum facere quem nullus adcuſat] Vulgatiffima eſt hæc iuris ſententia: ſed cui tamen varie præſcriptum præſertim in hoc crimine perduellionis & læſæ maieltatis, ut demonſtrat Tib. Decianus conſil. xv 111. nu. 194. & ſeq. Vol. 1. vbi de coniuratione Flilcorum Genuenſium aduerſus Carolum V. Imperatorem inita reſpondit. Et hoc igitur vel veteri iuri cuius D. Marcus religioſiſſimus fuit, ut Papinianus de eo loquitur, vel pietati eius tribuendum eſt.

13 In cauſſis maieltatis hæc natura eſt, vt videantur vim pati etiam quibus probatur] Ratio
humis

huius rei est, quam prudens illa Liuiam marito Augusto dicit, sed & Mæcenas, libr. LV. & libr. LII. Dionis; quia non sit verisimile, aut facile credatur, cum qui in tanta potentia vixit, ab homine priuato atque inermi insidiis peti: sed alias esse causas comminiscuntur, ob quas Princeps sæuiat nec semper vulgus errat. exemplo sit Commodus huius nostri Antonini filius, sed quid hunc sceleratissimum hominem dico: exemplo sit, quod in veteri illa Republ. sanctissima accidit, coniuratione quadam commentitia à Tribunis plebis aduersus patritios non minori artificio quam scelere excogitata, & Senatui populoque ad vindicandum proposita: de qua Dionys. Halicarnassæus prolixè narrat lib. x. Originum Romanarum. Imo etiam compertæ coniurationes non creduntur satis, vt Domitianus dicebat, quod mox explicabo. Testimonio est Catilinaria: de qua improbiſſimus Salustius Ciceroni in Inuectiua illa obiecit etiam verbum illud, quo Cicero vsus, Cōpertum, quasi morem & modestiam Romanam in eo transgressus. de quo verbo in orat. pro L. Flacco, & alibi legitur.

14 Misera conditio imperantium, quibus de affectata tyrannide, nisi occisis, non potest credi] Domitianus, qui primus huius sententiæ author, sic extulit, apud Suetonium cap. xxi. Conditionem Principum miserrimam esse aiebat, quibus de coniuratione comperta non crederetur, nisi occisis. ex quo apparet, quantum notoris de hac sententia deterſum fuerit ab Adriano, qui posterior eam vsurpauit, siue potius ab Gallicano. Multo magis eam corripit Ordonius Hispaniæ Rex, vel

potius Rodericus Santius historiæ Hispanicæ Par. III. cap. XIX. Hunc Ordonium, inquit, cum nonnulli hortarentur, vt à tam infesta tyrannide abstineret, & cum Santio componeret, ad eos Ordonius dixisse fertur, Quia regnandi auaritia non nisi gladio amittitur. Imitatus est Ordonius, immo secutus Adriani Imperatoris sententiam, qui (vt ait Volcatius Gallicanus) dicebat, Quia misera conditio regnantium, de affectata tyrannide, non aliter quam eis occisis credi potest. Hæc Rodericus inscitissime. Nam dictum Ordonii contrariam sententiam Adrianeo exprimit, atq; illa potius, quæ fuit Syracusarum tyranni, E regno non nisi peditus extrahi oportere, vt est alicubi apud Liuium.

15 Tyrannorum enim etiam bona dicta &c.] Vide nobilissimum hac in re factum Lacedæmoniorum apud A. Gellium lib. XVI. cap. I. ubi concludit his verbis: Sic boni sententia mansit, turpis author mutatus est. Recte hoc illi, & Imp. hic Marcus, nec tamen non laudanda moderatio Neruæ & Traiani est, qui eiusdem Domitiani & edicta, & epistolas, & beneficia conseruauerunt: vide lib. X. epist. Plinii. neque enim omnia tyrannorum semper rescindenda, præsertim iuste facta atq; decreta, cum & Cicero imo Senatus Romanus acta Sullæ, & C. Cæsaris, etiam post mortem, vt in summo eorum odio, tamen omnibus modis defendenda celsuerint, pacis & otii maxime causa.

16 Plane liberi mei pereunt, si magis amari merebitur Au. Cassius, quam illi] & periisset maturius portentum illud ac fax humani generis; si filius Commodus: patris optimi voto satisfecisset.

Simile

Simile votum Aristidis, Platonis amici, qui rogatus à Dionysio tyranno, vt sibi filiam in matrimonium daret, respondit, millies se illam petire malle, quam Tyranno nubere. Vnde ad supplicium ductus, rogatusque à Dionysio, num adhuc eius animi esset? respondit, Quorundam se poenitere, quæ egisset; sed non eius, quod dixisset: vt refert Plutarchus. Similius etiam, quod Imp. Theodosius dixisse legitur, cum filios Arcadium & Honorium instituendos Arsenio daret, quæ illi postea relegarunt. quam causam, tanquam vltione diuina, putat Ant. Contius fuisse, cur tot coniurationibus, insidiisque appetiti fuerint.

17 Addens futurum se Sergiũ, si dialogistũ occidisset] Allusum opinor ad Sergium illum, Catilinæ progenitorem, qui (vt scribit Ammiratus libro 25.) vices & ter vulneratus est in variis pugnis: cuius posteritatis vltim⁹ Catilina clarus gloriarum adoras sempiternis maculis obumbravit. & lib. 27. ita exercitatus bellator, vt Sicinnio veteri comparetur, & Sergio. Sed nondum satis intelligo acumen huius dicti: nisi in eo M. Sergium Xuirum legibus scribundis intelligat: quasi dicat Cassius, se scripturum leges, si dialogistum, id est, philosophum Antoninum occidisset. Simile illud C. Cæsaris, L. Sullam nesciuisse litteras, quod dictaturam deposuisset.

18 Nec ille timuit] Cum tamen sciret id olim probro & crimini datum aliis imperatoribus populi Rom. vt Scipioni in Sicilia, vt Germanico Athenis.

19 Et qui se Marium dici vellet] propter seueritatem, vel crudelitatem, vt sequitur. qua de causa

factiam Imp. Seuerus, Sulla Punicus dictus est, vt scribit Tertullianus: vel quia neminem ex ducibus priscis pluris fecerit, quam L. Sullam & Hannibalem, teste Herodiano. Quare & Sullam, & Tiberium in conuentibus plerunque laudabat, seque talem futurum dicere solebat, vt est apud Spartianum.

20 Dicens maius exemplum esse viuentis miserabiliter criminosi quam occisi] In eodem supplicio, id est, manuum præcisarum eandem fere rationem reddit A. Hircius lib. v. 11. de bell. Galk. Vt testator, inquit, esset pœna sceleratorû. Quo exemplo Ludouicus Gallix rex vti solebat ad eleuandam famam clementiæ Cæsaris, teste Paulo Æmilio, qui ait Ludouicum illum delectatum commentariis Cæsaris in linguam Gallicam non versis, sed euerfis.

21 Quod exemplum non extabat, dicēs &c.] Hic igitur Cassius non solum Cassianam seueritatem retulit, sed & Manliana imperia. & de crucis supplicio verum est, præsertim in ciues Romanos & milites. Notum Galbæ factum in Hispania, qui tñtorem, quod pupillum, cui substitutus erat, veneno necasset, cruce adfecit: implorantiq; leges, & ciuem Romanum se testificanti, quasi solatio & honore aliquo pœnam leuaturus, mutari, multoq; præter cæteras altiore & dealbatam statui crucem iussit. Sueton. cap. 9. Sed de hac re copiose & accurate dictum est à nobis in libro ad L. Portiā de suppliciis, vbi an ea lex olim Repub. stante in castris & militiæ valuerit, disputo. De militibus Rom. cruci adfixis à Scipione, vide Val. Max. lib. 11. c. v. 11. Conciliabris autem cum Volcatio

ratio nostro, quod Scipio transfugas R. sic puniuit, Cassius milites re bene gesta, sed se incio, & forte non Romanos.

22 Percutite me si audetis] Germanicus & non pauci alii duces ausi sunt ita furentes milites in cadem sui laceffere felici temeritate, vel maiostatis suæ fiducia. quod autem sequitur, Meruit timere, quia non timuit, verba sunt, nisi fallor, Lucani poetæ.

23 Et præter laridum ac buccellatum atque acetum] De cibis militaribus & continentia veterum Romanorum multi scripsere. De larido, & casco memini ad hanc ipsam rem legere in opere quodam Cardani, qui id institutum commendat, & vires eo cibo maxime ali, docet.

24 Luxuria diffuentes, & Daphnicis moribus agentes] A Daphne notissimo ob amœnitatem & luxuriam suburbio siue loco Antiochiæ, de quo Marcellinus lib. xix. extremo, Suidas, alii, insigniter, & prolixè D. Chrysost. in vita Babylæ episcopi, & martyris Antiocheni. Hinc Claudianus lib. i i. in Ruffinum:

Adfuetumque choris & lata plebe canorum

Proterit imbellem sonipes hostilis Orontem.

D. Hieronymus commentatio in Ezechielem, & Cn. Pompeio manu militari eum locum confitui scribit, & ab eo iuxta fabulas poetarum, Daphnis nomen accepisse ob lauros, & cyparissos ibi frequentissimas. Sozomenus lib. 5. histor. Eccles. cap. 19. in eum fluere aquam è fonte Castalio, in quam cum Adrianus adhuc priuatus folium immerfisset, hausisse futurorum scientiam in folio litteris inscriptam: eoque potitum imperio, fon-

tem illum obstruxisse, ne & aliis ex eo loco futura præsciscere liceret.

25 Quas totas excaldantes se] Nota, id vitio militibus versum, vt & balneare, vtique apud seueriores istos. vide Polyænum libr. 8. Strateg. vbi de P. Scipione. & verbum Excaldare: quo sic hodieque Itali vtuntur. Arnobius etiam Cinere calido, & calore ignis dixit, antique. Sed & D. Augustus in epistolis ad C. Cæsarem scriptis id emendasse dicitur, quod is calidum dicere, quam caldū mallet: non quin illud non sit latinum, sed quia sit odiosum, & vt ipse græco verbo significat *καίειν*, vt scribit Quintilianus lib. 1. Similiter & in libris iuris, Ahenum in quo olea caldā aqua lauatur, quod temere mutarunt imperiti librarii, vel alii.

26 Versum à bono poeta dictum, Moribus antiquis &c.] Forte legendum, ab Ennio poeta.

27 Cassianæ seueritatis ac disciplinæ] Propriū hoc familiæ Cassiæ, seueritas, domi militiæque. Hinc Tribunal Cassii, Scopulus reorum dictus. & eiusdem illa in sceleribus anquirendis interrogatio, Cui bono? Hinc Marcellinus de Imp. Iuliano, Iudicius Cassius tristior lib. 22. Militiæ illud facetum, sed cum amaritia, dictum ab Cassio, refert Quintilianus; Militi enim sine gladio discurrenti, Heus commilito, pugno bene vteris, inquit. Quod autē Gallicanus hic ait de exercitio septimi dici omnium militum, consule eruditissimum Casabonum, Tiberio Suetonii.

28 Mi domine] Etiam à domesticis Augustus & Tiberius non passi hanc appellationem: ceteri admisere, etiam optimi: vt Traianus: sed sine illa adiectione, Mi, quæ nescio quomodo ridiculum

rium quid sonat, & contemptibile. Ira tamen & alii, & Alcuinus Rhetor, nō plane malus scriptor, Caroli Magni præceptor, in Dialogo cum eo habito: Deus te, Domine mi, Rex Carole sapientiæ lumine illuminet. & inferius: Domine mi Rex, Rideo vacuum illud caput Vaconū à Vacuna, qui nostrum, Mesere, dictum scribit quasi Heremi. Sed hæc alibi tractamus diligentius, id est, in libro de Antiquis Italiæ linguis. Potius hic notē, quod ad Coniurationum argumentum facit, ad illum versum Virgilii lib. 6.

—*Nec veriti dominorum fallere dextras,*
ita Honoratum notatē, cum varias adfert interpretationes; Facit iniuriam Augusto & Cæsari, si eos, Dominos, dixit, quod apud maiores inuidiosum fuit, nam patres patriæ dicebantur &c. Ouidius ad Romulum de Augusto:

Tu Domini nomen, Principis ille tenet.

Vide quæ dixi ad L. quisquis. §. vlt. supralib. 1.

29 Bucolici milites per Ægyptum] Præter alios, lege de his prædonibus verius, quam militibus, (quales plerumq; pastores, de quibus Durenus in Annin) Æthiopica Heliodori, quem authorem postea vidi ab Egnatio citati ad Iul. Capitolinum in Marco.

30 Ornamenta regia] Et hoc sæpe pro argumento coniurationis & adfectatæ Tyrānidis habitum. Sed elegantissime Imp. Julianus, cum quidam inimicum suum importunissime reum maiestatis facere pergeret, Quibus indiciis, renidens ait, ad hoc peruenisti? eoq; respondente, Purpureum sibi indumentum ex serico pallio paratū cōuersus Imperator ad largitionum comitē, tegmi-

na pedum purpurea delatori dari iussit ad aduersarium illum eius perferenda: vt sciri, inquit, possit sine viribus maximis quid pannuli proficiant leues. Ammianus lib. 22.

31 Nec in eius liberos aut affectus seuiit] Eodem modo infra loquitur: Quod Latine dici, satis demonstrat Agræus, vetus Grammaticus vbi ait, Pignora, rerum: Pignora, filiorum, & adfectionum. Ruffinus Iosephi de Bello Iud. lib. 7. ca. 26. Iuxta suos adfectus occubuit. Simili modo, Charitates, Desideria, &c. dicuntur.

32 Senatus illum hostem appellauit] Id est, iudicauit, declarauit, vt Reges appellare. & seruum illum, Hostem aliquem iudicandi, mansisse diu etiam post Reipub. tempora. Retinent & in Germania hodie Imperatores, quod ipsorum lingua Aht dicitur. ἀπὸ τοῦ ἑχθροῦ, vt videtur, id est, Hostilitate. Neque hæc potestas in imperio cuiquam nisi Cæsari, & Ordinibus Imperii. Sicut memoriam damnare olim nemo potuit, præter Imp. & hodie præter eos, qui summum habent imperium, nemini subditi, id est, qui maiestatem habent. tamen in hostes publicos & Imperatoris, ciuitates interdum id faciant ad ostendendam deuotionem, & pietatem. Exemplum apud Guntherum Ligurini V.

*Ossa peremptorum tumulis Verona negatis,
Atque feros manes, & nomina saua nocentum
Damnati, & irati natos odere parentes.*

Hunc enim morem damnandæ memoriæ, significat. de quo vide, quæ dixi pluribus lib. 1. c. 3.

33 Caput eius ad Antoninum cum delatum esset, ille non exultauit &c.] Magnum & Romanum scelus.

pectus. Idē de Carolo V. Imperatore Guicciardi-
nus, allato de Francisco rege capto nuntio, idem
Busbequius de Solimāno, ducibus & classe Chri-
stianorum captiua visa, nullum in eorum vultu si-
gnum lætitiæ aut exultantis animi notari potuif-
se. Nam Cæsarem quidem allato capite Pompeii
non magis ex fide fleuisse, Petrarcha noster ex-
istimauit, quam Annibalem risisse in excidio pa-
triæ, & populi gemitu. Amēris malis cordis illum
risum, ipse Annibal dicit esse, apud Liliū; sicut
soluti gaudio animi illas lachrymas Cæsaris Pe-
trarcha; quod tamen non credo. Et vide M. An-
tonii Conf. orationem in funere eius à Dione
scriptam. Sed elegantissimum est eius tamen epi-
gramma, & cuilibet veterum comparandum, cu-
ius initium; *Cæsare pos.*

34 Non sic Deos coluimus, nec sic viuimus, vt
ille nos vinceret] Hic vero iam Christiano dignus
hominē animus. Infra, in epistola ad Faustina
uxorem: Esto igitur secura: Dii me tuentur, diis
pietas mea cordi est. & in adclamatione Senatus,
Dii te tuentur. quæ Horatii verba esse nemo non
agnoscit: & vt alibi notare memini, pro symbo-
lo vsurpata ab Antonino fuisse existimo. Vide
Imp. Iuliani Cæsaris ibi, ὁ ὑποβλέψας πρὸς τὸν Δία
καὶ τοὺς θεοὺς, &c.

35 Omnes principes, qui occisi essēt, habuisse
causas, quibus mererentur occidi] Recte hoc di-
ctum suum statim temperat Antoninus cum sub-
iicit: Nec quemquam facile bonum vel victum à
tyranno, vel occisum.

36 Othonem & Vitellium nec imperare vo-
luisse] De Vitellio an ita est. deponere quidem

imperium etiam in concione conatus, sed inuitus & metu. Sed referas ad præproperam & subitam desperationem rerum suarum. de qua Tacitus nō semel.

37 De Pertinace & Galba paria sentiebat] De Pertinace Marcus? atqui Pertinax multo post mortem Marci petitus imperio. non dubito, quin glossēma sit & inducendum, nisi diuinavit Antoninus, vel per præoccupationem hoc dixit Vulcatius. vt Palinurum notāt Grammatici iussisse portus Velinos inquiri, qui nondum erant.

38 Spectacula sustulisset, & multa alia ciuitatis ornamenta] Simili ratione eamdem urbē multis post sæculis punitus est Imp. Theodosius, cum eius statuas per seditionem tumultumque deiecissent. nam & balnea illis ademit, & dignitatem metropoleos, & alia, de quib. si lubet, vide Chrysostomum in Homiliis Antiochenis.

39 Ita vt filias eius auro & gemmis honestaret] De hoc loco dixi lib. 1. ad l. quisquis.

Et genero Druentiani] Contraria de hoc scribere videtur Martianus I.C. in l. pen. C. ad L. lul. Maiest. Vide Iac. Cuiacii obseruationes.

40 Cum illis etiam in lite obijci fortunā propriē vetuisset domus, damnatis aliquibus &c.] In lite, id est, in iudiciis. vbi libera & soluta potestas maledicendi, & quæuis probra obijciendi, more quodam recepto, & lege adfusatoria, vt Cicero vocat. quod saepe sum miratus in ea ciuitate, in qua iniuriarum actiones tam diligenter constitutæ erant de quouis etiam maledicto, quo pudor & fama cuiusquam coinquinaretur. Imago quædam huius consuetudinis hodieque retinetur,

cum

cum ita interpretum nostrorum disciplina contineatur, ut qui crimen in iudicio obiecit, is non iniuriandi, (ut loquuntur) animo id fecisse existimetur, praesertim si & probare paratus sit; cum idem obiectum extra iudicium, quantumvis vere iniuriarum teneri velint, imo etiam si & probari possit, & contendat is qui obiecit. Quod autem hic Marcus sanxit de priuata domo: idem patrum aetate Carolus V. clementia, & aliis virtutibus Marti simillimus, de ciuitate nobilissima seuerissime sanxit, quam ob rebellionem puniuerat ignominioso genere: & de exercitu ob eandem causam rebellionis non tam punito, quam infami atque attonito Petilius Cerialis, apud Tacitum libro 4. Historiarum per manipulos edicto, Nequis in certamine iurgiove seditionem, aut cladem commilitoni obiectaret:

41 Verus mihi de Auidio verum scripserat] Sic supra ipse Verus, Auidius auidus imperii.

42 Veni igitur in Albanum] Et infra sapientius, Formianum. quod notes, habuisse etiam Imperatores, ut olim ciues, sua praedia, suasque villas, quae in censu priuato, & patrimonio essent. Qua de re pluribus docui libr. 11. cap. 3. De donationibus inter virum & uxorem, quem commentarium breui in lucem dabo.

43 Istos rebelliones acerrime prosequaris] Recte, istos, & rebelliones pro rebelles. ut in veteribus glossis, perduelliones οἱ καὶ τοῦ δήμου καὶ βασιλέων βυλευόμενοι, ἢ καὶ βασιλέων. Ammianus libr. 21. Perduellionum crebris variisque appetitus insidiis. In aliis glossis corrupte, Diuelliones, Πόλεμοι, Ἀρπαγαί. Duellionis enim & usus probat & etymolo-

gia: nam à duobus dictum duellum, id est, parib. Ammian⁹ xvi. Perduelles adbellaret, Arnobius, Duelles. à Duello, quod Accio Perduellum.

44 Mater mea Faustina patrem tuum Pium] Faustinae hæ duæ iure sollicitæ de maritis ac liberis; vt euentus ipse ostendit. At ille Amyntas coniurationis delatus, cum de coniuratis mater Alexandrum monuisset, Vtinam prudentius, inquit, esset sollicita pro filio, & non inanes quoque species anxio animo figuraret. Quare enim non adscribit metus sui causam? denique non ostendit authorem, quo facto, dictouæ nostro mota, tam trepidas tibi litteras scripsit? Q. Curtius li. 7. Quæ notanda Principibus, ne temere muliebri timori credant; & Liuiæ potius præcepta respiciant, quæ supra in eius oratione legere licet. Illud, opprimet, nisi opprimantur, alio sensu, & alia in re dictum à Valer. Maximo libr. 2. cap. 7. De disciplina militari.

45 Vt pietatem primum circa suos seruaret &c.] Cæsar Anticatone primo: Vno enim excepto, quem alijsmodi atque omnis natura finxit, suos quisque habet caros: apud Priscianum lib. 7. & 3. Catonem puto à Cæsare notari, quem nec misericordia præsentis filii reuocari ab illa immanitate potuit, quin tanquam fera, vt Appianus ait, vulnus sibi ipse rescinderet, laniaretque.

46 Pompeianus gener & senior est, & peregrinus] Cur peregrinus? quisquamne Imperatoris Romani gener, peregrinus? sed hoc intelligit allophylon, id est, nō Romani generis ac sanguinis. Sicut in Auth. Friderici II. Imperatoris relata in Tit. C. commu. de success. accipiendum docui, aliaque

aliaque, aduersus temeritatem pariter & imperitiam Andii illius sine bono.

47 Et ad Senatum scribam, ne aut proscriptio grauior sit, aut pœna crudelior] De Pompeio Magno in Consulatu tertio dictum, Grauior remediis, quam delicta erant. Et è contrario, Senatus missa légatione Imperatorem Valentinianũ rogauit, ne delictis supplicia essent grandiora: vt refert Amm. Marcellinus lib. 28.

48 Non enim quidquam est, quod Imperatorem Rom. melius commendet, quam clementia] Plenæ Nouellæ Iustiniani nostri, vt alios taceam, huiusmodi sententiarum. Ad rem, de qua agimus, vsus commodissime Clemens VII. Pontifex Maximus erga Carolum V. cum ei Franciscũ Sfortiam maiestatis reum recõciliaret Bononiæ, petens vt eum deprecantis Italiæ precibus cõdonaret, vel humani iuris æquitate, si ei falso perfidiæ contumelia fuisset imposita, vel illa præclara clementiæ virtute, qua reges Diis immortalibus æquantur, si in maiestatem aliquid ingrato infidelique animo lapsus admisisset: Iouius lib. 27. Non amo istos gnomologos. Sed tamen nõ possum hîc præterire insignem Ammiani locum de Iuliano: Audito à parëtibus virgines raptas, eum qui violauerat, relegari decreuit. Hisque indigna pati querentibus, quod non sit morte multatus, respõderat, Hactenus incusent iura clementiam: sed Imperatorem mirissimi animi legibus præstare cæteris decet.

49 Ex oratione Antonini] Male hæc distincta, legendum: *Interest scire. EX ORATIONE ANTONINI: Habetis igitur. Sæpe ita peccatum*

in Apuleii apologia, & alibi.

50 Nemo Senatorum puniatur] Quod & initio principatus multi iurare, aut polliceri soliti, *ai qua* se imperium gesturos. Sed pauci præstiterè, inprimis Sulla ille Punicus, Imp. Seuerus, qui Africanas clades reddere voluisse Romano populo visus est, plurimis occisis Senatoribus. Quade causa occisis vno tempore quatuor ex illo ordine consularibus, Adrianus Imp. vt se inuito factum doceret, è Dacia Romam properè rediit, & ipse in libris de vita sua scriptum reliquit, & Ælius Spartianus in eius vita testatur.

50 Vtinam possem multos etiã ab inferis excitare] Melius legatur, mortuos. atq; hæc eadem pietatis plena sententia fuit Imp. Theodosii. Chrysostomus Homilia vi. Antiochena: Conuictos & condénatos festiuitatis & Paschatis reuerentia dimisisti; & infantes, nihilque ausos condemnabis, præsertim solénitate præsentè? An non, Imperator tu hanc epistolã ciuitatib. omnib. mittens, aiebas? Vtinam & defunctos resuscitare possem! In diuerso facto eadem pietas Æneæ:

— *equidem & vinis concedere vellem.*

51 Vindicta sui doloris, quæ etsi iustior fuerit, acrior videtur] id est, iusto tamen vehementior, vt in omnibus accidere vel imputari solet suas iniurias vlciscentibus. Lucretius,

*Acrius ex ira quod enim se quisq; parabat
Vlcisci, quam nunc concessum est legibus æquis.*

52 Dii te tuentur] Dixi supra de pietate M. Antonini, quæ cum ex factis dictisque eius celebrata est, tum etiam crebris sacrificiis. Hinc illud vulgatum, quasi à bubus ad eum scriptum:

Οἱ λευκοὶ βόες Μάρκῳ τῷ Καίτῳ
 Ἀντὶ νικῆσης, ἡμεῖς ἀπολώμεται.

Perimus omnes, si tu, Caesar viceris.

Iocum hunc arripuit & expressit ex illo Ruffi Senatorii ordinis inter cœnam optato, Næ Caesar saluus rediret ex ea peregrinatione, quam parabat. & adiecerat, Idem omnes & tauros & vitulos optare. Vide pulcherrimā narratiunculam Senecæ lib. 3. de Benef. c. 27. vbi de Augusti clementia.

§ 3 Nec magna hæc est P. C. clementia, veniā proscriptorum liberis dari] Dixi aliquid supra libro primo.

§ 4 Reddant Cassiani Reipubl. principatum] Non dicit libertatem, sed principatum. Optat enim Cassium fieri Principem, sublato Marco, tanquam inutili, imo pernicioso Reipublicæ, maxime ob eorum avaritiam, quibus pronunciat præfecturas, curationesque commiserat. At contra alii, cum de malo Principe & crudeli loquuntur, libertatem restitui eo interfecto dicunt, aut cupiunt; quamvis alius ei princeps successurus sit, quomodo Plutarchus in lib. de Garrul. scribit de Nerone, & coniuratione in eum detecta non illa Pisonis, sed Vinicii, mire detecta per vnius garrulitatem, qui cum vidisset quendam ad Neronem rapi, adcessit, & in aurem ei insusurravit, Precare tantum ut hæc dies abeat: Cras mihi gratias ages. quam vocem ille Neroni significavit, iustiori (inquit Plutarchus) saluti certiolem præferens. & supra, ἡ Ῥωμαίων πόλιν ἐκώλυσιν ἐλευθερεῖν ἡγεῖσθαι Νέρωνος ἀπαλλαγίσαν, ἐνὸς ἀνδρὸς ἀδολειχία. μία γὰρ ἡ νῦν μέθ' ἡμῶν ἔδει τὸ πῦρ ἀννὸν ἀπολωλῆναι πῶς σκευασμένων ἀπαιτίων. Sed hæc Christiano non placeāt, qui iussus etiam

discolo magistratui ac Principi præsertim legitimo parere. Vide Ammirati Disputationē, quam in hunc librum conieci.

SCIPIONIS GENTILIS

NOTÆ

In Concionem Chrysostomi in Eutropium.

IN Eutropiū Eunuchum, Patricium ac Cōsulem præfectumque Cubic.] Hi tituli tam curiose enumerati faciūt, vt credam Eunuchi nomen nō ad contumeliam & naturam notandam illius prodigii positū, sed ad dignitatē officiūq; palatii significandū, quod à præfectura cubiculi diuersum. Sic certe Iliodorus Pelusiotes, epist. 36 scribit Ἀνέχω εὐνέχω παλατίῃ. & in ipsa epistola. Ὡς οὐ μόνον δῖος κρονος περὶ γαίης, ἡ βασιλείας, ὁ μὰ θεὸν ἄλλος αὐτὸ καὶ βούλει. Quod idem plane & totidem ferme verbis de hoc Eutropio dicit Chrysostomus hic, & in epistola parænetica ad eum aliosque simul scripta, quæ est eadem cum hac concione pauculis immutatis. Maxime illud notandum; Eum qui paullo ante orbem terræ extēta manu quatiebat. vt Claudianus οὐ γέρονος eius, præfat. in 11. libr.

Vine pudor fatis: en quem tremuere tot urbes,

Ex cuius populi sustinere ingum.

Imo ipsam purpuram eius ingressu inclinatam, & quassatam, ait Chrysostomus; & Imperatori ipsi verēdum fuisse. Item: Nonne summa eorum potestas huic subiecta erat? & quis celsior illo? In superscriptis versibus pro Fatis, aliquis malit, Fastis: qui legerit constitutionem Arcad. & Honor. l. 17.

C. T. H.

C. TH. de pœn. quæ priuilegium in hunc Eutropium, & gemmæ in illis Claudiani libris. Sed nihil mutandum.

2. Patricium] Maius hoc prodigium, eunuchum Patricium esse factum, quam Consulens, quod consulis vnicum extare exemplum ex supra citatis locis apparet: Patriciatum autè plures Eunuchos adeptos esse, verisimile est: cum & lex à Theodosio lata memoretur Sudæ, Εὐνῆχον ἐν τοῖς Πατρικίοις μὴ πλεῖν. Patricii, patres Imperatoris fuere: reperio & imperii patres dictos. Corippus lib. 4.

Patricius senio fulgens Calmicus honore,

Qui pater imperii meruit iam factus haberi.

Eodem loco fuit Nabateorum & Sabeorum regibus semper aliquis ex amicis delectus, qui Frater vocabatur. Strabo lib. 16. Ἐχὼς δὲ ὁ βασιλεὺς ὅτι-
 ἔσπον ἤ ἐταῖρον πνα καθεμένον ἀδελφόν.

3. Cum offensus Principe delitesceret] Non quæuis offensio in Principem est crimē lætæ maiestatis. argumēto est, quod nec maledicta in eum hoc crimine tenentur, vt indicat satis vel ipse tit. Cod. si quis Imp. maledix. separatus à titulo, ad l. Iul. Maiest. Tamen & ex hac oratione licet suspicari, & apertius ex Claudiano, aliquid in Repub. ab Eutropio turbatum, & cum barbaris factionē initam. Sic enim ait in præfatione in librum 11. aduersus eum:

Omnia barbarico per te concussa tumultu.

De pœna eius infra dicam, quæ mitior videtur, quam vt tanto crimini irrogari debuerit ab his præsertim Principibus qui authores l. quisquis. C. d. tit. ad L. Iul. maiest.

4 Vbi illustres illæ faces] In cœnis aut ludis, qui vetustissimus etiam mos Romæ. Seruius in illud Virgil.

— *Atria, dependent lychni laquearibus aureis.*

Tangit, inquit, morem Romanum. Nam, vt ait Cato, & in atrio & duobus ferculis epulabantur antiqui. Lucilius,

Romanis ludis forus olim ornatus lucernis.

5 Vbi coronæ & aulæa] Claudianus in hunc eundem Eutropium lib. 11.

— *Anla choris epulisq; vacat.*

Coronę apte choris siue choreis iunguntur. Scribitq; Athenæus lib. 15. cap. 11. Appionem in lib. de lingua Romana scripsisse Choronam Deū appellatum fuisse: quia chori ea antiquitus in theatris vterentur. Videntur Chrysostomus & Claudianus mihi significare ludos, qui in Palatio edi soliti primo die Ianuarii. Similiter & sacrę illo die epulæ: de quibus notare I. Lipsium memini lib. 4. Annalium.

6 Circēsiū faustę adclamationes] Olim Circenses ludi vix extra urbem Romam: postea vulgari cœpere etiam in prouinciis. In Principum natalibus celebratos, Ambrosius indicat in oratione funebri in Valent. Imperatorem: opinor, & in eorum, qui potentię præcipuæ, vt hic Eutropius, in quem idem Claudianus eodem libro;

*Ad solitos cœpere iocos, & gaudia Circi
Tendere. —*

7 Negotia fraudulenta & personata] Hanc metaphoram videtur traxisse ex mentione ludorum & theatri supra facta. Lucretius,

— *Et eripitur persona manet res.*

Quid

Quod ita noster hic autor alibi expressit: Demisso autem theatro, sublatisque personis, vnusquisque quod est, hoc apparet. Quare ne tanquam in scæna, & simulatione veritatem obeamus. Homilia Antiochena XLIII. Allusum à Lucretio est ad fabulas quæ personatæ dictæ. de quibus Sex. Pompeium vide. Non possum, quin illustratum olim à me & defensum eiusdem poetæ contra Lambinum locum hic reponam, Lib. 4.

*Nec veneros nostras hoc fallit, quo magis ipsæ
Omnia summo opere hos vita proscænia celant,
Quos retinere volunt adstrictosq; esse in amore.
Necquicquam: quoniam tu animo tamen omnia
possis*

Protrahere in lucem. —

Lambinus, postscænia, maluit, scæna coniectura. Nam Lucretius ipsas meretrices vocat Proscænia. quod ornata vestibus & fūco oblita, intus sint spurcissimæ & turpissimæ. plane vt vetus author græcus, Antiphanes, Nannium meretricem eadē de causâ Proscænum vocatam scribit. Athenæus lib. 13. Ἀντιφάνης ὃ ἐν τῷ ᾧ ἐν τῶν ἱερῶν, Προσκλίσιον, φησὶν, ἐπικαλεῖτο ἡ Νάννιος ὃ πρὸς τὸν πόντι ἀγέρον εἶχε. Ἐχέοντος χερσὶ τοῖς, Ἐματιοῖς πολυτέλει, ἐκδύσατο ὃ ἡ αἰσχρότατη. Verbum igitur, proscænia, non ad verba, Omnia vite, sed ad verbum ipsæ, referendum est: Nollem etiā summum virum, Adr. Turnebum eam lectionē Lucretii sollicitasse, & veteri de possessione deiicere conatum esse. nollem & alium, pessimē notam ei inussisse.

8 Fugitiuas esse diuitias. & mox, Homicidas] Fuerunt enim Eutropii bonain fiscum redacta, de quo extat in God. TH. priuilegium libr. 9. de

Pœn. l. omnes res Eutropii. Elegantissime hic lusi Claudianus, in Præfat. lib. i. in eum,

Direptas quid plangis opes, quas natus habebit?

Non aliter poteras Principis esse pater.

vt eruditiss. Cuiacius quoque obseruauit. Miror olim dubitatum de Ruffino, altero illorum temporum portento, an bona eius publicata essent. quam dubitationem eximit Symmachus libr. 6. epist. 15. Vbi prædonem annosum eum nominat, sicut Imp. Arcad. & Honorius Stiliconem, publicum prædonem.

9 Transfugerunt, deseruerunt] Cice ro pro L. Vareno: Amici deficiunt, cognati deserunt. Illud etiam huic Eutropio cum illo Vareno commune, quod est in alio eiusdem Orationis fragmento apud Seuerianũ. In inimicissima ciuitate vrgent, instant, insequuntur, studio, multitudine, pecunia, periurio pugnant. Vide hic inferius.

10 Non quo prostrato insulte. Id enim summe vitio tum datum Chrysostomo, vt testantur historię Ecclesiasticę scriptores.

11 Vsque adeo sunt fragiles (res humanę) & magis nihil, quam nihil ipsum] Martialis, si bene memini:

— *Et tamen ipsum*

Perdidit hoc totum nihil. —

Pindarus (quem alibi allegari Chrysostomo notauimus, parcissimo taliũ) Τὸ ὅτι πᾶσι καὶ οὐκ ἔστιν ἀνθρώπων.

12 Et præcipitia, & carnificis, & via quę ad suppliciũ ducit] De hac via dixi supra lib. i. vbi hunc locum illustraui.

13 Animam quę iam metu diriguisset]

Et apud

Et apud hunc anthoré, præsertim in Homil. Antiochenis, & apud alios sæpe scriptum reperias, metum mali ipso malo maius suppliciū esse. Quæ de causâ multi hac pœna contenti fuere probi improbique, vt ille perditissimus Nero Taciti lib. 7. atroci, & insigni facinore, cui vocem illam addidit, Satis illos pœnas luisse pro epulis consularibus. Claudianus II. in Rustinum:

—*pœnamque luit formidine pœna.*

Notissimū factū L. Papirii in prætorē Prænestinū: cui simillimum quod Magas Philemonis, à quo probrosis versibus confixus erat, ceruicibus nudū imponi gladium à lictore iussit, deinde eum dimitti; vt scribit Plutarchus lib. *περὶ ἡθικῆς ἀρετῆς*, & lib. *περὶ ἀπορησίας*.

14. Hominem scelestum, auarum, rapacem, altaria contingere] Auaritiæ solum vitium & rapinarum nominatim obiicitur, propter quod non debuerit Eutropio ius asyli tribui. Talis enim à Claudiano aliisque describitur, qualem Dio Plautianum Præf. Prætorio sub Imper. Seuerō describit: Is erat homo, inquit, inexplibili cupiditate: omnia enim petebat ab omnib. & cupiebat omnia, nullamque gentem, nullam ciuitatem reliquit, quam non prædaretur: multoque plura munera ad eum, quam ad Seuerum mittebantur. hæc ille. Hinc forte occasio Seuerō fuit illius prouerbiū quasi legis præscribendæ etiam in Xenis capiendis, *ἢ πὶ πάντα, οὐ πὶ πάντοτε, οὐ πὶ πάντων*: I. solent.

D. de offic. procons.

15. Scelestum altaria contingere] Etiam Ethnici idem nouerunt, & cauerunt. Thucydides li.

IV. *τῶν ἀχρείων ἀμειροτήτων κατὰ φύλιν ἢ πρὸς βασιλεῖς.*

Παρενομίαν π' ὅτι τοῖς μὴ ἀνάγκη κακοῖς ἐνομασθῆναι, ὅτι
 ὅτι τοῖς ἀπὸ τοῦ ζυμφορῶν π' ἀλμύσει. De lege Moyſis,
 & constitutionibus Iuſtiniani, quæ non ſervant
 ius aſyli ſceleſtis ac nocentibus, puta, ſicariis, adul-
 teris, virginum raptoribus, Cuiacius notat ad No-
 uell. xv 11. Niſi tamen fortuita cædes eſſet, vel a-
 liud peccatum non ſponte factum, vt Thucydi-
 des ait. cum huiuſmodi perſonis etiam ciuitates
 certæ à Deo cōſtitutæ olim in Iudæa fuerint, quod
 refugerent, & morarentur tuto. Qua de re dixi
 pluribus lib. 11. Parerg. cap. xi 11. Sed nec blaſphe-
 mos habere ius aſyli, docet Boerius tota Deciſ.
 110. Ergo nec hæreticis nec Iudæis; poteſt enim
 iis dici, quod in iure noſtro eſt, Fruſtra legem im-
 plorat, qui contra eam facit. Iudæi præſertim, Ec-
 cleſiæ Chriſtianæ iurē vti nullo modo debent vl-
 la ex cauſa; in quos eſt illud D. Ambroſii, ſed in
 mala cauſa Chriſtianorum, vt ego iudico, qui
 malo more eorum ſynagogam incendērant, epi-
 ſtola 29. Cum ipſi Romanis legibus teneri ſe ne-
 gent, ita vt crimina leges putent, nunc velut Ro-
 manis legibus vindicandos putent. Iuſtius D. Au-
 guſtin. inter laudes Imp. Theodoſii ponit lib. 5. de
 Ciuitate. cap. 27. Quod inimicorum & perduel-
 lium filios ad Eccleſiam confugientes, hac occa-
 ſione Chriſtianos fieri voluerit, nec priuauerit
 eos rebus, ſed auxerit honoribus. Quod notandū
 ad L. quiſquis. §. filii. C. ad L. lul. maiest. nec mi-
 nus hoc loco, quod de aſylo Romano, araſque
 Cæſaris Dio commemorat lib. 47. in epitoma Xi-
 philini. II I viros Reipubl. conſtit. in foro ſacel-
 lum Cæſari poſuiſſe edixiſſeq; Ne quis eo confu-
 giens inde abriperetur, veleiciſceretur: quod ne-
 mini,

mini, inquit, ne Deo quidem tribuerant antea excepto Asylo Romuli: quod tamen post eum nomine tantum manserit, obstructumque fuerit, sic, ut nemo eo intrare posset. Eleganter autem infra auctor noster Paupertatē vice asyli dicit esse.

16 Legibus scriptis, quibus hoc irritum facere conatus est] Consule historiam quoque Ecclesiasticam. & non sine causa, ut opinor, repressa ab Eutropio asylorum Christianorum licētia nimia: sicut à Tiberio ethnicorum; cum tot gentium legationes de iure asyli missas audiret. Vide Tacitū lib. 111. Annal.

17 Nolite hæc facere, ne, qualia ego patiamini] Quasi Theseus quidam, apud homines clamaret:

Discite iustitiam moniti, & non temnere diuos.

18 Quavis rana aut lepore timidiorē] Claudianus eleganter lib. 11. in Eutropium de Leone præcipuo eius duce, & (ut ipse vocat) Aiace contra Targibulum missō,

Ipse Leo dama, cernog, fugacioribat.

Leonem tamen Galli aspectum cantumq; reformidare, longissimeque fugere, nemo nescit. Quæ natura fuit & Germanicus ille nemini Imp. secundus: Α'λεκτρύωνος οὐτε φωνῇ, ἢ τ' ὄψιν ὑπέμεινεν. Plutarchus lib. de Invidia.

19 Milite deposcente hominem ad supplicium] Etiam Imp. Arcadius abripi voluit ex Ecclesia, licet milites oratione demulserit, ne facerent. Certe quidem in crimine læsæ maiestatis non esse ius asyli cuiquam, Doctores nostri volunt. Quæ de re multis docet Gigas in Criminal. Tractatu, & alii. Sic idē Imperator ecclesiæ & asyli Christiani ius

violasse, metu Gainis perduellis dicitur, vt scribit Zosimus lib. 4.

20 Postulans, Imperator, vt non culparum modo, sed etiam recte factorum rationem haberent] Lex ista Persarum fuit in iudiciis: Quod & Eutropio profuisse existimo, ne morte multaretur, vt delictum eius, & crimen læsæ maiestatis postulant. Relegatum enim vel deportatum eum in insulam Cypri fuisse, non solus Claudianus nos docet, qui id sæpissime inculcat in præfat. lib. 11. aduersus eum, Sed etiam Imperatores ipsi Arcadius & Honorius in l. 17. C. Th. de Pœnis, & Chrysostomus non obscure in hac cōcione. Sed palam reclamationem Socrates lib. 6. Historiæ Ecclesiasticæ, qui capite plexum diserte scribit: *Διὰ πνὰ ππέσματὰ ὁ βασιλεὺς ἤ κεφαλὴν ἀποτμητῶναι ἐκέλευσεν.* Quæ scriptio & alios in errorē induxit, & turbauit eruditū virum Antonium Del-rio, qui male Socratem cum Claudiano & cum fide historiæ conciliat: quasi de capitis deminutione, id est deportatione Socrates intellexerit. Ego caput ei amputari iussisse Arcadium, nec quicquam præterea video Socratem scribere. non sequitur autem iussit; ergo & factum est. Imo quamuis scripsisset hoc modo, capite eum multauit, vel occidit: tamē non statim falsi argueretur, si non occidisset reuera. talis enim loquendi modus vsitatus scriptoribus, vt notat Priscianus in illo Virgilii

— *Hesiones visentem regna sororis,*
id est, ὁ ψείοντα. & simillimus Socratis illi loco apud Dionē lib. 54. *τὸν δὲ διὰ Λέπιδον αὐτὸν τὸν πᾶσι θάνατον ἀπέδειξε.* Iussit enim Lepidum aut voluit occidi Augustus, non etiam occidit. Vel dici potest, postquam

INDEX.

quam in exilium missus esset, noster hic Eutropius etiam interfectum fuisse iussu Imperatoris, quod multis accidisse scimus.

21.

Leonem vinctum) pungit tacite præcipuum amicorum Eutropii Leonem, de quo supra memoravi. Olim vincti Leones in circû producebantur, Senec. lib. de breuit. vitæ. cap. 13. Primus L. Sulla in circo Leones solutos dedit: cum alioquin alligati darentur.

INDEX RERVM ET

VERBORVM IN HOC TRACTATU contentorum,

A.

Acerbitatis & odii plenum est, defunctos in ius vocari & damnari 148

Acquisitio, patre per iniuriam damnato, resoluitur atq; irrita fit 108

Ademptio legis plus valet, quam ademptio patris 54

Adoptiui in feudis non succedunt 72. *Sunt de familia & nomine* ibid.

Alienatio si fuerit necessaria, non poterit videri in fraudem fisci facta 123.

Alienatio vt valeat tria tempora distinguenda sunt

122.

Alienatio si ante crimen facta, & necessaria fuerit, semper & indistincte valet 123.

Alienatio voluntaria regulariter valet 123.

Z

Animi

INDEX.

- Animi licet incorporei , multa tamen habent cum
corporum natura conuenientia* 314.
- Appellationes omnes quomodo valeant* 129. *Contra
Archadium & Honorium pueros* Augustos con-
iurationes 264.
- Arrianorum in Catholicos Principes & ecclesiam
atq; Sacerdotes coniurationes* 263.
- Armis disensionibusq; civilibus nihil miserius , nihil
detestabilius* 273.
- Articulo , quisquis , omnes comprehenduntur*
8.
- Athenienses grauius puniuerunt eum qui aliquem
persuasionem & blanditiis corrupisset quam vi*
315.
- Auaritia solum impediuit , quo minus Eutropio ius
Asyli tribueretur* 349.
- Augustus Cassium quendam Pataurum quod in
conuiuio palam dixerat , sibi neque voluntatem
neque animum confodiendi Augusti deesse exilio
puniuit* 31. *contra Aurelium coniuratio*
262.

B.

- Bartolus refellitur* 132.
- Beneuolentia in officio continendi sunt homines*
206,
- Blasphemi non habent ius asyli* 350.
- Bona Clerici perduellis temporalia fisco Principis,
non Ecclesie adiudicantur* 63.
- Bona mobilia tamen excipiuntur , quae vindicat Ec-
clesia* clasia

INDEX.

clesia

ibid.

Bona pupilli quos tutor perduellis possedit, à fisco restitui pupillo debent 65. Exemplum adducitur 66.

Bona damnatorum fisco nunciata vel addicta, impune petere non licet 66. Et si petentes ea impetrauerint non valet impetratio, rescinditurque rescriptum *ibid.*

Bona qua spe & iure ad perduellum pertinent, an fiscus vindicare possit 47. Et negatur *ibid.*

Bona omnia reorum Casarea maiestatis fisco eius addicuntur *fol. x.*

Bonis nemo spoliandus à Rege *227.*

Bonis patris publicatis, non etiam publicatur profectitia dos *100.*

à Bonis maternis vtrumne filii perduellis remoueantur, an vero fisco ea deferantur *79.*

Bonorum publicatio an in omni crimine maiestatis irrogetur, an in solo perduellionis genere

43.

C.

Carolus Magnus indici in se inita coniurationis monasterium donauit *154.*

C. Cassius ob quam causam à Nerone interfectus sit *282.*

Casus fortuiti persape actiones coniuratorum impediunt *211.*

Clericus incidit in crimen laesa maiestatis, & à principe in quem deliquit punitur, non obstante

Z 2 vlllo

INDEX.

| | |
|---|-------------------|
| <i>ullo conditionis vel fori priuilegio, sed etiam iure & rationibus</i> | 11. |
| <i>Cogitans de morte virorum illustrium, consilio & consistorio alicuius principis interessentium, Senatorum vel cuiuslibet nobis militantis, reus maiestatis gladio feriatur</i> | fol. 1. |
| <i>Comitem consistoriarium Cuiacius quem interprete-</i> | 21. |
| <i>tur</i> | |
| <i>Comites consistoriani non sunt persona illustres</i> | 21. |
| <i>Neq, assident, vt consilarii, vel de rebus deliberant vllis, aut consuluntur</i> | ibid. |
| <i>Coniuratio in Commodum</i> | 256. |
| <i>Coniuratio per rerum naturam stare intra fines cognationis non potest</i> | 32. & quare ibid. |
| <i>Coniuratio in C. Iulium Casarem</i> | 251. |
| <i>Coniuratio in Bassianum, Antoninum Caracallam</i> | 260. |
| <i>Coniuratio in Galbam & Vitellium</i> | 253. |
| <i>Coniuratio in Domitianum</i> | 254. |
| <i>Coniurantes ingentia pericula subeunt</i> | 194. |
| <i>Coniurati omnes vno sunt ordine</i> | 138. |
| <i>Coniurationes in Gaium Caligulam</i> | 252. |
| <i>Coniurationes in Diocletianum seu Imperium Romanum, seu quietem Galliarum</i> | 263. |
| <i>Coniurationes contra Iustinum & Theodericum</i> | 268. |
| <i>Coniurationem qui deserunt non plane proditores, sed potius indices & nominatores dici debent</i> | 149. |
| <i>Coniurationes cadunt in quoscunq, homines</i> | 194. |
| <i>Coniurationes in Didium Iulianum & Seuerum</i> | 257. |

INDEX.

257. & 258. in Getam coniuratio 260.
 Coniurationes contra Anastasium Imperatorem
 268.
 Coniurationes varie inferuntur 235. & seqq.
 Coniurationes in Claudium Cæsarem 252.
 Coniurationes omnes contra patriam factæ, aut suis
 successerunt authoribus, aut in ipso facto oppressæ
 sunt 216.
 Coniurationes raro propositum consequuntur finem
 191. & 198.
 Coniurationes in Neruam 254.
 Coniurationes in Augustum 252.
 Coniurationes ex Romana Historia recensentur
 238. & seqq.
 Coniurationes res sunt magni admodum momenti
 191.
 Coniurationes vel per excellentiam intelliguntur in
 principem factæ, vel ominis detestandi causa 21.
 Coniurationes in Pium 255.
 Coniuratorum consilia per imprudentiam sæpe dete-
 guntur 199.
 Conscii, etiam sceleris immunes semper in perduellio-
 nis crimine puniuntur 141.
 Consilii nomen, & consistorii ad omnes æque pertinet
 consiliarios principis 21.
 Constitutio Clementis v. pontificis Max. generaliter
 desinit, Neminem teneri læsæ maiestatis crimine,
 qui alii subditus sit, &c. 9.
 Constitutionis de crimine læsæ maiestatis Arcadio &
 Honorio scribendæ causam quid præbuerit 8.
 Contemptus à plerisque grauius accipitur quam da-
 mnum

INDEX.

num

224.

Crimen laesa maiestatis in iis saltem consiliariis & magistratibus committi dicit Salycetus, qui Principis lateri adstant, siue circa eius latus versantur, non etiam in iis magistratus à populo Rom. vel Principe in prouincias missi sunt 22. & cur ibid.

Crimen laesa maiestatis siue imminuta summum & maximum est sol. 5. ex crimine laesa maiestatis nihil damnati liberis relinquitur 42.

Criminis laesa maiestatis varii sunt genera 5.

Cuiacius reprehenditur 122.

Cynus non solum iuriconsultus sed poeta quoq; egregius 105.

D.

Defectio à Nerone 253.

Deiotarus Rex victori Casari supplex factus laudatur 275.

Deportatus non habet heredem 59.

Deprecari non modo pro seipso, sed & pro aliis semper liberum ac solutum fuit 92. Exempla 93.

Detegenti coniurationem premia & honores debentur 146.

Diabolus primos homines non ad transgressionem tantum precepti, sed etiam ad lesionem & usurpationem maiestatis diuina instigauit 229.

Dictio, consciis duobus accipitur 141.

Dictio, ministris, generalis, est 143. Et quos comprehendat ibid.

Di-

INDEX.

- Dignitas imperatoria quibus à regia distinguatur
infinita sunt 23.
- Disputatio de consurationibus 191.
- Distinctio Salyceti inter successores filios familias com-
mendatur 59.
- Dinanum hodie apud Turcas locus publici concilii est
& iuris dicundi 21.
- Dominus suo iure cur priuatur, nulla ratio est
65.
- Donatio species est alienationis 114. & quidem ma-
gis quam dos ibid.
- Donatio causa mortis facta an retrahatur
108.
- Donatio causa mortis facta non confirmatur. se d in-
firmatur morte civili 119.
- Donatio in multis differt ab alienatione 114.
- Donationes inter virum & uxorem facta non valent
etiamsi ante crimen facta sint 117. & cur
ibid. Imo etiamsi res donata tradita essent, repeti
possunt 118.
- Donationes post crimen perduellionis contractum ra-
te non sunt 115.
- Donationes inter virum & uxorem & donationes
causa mortis quid differant 118.
- Donationes maxime sunt voluntaria alienationes
124.
- Donationes in omni capitali crimine, si damnatio
non fuerit secuta viuo reo, rata habentur
116. exempto crimine perduellionis
ibid.

INDEX.

- Dos à perduelle ante cogitationem tamen facinoris
permissa, & fisco adiudicata, à muliere exigi po-
test* 112.
- Dos profectitia patris est* 99. *At fauore matrimoni-
orum receptum est, ut esset & filii magis etiam
quam patris* 100.
- Dos mulieri quæ data erat, si à fisco cum cæteris bonis
occupata sit, restitui debet* 112.
- Dos damnata mulieris quinq₃ legibus publicatur* 101.
- Dos profectitia filia proprium patrimonium appella-
tur* 100.

E.

- Emancipati non sunt de familia patris* 72. *& ipsum
nomen filiorum amittunt* ibid.
- Emancipati nihil quarunt patri* 109.
- Emancipationes quæ à reis læsæ maiestatis siue in fili-
os siue in filias fuerint collatæ nullius sint valoris
fol. 3.*
- Emancipationis iure feudali nulla prorsus ratio ha-
betur* 72.
- Epigramma vetus* 286.
- Excusationes iustæ non detecti sceleris interdum re-
cipiuntur* 147.
- Exempla non faciunt ius* 52.
- Exemplum coniurationis memorabile in Hieronymi
Syracusanorum regem facta* 200.
- Exemplum singulare non facit ius* 99.
- Exheredatio filio non adimit iura sepulchrorum
54.*
- Exheredatio damnato patre ex crimine læsæ maie-
statis nulla esse potest* 73.
- Ex-**

INDEX.

Exhereditatio non tollit ius patriæ poteſtatis 72.
Exiſtimatio atq; fama in omnibus rebus plurimum
valet 302. de extranei hereditate 108.

F.

Factionem ſceleftam iniſſe tunc ſi dicitur, qui alio
authore coniuravit, quam qui author coniurati-
onis fuit 19.

Falcidia quid 101.

Famam quando violari exiſtiment homines 193

Felonia multum à crimine læſe maiestatis differt 10.

Feuda à Vaſallo perduelle amittuntur 63.

Feuda à Vaſallo perduellionis reo amiſſa cui adiudi-
centur, principine, in quem coniuravit, an domino
feudi, an agnatis vaſalli, mirifice inſerpretes con-
trouerſantur 63.

Fideiſcommiſſum fiſco non acquiritur, ſi reo, cui reli-
ctum eſt, non ſit facta ab herede reſtitutio 50.

Filia de bonis maternis dotanda an ſint 100.

Filii reorum læſe maiestatis à materna aut avita, o-
mnium quoq; proximorum hereditate atq; ſuc-
ceſſione alieni habeantur fol. 2.

Filii perduellium cur ad nullos prorſus honores, ad
nulla Sacramenta ſint admittendi 87.

Filii emancipati an eadem conditione habendi ſint,
qua filii retenti in poteſtate 106.

Filii perduellium, non priuantur iure & facultate
acquirendi, & acquiſitis fruendi 81.

Filii reorum maiestatis ſint pauperes, infames & pero-
petuo egere debeant, fol. 2. ad nullos honores &
Sacramenta peruenire poſſint, ibid. hiſce ſis morte
ſolacium, & vita ſupplicium ibid.

Z 5 Fi

INDEX.

Filii isti reorum maiestatis, in quibus paterni seu hereditarii criminis exempla metuuntur, supplicio paterno perire debent fol. 2.

Filii reorum maiestatis è testamentis extraneorum nihil capere possunt fol. 2.

Filia in matrimonio mortua licet dos profectitia ad patrem redeat, non ideo tamen post damnationem patris mortua filia dos ad fiscum redit, sed apud virum manet. 113.

Filiorum nomen saepe in iure pro nepotibus aliisq; vltterioribus accipitur 71.

Filius patris pana effectus est sui iuris 54.

Filius viuo patre in legitimam nullum ius habet 52.

Filius patre perduellionis damnato post mortem eius desinit suis haeres esse 54. adeo vt nec iura sepulchrorum habeat. ibid.

Filius in potestate retentus an cognitione pendente de perduellione patris possit esse haeres 108.

Filius rei perduellionis an vllam possit hereditatem sibi querere 107.

Fisco idem tribuendum, quod illi qui loco heredis est 51.

Fiscus succedit indignis 48.

Fiscus successor semper reueretur creditoribus eius, cui successit, satisfacere 112.

Fiscus in vsufructu an succedat patri damnato 54.

Fiscus licet in multis similis sit heredi, iure tamen heredi non succedit, sed quodam proprio, vel regaliū 51.

Fœmi-

INDEX.

*Fœmina coniuratorum, si coniurauerint, an ut mares
puniri debeant* 105.

Fœmina in perduellionis crimine incidere possunt

97.

Fortunas & famam subditorum Princeps ne ladat

193.

G.

Genero an detur in rem actio 102. & quatenus
ibid.

*Gentium omnium aduersus imperium maximè oc-
cidentale imperium* 264.

*Græci nomen, quo perduellionem exprimant, non ha-
bent* 45.

H.

Hæredi nomine an filia exuantur 102.

*Hæredis nomen cur honorificentius habeatur, quam
aliud vllum, puta legatarii, fideicommissarii? &c.*

103.

*Hæritas non potest dici filio delata esse, priusquam
pater eius naturaliter moriatur* 59. Ratio
ibid.

*Hæritas filiofamilias & hæredi suo ipso iure acqui-
ritur, sine vlla aditione, sine vlla etiam scientia*
108. Imo etiam si ignorans mortem patris deces-
serit, nihilominus hæritatem paternam trans-
mittit ad hæredes suos ibid.

Hæritas ante aditionem non acquiritur 50.

*Hæritas indigno delata non recte & proprie dicitur
caduca, sed potius ereptitia* 48.

*Hæritas, etiam non repudiata, hæredis non
est, nisi eam adcat* 50. neque inter bona eius

114.

INDEX.

- numerari potest ibid.
- Hares defuncti personam representat 103.
- Hares idem significat quod dominus 103. & aliquem dominum hereditatis instituere, est heredem facere ibid.
- Hieron nullo modo puniuit eos qui presenti & audienti ei multa tetra spurcag, ei obiecerant, interq, ea etiam olentem oris spiritum, 292. vxorem quod se de vitio oris non admonuisset incusat ibid.
- Hispanus quidam Fernando Hispania Regi cultrum in collum defigit 195.
- Homilia Iohannis Chrysostomi 182.
- Hostis hosti proditores eius si indicat, non solum laudi, sed maxime laudi ac gloria tribuitur 151.
- I.**
- Imperatorem Romanum nihil melius commendat, quam clementia 341.
- Imperatoria lenitas filiis reorum maiestatis vitam specialiter concedit fol. 2.
- Indicibus omnibus coniurationum in veteri Repub. dabatur seruo libertas, ingenuo centena millia 153
- Indici & nominatori coniurationis premia & honores pramittuntur, si in ipso statim initio coniurationem detexerit 146. Limitatur ibid.
- Indignis qua eripiuntur, an omnia adiudicentur fisco 80.
- Indignus & is qui capere non potest multum à se inimicem distant 48.
- Infamia quam multis generibus inuri perduellibus iam mortuis consueuerit 83.
- Infi-

INDEX.

| | |
|---|-------------------------|
| <i>Insidias nemo ferre principibus struit, nisi ut principatum ipse inuadat</i> | 313. |
| <i>Intellectus legis, res vxoris, C. de donation. inter vir. & vxor.</i> | 134. |
| <i>Iudas in cornu Domini quomodo depingatur</i> | 87. |
| <i>Iudex ecclesiasticus de bonis ecclesiasticis solus iudicare valet</i> | 62. |
| <i>Julius Bellantius cur aduersus socerum suum coniurauerit, 193. & quam methodum sibi prescripserit</i> | 212. |
| <i>Iura patronatus perduellium filiis adimuntur</i> | 42. |
| <i>Iura acquirendi in fiscum non transeunt</i> | 47. |
| <i>Iura acquirendi in patrem vel dominum non transeunt</i> | 47. |
| <i>Iura inter immobilia connumerantur</i> | 63. |
| <i>Iura voluntatem sceleris eadem seueritate, qua effectum puniri volunt</i> | fol. I. |
| <i>Iura humana & diuina violat, qui transactionem a se iureiurando sancitam rescindere conatur</i> | 7. |
| <i>Ius gentium nunquam punit voluntatem imo nec consilium quidem atq; conatum pro facto</i> | 33. |
| <i>Ius conditionale est ius futurum</i> | 51. |
| <i>Ius suum mulieri eripi non debet</i> | 112. |
| <i>Ius patronatus alicuius ecclesie damnato laico, qui id habebat in fiscum non transit 63. Quamuis in heredem extraneum transeat ibid. Contra Iustinum & Theodericum coniurationes</i> | 268. |

K.

Kadosius an perduellionem an vero maiestatis crimen verti debeat

L.



INDEX.

Legatus, si is in Principem, ad quem missus est, conu-
ret, aut atrox aliquid molietur, an crimen lese
maiestatis committat 13.

Legem qui tulit, & rationem ipsius nouit
7.

Leges nouæ & corrigentes extendenda non sunt, sed
coercenda potius interpretatione 122.

Legis si quis maior ratio euidens 7.

Legis Iulia maiestatis vulgo duo capita faciunt 45.

Sed rectius est tria capita vel tres gradus facere
ibid.

Legitima quæ filios familias perduellionis reo debetur,
an fisco cedat 52.

Liberi perduellium à materna vel auita omnium et-
iam proximorum hereditate ac successione ha-
beantur alieni 78.

Libertatis ea est conditio & is fauor ut bona fide da-
ta non debeat reuocari 129.

Lites transactione finitas non resuscitari Reipub. in-
terest 7.

L. 3. ff. de bon. dam. loquitur de matrefamilias, non
de filias familias 101.

Lex generalis, quæ ius antiquum corrigit, non est per-
ducenda ad casus speciales, qui in veteri iure reci-
piebant à regula 91.

Locus insignis optimi oratoris Calui in Vatinius cor-
rigitur 18.

M.

Magistratus etiam priuatorum appellatione com-
prehenditur 15.

Maledicos nihil adeo mordet, frenatq., quam illata
contu-

INDEX.

| | |
|---|-------------|
| <i>contumelia contemptus</i> | 299. |
| <i>Manumissio est quadam velut donatio</i> | 129. |
| <i>Marcia Ant. Caracalla concubina coniuravit in principis necem</i> | 97. |
| <i>Maritus si uxori donauit, & mortem sibi ob sceleris conscientiam consciuit, reuocatur donatio</i> | 116. |
| <i>quamuis ea quæ alias donauit, valeant, nisi mortis causa donata sint</i> | ibid. |
| <i>Marte aperto cum principe pauci dimicare possunt</i> | 191. |
| <i>Mater Iulii Gemini necata est ob lachrimas suas in cade filii</i> | 315. |
| <i>Matrimonium filii familias invito patre distrabere non possunt</i> | 61. |
| <i>Memoria mortui priuatim etiam colitur</i> | 86. |
| <i>Memoriam alicuius damnari quid sit</i> | 84. |
| <i>Metus pænæ ad damnationem quatenus sufficiat</i> | 124. |
| <i>Metus ulterius non progreditur quam reperitur delictum</i> | 91. |
| <i>Milites priuatis hominibus opponi in iure non est infrequens</i> | 13. |
| <i>Frequentius tamen paganis</i> | ibid. |
| <i>Et de ratione</i> | ibid. |
| <i>Militum alii nobiles, alii plebei vel vrbici nominantur</i> | 14. |
| <i>Mina plus nocent principibus, & vehementiores excitant coniurationes contra ipsos, quam iniuria ipsa</i> | 193. & 206. |
| <i>Mores parentum non ultra tertiam generationem propagantur</i> | 70. |
| <i>Multitudo sociorum criminis impunitatem</i> | non |

INDEX.

non facis 145. Pœnam tamen solet minuere *ibid.*

N.

Nemo usq; adeo fortunis nudari potest, quin illi cultellus ad vindicandum remaneat 193.

Nouatio qua sit litis contestatione non perimit actionem in Numerianum coniuratio 262.

O.

Odium aduersum Principem ciues sapenumero concipiunt, offensi eius vita aut moribus 290.

Officiis colere, non iurgiis exasperare oportet potestatem 94.

Origenis memoria post ducentos annos damnatur opera Theophili Episcopi Alex. 84.

P.

Papiniano ad rectam iustamq; aditionem hereditatis paterna eiusdemq; acquisitionem, sufficit si filio liqueat de innocentia patris 108.

Particula etiam indicat prius dicta ad Principis personam referenda esse 21.

Pater qua ratione fisco filioq; preferendus 59.

Patre damnato ad mortem, vel memoria patris damnata, fiscus hereditatem, utpote nunquam filio delatam vindicat 108.

Parricidis siue maiestatis reis qua pœna irroganda 39.

Patria Philipp. Melanch. certum genus celebranda memoria defunctorum abrogauit 86.

Peculium dupliciter distinguitur 52.

Peculium profectitium totum patris est 53.

Peculium castrense, vel quasi castrense totum est filiis in eoq; pater familias habetur *ibid.*

Per-

INDEX.

- Perduellio est de coniurationibus fol. 5.
- Perduellio quid secundum Vlpianum fol. 5.
- Perduellio criminis laesa maiestatis omnium grauissimum atq; atrocissimum genus est 5. in perduellionis crimine nullumius libertorum relictum est perduellis liberis 43.
- De perduellione in earum etiam ciuitatum ciues queri potest, quae alias liberae a lege in societatem venerunt, ut maiestatem populi Romani comiter seruarent 9. Imo & animaduerti in eos potest & solet damnatos qui ex foederatis ciuitatibus a- pud nos rei facti sunt 9.
- Peregrinus nec vlllo modo subditus principi, in cuius ditione versatur, quatenus vere crimen laesa maiestatis non committat 9. & an coniurationem aliorum, sibi notam detegere teneatur ibid.
- Persona ista sine venia sint notabiles qui pro reis & eorum filiis nunquam apud Casarem vel Principem interuenire tentent fol. 2.
- Persuasio plus potest, quam vis & metus 315. in Philippos coniuratio 262.
- Piscarius subditus an magis obligatus sit obedire Caesari, qui ob inuestituram ab ecclesia acceptam habet vtile regni dominium, an Pontifici, qui utpote supremus dominus regni directum dominium habet 10.
- Pœna scientis & reticentis coniurationem quae fit 142.
- Pœna debent authores suos tenere 64.
- Populo Principem in cuius caput facta est coniuratio, amante, maximum vindictae periculum imminet Aa con-

INDEX.

- coniuratis 213.
Possessio in quam gladio inducimur diuturna non est.
 318.
Posthumi in parentes esse ingrati non potuerunt 69.
Premium delatorum vulgare, quarta dictum, ad
quos delatores pertineat 154. *aduersus Prin-*
cipem qui coniurant rarissime, imo vero nunquam
se excusare possunt 219. & seqq.
Principibus ad evitandas coniurationes ii vel maxi-
me metuendi, in quos plurima beneficia contule-
runt 197.
Privati distinguuntur in nobiles atq; ignobiles 14.
Privato omnes iniuria persequenda 316. & cur ib.
Privilegium filiorum ad alienam iniuriam extendi
non debet 61. *in Probum coniuratio* 262.
Prodendi vocabulum medium est, & inter honestissi-
ma quoq; refertur 151.
Pfistacus Leonem Philosophum, insidiarum in patrē
Basilium Imp. falso delatum, a sua calamitate li-
beravit 98.
Publicatio bonorum non trahitur ad iura futura 51.
Imo nec ad bona futura, vel postea acquisita ib.
 Q.
Quarta bonorum mariti an in perductionis crimine
uxori debeat 131.
Quas res cauere vel curare Principes debeant, ne
subditos suos offendant 223.
Qui semel desperauerunt, ii neq; honoris, neq; facult-
atum, neq; salutis sue, neq; alterius rei rationē
ducunt 293.
Qui delinquit, sciens ei delicto poenam constitutam
esse,

INDEX.

- esse, quodammodo sua mente punitur 132.
 Qui de coniuratione post multum tempus quam in-
 sa est cognouit, & statim ac cognouit indicat
 premia & honores consequitur 147.
 Quintilianus nihil crudelius esse, quam homines bo-
 nestis parentibus aut maioribus natos à Rep. sum
 moueri, scripsit 87.
 Quisquis cum milicibus, priuatis, vel barbaris scie-
 lam factionem inierit, aut eius factionis sacra-
 mentum susceperit vel dederit, morte perire dici-
 tur fol. I.
 Quotiescunq; in plures quam in vnum coniuratur,
 consilia coniurationis perfecte exequi non licet
 209.

R.

- Ratio quod in Principis consiliarios crimen lese ma-
 iestatis committatur, quæ vulgo reddatur 22.
 Ratio subest legibus fol. 6. quamuis non appareat, vel
 reddi à nobis possit ibid.
 Ratio, cur liberi perduellium egestate laborare debe-
 ant, quæ sit 82.
 Reges non omnes leges ferunt utiliter 2. & ibid.
 Regium si non est false in se ab aliis dicta ferre, ne sal-
 se quidem dicta in alium iacere regium est 301.
 Regum sententiis ubiq; seruimus 2. & si quid præter-
 quam quod illis videtur, facimus invalidum &
 inutile redditur ibid.
 Rei criminum capitalium non manumittuntur 129.
 Res natura vs pro nostra sententia disponatur, non
 penitus domini sumus 7.
 Res principum aliter quam priuatorum incedunt

INDEX.

| | |
|---|-------------|
| 227. | |
| Res mobiles sunt in dote | 136. |
| Reus laesa maiestatis amittit omne ius | 47. |
| Reus non tenetur fisco acquirere | 50. |
| Reus violata legis habetur, qui contra legem id ausus fuit sperare quod non licet | 66. |
| Reus laesa maiestatis manumittere an possit | 131. |
| Romani populi exemplum adimitandum proponitur | |
| 217. | |
| Romanorum proprium est institutum voluntatem pro scelere ducere ac punire | 34. |
| S. | |
| Sacramenta pertinent ad rem militarem | 83. |
| Sacramentum & religio rei honesta nullo scelere sol- ui dicitur 19. Sacramento scelus nullum ad- stringitur | 19. |
| Salyceti distinctio, & de verbis, capiant & habeant- tur alieni, opinio ridetur | 80. |
| de Satellitibus | 139. |
| Satellitum vocabulo Socrates ait Imperatorem voca- re domesticos ministros | 139. |
| Scelera parentum filiorum poenis luit, acerbum est, | |
| 77. | |
| Scipionis Gentilis oratio pro C. Cesare | 264. |
| de maledictis in Principem | 287. |
| Senatores quatenus pars corporis Principis appellen- tur | 24. |
| Sententia voluntatem pro scelere puniri, duobus mo- dis temperatur | 34. & seqq. |
| Sententia Vipiani scrupulosa declaratur | 119. |
| Servi à militia repelluntur | 88. |
| | Ser- |

INDEX.

Seruus pœna an possit esse Caesaris seu fisci seruus 40.

Societas pro coniuratione 138.

Substitutus siue fideicommissarius fisco potior est 47.

Suspitiones plurimum possunt 211.

T.

Testamentum si quod pater fecit ante reatum, eius damnatione irritum sit 73. & per consequens nec exhereditatio valet *ibid.*

Theophilus institutionum paraphrastes doctiss. contra ius gentium esse quod fures morte aut alia quam pecuniaria pana mulctentur, scripsit 33.

Tullius qua ratione motus, ut proscriptorum liberos, quorum causam non improbat, à Repub. sum-mouendos censeret 87.

V.

sub Valentino, & Valente, & Theodosio coniura-tiones 264.

Vasallus an constitutione de crimine lese maiestatis teneat 10.

Et distinguitur *ibid. & seq.*

Vasallus si non solum ratione domicilii sit principi, in quem deliquit, subditus, & fenda etiam ab alio habeat, an hac ob perduellionem amittat, & of-fenso Principi adiudicentur 63.

Verba, sint perpetuo egentes & pauperes non ad fi-nalem, sed ad impulsuam pertinent causam 81.

Virginem triumvirali supplicio affici inauditum o-lim erat 104.

Viro supplicio adfecto, aut in exilium eiecto vxori quo velis vagari licet 137.

Virorum illustrium nomine solum consilarii Princi-

INDEX.

| | |
|---|---------|
| <i>pūintelliguntur</i> | 21. |
| <i>Ulpianus cum Papiniano confertur</i> | 117. |
| <i>Vnicus coniurare non dicitur</i> | 124. |
| <i>Voluntas tenuiorum hominum, qui aliquando contra tyrannum coniurasse deprehenduntur magis est laudabilis quam prudentia.</i> | 196. |
| <i>Usumfructus cur publicetur</i> | 55. |
| <i>Vxor est inter creditores mariti</i> | 112. |
| <i>Vxor si auxilium marito prestitit sciens laesae maiestatis crimine</i> | 137. |
| <i>Vxor ad secundas nuptias transiens non amittit marito donata, si nulli liberi ex eo suscepti extant</i> | 122. |
| <i>Quod si extant liberi usumfructum donatorum habet, proprietate filiis seruata, vel fisco, si maritus damnatus perduellienis.</i> | 122. |
| <i>Vxores perduellium nullas poenas patiuntur</i> | 133. Et |
| <i>iam quæ ipsarum sunt recuperans omnia ac vindicant velut manu iniecta</i> | ibid. |
| <i>Vxor in donatione antenuptiali omnibus liberis praefertur</i> | 134. |

F I N I S.







